

নাগিনকন্যার কাহিনি

তারাশঙ্কর বন্দ্যোপাধ্যায়



BanglaBook.org

সামগ্রী
কম
কাঙ্ক্ষী
সামগ্রী

The Online Library of Bangla Books

BANGLA BOOK.ORG



ডি.এম. লাইব্রেরী
৪২, বনভ্যালি - ক্রীট - কলিকতা - ৬

প্রথম প্রকাশ	সেপ্টেম্বর ১৯৫১
দ্বিতীয় প্রকাশ	মে ১৯৫২
তৃতীয় সংস্করণ	জুলাই ১৯৫৭

প্রচ্ছদশিল্পী : শ্রীরঞ্জন মুখোপাধ্যায়

The Online Library of Bangla Books
BANGLA BOOK.ORG

দাম : চার টাকা

৩২নং কর্নওয়ালিশ স্ট্রীট, কলিকাতা-৬, ডি. এম. লাইব্রেরির পক্ষে শ্রীমোহনলাল বসুমদার কর্তৃক
প্রকাশিত ও এ চিন্তামণি দাস লেন, কলিকাতা-৯, শ্রীমোহন প্রেস প্রাইভেট লিমিটেড হইতে
শ্রীপ্রভাতচন্দ্র রায় কর্তৃক মুদ্রিত।

শ্রীনারায়ণ চৌধুরী

শ্রীসন্তোষ ঘোষ

শ্রীঅনিল চক্রবর্তী

স্নেহান্বিত

মা-ভাগীরথীর কূলে কূলে চরভূমিতে ঝাউবন আর ঘাসবন, তারই মধ্যে বড় বড় দেবদারু গাছ। উলুঘাস কাশশর আর সিদ্ধি গাছে গাছে চাপ বেঁধে আছে। মাহুঘের মাথার চেয়েও উঁচু। এরই মধ্যে গঙ্গার স্রোত থেকে বিচ্ছিন্ন হিজল বিল এঁকেবেঁকে নানান ধরনের আকার নিয়ে চ'লে গেছে। ক্রোশের পর ক্রোশ লম্বা হিজল বিল। বর্ষার সময় হিজল বিল বিস্তীর্ণ বিপুল গভীর, শীতে জল ক'মে আসে, গঙ্গার টানে জল নেমে যায়, সূর্যের উত্তাপে শুকিয়ে আসে, তখন হিজল বিল টুকরো-টুকরো। হিজল বিল থেকে নালার শতনরী গিয়ে মিশেছে গঙ্গার স্রোতের সঙ্গে ; আশ্বিনের পর থেকে টুকরো-টুকরো বিলগুলিকে দেখে মনে হয়, ওই হারের সঙ্গে গাঁথা কালো মানিকের ধুকধুকি। তখন হিজল বিলের জলের রঙ কাজল-কালো, নীল আকাশ জলের বুকে স্থির হয়ে আসে, ঘেন ঘুমোয়। চারিপাশের ঘাসবনে তখন ফুল ফোটে। সাদা নরম পালকের ফুলের মত কাশফুল, শরফুল—অজস্র, রাশি রাশি। দূর থেকে মনে হয়, শরতের সাদা মেঘের পুঞ্জ বুঝি হিজল বিলের কূলে নেমে এসেছে—তার সেই ঘন কালো রঙ, বর্ষায় যা ধুয়ে ধুয়ে গ'লে গ'লে ঝ'রে প'ড়ে জমা হয়ে আছে ওই হিজল বিলের জলের বুকে—তাই ফিরিয়ে নিতে এসে বিলের কূলে প্রতীক্ষমান হয়ে বসে আছে। মধ্যে মধ্যে হিজল বিলের বাতাস ভ'রে ওঠে অপক্লপ স্ফুট। পাশেই গঙ্গার বুকে নৌকা চলে অহরহ,—সেই সব নৌকায় মাঝি-মাল্লারা পুরুষাভুক্রমে জানে, কোথা থেকে আসছে এ স্ফুট। তাদের মনে কোন প্রশ্নই ওঠে না। কোন কথাও বলে না—গঙ্গা নাকে ঢুকবা মাত্র শুধু হিজল বিলের ঘাসবনের দিকে ঘেন অকারণেই বারেকের জন্তু তাকিয়ে নেয়। আরোহী না-ক-কা—১

থাকলে তারাই সবিস্ময়ে প্রশ্ন করে—কোথা থেকে এমন গন্ধ আসছে মাঝি ?
আঃ !

মাঝি আবার একবার তাকায় হিজলের ঘাসবনের দিকে, বলে—ওই হিজল
বিলের ঘাসবন থেকে বাবু। ঘাসবনের ভিতর কোথাকে বুন্দো লতায় কি বুন্দো
ঝোপে-ঝাড়ে ফুল ফুটি থাকবে।

হিজল বিলের ডাক শুধু গন্ধেরই নয়—শব্দেরও আছে।

হিজল বিলে ওঠে বিচিত্র কলকল শব্দ।

আরোহী যদি ঘুমিয়ে থাকে, তবে ওই শব্দে যায় ভেঙে সে ঘুম। সে শব্দ
যেমন উচ্চ তেমন বিচিত্র। মধ্যে মধ্যে উচ্চ শব্দকে উচ্চতমগ্রামে তুলে আকাশে
ঠিক যেন ভেরীনাদ বেজে ওঠে—কব্ব কব্ব কব্ব কব্ব কব্ব কব্ব। ভেরীর
আওয়াজের মত শব্দ ছড়িয়ে পড়ে হিজলের আকাশের দিকে দিগন্তরে। আরোহী
জেগে উঠে সবিস্ময়ে তাকায়—কি হ'ল ? কোথায়, কে বাজায় ভেরী ? সত্যিই
কি আকাশে ভেরী বাজছে ? কে বাজাচ্ছে ? মাঝি আরোহীর বিস্ময় অহুমান
ক'রে হেসে রাত্রির আকাশের দিকে তাকিয়ে বলে—পাখী বাবু—‘গগন-ভেরী’
পাখী ; হই—হই—উড়ে চলছে। ওই দেখ বিপুল আকারের পাখী তার বিশাল
পাখা মেলে ভেসে চলছে আকাশে। ভেরীর আওয়াজের মত ডাক, নাম তাই
গগন-ভেরী। গরুড়ের বংশধর ওরা। গরুড় আকাশ পথে চলেন লক্ষ্মীনারায়ণকে
পিঠে বয়ে নিয়ে। বংশধরেরা নাকি আগে চলে এই ভেরীনাদ কণ্ঠে বাজিয়ে।
মাঝিই বলবে আরোহীকে। ওরাই জানে এ দিবা সংবাদ। নীচে অল্প
পাখীরাও কলরব ক'রে ডেকে ওঠে। তারাও মুগ্ধকিত হয় দেবতার আবির্ভাবে।

বিলের বুকে হাঁসের মেলা বসেছে, কার্তিক মাস পড়তে না পড়তে।
হাজারে-হাজারে—ঝাঁকে-ঝাঁকে নানান আকারের বহু বিচিত্র বর্ণের হাঁস এসে
বাসা নিয়েছে। জলের বুকে ভাসছে, ডুবছে, উঠছে, বিলের চারি পাশের
শালুক-পানাড়ি-পদ্মবনের মধ্যে ঠুকরে ঠুকরে টাটি ভেঙে খাচ্ছে, ডুব দিয়ে শালুক-
গুগলি তুলছে, কলরব করছে, মধ্যে মধ্যে পাক দিয়ে উড়ছে, ঘুরছে, আবার ঝপ-
ঝপ ক'রে জলের বুকে ঝাঁপিয়ে ভেসে পড়ছে। বহু জাতের হাঁসের বিভিন্ন
ডাক একসঙ্গে মেশানো এক কলরব—কল-কল, কল-কল, ক্যাক-ক্যাক, ক্যাও-

ক'ও ক্যা-ও-ক্যা-ও। তার সঙ্গে ওই ঘাসবনের মত কব্-কব্-কব্-কব্
গনি।

নৌকার আরোহীরা সবিস্ময়ে আকাশের দিকে তাকায়—এই বিচিত্র সজীবতম
স্বনে দেখতে পায়, আকাশ ছেয়ে উড়ছে পাখীর ঝাঁক।

—এত পাখী!

—হিজল বিল বাবু। ওই তো ওই ঘাসবনের ঝাউবনের উপরে। ওই
দেখছেন নালাগুলি, ওই সব নালা আসছে ওই বিল থেকে।

শিকারীরা প্রলুব্ধ হয়ে ওঠে। মুন্সিফাংগা বারা, তারাও ব্যগ্রতা প্রকাশ
করে।

—শিকারে গেলে তো হয়!

—ওই ফুলের চারা পাওয়া যায় না মাঝি?

মাঝিরা শিউরে ওঠে। কপালে হাত ঠেকিয়ে প্রশ্নাম করে।

—এমন কথাটি মুখে আনবেন না হজুর। “ঘমরাজার দখিন-ছয়ার হিজলেরই
ফিল।”

খুব সত্য কথা। এক বিন্দু অতিরঞ্জিত নয়। হিজলের ঘাসবনে, জলতলে
ঝুঁতুর বসতিই বটে।

রাত্রি হ'লে সে কথা ব'লে বুঝিয়ে দিতে হয় না। ঘাসবনের কোল ঘেঁষে
জ্যোৎস্না বেয়ে রাস্তাে যখন নৌকা চলে তখন এ সত্য আপনি উপলব্ধি করে
আরোহীরা। জ্যোৎস্না-রাত্রি হয়তো; হিজল বিলের উপরে আকাশে চাঁদ,
নীচে জলের অতলে চাঁদ। সাদা ফুলে ভরা কাশবন শরবন জ্যোৎস্নায় ঝলঝল
করছে; ঝাউগাছের মাথা দেবদারুর পাতা ঝিক্-ঝিক্ করছে; বাতাসের সর্বদে
ফুলের গন্ধের সমারোহ; আকাশে প্রতিধ্বনি উঠছে রাত্রিচর হাঁসের কঁকের
কুলকুলের ডাকের বিচিত্র বিশাল একতান সজীবতম মত, এমন সময় সমস্ত
নাগলে চকিত ক'রে দিয়ে একটা ডাক উঠল—ফে-উ। মুহূর্তে শিউরে উঠল
খাকবে।

কয়েক মিনিট বিরতির পর আবার উঠল ডাক—ফেউ-ফেউ ।

আবার—ফেউ-ফেউ-ফেউ ।

এবার শুদ্ধ ঘাসবনের ঝানিকটা ঠাই শব্দে ন'ড়ে উঠল । জলে কুমীর ৮
খেলে লেজের কাপটা মারলে যেমন আলোড়ন ওঠে, জল যেমন উতলপাশ
ক'রে ওঠে, হিজলের ঘাসবনে তেমনি একটা আলোড়ন ওঠে—সঙ্গে সঙ্গে
শোনা যায়—নিম্ন ক্রুদ্ধ গর্জন—গর্-র্-র্! গ-র্-র্! ফ্যাস-ফ্যাস! গ-র্-র্
গোঁ! ওঁ!

চতুর কুটিল চিতাবাঘের বাসভূমি—এই ঘাসবন সিঁদুরি জ্বল ঝাউ এর
দেবদারুর তলদেশগুলি । রাত্রে তারা বের হয়, পিছনে বের হয় ফেউ । ফেউয়ে
ডাকে দাঁড়িয়ে উত্কণ্ঠ চিতা লেজ আছড়ে নিম্ন ক্রুদ্ধ গর্জন ক'রে শাসায়—গর্-
গ-র্-র্! কখনও কখনও এক-একটা উচু হাঁকও দিয়ে ওঠে—আঁ—ক! আঁ-
ও! সঙ্গে সঙ্গে দেয় একটা লাফ! চকিতে জ্যোৎস্নায় দেখা যায় চিত্রিত
হলুদ পিঠখানা ।

বিলের জলের ধারে কালো কিছু চঞ্চল হয়ে মুখ তুলে কান খাড়া ক'রে
সোজা হয়ে দাঁড়ায় । গজরায়—গোঁ-গোঁ-গোঁ! কখনও কখনও অবকুদ্ধ ক্রো-
অধীর হয়ে ছুটে যায় শব্দের দিক লক্ষ্য ক'রে, কখনও বা ছুটেও পালায়
বুনো শুয়োরের দল, বিলের ধারে মাটি খুঁড়ে জলজ উদ্ভিদের কন্দ খেতে খেতে
বাঘের সাড়ায় তারাও চঞ্চল হয়ে ওঠে ।

ভয় কিন্তু ওসবে নয় । চিতাবাঘ বুনো শুয়োর বন্যায়ের খোঁচায় লাঠির ঘা-
মারা যায় । এ দেশের গোয়ালারা চাষীরা জোয়ানেরা দল বেঁধে অত্যাচার
চিতাবাঘ বুনো শুয়োর খুঁজে বের ক'রে মোটে ফেলে । কিন্তু বাঘ-শুয়োরের চেয়ে
ভয়ের আরও কিছু আছে । বাঘ, শুয়োর—এরাও তাদের ভয়ে সম্ভ্রান্ত । ঘাস-
বনের মধ্যে একফালি সরু পথের উপর দিয়ে যখন ওরা চলে, তখন চোখে
দৃষ্টিতে ফুটে ওঠে অতর্কিতে সান্নাৎ মৃত্যুর আক্রমণের আশঙ্কা । সামান্য শব্দ
চকিত হয়ে থমকে দাঁড়ায়, কান পেতে শোনে, মৃদু গর্জন করে । কোথা থেকে
হয়তো কোন ঝাউগাছের ডাল থেকে বা দেবদারুর ঘন পল্লবের মধ্য থেকে
ঘন ঘাসবনের মাথার উপর বিস্তৃত লতার জাল থেকে একটা মোটা লম্ব

চাবুকের মত শিস দিয়ে আছড়ে এসে পড়বে তার গায়ে—চোখের সামনে লক-লক ক'রে ছলে উঠবে চেরা একখানা লম্বা সৰু জিভ, মুহূর্তে বিঁধে যাবে একটা অগ্ন্যস্তপ্ত স্তম্ভ স্রুচের মত কিছু ; সঙ্গে সঙ্গে মাথা থেকে পায়ের নখ পৰ্বন্ত শরীরের শিরায় স্রাব্যুতে ব'য়ে যাবে বিদ্যাতের প্রবাহের মত অল্পভূতি, পৃথিবী ছলে উঠবে, বিম-বিম ক'রে উঠবে সর্বাঙ্গ । তারপর আর ভাবতে পারে না, দ্রুত ভয়ে পিছিয়ে যায় কয়েক পা ।

হিজল বিলে মা-মনসার আটন । পদ্মাবতী হিজল বনের পদ্ম-শালুকের বনে বাসা বেঁধে আছেন । চাঁদো বেনের সাত ডিঙা মধুকের সমুদ্রের বুকে ঝড়ে ডুবিয়ে এইখানে এনে লুকিয়ে রেখেছিলেন । বৃন্দাবনের কালীদেহের কালীনাগ কালো ঠাকুরের দণ্ড মাথায় ক'রে কালীদেহ ছেড়ে এসে এখানেই বাসা বেঁধেছে । কালীনাগ বলেছিল—তুমি তো আমাকে দণ্ড দিয়ে এখান থেকে নির্বাসন দিলে ; কিন্তু আমি যাব কোথায় বল ? ঠাকুর বলেছিলেন—ভাগীরথীর তীরে হিজল বিল, সেখানে মানুষের বাস নাই, সেখানে যাও । বিশ্বাস না হয়, বর্ষার সময় গঙ্গার বন্যায় যখন হিজল বিল আর গঙ্গা এক হয়ে যায় তখন গঙ্গার বুকের উপর নোকা চ'ড়ে হিজলের চারিপাশে একবার ঘুরে এসো । দেখবে, জল—জল আর জল ; উত্তর-দক্ষিণে, পূর্ব-পশ্চিমে জল ছাড়া মাটি দেখা যায় না, জলের উপর জেগে থাকে ঝাউ আর দেবদারু মাথাগুলি । দেখো, আকাশে পাখী উড়ে চলেছে—চলেছে তো চলেইছে । পাখা ভেরে আসছে, তবু সে গাছগুলির মাথার উপর বসছে না, কখনও কখনও খুব ক্লান্ত পাখী গাছের চারিদিকে পাক দিয়ে ঘুরে হতাশকণ্ঠে যেন মরণ-কান্না কেঁদে আবার উড়ে যেতে চেষ্টা করে । কেন আন ? গাছের মাথাগুলির দিকে তাকিয়ে দেখো তীক্ষ্ণ দৃষ্টিতে । শরীর তোমার শিউরে উঠবে । হয়তো ভয়ে ঢ'লে প'ড়ে যাবে । মা-মনসার ব্রতকথায় মর্ত্যের ঐশ্বর্যে বেনে-বেটী মায়ের দক্ষিণমুখী বে মূর্তি দেখেছিল—সেই মূর্তি মনে প'ড়ে যাবে । মা বলেছিলেন বেনের ঐশ্বর্যকে—‘সব দিক পানে তাকিয়ো, শুধু দক্ষিণ দিক পানে তাকিয়ো না ।’ বেনের ঐশ্বর্যে নাগলোক থেকে মর্ত্যধামে আসবার আগে দক্ষিণ দিকের দিকে না তাকিয়ে থাকতে পারে নি । তাকিয়ে যেখেই সে ঢ'লে প'ড়ে গিয়েছিল । মা-মনসা

বিষহরির ভয়ঙ্করী মূর্তিতে দক্ষিণ দিকে মৃত্যুপুরীর অঙ্ককার তোরণের সামনে অজগরের কুণ্ডলীর পদ্মাসনে বসেছেন—পরনে তাঁর রক্তাশ্রয়, মাথায় পিঙ্গল জটাজুট, পিঙ্গল নাগেরা মাথায় জটা হয়ে ছলছে, সর্বাঙ্গে সাপের অলঙ্কার, মাথায় গোখুরা ধরেছে ফণার ছাতা, মণিবন্ধে চিত্রিতা অর্থাৎ চিত্তি সাপের বলয়, শঙ্খিনী সাপের শঙ্খ, বাহুতে মণিনাগের বাজুবন্ধ, গলায় সবুজ পান্নার কঙ্কির মত হরিত্রক অর্থাৎ লাউডগা সাপের বেটনী, বুকে ছলছে কালনাগিনীর নীল অপরাঞ্জিতার মালা, কানে ছলছে তক্ষকের কর্ণভূষা, কোমরে জড়িয়ে আছে চন্দ্রচিত্র অর্থাৎ চন্দ্রবোড়ার চন্দ্রহার, পায়ে জড়িয়ে আছে সোনালী রঙের লম্বা সৰু কাঁড় সাপ পাকে পাকে বাঁকের মত ; সাপেরা হয়েছে চামর, সেই চামরে বাতাস দিচ্ছে নাগকঙ্কারা—বিষের বাতাস। সে বাতাসে মায়ের চোখ করছে তুলুতুলু। মায়ের কাঁধে রয়েছে বিষকুন্ত, সেই কুন্ত থেকে শব্দের পান-পাত্রে বিষ ঢেলে পান করছেন, আবার সেই বিষ গলগল ক’রে উগরে ফেলে বিষকুন্তকে পরিপূর্ণ করছেন। মায়ের পিঠের কাছে মৃত্যুপুরীর তোরণে অঙ্ককার করছে থমথম।

এই রূপই যেন তুমি দেখতে পাবে গাছের দিকে তাকালে। দেখবে হয়তো গাছের সবচেয়ে উঁচু ডালটি জড়িয়ে ফণা তুলে ফুঁসছে বিশালফণা এক দুখে-গোখরো। শকুনি-গৃধিনীর আক্রমণকে প্রতিহত করবার জন্য সে অহরহ প্রস্তুত হয়ে আছে। তারপর তাকাও ডালে ডালে। দেখবে, পাকে পাকে জড়িয়ে কি যেন সব নড়ছে, ছলছে, কখনও বা মাথা তুলে ঝাঁপছে। সাপ—সব সাপ। বজায় ডুবেছে হিজলের ঘাসবন, সাপেরা উঠেছে গাছের ডালে ডালে। কত নূতন কালীনাগ—কত দেশ থেকে গঙ্গার জলে ভেসে আসতে আসতে হিজলের ঝাউডাল দেবদারুডাল জড়িয়ে ধ’রে ধীরে ধীরে উপরে উঠেছে। খুব সাবধান ! চারিপাশের জলের স্রোতে সতর্ক দৃষ্টি রেখো, হয়তো ছপ করে নৌকার কিনারা জড়িয়ে ধরবে স্রোতে-ভেসে-চলা সাপ। গাছের তলাগুলি সম্বন্ধে এড়িয়ে চলো ; হয়তো উপর থেকে ঝপ ক’রে খ’সে পড়বে—সাপ। হয়তো পড়বে তোমার মাথায়। ‘শিরে হৈলে সর্পাঘাত তাগা বাঁধবি কোথা ?’

হিজল বিলে মা-মনসার আটন পাতা আছে—অনক্ৰতি মিথ্যা নয়।

প্রাচীন কবিরাজ শিবরাম সেন হিজলের গল্প বলেন ।

সে আমলের ধ্বস্তরি-বংশে জন্ম ব'লে বিখ্যাত ধূর্জটি কবিরাজের শিষ্য শিবরাম সেন । ধূর্জটি কবিরাজকে লোকে বলত—সাক্ষাৎ ধূর্জটি অর্থাৎ শিবের মত আয়ুর্বেদ-পারদ্রম । ধূর্জটির 'সূচিকাভরণ' মৃতের দেহে উস্তাপ সঞ্চার করত । লোকে বলে—মৃত্যু যখন এসে হাত বাড়িয়েছে, তখনও যদি ধূর্জটি কবিরাজের সূচিকাভরণ প্রয়োগ করা হ'ত, তবে মৃত্যু পিছিয়ে যেত কয়েক পা, উজ্জত হাত গুটিয়ে নিত কিছুক্ষণের জন্ত বা কয়েক দিনের জন্ত । নিয়তিকে লঙ্ঘন করা যায় না, কবিরাজ কখনও সে চেষ্টা করতেন না, তবে ক্ষেত্রবিশেষে তাঁর সূচিকাভরণ প্রয়োগ ক'রে মৃত্যুকে বলতেন—তিষ্ঠ । কিছুক্ষণ অপেক্ষা কর ।

'স্বী আসছে পথে, শেষ দেখা হওয়ার জন্ত অপেক্ষা কর ।' এমনই ক্ষেত্রে প্রয়োগ করতেন সূচিকাভরণ এবং সে প্রয়োগ কখনও ব্যর্থ হয় নাই । সাপের বিষ থেকে তৈরি ওষুধ 'সূচিকাভরণ'—সূচের ডগায় যতটুকু ওঠে সেই তার মাত্রা । মৃত্যুশক্তিকে আয়ুর্বেদবিজ্ঞায় শোধান ক'রে মৃত্যুঞ্জয়ী স্বধায় পরিণত করতেন । সকল কবিরাজই চেষ্টা করে, কিন্তু তাঁর সূচিকাভরণ ছিল অভূত । তিনি সাপ চিনতেন, সাপ দেখে তার বিষের শক্তি নির্ধারণ করতে পারতেন ।

ওই হিজলের বিলের নাগ-নাগিনীর বিষ থেকে সূচিকাভরণ তৈরি করতেন । শিবরাম সেন গল্প করেন—তখন তাঁর বয়স সত্তের আঠারো, দেশে তর্কপঞ্চাননের টোলে ব্যাকরণ শেষ ক'রে আয়ুর্বেদ শিক্ষার জন্ত ধূর্জটি কবিরাজের পদপ্রান্তে গিয়ে বসেছেন । হঠাৎ একদিন আচার্য্য বললেন—হিজলে যাবেন । সূচিকাভরণের আধারটি হাত থেকে প'ড়ে ভেঙে গেছে । নোকায় যাত্রা । সঙ্গে শিবরামের যাবার ভাগ্য হয়েছিল ।

হিজলের ধারে এসে গঙ্গার বালুচরে নোকা বাঁধা হ'ল । গঙ্গার পশ্চিম তীরে সুবিস্তীর্ণ সমতল প্রান্তর ; সবুজ এক বুক উঁচু ঘাস ; যতদূর দৃষ্টি যায় চলে গেছে । ঘাসের বনের মধ্যে দেবদারু আর বুনো ঝাউয়ের গাছ । শিবরামই বলেন—ঘাসবনের ভিতর দিয়ে অসংখ্য নালা খাল গঙ্গায় এসে পড়েছে । ঘন সবুজ ঘাসবন । বাতাসে ঢেউ ব'য়ে যাচ্ছে সবুজ ঘাসের উপর ; সবু-সবু শব্দ উঠছে, যেন কোন অভিনব বাস্তব বাজছে । ঝাউয়ের শব্দ উঠছে সন্-সন্-সন্-সন্ ।

আকাশে উড়ছে হাঁসের ঝাঁক । জনমানবের চিহ্ন নাই । হঠাৎ মাঝি বললে—
খালের পালিতে কি একটা ভেস্তা আসছে কৰ্তা ।

আচার্য কোতূহল প্রকাশ করেন নাই । তরুণ শিবরাম কোতূহলবশে নৌকার
উপর উঠে দাঁড়িয়ে ছিল । বিস্মিত হয়েছিল—একটা বাচ্চা চিতাবাঘের শব
দেখে ; শবটা ভেসে আসছে তার উপরে কাক উড়ে সঙ্গে সঙ্গে চলেছে ; মধ্যে
মধ্যে উপরে বসছেও, কিন্তু আশ্চর্য, খাচ্ছে না ।

আচার্য বলেছিলেন—বিষ । সর্পবিষে মৃত্যু হয়েছে । ওর মাংস বিষাক্ত
হয়ে গিয়েছে । খাবে না । হিজলের ঘাসবনে বাঘ মরে সাপের বিষেই বেশি ।

হঠাৎ পাখীগুলির আনন্দ-কলরব ছাপিয়ে কোন একটা পাখীর আঁত চাঁৎকার
উঠেছিল । সে চাঁৎকার আর থামে না । যেন তিলে তিলে তাকে কেউ
হত্যা করছে । এর অর্থ শিবরামকে ব'লে দিতে হয় নি । তিনি বুঝেছিলেন
—পাখীকে সাপে ধরেছে ।

শিবরাম এবং আরও দুজন ছাত্র চড়ার উপরে নেমেছিল । আচার্য
বলেছিলেন—সাবধান ! সতর্ক দৃষ্টি রেখে চলাফেরা ক'রো । জনশ্রুতি, হিজলের
বিলে আছে বিষহরির আটন ।

খাওয়া-দাওয়ার পর নৌকা ঢুকল একটা খালের মধ্যে । জুধারে ঘাসবন
হুলছে, মাহুঘের চেয়েও উঁচু ঘন জমাট ঘাসবন ।

শিবরাম বলেন—সর্বশ্রেষ্ঠ বিষয় যেন ওই ঘাসবনের মধ্যে লুকিয়ে ছিল ।
পাশের ঘাসবন থেকে ছপ ক'রে একটা মোটা দড়ি আহুড়ে পড়ল । একটা
সাপ । কালো—একেবারে অমাবস্তা-রাত্রির মত কালো তার গায়ের
রঙ, স্নেকেশী স্নন্দরীর তৈলাক্ত বেগীর মত স্তম্ভিত দীর্ঘ আর তেমনি তার কালো
রঙের ছটা । জলে প'ড়ে একখানি তীরের মত গতিতে, সে জল কেটে ছুটল
ওপারের দিকে । মাঝখানে জলে মুখ ডুবিয়ে দিলে, তার নিশ্বাসে জলের ধারা
উঠল ফোয়ারার মত । নৌকা তখন থেমে গিয়েছে । বিহ্বল হয়ে শিবরাম
দেখছেন ওদিকে পিছনের ঘাসবনে আলোড়ন প্রবল হয়ে উঠছে । তীরবেগে
বৃহৎ সাপের চেয়েও ভয়ঙ্কর কিছু যেন ঘাসবন কেটে এগিয়ে আসছে । এল,
শিবরাম অবাক হয়ে গেলেন—এ তো ভয়ঙ্কর নয় ! ঘাসবন থেকে বেরিয়ে এল

একটি মেয়ে। ওই কালো সাপের মতই গায়ের রঙ। খাটো মোটা কাপড়ে গাছকোমর বেঁধেছে। ভাল ক'রে দেখবার সময় হ'ল না। সাপের পিছনে মেয়েটাও ঝপ ক'রে ঝাঁপ দিয়ে পড়ল খালের জলে। তবে নাকে এল একটা বিচিত্র তীব্র গন্ধ, আর কানে এল কঠিন আক্রোশ-ভরা তীক্ষ্ণ কণ্ঠের কয়টা কথা, তার ভাষা বিচিত্র, উচ্চারণের ভঙ্গি বিচিত্র, কিন্তু সব চেয়ে বিস্ময়কর বাক্যগুলির ভাবার্থ। বললে—পালাবি? পলায়ে বাঁচবি? মুই তুর যম, মোর হাত থেক্যা পলায়ে বাঁচবি?

বললে ওই সাপটাকে। জলে ঝাঁপিয়ে প'ড়ে সেও চলল সাঁতার কেটে। সাপের যম? সাপকে চলেছে তাড়া ক'রে? কে এ মেয়ে?

নালাগুলি অদ্ভুত আঁকাবাঁকা। একটা বাকের মুখে সে অদৃশ্য হয়ে গেল। এবার আচার্য এসে দাঁড়ালেন নৌকার ছইয়ের বাইরে। মুখে তাঁর প্রসন্ন সস্নেহ হাস্যরেখা। বললেন—চল বাবা মাঝি, চল। যাত্রা ভাল। হিজলে ঢুকতেই দেবাদিদেবের দয়া হয়েছে। ধরা পড়ল একটি কালো সাপ। খাটি কালজাতের।

নৌকার গতি সঞ্চারিত হতে হতে অদূরবর্তী বাকের মাথায় ঘাসবন থেকে সেই তীক্ষ্ণ কণ্ঠস্বর ভেসে এল, এবার কণ্ঠস্বরের মধ্যে বিজয়-হাস্যের ভঙ্গির স্বর স্পষ্ট হয়ে উঠেছে। শাসনের সঙ্গে সমাদর।—ইবার? ইবারে কি হয়? দিব? দিব কষাটা নিঙুড়ে? এর পরই বেজে উঠল হাসি। কালো সাপটার আঁকা বাঁকা তীব্র গতিতে যেমন অসংখ্য তরঙ্গ রেখায় খালের জল চঞ্চল তরঙ্গায়িত হয়ে উঠছিল ঠিক তেমনি চঞ্চল হয়ে উঠল হিজল বিলের বায়ুস্তর—খিলখিল হাসির সঙ্গে মেয়েটি কোন কৌতুকে হেসে ঘন ভেঙে পড়ছে। হাসির শেষে তার কথা শোনা গেল—ইরে বাবা রে, ইরে বানাস্ রে! মুই কুথাকে যাব রে! গোসা করিছে গো, মোর কালনাগিনীর গোসা হলুছে গো! ইরে বাবা রে, ফুঁসানি দেখ গো! আবার সেই খিল-খিল হাসি। তরঙ্গায়িত বায়ুস্তর মাহুষের বুকে ছল ছল করে ঢেউয়ের মত এসে এলিয়ে পড়ছে।

নৌকাখানা বাক ঘুরেছে তখন।

বাকের মাথায় জলের কিনারায় ঘাসের বনে দাঁড়িয়ে সেই মেয়ে, তার হাতের মৃঠোয় ধরা সেই কালো সাপটার মুখ ছোট ছেলের চোয়াল ধরে কথা বলার মত

ভজিতে। সাপটার মুখ নিজের মুখের সামনে ধ'রে সে তার সঙ্গে কথা বলছে। সাপটার জিভ লকলক ক'রে বেরুচ্ছে ; কিন্তু নিমেষহীন তার চোখ দুটি মেলে তাকিয়ে রয়েছে একান্ত অসহায়ের মত। সারা দেহটা শূণ্ণে ঝুলছে, এঁকে বেকে পাক খাচ্ছে। মধ্যে মধ্যে মেয়েটার হাতে পাক দিয়ে জড়িয়ে ধরবার চেষ্টা করছে। জড়িয়ে ধরতে পারলে নিজের নিশ্বাস রুদ্ধ ক'রে সর্বশক্তি প্রয়োগে নিষ্ঠুর পাকে জড়িয়ে পিষে মেয়েটির নিটোল কালো নরম হাতখানির ভিতরের মাংস মেদ আয়ু শিরা ছিন্ন ভিন্ন ক'রে দেবে ; হাতের শিরা উপশিরাগুলি নিরুদ্ধ-গতি রক্তের চাপে ফেটে যাবে। কিন্তু সে চেষ্টা তার ব্যর্থ। ওই নরম হাতের মুঠিখানি লোহার সাঁড়াশির মত শক্ত ; আর তেমনি কি বিচিত্র কৌশল তার হাতের, সাপটার সঙ্গে সমানে এঁকে বেকে পাল্লা দিয়ে চলেছে। বিদ্যুৎক্ৰিপ্র আকাবাকা গতিতে সারা দীর্ঘ দেহখানা সঞ্চালিত ক'রে সাপটা যখনই বেদেনীর হাতখানাকে জড়িয়ে ধরবার চেষ্টা করছে তখনই বেদের মেয়ের হাতে একটা ক্রিপ্রতর সঞ্চালন খেলে যাচ্ছে, তারই একটা ঝাঁকি এসে সাপটার সকল চেষ্টা ধাক্কা দিয়ে প্রতিহত করে দিচ্ছে। মুহূর্তে তার দেহ শিথিল হয়ে যাচ্ছে।

শিবরাম কবিরাজ বলেন—এ যেন বাবা নাক্সা, মানে—খোলা তলোয়ারধারী আর খাপে-ভরা তলোয়ারধারীর তলোয়ার খেলা। একবার তখন আমি, বাবা, মুশিদাবাদের গ্রামে কবিরাজি করি, বড় জমিদার ছিলেন সিংহ মশায়রা, তাঁরাই আমাকে নিয়ে গিয়েছিলেন আমার গুরুর কুপারিশে। তাঁদের গৃহচিকিৎসক হিসাবে থাকি, গ্রামেও চিকিৎসাদি করি। সেই সময় একদিন রাত্রে ডাকাত পড়ল তাঁদের বাড়িতে। দেউড়িতে বাইরে দুজন তলোয়ারধারী দারোয়ান, তারা জেগেই ছিল, খাপে তলোয়ার ঝুলছে—দুজনে কথাবার্তা বলছে। হঠাৎ তাদের সামনে একটা আ-বা-বা-আবা-বা-বা হুকার উঠল। আমি দেউড়ির সামনের রাস্তাটার ওপারে আমার ঘরে, তখনও চরকের পাতা ওঁটাচ্ছি। চমকে উঠলাম, সঙ্গে সঙ্গে দপদপ ক'রে মশাল জ্বলে উঠল। মনে হ'ল, যেন ওরা মাটি থেকে গজিয়ে উঠল। মশালের আলোয় দেখলাম বাবা, দারোয়ান

দুজন সামনে দুজন খোলা তলোয়ার উচিয়ে দাঁড়িয়ে আছে। দারোয়ানেরা খাপে-পোরা তলোয়ারের মুঠিতে হাত দিয়েছে; কিন্তু যেই টানে, অমনি ডাকাতদের খোলা তলোয়ার হুলে উঠে। দারোয়ানদের হাত অবশ হয়ে যায়, খাপের তলোয়ার আবার মুঠি পর্যন্ত খাপে ঢুকে যায়—তলোয়ারখানাও যেন অবশ হয়ে গেছে। ডাকাতেরা খিল্‌খিল ক'রে হাসে। বলে—থাক, যেমন আছে তেমনি থাক; মরতে না চাস তো চাবি দে দেউড়ির। একজন দারোয়ান একটা ফাঁক পেয়েছিল। 'সড়াৎ' করে একটা শব্দ হ'ল—সে বের করেছে তলোয়ারখানা; কিন্তু তোলবার আর সময় পেলে না, ডাকাতের খোলা তলোয়ার মশালের আলোয় ঝলকে উঠল। বনাত শব্দে আছড়ে পড়ল দারোয়ানের-বের করা তলোয়ারখানার ওপর, সঙ্গে সঙ্গে তলোয়ারখানা হাতের থেকে খ'সে প'ড়ে গেল। ডাকাতটা বললে—হাত নিলাম না তোর ঝুটি যাবে ব'লে, নিলে মাথা নোবো। দে, চাবি দে। সাপটার সঙ্গে বেদের মেয়েটার প্যাঁচের খেলাটা ঠিক তেমনি। সেদিন, যানে—ওই ডাকাতির রাত্রে আমার, বাবা, মনে পড়েছিল ওই ছবিটা। তাই বেদের মেয়েটার সেদিনের ছবি মনে পড়লে ওই খোলা তলোয়ার আর খাপে-পোরা তলোয়ারের খেলাটা মনে প'ড়ে যায়।

সাপটা হার মেনে শিথিল দেহে এলিয়ে পড়ছে দেখে মেয়েটার সে কি খিল্‌খিল হাসি!

হিজল বিলের ঘাসবনের উপর বাতাস বাধাবন্ধহীন খেলায় একটানা ব'য়ে যাচ্ছিল—তাতে খিল্‌খিল হাসির কাঁপন ব'য়ে গেল, যেন কোন তপস্বিনী রাজকন্য়ার এলোচূলে ঘাছ-পুকুরের জলের ছিট্টে লেগে দীর্ঘ রক্ষ নরম চুলের রাশি কৌকড়া হয়ে গিয়ে ফুলে ফেঁপে হুলে উঠল।

ধূঁকটি কবিরাজ নোকার মাথায় দাঁড়িয়ে ব'লে উঠলেন—আরে বেটা, তুই! শবলা মায়ী! যাত্রা ভাল আমার, একেবারে মা-বিষহরির কন্ঠের সঙ্গে দেখা!

মেয়েটিও মুখ তুলে সুপ্রসন্ন বিশ্বয়ে ঝলকে উঠল, সেও ব'লে উঠল—ই বাবা! ই বাবা গো! ধনন্তরি বাবা! আপুনি হেথা কোথেকে গো! ইরে বাবা!

শিবরাম অবাক হয়ে দেখছিলেন মেয়েটিকে। চিনতে দেরি হয় নাই, এ মেয়ে সাপুড়েদের মেয়ে, বেদেনী। কিন্তু এ বেদেনী আগের-দেখা সব বেদেনী থেকে আলাদা। সাল-বেদে, মাঝি-বেদে—এরা তাঁর দেশের মানুষ। এ বেদেনীর জ্ঞাত আলাদা। চেহারাতে আলাদা, কথায় আলাদা, সাজে পোশাকে আলাদা—এমন বেদের মেয়ে নতুন দেখলেন শিবরাম তাঁর জীবনে। বেদেরা কালোই হয়, কিন্তু এমন মশ্ণ উজ্জল কালো রঙ কখনও দেখেন নাই শিবরাম। তেমনি কি ধারালো গড়ন! মেয়েটির বয়স অবশ্য অল্প, কিন্তু বেশি বয়স হ'লেও একে দূর থেকে মনে হয় কিশোরী মেয়ে। ছিপছিপে পাতলা গড়ন, দীর্ঘাঙ্গী মাথায় একরাশি চুল—কুথু কালো করকরে কৌকড়া চুল, খুলে দিলে পিঠের আধখানা ঢেকে চামরের মত কাঁপা হয়ে বাতাসে দোলে, কৌকড়া চুল টেনে সোজা করলে এসে পড়ে জাহুর উপর। কালো রঙের মধ্যে চিক্চিক করছে তিন অঙ্গে চার ফালি তুলির রেখায় টানা সাদা রেখা। কালো চুলের ঠিক মাঝখানে পৈতের স্রুতোর মত লম্বা সিঁথিটি, ধারালো নাকটির দুপাশে নরুন দিয়ে-চেরা সুরু অথচ লম্বা টানা পদ্মের একেবারে ভিতরের পাপড়ির মত দুটি চোখের সাদা ক্ষেত, আর ঠোঁটের ফাঁকে ছোট সাদা দাঁতের সাদি। পরনে লালরঙে ছোপানো তাঁতে বোনা খাটো মোটা রাঙা শাড়ি, গল্গায় পদ্মবীজের মালা, তার সঙ্গে লাল স্রুতো দিয়ে ঝুলছে মাহুলি পাথর আরও অনেক কিছু; হাতের মণিবন্ধ খালি, উপর-হাতে লাল স্রুতোর তাগ টান ক'রে বাঁধা, নরম কালো হাতের বাইরে যেন কেটে ব'সে গেছে। অস্তিত্ব মাহুলি পাথর জড়িবুটি। গাছ-কোমর বাঁধা পরনের ভিজে কাপড় হিলহিলে দেহখানির সঙ্গে সঁটে লেগে রয়েছে; মেয়েটি দাঁড়িয়ে আছে, যেন বাতাসে প্রতিমার মত ভুলছে। নৌকাখানা আর একটু এগিয়ে যেতেই নাকে একটা তীব্র গন্ধ ঢুকল এসে শিবরামের। মেয়েটি যখন ঘাসবন ঠেলে সাপটার পিছনে বেরিয়ে এসে জলে ঝাঁপ দিয়ে পড়েছিল, তখন ঠিক মুহূর্তের জন্য এই গন্ধ নাকে এসে পৌঁছেছিল। শিবরাম বুঝলেন, এ গন্ধ ওর গায়ের গন্ধ। শরীরটা যেন পাক দিয়ে উঠল। যারা বস্ত্র, যারা পোড়া মাংস খায়, তেল মাখে না, তাদের গায়ে একটু গন্ধ থাকে। মাল মাঝি বেদেরের গায়েও গন্ধ আছে, কিন্তু তাতে এই তীব্রতা নাই। এ যেন বাঁজ!

অবাক হয়ে চেয়ে দেখছিলেন শিবরাম। বেদের মেয়ে, কিন্তু এমন বেদের মেয়ে তিনি দেখেন নাই।

—হি—, কণ্ঠে রইলিস্ গঃ! হি—গঃ—

একটা করকরে কক্ষ মোটা গলার ডাক ভেসে এল। ওই মাহুষের চেয়ে উচু ঘাসবনের থেকে কেউ ডাকছে।

মেয়েটা জান হাতে ধ'রে ছিল সাপটা। ঝাঁ হাতের ছোট তালুখানি মুখের পাশে ধ'রে গঙ্গার খোলা দিকটা আড়াল ক'রে প্রদীপ্ত হয়ে সাড়া দিয়ে উঠল—হি—গঃ! হেথাকে—গঃ! হাঙরমুখীর প্যাটের বাকৈ গঃ! হুত্টি এস গঃ! দেখা যাও, দেখা যাও, পা চালায়ে এস গঃ!

কণ্ঠস্থেরে উল্লাস উজ্জ্বলিত হয়ে উপছে উপছে পড়ছে যেন। ব্যগ্র দৃষ্টিতে ঘাসবনের দিকে চেয়ে কোতুকহাস্তে বিকশিত মুখে সে বললে—বুড়া অবাক হয়! বাবে গ বাবা! কোতুকে চোখ যেন নাচছে চঞ্চল পাখীর মত।

স্মিতহাস্ত ফুটে উঠল ধূজাটি কবিরাজের মুখে। তিনিও দৃষ্টি ফেরালেন ঘাসবনের দিকে। ঘাসবন চঞ্চল হয়ে উঠেছে, দুলছে; দু পাশে হেলে ছুয়ে পড়েছে ঘাসবন—সবল দ্রুতগতিতে চ'লে আসছে কেউ বুনো দাঁড়াতীর মত। সন্মিতবিশ্বয়ে প্রতীক্ষা করছিলেন শিবরাম। কয়েক মুহূর্ত পরেই দেখা গেল মাহুষটার মাথা, পাকা দাড়ি গৌফ ও ঝাঁকড়া চুলে ভরা মাহুষের মুখ, রঙ ঘন কালো, চোখে বস্ত্র দৃষ্টি। হঠাৎ থমকে দাঁড়াল সে, চোখের বস্ত্র দৃষ্টি বিশ্বয়ে বিচিত্র হয়ে উঠল; সন্মিতবিশ্বয়ে পুলকিত কর্ণে সেও ব'লে উঠল—ধবন্তরি বাবা! সে যেন বিশ্বাস করতে পারছে না।

কবিরাজ বললেন—ভাল আছ মহাদেব! ছেলেপুলে পাড়া ঘর তোমার সব ভাল?

তার কথা শেষ হতে না হতে ঘাসবন থেকে বেরিয়ে এসে দাঁড়াল সেই মহাদেব। কোমর থেকে হাঁটু পর্যন্ত গামছার মত একফালি মোটা একটা কাপড়ের আবরণ শুধু, নইলে নয়দেহ এক বস্ত্র বর্বর। গলায় হাতে তাবিজ জড়িবিটি কালো সূতোয় বাঁধা, আর গলায় দুলছে একগাছি কজ্জাকের মালা। তারও গায়ে ওই উৎকট তীব্র গন্ধ। বৃদ্ধ, তবু লোকটা খাড়া লোজা।

দেহানা যেন শ্রাওলা-ধরা অতি প্রাচীন একটা পাথরের দেওয়াল, কালচে সবুজ শ্রাওলায় ছেয়ে গিয়েছে, কতকালের শ্রাওলার স্তরের উপরে শ্রাওলার স্তর, কিন্তু এখনও শক্ত অটুট রয়েছে। নির্বাকবিশ্বয়ে চেয়ে রইলেন তরুণ শিবরাম। হাঁ, এই বাপের ওই বেটাই বটে।

বেদে কিন্তু সাধারণ মাল বা মাঝি বেদে নয়। সীতালীর বিষ-বেদে। সীতালী ওদের গ্রামের নাম। ওই হিজল বিলের ধারে ভাগীরথীর চরভূমির ঘাসবন ঝাউবন দেবদারু গাছের সারির আড়ালে ওই হাওরযুখী নালার ঘাট থেকে চ'লে গেছে একফালি সুরু পথ, দু দিকে ঘাসবন, মাঝখানে পায়ে-পায়ে-রচা পথ এঁকেবঁকে চ'লে গিয়েছে ওই বিষ-বেদেদের সীতালী গ্রামের মাঝখানে বিষহরি মায়ের 'থান' অর্থাৎ স্থান পর্যন্ত। গ্রামের মাঝখানে ওই দেবস্থানটিকে ঘিরে চারি পাশে বিচিত্র বসতি। দেবস্থানের চারিদিকে দেবদারুডালের খুঁটো পুঁতে মাচা বেঁধে তারই উপর ঘর। মাচাটির চারি পাশে ঝাউডালের বেড়া বেঁধে গায়ে পাতলা মাটির প্রলেপ দিয়ে তৈরী করে দেওয়াল তার উপর ওই ঘাসবনের ঘাসে ছাওয়া চাল, এই ওদের ঘর। প্রতি বৎসরই ঝড়ে উড়ে যায়, বর্ষায় গ'লে প'ড়ে, শুধু নিচের শক্ত মাচাটি টিকে থাকে। গুল্মায় বগ্গা আসে, ঘাসবন ডুবে যায়, হিজল বিল আর গুল্মায় এক হয়ে যায়, সীতালী গাঁ জলে ডোবে, মাচাগুলি জেগে থাকে,—বড় বগ্গা হ'লে জল ডোবে। তখন গেলে দেখতে পাবে, ঝাউগাছের ভেলার উপর, ছোট ছোট নৌকার উপর বিষ-বেদেরা সেই অঁথে বগ্গার মধ্যে ভাসছে। বগ্গার প্রান্তে নেমে যায়, মাটি জাঁগে, ভিজ়ে পলির আন্তরণ প'ড়ে যায়, বিষ-বেদেরা নৌকা এবং ভেলার উপর থেকে নেমে আসে, মাচার মেঝের পলি কাদা পরিষ্কার করে, দেওয়ালের খ'সে-পড়া কাদার আন্তরণ আবার লাগায়, ছোট ছেলেমেয়েরা কাদা ঘেঁটে মাছ ধরে, কাঁকড়া ধরে। বড়রা দেবদারু গাছে আঁকশি লাগিয়ে শুকনো কাঠ ভেঙে আনে, বিলে ফাঁদ পেতে হাঁস ধরে, গুল্মি ছুঁড়েও মেরে আনে, আবার সীতালীর ঘরে ঘরে উনানের ধোয়া ওঠে, ওদের ঘরকন্না আবার শুরু হয়ে যায়। তারপর চলে এক দফা নৌকা নিয়ে সাপ ধরার কাজ। হিজল বিলের চারি পাশে ঝাউ-দেবদারুর উঁচু ডালে, মাথায়, বগ্গায় ভেসে এসে নানান ধরনের সাপেরা আশ্রয়

নেয়, ওরা সেই সব সাপ দেখে দেখে প্রায় বেছে বেছে ধ'রে ঝাঁপি বোঝাই করে।
 ওদের তীক্ষ্ণ দৃষ্টি এড়িয়ে যেতে পারে এমন সাপ সৃষ্টিতে নাই। দেবদাক্ষ মাথায়
 যে দুধে-গোধরো ফণা তুলে আকাশের উড়ন্ত শকুন বা গাঙচিল বা বড় বড় বাজের
 ঠোট-নখকে উপেক্ষা করে, সে দুধে-গোধরো ঠিক বন্দী হয়ে এসে ঢোকে ওদের
 ঝাঁপিতে। যে ঘন সবুজ রঙের লাউডগা সাপটা গাছের পাতার সঙ্গে প্রায়
 মিশে গিয়ে সাধারণ লোকের চক্ষে পড়ে না, সেও ঠিক ওদের চক্ষে পড়বে এবং
 তাকে ধ'রে পুরবে ওদের ঝাঁপিতে। ভোরবেলা সূর্য যখন সবে পূর্বের আকাশে
 লালি ছড়িয়ে উঠি-উঠি করে, তখন ওরা নোকার উপর দাঁড়িয়ে তীক্ষ্ণ দৃষ্টিতে
 তাকিয়ে থাকে গাছের মাথার দিকে। উদয়নাগেরা এবার বেরিয়ে ফণা মেলে
 দাঁড়াবে, হুলবে, দিনের দেবতাকে প্রণাম ক'রে আবার লুকিয়ে পড়বে গাছের
 পাতার আবরণের অন্ধকারের মধ্যে। তারাও ধরা পড়বে ওদের হাতে।
 কাল কেউটের তো কথাই নাই। কালনাগিনী ওদের কাছে প্রতিশ্রুতিতে
 আবদ্ধ। তারাই ওদের ঘরের লক্ষ্মী, কালনাগিনীই ওদের অন্ন ভোগায়,
 কালনাগিনী বিষ-বেদের কন্তে। ওই কালনাগিনীর বিষ থেকেই হয়
 মহাসঞ্জীবনী—সুচিকাভরণ। সেও মা-বিষহরির বর। রাজির মৃত্ত কালো
 কালনাগিনী, স্তম্ভরী স্তকেশী মেয়ের সুচিকণ তৈলমন্ডল চুলে রচনা করা বেণীর
 গঠন আর তেমনি তার কালো রঙের দীপ্তি। কালো কেউটে অনেক জাতের
 আছে, কালোর উপর শ্বেত সরষের মত সাদা ছিট আছে যে কেউটের কালো
 গায়ে, সে কেউটে জেনো—শামুকভাঙা কেউটে। যে কেউটের গলায় তার
 গায়ের রঙের চেয়েও ঘন কালো রঙের কক্টিমাল্যের মত দুটি দাগের বেড় আছে,
 সে জেনো কালীদহের কালীনাগের ছেলের বংশের জাত। কালনাগিনী শুধু
 কালো। কালীনাগের কন্তে নাগিনী, ও বংশে কন্তে ছাড়া পুরুষ নাই।
 তার লেজ খানিকটা মোটা। বেহুলা জাঁতি দিয়ে কেটে নিয়েছিল তার লেজের
 খানিকটা। কালনাগিনীর নাগের জাত নাই। অল্প নাগের জাতের সন্তান
 প্রসব করে কালনাগিনী। তাই থেকে হয়েছে নাকি নানা জাতের কেউটের
 সৃষ্টি। মা-বিষহরির ইচ্ছায় ওদের মধ্যে দুই-চারিটি কন্তা একেবারে মাঘের জাত
 নিয়ে জন্মায়, কালনাগিনীর ধারা অব্যাহত রাখবার জন্ত। কালনাগিনী চেনে

ওই বিষবেদেরা। ওদের ভুল হয় না। ধূঁটটি কবিরাজ জানেন সে তথ্য। তাই তিনি বিষ-বেদের কাছ ছাড়া অন্য বেদের কাছে সূচিকাভরণের উপাদান সংগ্রহ করেন না। সেই কারণেই তাঁর সূচিকাভরণ সাক্ষাৎ সঞ্জীবনী।

আর ভাগীরথীর কূলে হিজল বিলের পাশে মা-মনসার আটনের পাট-অন্ধনে সীতালী গাঁয়ের চারিপাশেই কালনাগিনীর বাসভূমি। তাই তো বিষ-বেদেরা এই ঘাসবনের মধ্যে বস্তার জলে পাকাল মাটির উপরই বাস করে পরমানন্দে। বস্তায় কাদা হয়। ঘাস পচে, ভাপসা গন্ধ হয়, মশায় মাছিতে ভনভন করে চারিদিক, ঘাসবনের মধ্যে বাঘ গর্জায়, হিজল বিলের অসংখ্য নালায় কুমীর ঘুরে বেড়ায়, হাঙর আসে, কামঠ আসে, তারই মধ্যে ওরা বাস ক'রে চলেছে। এখান ছেড়ে বিষ-বেদেরা স্বর্গেও যেতে চায় না। বাপ রে বাপ, এখানকার বাস কি ছাড়া যায়! মা-বিষহরির সনদ দেওয়া জমি—এ জমির খাজনা নাই। লোকে বলে, অমুক রাজার রাজত্ব—ও-গাঁয়ের ওই জমিদারের এলাকা, কিন্তু বিষ-বেদের খাজনা আদায় নিতে আজও কোন তসিলদারের নৌকা হাঙরমুখীর নালা বেয়ে সীতালী গাঁয়ের ঘাটে এসে পৌঁছে নাই। হুকুম নাই—মা-বিষহরির হুকুম নাই। বেদেরের ‘শিরবেদে’ সমাজের সমাজপতি বুড়ো মহাদেব বলে—মা-বিষহরির হুকুম নাই। তার সনদে মোরা ধর বাঁধলাম, কোথাক এসে। চম্পাই নগরের ধারে সীতালী পাহাড়ে ছিষ্টির আদিকার থেকে বাস ছিল—শতক পুরুষের বাস—জাতে ছিলাম বিষবৈষ্ণব—সে ক্লান্ত গেলুছে, সে জাত গেলুছে, মা-লক্ষ্মী ছেড়ে গেলুছেন—তার বদলে পেয়েছি মা-বিষহরির সনদে কালনাগিনী-কন্তে, মা-গন্ধার পলি-পড়া জমি। ওপর এই লতুন সীতালী গাঁয়ে জমি, এ ছেড়ে কোথাকে যাব ?

দুই

বলে—সে এক বিচিত্র উপাখ্যান ।

জয় বিষহরি গ ! জয় বিষহরি !

চাদে। বেনে দণ্ড দিল

তোমার কুপায় তরি গ !

অ—গ !

চম্পাই নগরের ধারে

সাঁতালী পাহাড় গ !

অ—গ !

ধনুস্তরি 'মস্তে' বাধা

সীমেনা তাহার গ !

অ—গ !

'বিরিখো' ময়ুর বৈসে

'গস্তে গস্তে' নেউল গ !

অ—গ !

বিষবৈষ্ঠ বৈসে সেথায়

'বাঙলা বাউল' গ !

অ—গ !

ধনুস্তরি সাঁতালী পাহাড়ের 'সীমেনা' 'সীমেনায়' গণ্ডী কেটে দিয়েছিলেন
মন্ত্র প'ড়ে। ভূত পেরেত পিশাচ রাক্ষস ডাইন ডাকিনী বিষধর সেখানে চুকতে
পারত না। বিশেষ ক'রে পারত না বিষধর নাগ-নাগিনী, বিজু-বিছা, পোকা-

মাকড়, ভিমরুল-বোলতা, এরা দুইলে কি সীমানার মধ্যে পা দিলে, নিশ্চিত মরণ ছিল—ময়ূরে নেউলে টুকরা টুকরা ক'রে কেটে ফেলত। ধ্বস্তরির পৃথিবীর গাছপালা লতাপাতা ফুল-মূল খুঁজে সাত-সমুদ্রের তলা থেকে, স্বর্গলোকের ধ্বস্তরির বাগান থেকে পেয়েছিলেন যত ‘বিষঘনী’ অর্থাৎ বিষয় গাছ-গাছড়া—সব এনে তার বীজ ছড়িয়েছিলেন এই সাতালী পাহাড়ের মাটি-পাথরের গায়ে। ঈশের মূল থেকে বিশাল্যকরণী পর্যন্ত। তার গন্ধে সাতালী পাহাড়ের বাতাস ভারী হয়ে থাকত, সাতালী পাহাড়ের হুড়ি-পাথরের মধ্যে বিষ-পাথর থাকত ছড়িয়ে, সমুদ্রের ধারের বালির উপর ছড়ানো বিহুক শামুক শাখের মত। বিষ-পাথর বিষ শুষে নেয় মাটির জল শুষে নেওয়ার মত। সেই ‘বিষঘনী’ জড়িবিট লতাপাতার গন্ধে বিষধরেরা চেতনা হারিয়ে নেতিয়ে পড়ত শিকড়-কাটা লতার মত, বিষ-পাথরের আকর্ষণে তাদের কষ বেয়ে মুখের থলির বিষ গ'লে বেরিয়ে আসত।

ধ্বস্তরি শিষ্যদের ওপর ভার দিয়েছিলেন সাতালী পাহাড়ের। চাঁদসদাগর ধ্বস্তরির মিতা—বিষহরির বিবাদী সে—দিয়েছিল সাতালী পাহাড়ে নিষ্কর বসবাসের ছাড়পত্র। ধ্বস্তরির শিষ্য বিষবৈজ্ঞানী সমাজে আসন পেত, আদর পেত, সম্মান পেত—অচ্ছুৎ ছিল না, বিষয় লতা পৈতের মত পরতে পেত গলায়। তবু তারা ছিল বিবাগী বাউল; বিষ-চিকিৎসার মূল্য নাই—অমূল্য এ বিজ্ঞা, ধনলোভীর এ বিজ্ঞা নিষ্ফল, তারা দক্ষিণা নিষ্পন্ন, মূল্য নিত না—নিত যৎসামান্য দান।

তুরা খাস গো স্থধার মধু মোরা কইব বিষ গ !

অ—গ !

তুদের ঘরের কালসপা মোদের গলায় দিস গ !

অ—গ !

আর দিস গো ছেঁড়া বস্তুর মুষ্টি যেপ্যা চাউল গ !

অ—গ !

ওকর আজ্ঞায় বিষবৈজ্ঞ বাঙলা বাউল গ !

অ—গ !

মর্ত্যধামের অধিকারী সাতভিঙা মধুকরের মালিক চাঁদো বেনে শিবভক্ত ;
 তবু বাদ করলে শিবকণ্ঠে বিষহরির সঙ্গে । চ্যাঙমুড়ি কাণি, চ্যাঙমাছের মত
 মাথা, এক চোখ কাণা, সাপের দেবতা বিষহরি-মনসাকে কিছুতেই দেবে না
 পূজো । আরম্ভ হ'ল যুদ্ধ—দেবতার সঙ্গে মর্ত্যের অধিকারী সমাজের মাথার
 মণির বাদ । মহাজ্ঞান গেল, ধ্বস্তরি গেলেন, বিষবৈষ্ণৱা 'হায় হায়' ক'রে
 উঠল, গুরু গেল—অন্ধকার হয়ে গেল তাদের জীবন, মস্তের পাপড়ি ভেঙে গেল ।
 চাঁদো বেনের ছয় ছয় বেটা গেল । বিষবৈষ্ণৱের শিরবৈষ্ণ—তারও গেল একমাত্র
 কণ্ঠা । অপরাজিতা ফুলের কুঁড়ির মতো কালো বরণের কচি মেয়ে, নূপুর পায়ে
 দিয়ে বাপের বাণির তালে তালে নাচছিল, হঠাৎ টলতে লাগল, তারপর প'ড়ে
 গেল—মুখ দিয়ে ফেনা ভাঙল, আর উঠল না । মস্ততন্ত্র জড়িটুকি সব হয়ে গেল
 মিছে । আকাশ থেকে মা-মনসা হাঁক দিয়ে বললেন—যে বিষ তোরা বিষহরির
 অহুচর নাগ-নাগিনীর বিষ নষ্ট করতে, তাদের জীবন নিতে সঁাতালী পাহাড়ের
 চারিদিক ছেয়ে রেখেছিল—সেই বিষেই গেল তোর কণ্ঠের জীবন ।

সাপের বিষের ওষুধ ওই সব লতাপাতা, সেও যে বিষ । যে বিষে বিষক্ষয়
 করে, সে বিষও যে সাক্ষাৎ মৃত্যু ! কোন লতাতে ধরেছিল রাঙা ফল—কচি
 মেয়ে সেই টুকটুকে ফল তুলে খেয়ে তারই বিষে প্রাণ হারালে ।

তুমি পুঁতলে বিষ-বিরিক্সি ফল খাইবে কে ?

শিরবৈষ্ণ বুক চাপড়ে কঁদে উঠল । 'হায় হায়' ক'রে উঠল বৈষ্ণপাড়া ।
 বললে—

মরুক মরুক চাঁদো বেনে মুখে পড়ুক বাজ গ !

অ—গ !

এত দেবতা থাকতে হৈল মনসার সঙ্গে বাদ গ !

অ—গ !

ছয় পুত্র গিয়েছে, ধ্বস্তরি গিয়েছে, মহাজ্ঞান গিয়েছে, সাতভিঙা মধুকর
 গিয়েছে ; তবু যার জ্ঞান হয় নাই, তাকে এসব কথা বলা মিছে । আবার ঘরে
 জন্মেছে চাঁদের মত 'লখিম্বর'—গণকে বলেছে, বাসরে হবে সর্পাঘাত । তবু
 না । তবু চাঁদো বেনে ভেঙে দিলে সনকার পাতা মনসার ঘট তার হিষ্টাল

কাঠের লাঠির ঘায়ে। তবু সে লখিন্দরের বিয়ের আয়োজন করলে সায় বেনের কণ্ঠে বেহুলার সঙ্গ। সীতালী পাহাড়ে কামিলা দিয়ে তৈরি করলে লোহার গড়—তার মধ্যে লোহার বাসরঘর। সেই রাত্রে পালটে গেল বিষবৈষ্মদের ভাগ্য। সে কি রাত্রি! আকাশে মেঘ জমেছে, সেই মেঘের পুরীতে মা-বিষহরির দরবার বসেছে। অঙ্ককার থমথম করছে। সেই থমথমে অঙ্ককারের মধ্যে বিষবৈষ্মদের লাল চোখ আঙুরের টুকরোর মত জ্বলছিল। মধ্যে মধ্যে শিরবৈষ্ম তার গম্ভীর গলায় হাঁকছিল—কে? কে যায়? সীতালী পাহাড়ের গাছপালার ডালপালা সে হাঁকে তুলে উঠছিল, গাছের ডালে ডালে ময়ূরেরা উঠছিল পাখলাট মেরে, গর্তে গর্তে নেউলেরা মুখ বার ক’রে রোয়া ফুলিয়ে নরুনের মত ধারালো সাদা দাঁত বের ক’রে গর্জে উঠছিল সেই হাঁকের সঙ্গ।

মনসার নাগেরা এসে দূর থেকে দেখে থমকে কিছুক্ষণ দাঁড়িয়ে থেকে মাথা হেঁট ক’রে ফিরে যাচ্ছিল। আকাশে মেঘ ঘন থেকে ঘন হয়ে উঠছিল—বিষহরির জ্রুটি ছায়া পড়ছিল। বিহ্যৎ চমকাচ্ছিল ঘন ঘন, মায়ের চোখে ঝিলিক মেরে উঠছিল ক্রোধের ছটা।

এমন সময় সীতালীর সীমানার ধারে করুণস্বরে কে কঁদে উঠল! মেয়েকণ্ঠের কান্না! শুধু মেয়েকণ্ঠই নয়, কচি মেয়ের করুণস্বরে; হরস্তু ভয়ে সে যেন পৃথিবী আকুল ক’রে কঁদে উঠেছে!

—বাঁচাও গো! ওগো, বাঁচাও গো! আমাকে বাঁচাও গো!

সর্দার ক’লে বিমোহিত। সে চমকে উঠল। কে? কে এমন ক’রে কঁদে! কচি মেয়ে? কে রে?

—ম’রে গেলাম! মেরে ফেললে! ওগো—! শেষের দিকে মনে হ’ল, সে চীৎকারে আকাশে ঘন মেঘও যেন চিড় খেয়ে গেল, পৃথিবী কঁদে উঠল।

সর্দার হেঁকে উঠল—ভয় নাই—ভয় নাই।

হাতের চিমটে নিয়ে সে ছুটে এগিয়ে গেল। বিষবৈষ্মদের তখন অস্থ ছিল—বড় বড় লোহার চিমটে, ডগায় ছিল শূলের মত ধার, সে চিমটে দিয়ে নাগরাজকে ধরলেও তার নিস্তার ছিল না। মাথার দিকে থাকত কড়া—

চলার সঙ্গে সঙ্গে সে কড়াটা চিমটির দণ্ডের গায়ে আছড়ে প'ড়ে বাত্ম্যজের মত বাজত—ঝনাৎ ঝন্—ঝনাৎ ঝন্—ঝনাৎ !

সীতালী পাহাড়ের সীমানার ধারে ঠিক ওপারে আট-দশ বছরের ছোট একটি মেয়ে দাঁড়িয়ে ঠক্ঠক্ ক'রে কাঁপছে। শীতের শেষে উত্তর-বাতাসে অশ্বখপাতা যেমন থরথর ক'রে কাঁপে, তেমনি ভাবে কাঁপছে। আর চোখে মুখে তার সে কি ভয় !

ভয় কি সাধে ! হিজল বিলের ধারের ভাগীরথীর চরের উপর ঘাসবনের ভিতর বেদের গাঁ—সীতালী গায়ের শিরবেদে সেকালের উপাখ্যান বলতে বলতে ন'ড়ে চ'ড়ে বসে। তার দুই কাঁধের মোটা মোটা হাড়গুলো ন'ড়ে ন'ড়ে ওঠে বৃকের ভিতরের আবেগে ; চোখ ওদের ছোট—নরুন-দিয়ে-চেরা লম্বা সরু চোখও বিস্ফারিত হয়ে ওঠে। বলে—সীতালীর সীমানা বরাবর তখন উপরে নীচে যেন গর্জনের তুফান উঠেছে। গাছের উপরে ডালে ডালে ঝটাপট ঝটাপট শব্দ উঠছে, ময়ূরগুলোর পাখসাটের যেন ঝড় উঠছে, ক্যাও-ক্যাও শব্দে সব চমকে উঠছে, নীচে মাটিতে সারি বেঁধে দাঁড়িয়ে গিয়েছে রোঁয়া ফুলিয়ে নেউলেরা, ফ্যাস-ফ্যাস শব্দে রব তুলছে, উপরে ময়ূরেরা মধ্যে মধ্যে হু পায়ের নখ মেলে ঠোট লম্বা ক'রে পাক দিয়ে উড়ে ও-ডাল থেকে ও-ডালে গিয়ে বসছে, নেউলগুলোর দাঁতের সারি বেরিয়ে পড়ছে—তাতে স্করের ধার, অঙ্ককারের মধ্যেও আবছা দেখা যাচ্ছে সাদা দাঁতের সারি। আকোশ যেন ওই কচি মেয়েটার উপর। কাঁপিয়ে পড়লে টুকরো টুকরো ক'রে ফেলবে লহমায়। শুধু অপেক্ষা মেয়েটার পা বাড়ার।

শিরবেদে এসে দাঁড়াল থমকে। এ কি আশ্চর্য রূপের কন্তো ! এ কি রূপ ! ন-দশ বছরের মেয়ে ; কুচকুচে কালো গায়ের রঙ, আঁধার রাত্রিও জলের তলার মানিকের মত ঝিকমিক করছে ; হিলহিলে লম্বা ; ঝকমকে সাদা ছুটি চোখ ! তেমনি কি নরম গুঁর গড়ন, যেন কচি লতা, যেন কালো রঙের রেশমি উড়ানি, ওকে যদি কাঁধে ফেলে কেউ, কি গলায় জড়ায়, তবে লেপটে জড়িয়ে যাবে।

মেয়েটা কাঁপছিল ; সঙ্গে সঙ্গে যেন নেতিয়েও পড়ছিল, সীতালী পাহাড়ের

শিরবৈষ্ণব মনে হ'ল, শিকড়-কাটা একটি কচি শ্রাম লতা যেন নেতিয়ে পড়ছে। মেয়েটা শিরবৈষ্ণব দিকে আশ্চর্য চাউনিতে চেয়ে বললে—ও বাবা, আমাকে বাঁচাও বাবা গো—

শিরবৈষ্ণব কেঁপে উঠল। মনে প'ড়ে গেল মরা মেয়েকে। সেও এমন ক'রে শিকড়-কাটা লতার মত নেতিয়ে পড়েছিল। চোখের উপরে দেখতে দেখতে 'আম্লে' মানে স্নান হয়ে যাচ্ছে। তার কণ্ঠের স্বর ক্ষীণ হয়ে আসছে। ক্ষীণ থেকে ক্ষীণতর কণ্ঠে সে ডাকলে—বাবা গো!

আর থাকতে পারলে না শিরবৈষ্ণব। 'মা! মা গো!' ব'লে দু হাত মেলে পা বাড়ালে। সঙ্গে সঙ্গে ময়ূরগুলো মাথার উপর চীৎকার ক'রে উঠল, নেউলেরা চীৎকার ক'রে শিরবৈষ্ণব পথ আগলে দাঁড়াল। গোটা সীতালী পাহাড় যেন শিউরে উঠল। চাঁদো বেনে হিঙ্গাল কাঠের লাঠি হাতে নিয়ে ঘুরে বেড়াচ্ছিল, সে চীৎকার ক'রে উঠল—কে?

শিরবৈষ্ণব থমকে দাঁড়াল। তার হ'ল ফিরে এল।

কে? কে এ অপরূপ কালো মেয়ে! ময়ূরেরা কেন 'হায় হায়' ব'লে চীৎকার ক'রে উঠল, নেউলেরা কেন 'না না' বলে পথ আগলে দাঁড়াল! কেন শিউরে উঠল সীতালী পাহাড়ের মস্তপুত মাটি!

গাঙের কুলের ঘাসবনের সীতালী গায়ে শিরবৈষ্ণবের কাহিনী বলতে বলতে বলে—বিশ্ববৈষ্ণব তখন বিষবেদে হয় নাই ধনুস্তর বাবা। তখন তারা ছিল সিদ্ধবৈষ্ণব অধিকারী, মস্তুরের ছিল মহিম্বা, সেই মস্তুরের বলে, বৈষ্ণব বলে বুঝতে পারত জীব-জন্তু পশুপাখীর স্বাক; তখন তাদের মস্তুরের বলে গাছ উড়ত আকাশে, গাছে চ'ড়ে মস্তুর প'ড়ে বলত—চল উড়ে; মাটি-পাথর চড়চড় ক'রে ফাটিয়ে শিকড়বাকড় নিয়ে গাছ হ-হ ক'রে আকাশে উঠত। মস্তুর প'ড়ে গণ্ডী এঁকে দিলে সে গণ্ডী পার হয়ে কাকুর যাবার হুকুম ছিল না, হোক না কেন দেবতা, হোক না কেন দতি, বক্ষ বল, বক্ষ বল—কাকুর না। শিরবৈষ্ণব বুঝতে পারত ময়ূর-নেউলের বাক, সীতালীর মাটির শিউরে ওঠা। হ'ল ফিরল তার, থমকে দাঁড়াল, ভুরু কঁচকে মেয়েটার দিকে তাকিয়ে রইল, শুধালে—কে তু? আ?

মেয়েটা তখন ভুঁইয়ের উপর ব'সে পড়েছে—নেতিয়ে পড়েছে। টলছে, বিলম্বনের প্রতিমার মত টলছে। তবু সে কণ্ঠে কোনমতে বললে—তিন ভুবনে আমার ঠাই নাই, তিন ভুবনে আপন নাই; ছিল শুধু মা; সেও আমাকে দিলে তাড়িয়ে। মায়ের কাজ করতে নারলাম তাই দিলে তাড়িয়ে। তোমার নাম শুনেছি, তোমার কাছে এসেছি ঠাইয়ের জন্তে। তুমি যদি ঠাই দাও তো বাঁচি, নইলে আমাকে—

হাঁপাতে লাগল সে। হাঁপাতে হাঁপাতেই বললে—এই নেউলে আর ওই ময়ূরেরা আমাকে ছিঁড়ে ফেলবে গো! তা ছাড়া এখানকার বাতাসে কি রয়েছে—আমার দম বুঝি বন্ধ হয়ে যাবে!

শিরবৈষ্ণু এবার চিনলে। বুকে তার কণ্ঠের শোক, চোখে তার ওই কালো মেয়েটার রূপের ছটার ধাঁধা—তবু সে চিনতে পারলে। কালো মেয়ের দাঁত কি মিহি, কি ঝকঝকে, আর মুখ থেকে কি কটু বাস বেরিয়ে আসছে! বিষবৈষ্ণুর কাছে কতক্ষণ লুকানো থাকবে কালকূটের গন্ধ?

হু পা পিছিয়ে এল শিরবৈষ্ণু।

সর্বনাশী—কালনাগিনী! পালা, পালা, তুই পালা, নইলে তোমার পরাণ মাঝে আমার হাতে! ওই মোহিনী কণ্ঠমূর্তি না ধ'রে এলে এতক্ষণে তা যেত।

তখন মেয়েটা এলিয়ে প'ড়ে গিয়েছে ধুলোর উপর। অন্ধকার রাতে একছড়া কালো মানিকের হারের মত প'ড়ে আছে আকাশের বিদ্যুৎচমকের মধ্যে ঝিকমিক ক'রে উঠছে।

শিরবেদে মহাদেব কাহিনী বলতে বলতে থেমে যায় এইখানে। একটুখানি হাসি তার মুখে ফুটে ওঠে। মাথা নেড়ে অসহায়তা জানিয়ে আবার বলে—দেবতার সহায় 'নেয়ত', 'নেয়তে'র হাতে মায়া হ'ল পুতুলনাচের পুতুল বাবা। যেমন নাচায় তেমনি নাচি।

চান্দো বেনের সঙ্গে বিষহরির লড়াইয়ে নিয়তি বিষহরির সহায়; শিবের ভক্ত চাঁদ, মহাজ্ঞানের অধিকারী চাঁদ নাচলে পুতুলের মত। লখিন্দর জয়লাল বাবা, নিয়তি তার কপালে 'নেখন নিখলে'। তাকে এড়িয়ে যাবে শিরবৈষ্ণু—

সে সাধি তার কোথায় ? হয়তো সাধি হ'ত যদি থাকত গুরুবল—ধ্বস্তরি থাকতেন বেঁচে । এই ছলনায় ছলবার তরে নিয়তি আগে থেকে ছক সাজিয়ে রেখেছে । কন্তে দিয়েছিল, সেই কন্তেকে কচিকালে কেড়ে নিয়েছে, বুকের মধ্যে তেঁটা জাগিয়ে রেখেছে, তারপরেতে কালনাগিনীকে ছোট মেয়েটি সাজিয়ে এই কাল রজনীতে তার ছামনে দাঁড় করিয়েছে । তবু শিরবৈষ্ণু আপন গুরুবলে বিঘ্নেবলে তাকে চিনতে পেরে ছ পা এল পিছিয়ে । তখন, বাবা মোক্ষম ছলনা এল ।

শিরবৈষ্ণু দেখতে পেল আরও একটি মূর্তি । ছায়া মতন । ওই নেতিয়ে-পড়া কালনাগিনীর শিয়রে দাঁড়িয়ে আছে । বাবা, সে হ'ল সাক্ষাৎ নিয়তি, মহামায়ার মায়া ! একেবারে শিরবৈষ্ণুর সেই মরা কন্তে । এবারে শুধু শিরবৈষ্ণুই ভুললে না বাবা, সাক্ষাৎ নিয়তির ছলা, তাতে ভুলল সবাই, ময়ূরেরা ভুলল, নেউলেরা ভুলল, সাতালী পাহাড়ের মস্তুর-পড়া মাটি, সেও ভুলল । সবাই স্তম্ভিত হয়ে তাকিয়ে রইল সেই ছায়া মত মূর্তিটির দিকে । সেই কন্তে, শিরবৈষ্ণুর ছলালী, যে ময়ূরদের সঙ্গে নাচত, নেউলেরা যার পায়ে মাথা ঘষত, যার পায়ের মলের বম্বুঝমানিতে সাতালী পাহাড়ের মস্তুর-পড়া মাটি তালে তালে দুলে উঠত,—সেই কন্তে । অবিকল ! 'তিল-থুতে' তফাত নাই । সেই—সেই !

সে মেয়ে এবার ডাকলে—বাবা !

শিরবৈষ্ণু এবার হা-হা ক'রে কেঁদে উঠে ছ হাত মেলে দিয়ে বললে—আয়, আয় ওরে আমার হারানিধি, ওরে আমার কন্তে, আয় মা, আমার বুকে আয় ।

কন্তেমূর্তি ধ'রে নিয়তি বললে—কি ক'রে যাব বাবা ! এ যে আমার ছায়ামূর্তি ! নূতন মূর্তিতে তোমার বুকে জুড়াব ব'লে এলাম কিন্তু তুমি যে আমাকে নিলে না বাবা ।

শিরবৈষ্ণুর চোখ দিয়ে জল গড়াল, ময়ূরেরা বিলাপ ক'রে উঠল, নেউলেরা ফোঁসানি ছেড়ে ফুঁপিয়ে কেঁদে উঠল, গাছের পাতাপল্লব থেকে টপটপ ক'রে ঝরতে লাগল শিশিরের ফোঁটা ।

কন্তে-বললে—নতুন জন্মে আমি নাগকূলে জন্ম নিয়েছি বাবা ; এই তো

আমার নতুন কায়া, ওই তো প'ড়ে রয়েছে সে কায়া, সাতালীর সীমানায় কালো রক্তহারের মত। তুমি যদি বুকে নাও, তবেই এই কায়ায় থাকতে পাব, নইলে আবার মরতে হবে।

বলতে বলতে ছায়ামূর্তি যেন এলিয়ে গ'লে মিলিয়ে গেল—ওই কালো মেয়ের অচেতন দেহের মধ্যে। মানুষের ছায়া, মানুষের মায়া,—এ ছেঁড়া যায়, কাটা যায়; দেবমায়াও বুঝা যায় বাবা। নিয়তির মায়া—সে বুঝবার সাধি এক আছে শিবের, আর কারুর নাই।

শিরবৈষ্ণু ভুলল; সে পাগলের মত ছুটে গিয়ে তুলে নিলে কালনাগিনীর কন্তে-মূর্তি-ধরা দেহখানি। মনে হ'ল, বুক যেন জুড়িয়ে গেল। নাগিনীর অঙ্কের পরশ বড় শীতল যে! বিষবৈষ্ণুর দেহে তেমনি জ্বালা। বিষ খেয়ে সে বিমোয়, সারা অঙ্গে মাখে বিষহরা ওষুধের রস, গলায় হাতে তার জড়িবিটি; তেল মাখা বারণ; দেহ তার আঙনের মত তপ্ত। নাগিনীর শীতল পরশে দেহ জুড়াল, মনে হ'ল বুকও যেন জুড়িয়ে গেল। শিরবৈষ্ণু আরও জোরে বুকে জড়িয়ে ধরলে কন্তের দেহখানি। কথায় আছে—ম'রে মানুষ জ্বালা জুড়ায়। তা বাবা নাগিনীর দেহ অঙ্গে জড়ালে ভাবতে হয়—মরণ ঠাণ্ডা বেশি, না, নাগিনী শীতল বেশি?

—তারপর?

প্রশ্নের পুনরাবৃত্তি ক'রে হাসে গন্ধার চরের সাতালীর শিরবেদে, ঘাড় নাড়ে গুচ্ছ রহস্তোপলব্ধির আনন্দে নিরাসক্তের মত। বলে—তারপর, যা হবার তাই হ'ল, কন্তের মুখে চোখে দিলে ময়ূপড়া জ্বল, ওষুধের গন্ধ সহ্য করবার মত ওষুধও দিলে দুধের সঙ্গে। ময়ূরদের বললে—যা যা, চ'লে যা। হলু—খা। নেউলদের বললে—যা, তোরাও যা। ব'লে শিস মেয়ে দিলে ইশারা।

মেয়ে চোখ মেললে। বললে—তুমি আমার বাপ!

শিরবৈষ্ণু বললে—ই্যা মা, ই্যা। তার পর বললে—কিন্তু আমাকে কথা দে মা, আমাকে কখনও ছেড়ে যাবি না।

—না না না। তিন সত্যি করলে কালোকন্তে। বললে—তোমার ঘরে আমি চিরকাল থাকব—থাকব—থাকব। তোমার ঘরে কাঁপিতে থাকব

নাগিনী হয়ে, তোমাদের বংশে জন্মাব আমি কল্পে হয়ে। তুমি বাঁশি বাজিয়ে আমাকে নাচাবে—আমি নাচব।

শিরবৈষ্ণব বললে—আকাশে সাক্ষী রইল দেবতার, মর্ত্যে সাক্ষী রইল নেউলেরা, ময়ূরেরা আর এই সঁাতালীর গাছপালা। যদি চ'লে যাস তবে আমার বাণে হবে তোর মরণ।

—হ্যাঁ, তাই।

এইবার শিরবৈষ্ণব তাকে পরিচয় দিলে তার সেই মরা-মেয়ের অলঙ্কারগুলি। পায়ে দিলে মল, গলায় দিলে লাল পলার মালা, হাতে দিলে শঙ্খের কঙ্কণ, তারপর তুলে নিলে তার বাঁশি। বাঁশের বাঁশি নয়, অশ্রু বাঁশি নয়, এই তুমড়ি-বাঁশি। তার সেই মেয়ে নাচলে নাচন—হুলে হুলে পাক দিয়ে, সে নাচন বিষবৈষ্ণবের মেয়ে আর নাগকণ্ঠে ছাড়া আর কেউ জানে না। নাচতে নাচতে এসে শিরবৈষ্ণবের গলা জড়িয়ে ধ'রে হুলতে লাগল। তার নিশ্বাস পড়তে লাগল শিরবৈষ্ণবের নাকের কাছে। নাগিনীর নিশ্বাস অস্ত্রের কাছে বিষ, কিন্তু বিষবৈষ্ণবের কাছে দুঃখহরা চিন্তাহরা আসব। আমরা, বাবা, সাপের বিষ খেয়ে নেশা ক'রে যে সুখ পাই—হোক না কেন স্বর্গের কড়া মদ, সে সুখ পাই না। শিরবৈষ্ণব বুক ভ'রে নিশ্বাস টানতে লাগল। কিছুক্ষণের মধ্যেই হাতের তুমড়ি-বাঁশির স্বর এলিয়ে পড়তে লাগল চৌখ-ছটি ঢুলতে লাগল, সারা গা টলতে লাগল, পায়ের তলায় মাটি ঢুকে লাগল, শেষ খ'সে পড়ল হাতের বাঁশি।

এবার নাগিনী গান ধরলে গুনগুনিয়ে—ঘুমপাড়ানী গানের মত বিষছড়ানী গান—

বাসুকী দোলায় মাথা দোলে চরাচর রে—

তুই ঢল্ ঢলে পড়্ রে!

সমুদ্র-মহুনে দোলে ও সাত সাগর রে—

তুই ঢল্ ঢলে পড়্ রে!

অনন্ত উগারেন সুখা তাই হলহল রে—

ও তুই ঢল্ ঢলে পড়্ রে!

সে সুখা ধরেন কণ্ঠে ভোলা মহেশ্বর রে—

তুই ঢল্ ঢলে পড় রে !

ভোলার চক্ষু ঢলুঢলু অন্ধ টলমল রে—

তুই ঢল্ ঢলে পড় রে !

অনন্ত শয্যায় শুয়ে ঘুমান ঈশ্বর রে—

তুই ঢল্ ঢলে পড় রে !

বাবা, অমন ঘুমের ওষুধ আর নাই। ভোলানাথ মহেশ্বর হলেন মিত্যুজয়, মিত্যুকে জয় করলে কি ঘুম তার কাছে আসে? আসে না। মিত্যুর 'ছেঁয়া' হ'ল ঘুম। তোমার আমার অন্ধের যেমন ছেঁয়াতে তোমার আমারই আকার পেকার—মিত্যুর ছেঁয়াতেও তাই তারই ছোঁয়াচ। নিথর ক'রে দেবে, সব ভুলিয়ে দেবে। তা মিত্যুর ছেঁয়া ঘুম মিত্যুজয়ের চোখে কি পেকারে আসবে বল? আসে না। মিত্যুও নাই, ঘুমও নাই। সদাই জেগে আছেন শিব। কিন্তু ওই নিশ্বাসের নেশায় সদাই আধঘুমে ঢলুঢলু করছেন—মনে কিছুই নাই, সব আছেন ভুলে। আবার দেখ বাবা, ঈশ্বর—তিনি পাতেন অনন্ত শয্যা—কীরোদ-সাগরে। অনন্ত নাগের পিয়া। ভিন্ন ঘুম আসে না। ঈশ্বরকে ঘুম পাড়ায়, বাবা, ঐ নিশ্বাস। সেই নিশ্বাসে ঢলে পড়ে ঘুমিয়ে পড়ল শিরবৈষ্ণব। শুধু সে কেন? গোটা সীতালী পাহাড়। ময়ূরের পাখা হ'ল নিথর, নেউলের দেহ পড়ল নেতিয়ে, সীতালীর লতাপাতা ঝিম হয়ে রইল। তখন বের হ'ল সেই ছোট কামিল মেয়ে। খুলে ফেললে শিরবৈষ্ণবের দেওয়া গয়নাগুলি। নিঃশব্দে ঈঁদল এগিয়ে। নিঃশব্দে, কিন্তু তীরের মত বেগে। বাসরঘরের লোহার দেওয়ালে কামিলে রেখেছিল ছিদ্র—সেখানে গিয়ে ধরলে নিজের মূর্তি। দাঁড়াল ফণা ধ'রে, লকলক ক'রে খেলতে লাগল জিভ, নিশ্বাসে নিশ্বাসে ছিদ্র বড় হতে লাগল—কমলার গুঁড়ো খ'সে পড়ল। ছিদ্র বন্ধ ছিল কমলার গুঁড়ো দিয়ে।

—তারপর ?

—তারপর তো তোমরা সব জান গো। জানতে না শুধু বিষবৈষ্ণবের এই কথা কটি। কি ক'রে জানবে বল? ঘটল রাস্তিরের আধারে। সাক্ষী তো

কেউ ছিল না। আর বিশ্বাসই বা কে করবে বল? সকালে বেহুলার কান্না শুনে চাঁদ সদাগর ছুটে এল ডাউশ-খাওয়া হাতীর মত, এসে দেখলে—সোনার লখিন্দর নাই। কঁাদছে বেহুলা, প'ড়ে আছে নাগিনীর লেজের একটা টুকরো। তখন সর্বাগ্রে সে ছুটে এসেছিল বিষবৈজ্ঞদের পাড়ায় শিরবৈজ্ঞের আঙনেতে। তখনও সে ঘুমে অচেতন।

লাথি মারলে চাঁদ। হিষ্টালের লাঠি দিয়ে দিলে খোঁচা। শিরবৈজ্ঞ জাগতেই তাকে বললে—তুই নেমকহারাম। তুই বিশ্বাসঘাতী। তুই পানী। তুই সাহায্য না করলে, তুই পথ না দিলে পথ পায় কি ক'রে নাগিনী?

শিরবৈজ্ঞ স্থিরদৃষ্টিতে চেয়ে রইল বণিক মহাশয়ের মুখের দিকে। শুধু একবার দেখে নিলে চারিপাশ। কোথায় কালো মেয়ে? কেউ কোথাও নাই, শুধু কখানা অলঙ্কার প'ড়ে রয়েছে চারিদিকে ছড়িয়ে।

মায়া! ছলনা! নিয়তি!

মাথা হেঁট করলে সে দণ্ড নেবার জন্তে।

চাঁদো বেনে শাপাস্ত করলে।

—বাক্য দিয়ে বাক্ লজ্জন করেছিস, বিশ্বাস করেছিলাম সে বিশ্বাসকে হনন করেছিস। তুই, তোর জাত, বাক্যহস্তা, বিশ্বাসহস্তা। তুই বাক্ দিয়ে বাক্ রাখে না, তার জাত থাকে না। বিশ্বাস করলে যে বিশ্বাসকে হনন করে তার দণ্ড নির্বাসন। সাতালী পাহাড়ে যে নিষ্কর সনদ দিয়েছিলাম সে হ'ল বাতিল; এই পাহাড় থেকে—এই সমাজ থেকে—এই দেশ থেকে তোদের ঠাই আমি কেড়ে নিলাম। শিবের আজ্ঞায় রাজা নিলেন কেড়ে। তোদের বাস গেল, জাত গেল, মান গেল, লক্ষ্মী গেল। শিবের আজ্ঞা, আমার শাপাস্ত। তোদের কেউ ছোঁবে না, ছোঁওয়া জিনিস নেবে না, বসতির মধ্যে ঠাই দেবে না।

চ'লে গেল সদাগর। সাত পুত্রের শোক বৃকে নিয়ে সে তখন পাথর; তার সে মূর্তির সামনে দাঁড়িয়ে শিরবৈজ্ঞের সাহস হ'ল না যে বলে—সদাগর, তোমার সাতটি গিয়ে বুক যেমন খালি হয়েছে, আমার একটি গিয়েই তেমনি বুক খালি হয়েছে। বিশ্বাস যদি না কর তো তোমার বৃকে হাত দিয়ে আমার বুক

হাত দাও,—তাপ সমান কি না দেখ। কিন্তু সে বাক্যহীন হয়ে দাঁড়িয়ে
রইল।

ওদিকে তখন চম্পাই নগরে হাষ-হাষ উঠেছে। দুয়ারে দুয়ারে লোক
জমেছে, নদীর ঘাটে কলার মাঙ্কাস বাঁধা হচ্ছে ; লখিন্দরের দেহ নিয়ে
বেহুলা জলে ভাসবেন ; মরা লখিন্দরের প্রাণ ফিরে পেলে তবেই ফিরবেন,
নইলে এই ভাসা মরণলোকে ভাসা।

“জলে ভেসে যায় রে সোনার কমলা।”

হায় গ ! হায় গ !

কঠিন নাগিনী তোর দয়া হ’ল না !

হায় গ ! হায় গ !

বিষবৈদ্যের জ্ঞাতি ছিল, কুল ছিল, মান ছিল, খাতির ছিল ; কিন্তু লক্ষ্মী
ছিল না। চিরটা দিন বাতুলা বাউল, ওষুধের মূল্য নাই, মন্ত্রগুণের দাঁকণা
নাই। ভগবানের ‘ছিষ্ট আর গুরু দান’—এ বিক্রি ক’রে কি মূল্য নিতে
আছে ? না, এ দুয়ের মূল্য সোনায়ে রূপায় হতে পারে ? নিয়ম হ’ল—
‘বিষে জীবন যায়’ এ সংবাদ যদি কাকের মুখে পাও তো কাককে কোথাবে—
কোথায়, কার ? তারপরে ঘরের চিঁড়ামুড়ি খুঁটে বেঁধে তৎক্ষণাৎ যাত্রা
করবে সেই দিকে। ‘পরান ফিরায়ে দিয়ে ফিরে আসিবে ঘর।’ খালি
হাতে যাত্রা, খালি হাতে ফেরা। তাদের ঘরে লক্ষ্মী হবে কোথা থেকে
বল ? চিরদিনই তারা গরীব। শুধু ছিল জ্ঞাতি, কুল, মান—তাও গেল
সমাজের শিরোমণি লক্ষ্মীখর চাঁদোবেনের শাপে। ব্রহ্মার সৃষ্টির প্রথম থেকে
সীতালী পাহাড়ে বসতের ‘শাসন-পত্র’, তাও হয়ে গেল দেবচক্রে নিয়তির
ছলনায় বাতিল। বিষবৈদ্যদের রূপ ছিল সাধুসন্ন্যাসীর মত, তাদের অঙ্গের
জড়ি-বুটি ওষুধের গন্ধ বিষধরের কাছে অসহ, কিন্তু মানুষের কাছে সে গন্ধ
দিব্য-গন্ধ ব’লে মনে হ’ত। তাদের সে রূপে পড়ল কালি, দিব্য-গন্ধ
হয়ে উঠল দুর্গন্ধ চাঁদোরাজ্যের শাপে। লক্ষ্মায় মাথা হেঁট ক’রে সীতালী
ছেড়ে, জড়ি-বুটির বোঝা সাপের কাঁপি আর মাটির ভাঁড় সঞ্চল ক’রে বেরিয়ে
পড়ল তারা। সীতালীর সীমানা পার হয়ে—যেখানে শিরবৈদ্য প্রথম

দেখেছিল সেই মায়াবিনী কালো-কণ্ঠে-মূর্তি-ধরা কালনাগিনীকে, সেইখানে এসে থমকে দাঁড়াল শিরবৈষ্ণু ; মনে পড়ল সব। সে আক্ষেপ ক'রে চীৎকার ক'রে উঠল—আঃ, মায়াবিনী রে ! তোর ছলাতে সব হারালাম, তোকেও হারালাম ? বাক্ দিয়ে বাক্ভঙ্গ করলি সর্বনাশী !

কাঁধের বাক্ খুলানো কাঁপি থেকে শিস দিয়ে কে যেন ব'লে উঠল—
না বাবা, না। আমি আছি—তোমার সঙ্গেই আছি।

কাঁপি খুলতেই মাথা তুলে হুলে উঠল কালোমানিকের হারের মত বলমলানো ছটা নিয়ে কালনাগিনী কালো কণ্ঠে। ছপাৎ ক'রে ছোবল দেওয়ার মত কাঁপিয়ে পড়ল শিরবৈষ্ণুর বুকের দিকে। শিরবৈষ্ণু তাকে জড়িয়ে নিলে গলায়। নাগিনী মাথা তুলে হুলতে লাগল শিরবৈষ্ণুর কানের পাশে। ফোঁস-ফুঁসিয়ে কানে কানে বললে—নাগের বাক্যে দেববাক্যে তফাত নাই। বাক্ দিলে সে বাক্ ফেরে না। ঠাদের আজ্ঞায় তোমাদের বাসভূমি গিয়েছে, মা-বিষহরির আজ্ঞায় তোমরা পাবে নতুন বাসের ঠাই। গন্ধার বুকে ভাসাও নৌকা ; মা-গন্ধা স্বর্গের কণ্ঠে, পৃথিবীর বুকে বেয়ে গেলেও পৃথিবীর বাইরে। গন্ধার জল যত দূর পর্যন্ত মাটি ঢেকে দেয়, তত দূর মা-গন্ধার সীমানা। গন্ধার ধারে পবিত্র পলি-পড়া চরের উপর যেখানে তোমার পছন্দ সেইখানেই ঘর বাঁধ। ঠাদের আজ্ঞা সেখানে খাটবে না। তোমাদের জাতি নিলে, কুল নিলে ঠাদ, মা-বিষহরি তোমাদের দিলেন নতুন জাত, নতুন কুল। তোমরা কারুর ভাত খাবে না ; তোমাদের জল, তোমাদের ফুল মা-বিষহরি নেবেন মাথায়। এ জাত তোমার যাবে না। ঠাদের শাপে তোমাদের মরণ হয়ে গিয়েছে কালিবর্ণ, মায়ের ইচ্ছায় ওই কালিবর্ণে ফুটে উঠবে আমার বর্ণের ছটা। আমার মা দিয়েছেন ধ্বংসের বিচার উপরে নতুন যন্ত্র, যে যন্ত্রে পৃথিবীর জন্তু-জানোয়ার সব বশ মানবে। নাগের দংশন সে যেমন হোক, যদি বিধির লেখা মৃত্যু-দণ্ডের দংশন না হয়, তবে সে যন্ত্রে নাগের বিষ উড়ে যাবে কর্পূরের মত। আর মা দিলেন তোমাকে নতুন অধিকার, তুমি নিতে পাবে গৃহস্থের কাছে পেটের অন্নের জন্তে চাল, অল্প ঢাকবার জস্ত-বস্ত্র। আর দিয়েছেন অধিকার আমার বিষের উপর—এই বিষ গেলে নিজে তুমি বিক্রি করবে বৈষ্ণবের কাছে, তোমার হাতের গেলে—

নেওয়া বিষ তারা শোধন ক'রে নিলে হবে অমৃত । সে অমৃত সূচ-পরিমাণ দিলে
 মরতে-মরতে মানুষ বেঁচে উঠবে । বাকবন্ধের বাক ফুটবে, পছুর দেহে লাড়
 আসবে । আর বাবা, আমি যে হয়েছিলাম কাল তোমার কন্তে, চিরকাল তাই
 থাকব । কাঁপিতে থাকব নাগিনী মূর্তিতে, তুমি আমাকে নাচাবে আমি নাচব ;
 তোমাদের ঘরে সত্যিকারের কন্তে হয়েও জন্মাব । *তুমি শিরবেদে, তুমি আমাকে
 চিনতে পারবে আমার লক্ষণ দেখে । প্রথম লক্ষণ বাবা, পাঁচ বছরের আগে সে
 কন্তা বিধবা হবে, স্বামী মরবে নাগের বিষে । তারপর ষোল বছর পর্যন্ত সে
 কন্তের আর বিয়ে দেবে না ; ষোল বছরের আগে ফুটবে নাগিনী-লক্ষণ । কাল
 রাত্রে আমার যেমন রূপ দেখেছ বাবা, ঠিক তেমনি রূপ । তার কপালে তুমি
 দেখতে পাবে 'চক্রচিহ্ন' । সেই কন্তে নেবে তোমাদের বিষহরির পূজার ভার ।
 তোমাদের কল্যাণ করবে সে, তোমার আজ্ঞাধীন হবে, তোমাকে জানাবে
 মা-বিষহরির অভিপ্রায়ের কথা । চল বাবা, ভাসাও নৌকা । আমি দেখাই
 তোমাকে পথ ।

গাঙ্গুড়ের জলে রাজির অন্ধকারে নৌকা ভাসল ।

দিনে সকালে বেহুলার মাজাস ভেসে গিয়েছে ।

সমস্ত দিন অরণ্যে মুখ ঢেকে থেকে রাত্রে বিষবেষ্টিত নৌকা ভাসল—চলল
 চম্পাই নগর সীতালী পাহাড় দেশভূঁই ছেড়ে । গলুইয়ের উপর ফণা তুলে
 কালনাগিনী বলতে লাগল, এইবারে বায়ে ডাঙ বাবা ! এইবার ডাইনে ।
 আকাশে যেঘ ওঠে, নাগিনী ফণা তুলে ধরে ছত্র । ওঠে ঝড়, নাগিনী বিষ-
 নিশ্বাসে দেয় উড়িয়ে । প্রভাত হয়, শিরবৈষ্ণু দেখে, সারিবন্দী নৌকার অর্ধেক
 নাই । নাগিনী বলে, ওরা তোমাকে ছাড়লে বাবা । পতিত হয়ে ওরা থেকে
 গেল, মাটিতে ঠাই রইল না, এখানকার নদীতটই নৌকার নৌকার ফিরবে
 ওরা ।

পরের দিন সকালে যখন নৌকা পদ্মাবতীর মাঝামাঝি এল, তখন দেখলে,
 আরও অর্ধেক নৌকা নাই, রাজের অন্ধকারে অকূলে ভাসবার হুশিয়ার সইতে না

পেরে চুপি চুপি সন্মুখে নৌকা বেঁধেছে কোন ঘাটে । তারাও থাকল সেখানে ।

শেষ তিনখানা নৌকা এসে পৌঁছাল এই হিজল বিলের ধারে ।

নাগিনী বললে—এইখানে আছে মা-বিশ্বহরির আটন । এরই তলায় মা লুকিয়ে রেখেছিলেন চাঁদোর সঁাতভিঙা মধুকর ।

শিরবেদে বললে—তবে এইখানের ভুঁইয়ে ঘর বাঁধি ?

—মা-গন্ধার চরের উপর যেখানে খুশি সেইখানেই বাঁধতে পার । বাঁধ, এইখানেই বাঁধ । হিজল বিলের বুক থেকে নালা-খালার অস্ত নাই । এইখানের মুখে হাঙরের বাস—এর নাম হাঙরমুখী, ওর পাশে ওইটে হ'ল কুমীরখালা, তার ওদিকে হাঁসখালি ।

এ বিলের নালা-খালার অস্ত নাই ; কর্কটের খাল, চিত্রির নালা, কাঁছনে গড়ানি । হিজলের যে দিকটা লোকে চেনে, এটা সেদিক নয়, সেদিকে আছে আরও কত নালা-খালা ।

আমরা এইখানেই ঢুকলাম নৌকা নিয়ে ।

তিনখানি নৌকা ঘাটে বাঁধা রইল । ঘাসবনের ভিতর মাঠের বেঁধে তুললাম । তিনখানি ঘরে নতুন সঁাতালী গায়ের পত্তন হয়েছিল ।

*

*

তিন ঘর থেকে তিরিশ ঘরের উপর বিষবেদের বসতি এখন সঁাতালীতে ।

শরতের প্রথমে আকাশ পরিষ্কার হয়ে এসেছে । মেঘের গায়ে পঁজা-তুলোর বর্ণ ও লাবণ্য দেখা দিয়েছে । কুমুদ-কুমুদ পক্ষ্মী । দশ দণ্ড রাজি পার হয়ে গিয়ে আকাশে কুমুদ-পক্ষ্মীর চাঁদ উঠেছে । জ্যোৎস্না ছড়িয়ে পড়েছে আকাশের পূর্ব দিক থেকে পশ্চিম দিগন্ত পর্যন্ত ; বড় বড় সাদা মেঘের খানা ভেসে যাচ্ছে । নিচে হিজল বিলে পদ্ম-শালুক-পানাড়ীর ফুল ঝলমল করছে । হিজলের ঘন সবুজ ঘাসবনে কাশফুল ফুটতে শুরু করেছে, এখনও ফুলে ফেঁপে ছুবরণ সাদা হয়ে ওঠে নি । তারও উপর পড়েছে জ্যোৎস্না ।

হাঙরমুখীর বাঁকে বাঁকে ঘুরে সঁাতালীর ঘাটে যদি কেউ এখন যেতে পারে,

তবে দেখতে পাবে গয়ত্রিশ-চল্লিশখানা নৌকা বাধা। নৌকায় নৌকায় আলো জ্বলছে—পিঙ্গলের আলো, কিন্তু লোক নাই। দূরে শুনে পাবে কোথাও বাজনা। ঘাটে পৌছবার আগে থেকেই শুনে পাবে।

তুমড়ি-বাঁশির একঘেয়ে শব্দের সঙ্গে—বিষম-টাকি বাজছে। তার সঙ্গে উঠছে—ঝনাং-ঝন-ঝনাং-ঝন—বিচিত্র ধাতব বজ্রায়। শরীর মন কেমন শিরশির ক’রে উঠবে সে বাজনা শুনে। তারই সঙ্গে মধ্যে মধ্যে ঠিক তালে তালে সমবেত কণ্ঠের ধুয়া-গান শুনে পাবে—অ-গ! অ-গ!

আরও খানিকটা এগিয়ে গেলে শুনে পাবে মোটা ভরাট গলার গান—

লাচো লাচো আমার কালনাগিনী কণ্ঠে গ!

অ-গ!

হুসু আমার সোনা হইল তু মানিকের জন্তে গ!

অ-গ!

কদমতলায় বাজে বাঁশি রাধার মন উদাসী গ!

অ-গ!

কালীদেহে কালনাগিনী উঠল জলে ভাসি গ!

অ-গ!

মোহন বংশীধারীর আমার লয়ন মন ভোলে গ!

অ-গ!

কাঁপ দিল কালো কানাই রাধা রাধা বলে গ!

অ-গ!

কালোবরণ কালনাগিনী কটিল চাঁদের পাশে গ!

অ-গ!

কালীদেহের জলে যুগল নীলকমল ভাসে গ!

অ-গ!

ঘাটে এসে বাঁধো নৌকা। সাবধানে নেমো। অনেক বিপদ। সামনে পাবে এক-কালি সন্ন পথ। দুপাশে ঘাস বন; এঁকে-বঁেকে চ’লে গেছে রাস্তাটি। বকবকে পরিচ্ছন্ন রাস্তা। আজই টেচে-ছুলে পরিষ্কার করেছে। রাস্তার

দাড়ায়েই পাবে ধূপের মিষ্ট গন্ধ । ধূপের সঙ্গে ওরা দেবদারুর আঠা আর মুখা
ঘাসের গঁড়ো শুকিয়ে গুঁড়ো ক'রে মেশায় । বাজনা এবার উচ্চ হয়ে উঠেছে,
একঘেয়ে সুরে বেজেই চলেছে ।

ঝনাৎ-ঝন—ঝনাৎ-ঝন—ঝনাৎ-ঝন ।

চিমটের মাথায় কড়া বাজছে । বাজছে মন্দিরার মত তালে তালে—
ঝনাৎ-ঝন ।

ধুম-ধুম, ধুম-ধুম, ধুম-ধুম ।

বিবম-ঢাকি বাজছে ।

বিচিত্র তুমড়ি-বাঁশি বাজছে—পুঁ-উ-উ—পুঁ-উ-উ—পুঁ-উ-উ ।

আজ ভাতের শেষ নাগপঞ্চমী । বিষহরির আরাধনা করছে বিষবেদেরা ।
আজ ওদের শ্রেষ্ঠ উৎসব । উৎসব হচ্ছে বিষহরির আঙনেতে । পূজা হয়ে
গিয়েছে দিনে, এখন হচ্ছে গান । গোটা পাড়া গানের আসরে এসে বসেছে,
সবাই গাইছে গান । মেয়ে পুরুষ সবাই । শ্রোতা নাই । এগিয়ে চল, এবার
শুনতে পাবে নারীকণ্ঠ । একা একটি মেয়ে গান গাইছে—

ও আমার সাত জন্মের বাপ গ—তোরে দিছি বাক্ গ !

সমবেত নারীকণ্ঠে এবার সেই ধূয়া ধ্বনিত হয়ে উঠবে—অ-গ !

তোরে ছেড়া যাইলে আমার মুণ্ডে পড়বে বজ্র গ !

অ-গ !

এ ঘোর সঙ্কটে তুমি রাখলে আমার মাত্রে গ !

অ-গ !

জন্ম জন্ম তোমার ঘরে হইব আমি কন্তে গ !

অ-গ !

তোমার বাঁশির তালে তালে নাচব হেল্যা-হল্যা গ !

অ-গ !

আমার গরল হইবে সখা তুমি বাবা ছল্যা গ !

অ-গ !

এ গান গাইছে ওদের নাগিনী কত্তা ।

কালনাগিনী ওদের কাঁপির মধ্যে থাকে, আবার ওদের ঘরে কতটা হয়েও
জন্মায়। বাক্ দিয়েছিল কালনাগিনী :

তোমার বংশ তোমার কাঁপি হইল আমার ঘর গ !

অ-গ !

তুমি না করিলে পর হইব না মুই পর গ !

—অ-মরি-মরি-মরি গ ; অ-মরি-মরি গ !

আজও সে বাকের অন্তথা হয় নাই। পাঁচ বৎসর বয়সের আগে সর্পাঘাতে
বিধবা হয় যে কন্তে, তার দিকে সকল বেদের চোখ গিয়ে পড়ে। বেদের ঘরে
মেয়ের বিয়ের কাল হয় অন্নপ্রাশনের পরই। ছ-মাস থেকে তিন বছর বয়সের
মধ্যেই বিয়ে হয়ে যায়। বেদের ছেলে সাপ নিয়ে খেলা করে ; বেদের
সাপ নিয়ে কারবার। মনসার কথায় আছে—“নরে নাগে বাসা হয় না।”
সীতালী গাঁয়ে সেই নরে-নাগে বাস। সেবার মধ্যে অপরাধ হয়, নাগ দংশন করে ;
বিষহরির বরে—সে বিষ মস্তবলে ওষুধের গুণে নেমে যায়। কিন্তু নিয়তির লেখায়
যে দংশন হয় তার উপায় নাই। মৃত্যু এসে নাগের দন্তে আসন পেতে বসে ;
নাগের বিষের মধ্যে মিশিয়ে দেয় নিজের শক্তিকে। নৌকার মারি মরে জলে,
কাঠুরে মরে গাছ থেকে ডাল ভেঙে প’ড়ে, যুদ্ধ যার পেশা সে মরে অস্ত্রাঘাতে।

শিরবেদে বলে—মৃত্যু বহরুপী বাবা। মাগুষের ‘ছেঁট’ কামনার দব্য অন্ন-
জল, তার মধ্যে দিয়েও সে আসে। বেদের মৃত্যু সাপের মুখের মধ্যে দিয়ে
আসবে, তাতে আর আশ্চর্য্য কি ! তাই যারা মরে সাপের দংশনে, তাদের
বউয়েরা সবাই কিছু নাগিনী কন্তে হয় না। যে হয় ধীরে ধীরে তার অঙ্গে
লক্ষণ ফুটে ওঠে। বেদের জাতে বিধবার বিয়ে হয়, আবার ছাড়-বিচারও
আছে। কিন্তু এই সব কন্তের সাড়া বোল বছরের আগে হয় না। বোল বছর
বয়স পর্যন্ত চোখ থাকে এই কন্তেদের ওপর।

নতুন নাগিনী কন্তে দেখা দিলেই পুরানো নাগিনী কন্তেকে সরতে হয়।
গাঁয়ের ধারের ছোট একখানি ঘরে গিয়ে আর-জন্মের ভাগ্যের অন্তে মা-বিষহরিকে
ধোয়।

একজন শিরবেদের আমলে দু-তিন জন নাগিনী কন্তার আসন পার হয়ে যায়।

কতজন শিরবেদের কাল চ'লে গেল, সে জানেন কালপুরুষ। সে কি মনে রাখার সাধ্য মানুষের? তবে মূল শিরবেদে ছিল বিশ্বস্তর। তার নামটাই মনে আছে বেদেদের, বলে—আদিপুরুষ বিশ্বস্তর। বেদেগুলো জন্ম নিয়েছিলেন স্বয়ং শিব।

নিজের বিষ খেয়ে বিশ্বস্তর পৃথিবীকে দেন অমৃত। ঢুলুঢুলু করে তাঁর চোখ। শিরবেদে বিশ্বস্তরের সঙ্গে তাঁর মিল অবিকল। এই বিশ্বস্তরই জাতি কুল ঘর ছয়ার নিয়ে সঁাতালী গাঁয়ের পত্তন করেছিল। মায়ের অজ্ঞাতে আবার বিয়ে করেছিল বুড়া বয়সে। সস্তান হ'ল, কালো মেঘে ঢাকা চাঁদের মত সস্তান। কিন্তু কই? কালনাগিনী যে বলেছিল, সে আসবে বেদেগুলো কস্তে হয়ে—সে এল কই? কস্তে না হয়ে এ যে হ'ল 'পুত্ৰসস্তান'! শিরবেদে বিশ্বস্তর দীর্ঘনিশ্বাস ফেললে; কিন্তু বেদেদের বিধাতা হাসলেন। বিশ্বস্তরের ছেলে, বারো বছর বয়স তখন, দেখে মনে হয় বোল বছরের জোয়ান ছেলে। সাপ ধরে মাছের মত। পাছের উপর চ'ড়ে তেড়ে ধরে বঁাদর। তেমনি তার ভেলকি বাজিতে হাত-সাকাই। তাকে পাশে নিয়ে শিরবেদে একদিন ব'লে ওই কথাই ভাবছে, এমন সময় এল কালো পাতলা এক তিন বছরের মেয়ে—সামছা প'রে ঘোঁরাটা দিয়ে বউ সেজেছে। এসে দাঁড়াল সামনে, বিশ্বস্তর হেসে বললে—কে গো? তুমি কাদের বউ? মেয়েটি পড়শীর মেয়ে, নাম দধিমুখী, সে ঘোঁরাটা খুলে বিশ্বস্তরের ছেলেকে দেখিয়ে বললে—উর বউ আমি। উকে বিয়ে করব: বিশ্বস্তরের ভাবনা ভেসে গেল আনন্দের ঢেউয়ে। বললে—সেই ভাল। তুমি হবি আমার বোটার বউ। বিশ্বস্তরের যে কথা, সেই কাজ। ধুমধাম ক'রে বিয়ে

দলে ছেলের। কিন্তু সাত দিন যেতে না যেতে নাগদংশনে মরল সে ছেলে।
বিশ্বস্তর চমকে উঠল। বেটার জন্তে কাদল না, চোখ রাখলে দধিমুখীর উপর।
বাল বছর যখন ওই বিধবা কন্তেটির বয়স হ'ল, কন্তেটির মা-বাপে আবার বিষে
দবার উত্তোগ করছে, তখন একদিন, এমনি বিষহরির পূজার দিনে শিরবেদে
গীংকার ক'রে উঠল—জয় বিষহরি !

তার ঢুলুঢুলু চোখের দৃষ্টিতে দেখতে পেয়েছে ওই কন্তের কপালে নাগচক্র।
গর মুখখানাকে দু হাতে ধ'রে একদৃষ্টে দেখে বললে—ই। ই। ই।

—কি ?

—লা-গ-চ-ক।

—কই ?

—কন্তের ললাটে।

বার বার ঘাড় নেড়ে ব'লে উঠেছিল—এইজন্তে, এইজন্তে, এই একে দিবে
।'লেই মা মোর বলি নিয়েছে কালাচাঁদকে।

তারপর চোঁচিয়ে উঠল—বাজা বাজা বাঁশি বাজা, বিষম-টাকি বাজা, চিমটে
বাজা। ধূপ আর ধূনা আন, পিদিয় আন, দুধ আন, কলা আন ; মা বিষহরির
পরি তোলা আটনে। আনছে আনছে, যে বাক দিয়েছিল, সে অঞ্জিছে।

পাড়ায় তখন তিন ঘর বেদে। সে সেই প্রথম সীতালী পঙ্কনের কালের
কথা।

তারপর কত শিরবেদের আমল গেল, সে ওদের মনে নাই। বলে—সে
হানেন এক কালপুরুষ।

মনে আছে তিন জন শিরবেদের কথা।

*

*

*

শিবরাম কবিরাজ বলেন—মহাদেব শিরবেদকে প্রথম দেখেছিলেন গুরু
জি কবিরাজের সঙ্গে সীতালীতে গিয়ে। তারপর ওরা এল গুরুর আয়ুর্বেদ-
ঘরনে। ওখানে ওরা আসত আশ্বিনের প্রথমে। গজার ঘাটে বেদেদের নৌকা
ধসে লাগত। ওদের রুখু কালো চুল, চিকণ কালো দেহবর্ণ, গলার বাহুলি—
তার সঙ্গে পাথর জড়িবিটি, ওদের মেয়েদের বিচিত্র রূপ, ওদের গায়ের রঙ ব'লে

দিত ওরা বিষবেদে। ওদের নোকায় গড়ন, নোকায় বোঝাই সাপের ঝাঁপির
থাক, এক পাশে বাঁধা ছাগল, ছইয়ের মাথায় খুঁটিতে বাঁধা বীদর—এসব দেখলেই
গন্ধার তীরভূমির পথিকেরা ধমকে দাঁড়াত। বলত—বেদে। বিষবেদের নোকা।

ধূঁকটি কবিরাজ মহাশয়ের আয়ুর্বেদ-ভবনে গম্ভীর গলায় ‘জয় বিষহরি’ হাঁক
দিয়ে এসে দাঁড়াত বেদেরা। সকলের আগে থাকত মহাদেব।

জয় বিষহরি—হাঁক দিয়েই আবার হাঁক দিত—জয় বাবা ধনুস্তরি। ‘তারপরই
হাতের বিষম-ঢাকিতে টোকা মেরে শব্দ তুলত—ধুন-ধুন! তুমড়ি-বাঁশিতে ফুঁ
দিত—পুঁ-উ-উ! পুঁ-উ-উ! চিমটের কড়া বেজে উঠত—ঝনাং-ঝন!

সৌম্যমূর্তি আচার্য বেরিয়ে এসে দাঁড়াতেন প্রসন্ন মুখে; স্মিতহাসি ফুটে
উঠত অধরে, সমাদর ক’রেই তিনি বলতেন—এসেছ!

হাত জোড় ক’রে মহাদেব বলত—যজ্ঞমানের ঘর, অন্নদাতার আঙনে, প্রভু
ধনুস্তরি বাবার আটন, এখানে না এগা যাব কোথা? অন্ন দিবে কে? বাবা
ধনুস্তরি, আপনকার পাথরের খল ছাড়া এ গরলই বা ফেলব কোথা? একে
স্বধা করবে কে শোধন ক’রে? জলে ফেলি তো জীবনাশ, মাটিতে ফেলি তো
নরলোকের সন্মনাশ। আপুনি ছাড়া গতি কোথা, বলেন!

*

*

মহাদেব শিরবেদে যেন এক ঘন অরণ্যের ভিতরের ছোট্ট একটা পাথরের
দেউল। কোন্ পুরাকালে কোন্ সাধক তার ইষ্টদেবতার মন্দির গড়েছিল,—বড়
বড় পাথরের চাঁইয়ে গড়া মন্দির। কারুকার্য নাই, পলেশ্বারা নাই, এবড়ো-
খেবড়ো গড়ন—যুগযুগান্তরের বর্ষায় গায়ে শ্রাবণ ধরেছে, তার উপর গাছের
ফাঁকে ফাঁকে রোদ প’ড়ে শ্রাবণের সবুজে সাদা খড়ির দাগ পড়েছে, আরও
পড়েছে গাছের পল্লব থেকে শুকনো পাতার গুঁড়ো—শুকনো ফুলের রেণু।
বাতাসে বনের তলার ধূলো উড়িয়েও তাকে ধূলিধূসর ক’রে তুলেছে। গলায়
হাতে জড়ি বুটি মালা দেখে মনে হয় যেন দেউলের গায়ে উঠেছে বুনো লতার
জাল। মাথায় ঝাঁকড়া চুল দেখে মনে হয়, দেউলটার মাথায় বর্ষায় যে ঘাস
পজিরেছিল—সেগুলো এখন শুকিয়ে শক্ত সাদা হয়ে দাঁড়িয়ে আছে।

শিবরাম ওকে প্রথম দেখেছিলেন—হিজল বিলের ধারে সঁাতালী গায়ে

গিয়ে। গুরুর সঙ্গে নৌকা ক'রে গিয়েছিলেন বিশ্ব কিনতে। দেখে এসেছিলেন
ওদের গ্রাম, ওদের ঘর, মা-বিষহরির আটন, হিজলের বিল, ওদের নাগিনী কল্যা
শবলাকে। শুনে এসেছিলেন ওদের ভাসান-গান, ওদের বাজনা। নাগিনী
কণ্ঠের দুলে দুলে পাক দিয়ে নাচন, বারি মাথায় ক'রে ভরণ—দেখে এসেছিলেন।
আর দেখে এসেছিলেন কত রকমের সাপ। কত চিত্র-বিচিত্র দেহ, কত রকমের
বর্ণ, কত রকমের মুখ! ভুলতে পারেন নাই। বিশেষ ক'রে ওই কালো কস্তে
আর ওই খাড়া সোজা পাথরের দেউলের মত বৃদ্ধকে।

আবার হঠাৎ আশ্বিনের শেষে একদিন দেখলেন।

শিবরাম কবিরাজই এই কাহিনীর বক্তা। প্রাচীন সৌম্যদর্শন মানুষটি ব'লে
মান এই কাহিনী। বিষবৈদ্যদের এ কাহিনী অমৃত সমান নয়, বিষ-বেদনায়
সকরণ।

আশ্বিনের শেষ। শরতের শুভ্র রোদ্দ হেমন্ত-সমাগমে ঈষৎ পীতভ হয়েচে।
শিবরাম কবিরাজ ব'লে যান।

শহরে গুরুর ঔষধালয়ে রোগীর ভিড় জমেছে, ব'লে আছে সুব! রাস্তার
উপর গরুর গাড়ি, ডুলি-পালকির ভিড়, দূর-দূরান্তর থেকে রোগী এসেছে।
ঘরের মধ্যে ব'লে গুরু চোখ বুজে একে একে নাড়ী পরীক্ষা করছেন, উপসর্গের
কথা শুনেছেন, ব্যবস্থা দিচ্ছেন, আমি পাশে দাঁড়িয়ে আছি, হঠাৎ বাইরে ঝনাৎ-
ঝন ঝনাৎ-ঝন শব্দ উঠল। সঙ্গে সঙ্গে ভারী গলায় কেউ বললে—জয় মা-
বিষহরি! পেদ্রাম বাবা ধন্যস্তরি। তার কথা শেষ হতে-না-হতে বেজে উঠল
বিষম-ঢাকি—ধুম—ধুম—ধুম—ধুম! তারই সঙ্গে বেজে উঠল একঘেয়ে সরু স্বরে
তুমড়ি-বাশি—পুঁ-উ-উ-উ-উ-উ!

গুরু বারেকের জন্তে চোখ খুলে বললেন—মহাদেবের দল এসেছে, অপেক্ষা
করতে বল।

বেরিয়ে এলাম। দেখলাম, ঝাঁড়ে সাপের ঝাঁপির ভার নিয়ে দাঁড়িয়ে আছে
সীতালী গায়েব বেদের দল। তাদের সবার সামনে দাঁড়িয়ে আছে খাড়া সোজা

শক্ত পেশীবীৰ্য্য-দেহ বুড়ো মহাদেব শিরবেদে। আর তার পাশে সেই আশ্চর্য কালো বেদের মেয়ে—শবলা। নাগিনী কন্তে। আশ্বিন মাসের সকালবেলার রোদ, বারো মাসের মধ্যে উজ্জ্বল রোদ, দু-দুয়াস বর্ষার ধারায় স্নান ক’রে কিরণের অঙ্গে তখন যেন জ্যোতি ফোটে, সেই রোদের ছটা ওই-কালো মেয়ের অঙ্গে পড়েছে—তার অঙ্গ থেকেও কালো ছটা ঝিলিক মারছে। শুধু মাথার চুল কখু—সকালবেলার বাতাসে এলোমেলো হয়ে গোছা গোছা উড়ছে। পরনে তার টকটকে রাঙা-শাড়ি, গাছকোমর বেঁধে পরা।

বললাম—ব’স তোমরা, কবিরাজ মশায় আসছেন।

মহাদেব বললে—তুমারে চিনি-চিনি লাগছে যেন বাবা? কুখা দেখলম গ তুমাকে?

শবলা হেসে বললে—লজ্জর তুর খাটো হলছে বুড়া। মানুষ চিনতে দেরি লাগছে। উট সেই বাবার সাথে আমাদের গাঁয়ে গেলুছিল, বাবার সাকরেন্দ বটে, কচি-ধনুস্তরি।

শিবরাম বলেন—বেদের মেয়ের বাক্যে যত বিষ তত মধু, শবলা আমার নাম দিয়েছিল কচি-ধনুস্তরি।

খিলখিল ক’রে হেসে শবলা বলেছিল মহাদেবকে—নামটি কেমন দিলম রে বুড়া? অ্যা?

মহাদেব রুঢ হয়ে উঠল, বললে—হঁ!

* * *

ভাদ্রের শেষে শেষ নাগপঞ্চমীতে মা-বিষ্ণুর পূজা শেষ ক’রে ওদের সন্ধ্যা শুরু হয়। সাঁওতালেরা যেমন বসন্ত কালে শালগাছে কচিপাতা বের হ’লে শিকারে বের হয়, সেকালে শরৎকালে বিজয়া-দশমী ‘দশেরা’ সেয়ে যেমন রাজারা দিঘিজয়ে বের হতেন, বণিকেরা যেমন বের হতেন ডিঙার বহর ভাসিয়ে বাণিজ্যে, আজও যেমন গাড়িবোঝাই ক’রে ছোট দোকানীরা মেলা ফিরতে বের হয়, তেমনি বিষবেষ্ণেরাও বের হয়—তাদের কুল-ব্যবসায়ে। হাড়রমুখী, কুমীরখালা, হাঁসখালি বেয়ে সারি সারি শিববেদেদের নৌকা এসে পড়ে মা-গঙ্গার জলে। নৌকাতে সাপের ঝাঁপি, স্নানার হাড়ি, খেলা-দেখাবার

বাদর-ছাগল আর মাহুয। শুধু বিষবেদেরাই নয়—অগ্নি অগ্নি যারা জাতবেদে
 তারাও বের হয়। কতক নৌকায়, কতক ইঁটাপথে—ভার কাঁধে। এই
 সফর ওদের কুলপ্রথা, জাতিধর্ম। বর্ষা গিয়েছে, কত পাহাড় বন ভাসিয়ে
 কত জল ব'য়ে গিয়ে পড়েছে সাগরে, কত দেশ ভেসেছে, কত দেশের কত
 সাপ, কত গাছ, কত গাছের বীজ, কত জন্তু, কত মাহুয ভেসেছে তার সঙ্গে,
 তার কতক বলি নিয়েছেন মহাসাগর, কতক ভেসে কূল নিয়েছে—ডাঙায়
 উঠেছে। গাছের বীজ আগামী বারের বর্ষার অপেক্ষা ক'রে আছে, সেই
 বর্ষায় ফেটে অঙ্কুর হয়ে মাথা তুলবে। সাপ গর্তে বাসা নিয়েছে, সে অপেক্ষা
 ক'রে আছে কবে কোন্ সাপিনীর অঙ্কের কাঠালীচাপার প্রবাস পাবে!
 সাপিনী অপেক্ষা ক'রে আছে—তার অঙ্গে বাস কবে বের হবে, সে স্থবাসের
 আকর্ষণে আসবে কোন্ সাপ! সেই সব সাপ-সাপিনী মাঠে মাঠে বা নদী-
 নালার কুলের গর্তে গর্তে সন্ধান ক'রে ধরতে বের হয়। দেশ-দেশান্তর ঘোরে,
 বাধা কবিরাজ মশায়দের ঘর আছে। সেইখানে গিয়ে তাঁদের চোখের সামনে
 কালনাগিনীর বিষ গেলে বিক্রি করে; গ্রামে গ্রামে গৃহস্থদের ঘরে ঘরে খেলা
 দেখায়—সাপের নাচন, ছাগল-বাদরের খেলা। দেখিয়ে দেখিয়ে জলে এক
 গ্রাম থেকে আর এক গ্রাম, এক জেলা থেকে আর এক জেলা—মাসের পর
 মাস কেটে যায়, তারপর একদিন আবার ঘরের দিকে ফেরে। বিষবেদেরা চলে
 নৌকায়—জলে জলে, গঙ্গা থেকে ঢোকে অগ্নি নদীতে, চলে আসে কলকাতা
 শহর পর্যন্ত, সেখানে সাহেবান লোকের নতুন শহর গ'ড়ে উঠেছে, বড় বড়
 আমীর বাস করে, অনেক কবিরাজও আছেন। সেখানেও বিষ বিক্রি করে,
 তারপর শীত বেশ গাঢ় হয়ে পড়তেই ফেরে। গাঙের জল ক'মে আসছে,
 হিজল বিলের ধারে ধারে জল শুকিয়ে পাক জেগেছে। চারিপাশে এর পর
 কুমীরখালয় হাঙরমুখীতে জল ম'রে শুকিয়ে আসবে, তখন আর নোকা নিয়ে
 সাতালী গাঁয়ের ঘাটে গিয়ে ওঠা যাবে না। তার ওপর শীতে নাগ-নাগিনী
 কাতর হয়েছে, জর-জর হয়েছে হিমেল দেহখানি, চোখ হয়েছে ঘোলা, মাথা
 তোলায় শক্তি নাই, আর শিশু মেরে মাথা তুলে নাচতে পারে না। বোঁচা
 দিলে অল্প ফোঁস শব্দ ক'রে একটু পাক খেয়ে নিখর হয়ে যায়। বিষবেদের মন

কাতর হয়—মা-বিবহরির সন্তান, তাদের মেয়ে কেলতে ওরা চায় না, ওরা তাদের ছেড়ে দেয় নদীর নির্জন কূলে, অথবা পতিত প্রান্তরে, বনে কিংবা জঙ্গলে। ব'লে দেয়—‘স্বহানে যা। মা তোকে রক্ষে করুন।’ সাপদের মুক্তি দিয়ে খালি কাঁপি নিয়ে শহরে বাজারে কিনে-কেটে ফেরে সীতালীতে। শুধু তো খালে-বিলে জলই শুকায় নাই, গাঙের চরে, বিলের চারিপাশে কাশবনে ঘাস পেকেছে। সেই ঘাস কাটতে হবে, শুকুতে হবে, ঘরগুলি ছাইতে হবে কাশ দিয়ে। তা ছাড়া, হিজলের চারিপাশে এতদিনে চাষীরা এসে গিয়েছে। লাঙল দিয়ে চ'ষে বুনে দিয়েছে গম যব ছোলা মসুর মটর সরষে। সবুজ হয়ে উঠেছে চারিধার। হিজলের চারিপাশে বারো মাসই সবুজ, কিন্তু এ সবুজ যেন আলাদা সবুজ। এ সবুজে শুধু রঙ নাই, রঙে রসে একাকার। ফসল তোলার সময় ফসল কুড়িয়ে ওরা ঘরে তুলবে। তা ছাড়া, মাঘ মাস থেকে পড়বে সব সাদি-সাঙার হিড়িক। সীতালীতে ছ মাস জল, ছ মাস স্থল। স্থল না জাগলে সাদি-সাঙা হয় কি ক'রে? তা ছাড়া, কাঁকে কাঁকে এসেছে হাজার হাজার হাঁস। তারা আকাশে উড়ছে আর ডাকছে—প্যাক-প্যাক—ক্যাও-ক্যাও—কিচ-কিচ—কল্-কল্-কল্-কল্।

তারা ওদের ডাক পাঠায়।

শীতের শুরুতে নায়ের মাথায় বুনা হাঁস পাক খেয়ে ছাফ মেয়ে গেলেই শিরবেদের হুকুম হয়—ঘুরায়ে দে লায়ের মুখ। চল সীতালী। সীতালী!

নাগ-পঞ্চমীতে সীতালী থেকে বেরিয়ে ঘুরতে ঘুরতে মহাদেবের দল এসে লা বেঁধেছে শহরে। প্রথমেই ধ্বংসের বাবাঙ্ক বাড়িতে বিষ না দিয়ে ওরা আর কোনখানে বিষ বেচে না। ধূজ টি কবিবাজের খ্যাতি তার প্রধান কারণ তো বটেই, কিন্তু আরও কারণ আছে। বাবার মত আদর ওদের কেউ করে না। বাবার মত সাপ চিনতে ওস্তাদ ওদের চোখে পড়ে নাই।

লা—অর্থাৎ নৌকাগুলি বেঁধেছে শহরের প্রান্তে। গঙ্গার কূলে বেশ একটি পরিষ্কার পতিত জায়গা, তার উপর গুটি তিনেক বড় বড় গাছ। সেই গাছগুলির শিকড় কূলের ভাঙনের মধ্যে আঁকাবাঁকা হয়ে বেরিয়ে আছে, জাতেই বেঁধেছে নৌকার দড়ি। বটগাছের তলাগুলি যথাসাধ্য পরিষ্কার

ক'রে নিয়ে পেতেছে গৃহস্থালি। ডালে ঝুলিয়েছে শিকে—তান্তে রয়েছে রান্নার হাড়ি। তার পাশেই শিকেতে ঝুলছে সাপের কাঁপি ; তলায় পেতেছে উনান, তার পাশে খেজুরের চাটাই বিছিয়ে দিয়েছে, ঘাসের উপর শুকাচ্ছে ভিজ়ে কাপড়, শিকড়ে বেঁধেছে ছাগল আর বাদর। বাচ্চারা ধুলোয় হামা দিয়ে বেড়াচ্ছে নয়দেহে, নাকে পোঁটা গড়িয়ে এসেছে—মুটোবন্দী মাটি নিয়ে খাচ্ছে, মুখে মাখছে। অপেক্ষাকৃত বড়রা গায়ে ধুলো মেখে ছুটে বেড়াচ্ছে ; তার চেয়ে বড়রা শুকনো কাঠ-কুটা কুড়িয়ে ঘুরছে—কেউবা গাছের ডালে উঠে দোল খাচ্ছে। সবল বেদেরা বেরিয়েছে তাদের পসরা নিয়ে। সঙ্গে তাদের যুবতী বেদেনীর দল।

ধূজ্জিটি কবিরাজ এসে দাঁড়ালেন। হাতপ্রসঙ্গ মুখে স্নেহস্বিতকণ্ঠে সমাদর জানিয়ে বললেন—এসেছ মহাদেব !

হাত জোড় ক'রে মহাদেব বললে—এলম বাবা। যজ্ঞমানের ঘর, অন্নদাতার আঙন, ধনুস্তরির আটন, হেথাকে না এগা যাব কুথাকে বাবা ? বিষবেদের সম্বল বাবা, লাগের বিষ—মামুষের রক্তে এক ফোঁটা লাগলে মিত্যা ; হলাহল—গরল, এ বস্তু এক শিব ধারণ করেছেন গলায়, আর ধারণ করতে পারে বাবা ধনুস্তরির পাথরের খল। আপনকার খল ছাড়া এ ফেলব কুথা গো ? জলে ফেললে—জলের জীব মরে, খলে ফেললে—নরলোকের হয় সন্ধান ! এক আপুনিই তো পারেন এরে শোধন ক'রে সুধা করতে।

এগুলি পুরুষানুক্রমিক বাধা বুলি শুদের।

কবিরাজের উদ্দেশে সকলেই মাথা মাটিতে ঠেকিয়ে ভূমিষ্ঠ হয়ে প্রণাম করে—পেনাম বাবা।

কবিরাজ হেসে সকলেরই কুশল জিজ্ঞাসা করেন।

তারপর প্রশ্ন করেন—মায়ী শবলা, তুই এত চূপচাপ কেন রে বেটী ?

দাঁত বের ক'রে তিক্তস্বরে মহাদেব কুটিল হয়ে উঠল একমুহূর্তে, বললে—তাই শুধান বাবা, তাই শুধান। আমারে কয় কি জানেন ? কয়—বুড়া হুঁছিল, তুর লজর গেলছে। কানে খাটো হুঁছিল, চোঁচায়ে গোল না করলে চূপচাপ ভাবিস ; ভাবাস্তর দেখিস। লাগিনী জরেছে বাবা, খোলস ছাড়বে।

কালনাগিনী চকিতের জন্ত যেমন কণা তোলে তেমনি ভাবেই শবলা একবার সোজা হয়ে উঠল ! মনে হ'ল, ছোবল মারার মত বুড়াকে আক্রমণ ক'রে কিছু বলবে ; কিন্তু পরক্ষণেই একটু হেসে শান্ত হয়ে মাথা নামালে, বললে—বাবা গো, লাগিনী যখন শিশু থাকে, তখন কিলবিল কর্যা ঘুরে বেড়ায় ; ঘাসের বনে বাতাস বইল পর, তা শুনেও হিস কর্যা কণা তুলে দাঁড়ায় । বয়স বাড়ে বাবা, পিথিমৌর সব বুঝতে পারে, সাবধান হয় । মাহুষ দেখলি, জন্তু দেখলি সি তখন ফঁোস কর্যা মাথা তুলে না বাবা, চুপিসাড়ে পলায়ে যেতে চায় । নেহাত দায়ে পড়লি পর তবে কণা তুলে বাবা । তখন আক্কেল হয় যি, মাহুষ সামান্তি লয় । মাহুষকে কামড়ালি পরে লাগের বিধে মাহুষ মরে, কিন্তু মাহুষ তারে ছাড়ে না, লাঠির ঘায়ে মারে ; মারতে না পারলি বেদে ডাকে । বেদে তারে বন্দী করে, বিষদাঁত ভাঙে—নাচায় । সে মরণের বাড়ি । তার উপর বেদের হাতের জালা বড় জালা বাবা ! তাই বোধ হয় হলুছে বাবা—বেদের কাঁপির লাগিনী, অন্ধের জালায় জরেছি ; ওই হ'ল মরণ-জরা ।

শবলা হাসলে । কথাগুলির মধ্যে প্রচ্ছন্ন ব্যঙ্গ ছিল যেমন, তেমনি ছিল আরও কিছু । 'বুঝতে ঠিক পারলাম না, শুধু ঝাঁচ পেলাম' শিবরাম বললেন—শুক রোগী দেখেন যেমন ক'রে তেমনি ক'রে কিছুকণ তাকিয়ে রইলেন শবলার মুখের দিকে । তারপর বললেন—শবলা বেচী আমার সাক্ষাৎ নাগিনী কত্তা ।

মহাদেব ব'লে উঠল—ই বাবা । গর্ভের ঝুঁকি থাকে, খোঁচা খেলে ফঁোসায় না, পথের পাশে লুকায়ে থাকে, মাহুষ তেঁা মাহুষ, বেদের বাপের সাখি । নাই বেঁ ঠাণ্ডর করে । ফাঁক খোঁজে কখন দংশাবে, রাগ চেপে রোষ চেপে প'ড়ে প'ড়ে ফাঁক খোঁজে ।

তার পাকা দাড়ি-গোঁফের মধ্যে থেকে আবার বের হ'ল দুপাটি বড় বড় দাঁত ; হাসলে মহাদেবকে ভয়ঙ্কর দেখায় ;—বয়সের জন্ত বড় বড় দাঁতগুলি দাড়ি থেকে ঠেলে উঠে আরও বড় দেখায়, লাল-কালো ছোপ-ধরা বড় বড় দাঁত ; তার মধ্যে ছ-তিনটে না থাকার জন্তে ভয়ঙ্কর দেখায় বেশি ।

—ই রে বুড়া ই । সব অপরাধ লাগিনীর । সে তো জনমদোষিনী রে !

মাহুঘের আঁহ ফুরায়ে যায়, নেয়তের লিখন থাকে ; যম লাগিনীয়ে কয়—
 তুর বিবে মরণ দিলাম মিশারে, বা তু উরে ডংশায় আয় ; লাগিনী যমের
 কেনাদাসী ; আঁজে লজ্জন করতে পারে, ডংশায় ; মাহুঘটা মরে, অপরাধ হয়
 লাগিনীর । পথে ঘাটে বনে বাদাড়ে হতভাগিনীর। ঘুরে বেড়ায়, মাহুঘ মাখায়
 দেয় পা, পুচ্ছে দেয় পা, লাগিনী কখনও রাগের বশে, কখনও পরানের দায়ে,
 কখনও পরানের ডরে তারে ডংশায় । অপরাধ হয় লাগিনীর !

হাসলে শবলা, সেই বিচিত্র হাসি, যে হাসি সে এর আগেও একবার
 হেসেছিল । তারপরে বললে—লে লে বুড়া, কথার পাঁচ খুয়ে বাবারে
 সাপগুলান দেখা । বাবার অনেক কাজ । তুর আমার খেল, এ আর উনি
 কি দেখবেন ? তু আমারে খোঁচা দিলে আমি তুরে ছোবল মারব, দাঁত ভাঙবি,
 ফের গজাবে সে দাঁত । কুন্দিদি যদি তুর অঙ্গে বিঁধে, আর নিয়ত যদি লিখে
 থাকে যি—ওই বিষেই তুর মরণ হবে, তবে তু মরবি । লয় তো মূই মরব
 তুর হাতের পরশের জালায়, তুর লাঠির খোঁচায়, তুর ঝড়িটুর গন্ধে । লে,
 এখন সাপগুলান দেখা, বিষ গেলে দে, দিয়া চল ফিরে চল ।

ধূজটি কবিরাজ বললেন—সেই ভাল । তুমি শিরবেদে, তুমি বাপ—
 শবলা নাগিনী কল্পে, তোমার বেটী, বাপ-বেটীর ঝগড়া দেখাআদের মিটিয়ে
 নিয়ে ।

সাপের বিষ গেলে নেওড়া দেখেছ ?

আজকাল বিজ্ঞানের যুগে নানা কৌশল হয়গছে । কাচের নলের মধ্যে বিষ
 গেলে জমা করা হয়, চমৎকার সে কৌশল । কিন্তু বেদেদের সেই আদি কাল
 থেকে এক কৌশল । তার আর অদলবদল হয় না । বহুলের কথা বললে
 হাসে ।

তালের পাতা আর ঝিহুকের খোলা । যে ঝিহুক পুকুরে বেলে সেই
 ঝিহুক । তালের পাতা ঝিহুকের ছিলায় বত ঝিহুকের গারে টান করে বেঁধে

ধরে একজন, আর একজন সাপের চোয়াল টিপে হাঁ করিয়ে ধরে। ঝিগুকাটা দেয় মুখের মধ্যে পুরে, বিষদাঁত দুটি বিঁধে যায় ওই তালপাতার বাঁধনে। তালপাতার ধারালো করকরে প্রান্তভাগের চাপ পড়ে বিষের খলিতে, ওদিকে বিষদাঁত বিঁধে থাকার স্বাভাবিক ক্রিয়ায় দাঁতের নালী বেয়ে বিষ টপ টপ ক'রে পড়ে ওই ঝিগুকের খোলায়। এমনই কৌশল ওদের যে বিষের শেষ বিন্দুটি পর্যন্ত ঝ'রে পড়বে। তারপর সাপটা যায় ঝাঁপিতে, ঝিগুকের বিষ যায় সরষের তেলে ভরা কবিরাজের পাত্রে। জলের উপর তেলের মত, তেলের উপর বিষ ছড়িয়ে প'ড়ে ভাসে। না হ'লে বাতাসের সংস্পর্শে জ'মে যায় বাবা।

শিবরাম গল্প ব'লে যান—আমার সম্মুখেই আয়াদের বিষ নেওয়ার পাত্র। বেদের দলের সামনে বসে মহাদেব, তার পাশে বাঁ-দিকে শবলা—শিববেদে আর নাগিনী কঙ্কা, পিছনে বেদেরা। বেদেরা হাঁড়ি এগিয়ে দেয়—মহাদেব হাঁড়ির মুখের সরী খুলে সাপ বের করে। জেলেরা যেমন মাছ ধরে, সে ধরা তেমনিভাবে ধরা বাবা। এক হাতে মাথা, এক হাতে লেজ ধ'রে প্রথমটা গুরুকে দেখাচ্ছিল, গুরু লক্ষণ দেখে সাপ চিনে নিচ্ছিলেন। কালো সাপ হ'লেই হয় না, কালো সাপের মধ্যেই কত জাত। কালো সাপের গায়ের দিকে চাইলে দেখতে পাবে, তার মধ্যে সূচের ডগায় আঁকা বিন্দু মত সাদা ফুটকি। ফণার নিচে গলায় কারও বা একটি, কারও বা দুটি, কারও বা তিনটি মালার মত সাদা কালো বেড়। কারও বা মধ্যের দাগটি চাপা ফুলের রঙ। ফণায় চক্ৰচিহ্ন, তাও কত রকমের। কারও চক্ৰ পক্ষীর মত, কারও বা পদ্মের কুঁড়ির মত, কারও বা মাথায় ঠিক একটি চরণচিহ্ন। কারও কালো রঙ একটু ফিকে, কারও রঙের উপর রোদের ছটা পড়লে অল্প একটা রঙ ঝিলিক দেয়।

গুরু বলেছিলেন—কালনাগিনী হবে শুধু কালো। স্বকেশী মেয়ের তৈলাক্ত বৌর মত কালো মাথায় থাকবে নিখুঁত চরণ-চিহ্নটি। বাকি যা দেখে বাবা—ও সব হ'ল বর্ণসঙ্কর। কালনাগিনীর নাগ নাই, পদ্মনাগ সন্ততি দিয়েছে, তার মাথায় পদ্মচিহ্ন; পদ্মনাগ দিয়েছে পদ্মকলি চিহ্ন; আপন আপন ফুলের

ছাপ রেখে গেছে বাবা। ওই ছাপ যেখানে দেখবে, সেখানে বুঝবে, ওর স্বভাবে ওর বিবে—সবেই আছে পিতৃকুলের ধারা। সাবধান হবে বাবা। এদের বিবে ঠিক কাজ হয় না।

থাক, ওসব কথা থাক। ওসব আমাদের জাতিবিচার কথা।

এক টিপ নশু নিয়ে নাক মুছে শিবরাম বলেন—মহাদেব ধূজটি কবিরাজকে না-জানা নয়, তবু ওর জাতি-স্বভাবগত বোলচাল দিতে ছাড়লে না। এক-একটি সাপ ধ'রে তাঁর সামনে দেখাতে লাগল।

—এই দেখেন বাবা! গড়নটা দেখেন আর বরণটা দেখেন। চিকচিকে কালো। এই দেখেন চক্কটি দেখেন। লেজটি দেখেন।

—উহ। ওটা চলবে না মহাদেব। ওটা রাখ।

—কেনে বাবা? ই তো খাটি জাত।

—না ওটা রাখ তুমি।

শবলা বলছিল—রাখ, বুড়া রাখ। ইখানে তু জাতিস্বভাবটা ছাড়। কারে কি বলছিল?

মহাদেব রাখলে সে সাপ, কিন্তু অগ্নিদৃষ্টি হেনে শবলাকে বললে—তু থাক।

শবলা হাসলে।

ধূজটি কবিরাজ দেখে শুনে বেছে দিলেন পাঁচটি কালো সাপ; মহাদেব এবার বসল—সে সাপের মুখ ধরবে, আর তালপাতার কেঁড় দেওয়া বিহ্বল মুখে পরিষে ধরবে নাগিনী কন্যা শবলা।

ঈশ্বর বাক্য সাদা দাঁত দুটির দিকে তাকিয়ে শিবরাম যেন মোহাবিষ্ট হয়ে গিয়েছিলেন। ওই বাক্য ওই এতটুকু একটি কাঁটার মত দাঁত, ওর প্রান্তভাগে ওই ক্ষুদ্র এক তরল বিন্দু, ওর কোথায় রয়েছে মৃত্যু? কিন্তু আছে, ওরই মধ্যে সে আছে, এতে সন্দেহ নাই। সাপের চোখে পলক নাই, পলকহীন দৃষ্টিতে তার সম্মোহিনী আছে; সাপের চোখে চোখ রেখে মানুষ তাকিয়ে থাকতে থাকতে পশু হয়ে যাওয়ার কথা শিবরাম শুনেছেন, কিন্তু ওই বিষবিন্দু-বরা দাঁতের

দিকে চেয়ে পছ হুয়ে যাওয়ার কথা তিনি শুনে নাই। তিনি যেন পছ হুয়ে গেলেন।

ধুড়টি কবিরাজ একটা দীর্ঘনিশ্বাস ফেলে বললেন—সেবার তোমাদের গ্রামে যখন গিয়েছিলাম, তখন শবলামায়ী যে সাপটি দিয়েছিল মহাদেব, সে জাত কিন্তু আর পেলাম না।

মহাদেব হাসলে। তিক্ত এবং কঠিন সে হাসি। নাকের ডগাটা ফুলে উঠল; হাসিতে চোঁট দুটি বিক্ষুব্ধিত হ'ল না, ধনুকের মত বেঁকে গেল। তারপর বললে—ধনুস্তরি বাবার তো অজানা কিছুই নাই গ! কি বলব বলেন?

তীক্ষ্ণদৃষ্টিতে সে শবলার দিকে মুহূর্তের জগ্ন ফিরে তাকালে। তাকিয়ে বললে—ই জাতটার নেকনের ফল, রীতচরিতের দোষ। এই এর মতি দেখেন কেনে! সে আঙুল দিয়ে দেখালে শবলাকে।

সঙ্গে সঙ্গে গুরু শব্বিত সতর্ক কণ্ঠস্বরে শিবরাম চমকে উঠলেন, সাপের দাঁত দেখে মোহে পছ হুয়ে পড়েছিলেন, সে মোহ তাঁর ছুটে গেল।

ধুড়টি কবিরাজ শব্বিত সতর্ক কণ্ঠস্বরে হেঁকে উঠলেন—ই শবলা!

শবলা হাসলে, হেসে উত্তর দিলে—দেখেছি বাবা। হাত মুই সরাসরে নিইছি ঠিক সময়ে।

ধুড়টি কবিরাজ বললেন—সাবধান হও বাবা মহাদেব! কি হ'ত বল তো?

সত্যই কি হ'ত ভাবতে গিয়ে শিউরে উঠলেন শিবরাম। সর্বনাশ হয়ে যেত। মহাদেব দুই আঙুলে টিপে ধরেছিল সাপটার চোয়াল, বিহুধু ধরেছিল শবলা। উদ্বেজিত হ'য়ে মহাদেব শবলার দিকে চোখ ফিরিয়ে মুক্ত হাতটির আঙুল দিয়ে শবলাকে যে মুহূর্তে দেখাতে গিয়েছে, সেই মুহূর্তে তার সাপ-ধরা হাতটি ঈষৎ বেঁকে গিয়েছে, সাপটার মাথা হেলে পড়েছে, তালপাতায় বেঁধা একটা দাঁত তালপাতা থেকে খুলে গিয়েছে। শবলা যদি মহাদেবের কথায় বা আঙুল দিয়ে দেখানোর প্রতিক্রিয়ায় মুহূর্তের জগ্ন চকল হয়ে চকিতের জগ্নও চোখ তুলত, তাকাত মহাদেবের দিকে, তবে ঐ বক্র তীক্ষ্ণ দাঁতটি সেই মুহূর্তেই ব'লে যেত শবলার আঙুলে।

ধূজটি কবিরাজ ভিরঙ্কারের সুরেই বললেন—সাবধানে বাবা মহাদেব।
কি হ'ত বল তো ?

অবজ্ঞার হাসি হাসলে মহাদেব।—কি আর হ'ত বাবা ?

সুরে সুর মিলিয়ে শবলা বললে—তা বইকি বাবা ! কি আর হ'ত
বলেন ! নিজের বিষেই জ'রে মরত নাগিনী। নরদেহের যন্ত্রণা থেকে খালাস
পেত।

খিল-খিল ক'রে হেসে উঠল বিচিত্র বেদের মেয়ে। সে হাসিতে ব্যাধ
যেন শতধারে ঝ'রে পড়ল।

মহাদেবের মুখখানা থমথমে হয়ে উঠল। এর পর নীরবে অতিসতর্কতার
সঙ্গে চলতে লাগল বিষ-গালার কাজ।

বিষ-গালা শেষ হ'ল। শবলা বললে—বাবাঠাকুরের ছামুতে তু মিটায়ে দে
যার যা পাওনা। বাবা, আপুনি দেন গ হিসাব ক'রে।

মহাদেব কঠিন দৃষ্টিতে তাকালে শবলার দিকে।—কেনে ?

—কেনে আবার কি ? বাবা হিসাব ক'রে দেবেন এক কলমে, মুখে মুখে
হিসাব করতে তুদের সারাদিন কেটে যাবে। কি গ, বল না কেউ তুয়া ?
মুখে যে সব মাটি লেপে দিলি ! আ ?

একজন বেদে বললে—হ্যা, তা, হ্যা সেই তো ভাল। না, কি গ ?
সকলের মুখের দিকে চাইলে সে।

হ্যা। হ্যা।—সকলেই বললে। কেউ বা মুখ দুটে বললে, কেউ সম্মতি
জানালা ঘাড় নেড়ে—হ্যা হ্যা।

* * * *

শিবরাম চমকে উঠলেন, একটি সুরেলা মিষ্টি গলার বিচিত্র মধুর ডাক
শুনে—কচি-ধ্বস্তরি ! জানালার দিকে তাকিয়ে দেখলেন শিবরাম, এ সেই
বেদের মেয়েটি। বেলা তখন তৃতীয় প্রহরের শেষ পাদ। ছাত্রদের প্রায়
তৃতীয় প্রহর পর্যন্ত যায় বৈষ্ণভবনের কাছে ; তারপর খানিকটা বিজ্ঞান।
যোগীরা চ'লে যায়, বৈষ্ণভবনের দুয়ারগুলি বন্ধ হয়, ছাত্রেরা আহার করে, জানের
নিয়ম প্রাতঃস্নান—ওটা হয়ে থাকে ; শুক্ল বিজ্ঞান তখনও হয় না, তাঁকে বের

হতে হয় সম্পন্ন ব্যক্তিদের বাড়ি রোগী দেখতে—অনেক ক্ষেত্রে যে সব রোগীকে নাড়াচাড়া করা চলে না সে সব বাড়িতেও যেতে হয়। এমনি সময় তখন। আঙিনাটা জনশূন্য, গুরু বেরিয়েছেন, তখনও ফেরেন নি; সঙ্গে গিয়েছে অন্ন শিষ্ঠ, শিবরামের সেদিন বিশ্বাম। এক দিকের কোণের একটা ছোট ঘরে শুয়ে আছেন, পাশে খোলা প’ড়ে আছে একখানা বিষণ্ণের পুঁথি। বেদেরা যাওয়ার পর ওই পুঁথিখানাই বের ক’রে খুলে বসেছিলেন। কিন্তু সে পড়তে ভাল লাগছিল না। ঘরের ছাদের দিকে চেয়ে ভাবছিলেন—বোধ হয় ওই বেদেরের কথাই, ওই আশ্চর্য কালো বেদের মেয়েটারই কথা, মহাদেবের কথাও। একটা নেশা লেগেছে যেন। ওদের ওই আশ্চর্য কৌশল, ওই অদ্ভুত সাহস, ওদের বিচিত্র দ্রব্যগুণবিজ্ঞা আর সর্বাপেক্ষা রহস্যময় মন্ত্রবিজ্ঞা শিববার একটা আগ্রহ নেশার মত আচ্ছন্ন ক’রে ফেলেছিল।

* * * *

বিষের দাম মিটিয়ে যখন নেয় বেদেরা তখন শিবরাম মহাদেবের সঙ্গে কথা বলছিলেন। যার যা প্রাপ্য হিসেব ক’রে নিচ্ছিল বেদেরা, মহাদেব নিস্পৃহের মত ব’লে ছিল একদিকে। শিবরাম তাকে ডেকে বলেছিলেন—আমায় শেখাবে? কিছু বিজ্ঞা দেবে? আমি দক্ষিণা দোব।

মহাদেব বলেছিল—দক্ষিণা দিবে তো বুঝলাম। কিন্তু বিজ্ঞা কি একদিন ছুদিনে শিখা যায়? বলেন না আপুনি?

—তা যায় না। তবে কতকগুলো জিনিস তৌ শেখা যায় দু-একবার দেখে। তা ছাড়া, তোমরা বলবে আমি লিখে নেব। আমি তো সাপ ধরা শিখতে চাই না, আমি সাপ চিনতে চাই। লক্ষণ পড়েছি আমাদের শাস্ত্রে, সেই লক্ষণ মিলিয়ে সাপ দেখিয়ে চিনিয়ে দেবে। জড়ি শিকড় চিনিয়ে দেবে, নাম ব’লে দেবে। আমি লিখে নেব।

—কি দিবা বল দক্ষিণা?

—কি চাও বল?

—পাঁচ কুড়ি টাকা দিবা। আর বোল আনা বা-বিষহরির প্রণামী।

অর্থাৎ এক শো এক টাকা।

এক শো এক টাকা কোথায় পাবেন ছাত্র শিবরাম ? গুরুসহে বাস, গুরুর
অঙ্গে দিনবাপন। প্রায় পুরাকালের শিক্ষা-ব্যবস্থার ধারা।

শেষে বলেছিলেন—পাঁচটি টাকা আমি দেব, বিজ্ঞা শেখাতে হবে না, সাপ
চিনিয়ে দিয়ে।

রাজী হয়েছিল মহাদেব। বলেছিল—শহরের ছই দক্ষিণে একতরে সিধা
চলি যাবা গাঙের কূলে কূলে। আধকোশ-টাক গিয়া পাবা আমবাগান, আর
গাঙের কূলে তিনটা বটগাছ। দেখবা, বেদেদের লা বাঁধা রইছে ; সেই
পাড়ের উপর আমাদের আস্তানা।

* * * *

শিবরাম সেই কথাগুলিই ভাবছিলেন।

হঠাৎ কানে এল এই সুরেলা উচ্চারণে মিহি গলার ডাক—কচি-ধষস্তরি !

জ্ঞানালার ওপাশে সেই বিচিত্র বেদের মেয়ের মুখ।

ঠোটে একমুখ হাসি, চোখে চক্কল তারায় সন্মিত আহ্বান—সে তাকেই ডাকছে।

শিবরাম বললেন—আমাকে বলছ ?

—হাঁ গ। তুমাকে ছাড়া আর কাকে ? তুমি ধষস্তরিও বট, কচিও বট।
তাই তো কইলাম কচি-ধষস্তরি ! শুন।

—কি ?

—বাইরে এস গ। আমি বাইরে রইলাম দাঁড়ায়ে—তুমি ঘর থেকে কইছ—
কি ? কেমন তুমি ?

অপ্রতিভ হয়ে বাইরে এলেন শিবরাম।

—ধষস্তরি বাবা কই ? এবার তার চোখে তীব্র দীপ্তি ফুটে উঠল।

—গুরু তো ডাকে বেরিয়েছেন।

—ঘরে নাই।

—না।

যেয়েটা গুম হয়ে ব'সে রইল কিছুক্ষণ। তার পর উঠে পড়ল, বললে—
চললাম। চ'লে গেল। কিছুক্ষণ পরই কিয়ল ধূঁকটি কবিরাজের পালকি।
পালকির সঙ্গে কিয়ল শব্দ। পথে দেখা হয়েছে।

কবিরাজ পালকি থেকে নেমে বললেন—কি ? মহাদেবের সঙ্গে বনছে না !
সেই মীমাংসা করতে হবে ?

—না বাবা । যা দেবতার অসাধি, তার লেগে মূই বাবার কাছে আছি
নাই ।

—তবে ?

চূপ ক'রে দাঁড়িয়ে রইল শবলা । কোনও কথা বললে না । কোন একট
কথা বলতে যেন সে পারছে না ।

—বল, আমার এখনও আহার হয় নি বেটা ।

শবলা ব'লে উঠল—হেই মা গ ! তবে এখন নয় । সে এখন থাক
আপুনি গিয়া সেবা করেন বাবা । হেই মা গ !

ব'লে প্রায় ছুটেই চ'লে গেল ।

—শবলা ! শোন । ব'লে যা ।

—না না । তার কণ্ঠস্বর ভেসে এল । সে ছুটে পালাচ্ছে ।

বিচিত্র মেয়ে । কেনই বা এসেছিল, কেনই বা এমন ক'রে ছুটে চ'লে গেল
শিবরাম বুঝতে পারলেন না । ধূর্জটি কবিরাজ একটু হাসলেন । তিনের ঝগড়া
হালি । তারপর চ'লে গেলেন ভিতরে । এই তৃতীয় প্রহরে আবার তিনি স্বা-
করবেন, তারপর আহার ।

পরের দিন কিন্তু ধনুস্তরি ধূর্জটি কবিরাজের কাছে শবলা আর এল না । ন
এলেও শিবরামের সঙ্গে তার দেখা হয়ে গেল ।

শুধু তাকে পাঠিয়েছিলেন এক রোগীর বাড়ি । ধনাঢ্য ব্যক্তির বাড়ির
রোগী । তরুণ গৃহস্থায়ী হুর্ভাগিনী পিতামহীর অস্থখ । হুর্ভাগিনী বুঝা স্বামী-
পুত্র হারিয়ে পৌত্রের আমলে সম্পূর্ণরূপে অবহেলিত । বড় ঘরে, বড় খাটে
প'ড়ে আছেন, চাকরে টানাপাখাও টানে, কিন্তু এক কস্তা ছাড়া কেউ দেখে
না । বৃত্ত্যরোগ নয়, ক্ষয়াদারক ব্যাধি, তারই ওষুধ দিয়ে পাঠালেন শিবরামকে,
ওষুধগুলি অন্তঃপুরে গিয়ে বুঝার কস্তার হাতে দিয়ে সেবন-বিধি বুঝিয়ে দিয়ে

আসতে। নইলে ওষুধ হয়তো বাইরেই প'ড়ে থাকবে। অথবা এ চাকর দেবে তার হাতে, সে দেবে এক বিয়ের হাতে, যি কখন একসময় গিয়ে কোন্ কুলুঙ্গিতে রেখে চ'লে আসবে। ব'লেও আসবে না যে, ওষুধ রইল। সমস্ত বুকেই কবিরাজ অল্পপানগুলি পৰ্ব্বন্ত সংগ্রহ ক'রে শিবরামকে পাঠালেন।

এই বাড়ির অন্তঃপুরের উঠানে সেদিন শিবরাম দেখলেন শবলাকে।

শবলা! কিন্তু এ কি সেই শবলা? এ যেন আর একজন। হাতে তার দড়িতে বীধা ছুটো বীদর আর একটা ছাগল। কাঁধে ঝুলিতে সাপের ঝাঁপি। চোখে চকিত চপল দৃষ্টি। অন্ধের হিম্মোলে, কথার সুরে, কোতুক-রসিকতা যেন ঢেউ খেলে চলেছে।

এটা ওদের আর একটা ব্যবসা।

নদীর কূলে নৌকা বেঁধে পাড়ের উপর আস্তানার ফেলে মেয়েরা বেরিয়ে পড়ে। সাপ বীদর ছাগল ডুগডুগি বিষম-ঢাকি নিয়ে অন্ধরের দুয়ারে দুয়ারে গিয়ে ডাক দেয়—বেদেনীর খেলা ত্যাখেন গ মা বাড়ির গিন্নী, রাজার রাণী, স্বামী-সোহাগী, সোনা-কপালী চাঁদের মা। কালনাগিনীর দোলন নাচন হীরেমনের খেল—

বিচিত্র সুর, খাঁজে খাঁজে সুরেলা টানে ওঠে-নায়ে। বাড়ির মেয়েরা এ সুর চেনে, ছুটে এসে দরজার দাঁড়ায়। বেদের মেয়ে এসেছে। আশ্চর্য কালো মেয়ে! আশ্চর্য ভাষা! আশ্চর্য ভূবা!

—বেদেনী এসেছিল! ওরে, সব আয় রে! বেদেনী—বেদেনী এসেছে।

—হ্যা গ মা-লক্ষ্মী, বেদেনী আলছে। অর্থাৎ এসেছে। বেদেনী আলছে মা, পোড়ারমুখী আলছে, তুমাদের দুয়ারের কাঁড়ালিনী আলছে, সন্মনাশী-মারাবিনী আলছে খেল দেখাতে, ডিখ মাঙতে, দুয়ারে এস্তা হাত পেতে দাঁড়ালছে।

মেয়েরা হাতের কাজ ফেলে ছুটে আসে। না এসে পারে না। এই কালো মেয়েগুলি রহস্যময়ী মেয়ে, ওরা সত্যিই বোধ হয় জাদু জানে। কথার জাদু আছে, খেলায় জাদু আছে, হাসিতে জাদু আছে। কোন কোন গিন্নী বলেন—ডের হয়েছে, জাদু যা এখন। সন্মনাশীর কাজ পণ্ড করার বাস্তব; হাতের কাজ প'ড়ে আছে আমাদের। পালা বলছি।

ওরা খিলখিল করে হাসে। বলে—তা মা-জহ্নুনী, সোনামুখী, তুমি বলেছ ঠিক। বেদেনী দুয়ারে এস্তা হাঁক দিলি পর হাতের কাজ মাটি। বেদেনী মায়াবিনী গ—আমাদের মস্তর রইছে যে ঠাকরণ! এখন বিদায় কর আপদেদে, জয় জয় দিতি দিতি মুই পথ ধরি; তোমাদের ছেঁড়া কাজ আবার জোড়া লাগুক; ভাগ্য ভর্যা উঠুক; মা-বিবহরি কল্যাণ করেন, নীলকণ্ঠের আশীর্বাদে তুমার ঘরের সকল বিষ হর্যা বাক। জয় মা-বিবহরি, জয় বাবা নীলকণ্ঠ, জয় আমার গিন্নীমা, এই ঝুলি পাতলাম, দাও ভিখ দাও, বিদায় কর।

দাবি ওদের কিন্তু সামান্ত নয়। দাবি অনেক।

বড় একটা বিষধরকে গলায় জড়িয়ে তার মুখটা হাতে ধ'রে মুখের সামনে এনে বলে—শিগ্গিরি বেনারসী শাড়ি আনেন ঠাকরণ—বরের সাথে বেদেনীর শুভদৃষ্টি হবে। আনেন ঠাকরণ, আনেন, মাথার 'পরে ঢেকা ছান, তরিত করেন, বর মোর গলায় পাক দিচ্ছে। কাপড় না পেলে বেদেনী সাপের পাকে শাসরুদ্ধ হয়ে প'ড়ে যাবার ভাণ করে। এ ভাণের কথা লোকে জানে; কিন্তু এত ভয়কর এ ভাণ যে, ভাণ বুঝেও চোখে দেখতে পারে না।

কখনও পোষা বাদরটাকে বলে—হীরেমন, ধর মা-গিন্নীর চরণে ধর। বল, ওই পরনের শাড়িখানি ছেঁড়া ছান, লইলি পর চরণ ছাড়ব নাই।

বাদরটা এমন কথা বুঝতে পারে যে, ঠিক এসে গিন্নীর পা দুখানি দুটি হাত দিয়ে জড়িয়ে ব'সে পড়ে। গিন্নী শিউরে ওঠেন—ছাড় ছাড়। বেদেনী হাসে, বলে—কিছু করবে নাই মা, কিছু করবে নাই। তবে কাপড়খানি না পেলে ও ছাড়বে না। মুই কি করব বলেন? ই আজে ওস্তাদের আজে।

দর্শক পুরুষ হ'লে ভো কথাই নাই।

বাদর নাচাতে নাচাতে, সাপ নাচাতে নাচাতে গানের সঙ্গেই তার অফুরন্ত দাবি জানিয়ে যায়—

যেমন বাবুর চাঁদো মুখো

তেমনি বিদায় পাব গ।

বেনারসীর শাড়ি পর্যা

লেচে লেচে যাব গ!

প্রভু রাজা হাত বাড়িলে

আমার পাহাড় হয় গ !

মাথায় নিয়া সোনার পাহাড়

দিব প্রভুর জয় গ !

মেয়েদের মজলিসে বেদের মেয়ের শুধু বাক্যের মোহ সঞ্চল ; পুরুষদের মহলে বাক্যের মোহের সঙ্গে তার দৃষ্টি এবং হিন্মোল্লিখিত দেহও মোহ বিস্তার করে । সাপের নাচ, বাদরের খেলা দেখিয়ে সব শেষে সে বলে—এই বারে প্রভু বেদেনীর লাচন দেখেন । লাগিনী লেচেছে ছেলে তুলে, এই বারে লাচবে দেখেন বেদের কন্তে । বলতে বলতেই কথা হয়ে ওঠে সুরেলা, টানা সুরে ছড়ার মতই ব'লে যায়—লাচ-লাচ-লো মায়াবিনী, লাচ দিকিনি, লাচ দিকিনি, ছেলে তুলে পাকে পাকে ; বেউলা সতীর যে লাচ দেখে ভুলেছিল বৃড়া শিবের মন । আবার সুরেলা ছড়া কাটা বন্ধ ক'রে ব'লে যায়—শিবের আজ্ঞায় বিবহরি ফির্যায়ে দিচ্ছিল সতীর মরা পতিকে, সেই লাচ লাচবি । বাবুদের রাজা মন ভুলায়ে ভিকার ঝুলিতে ভ'রে লিবি, গরবিনী সাজবি । বাবুর হাতের আংটি লিবি, লগ্নতো লিবি সোনার মোহর—তবে ফির্যা দিবি সেই রাজা মন ।

কথা শেষ ক'রেই গান ধরে, নাচ শুরু করে । এক হাত থাকে মাথার উপর, এক হাত রাখে কাঁকালে, পা দুটি জোড় ক'রে সাপের পাকের মত পাকে পাকে ছলিয়ে নাচে, সে পাক পা থেকে ঠিক যেন সাপের পাকের মতই দেহের উপর দিয়ে উঠে যায় ।

উব্ব—হায় হায়, লাজে ধরি,

আমার মরণ ক্যান্বে হয় না হরি !

আমার পতির মরণ সাপের বিধে

আমার মরণ কিসে গ !

মদন-পোড়া চিতের ছাইয়ের

কে দেবে হায় দিশে গ !

অশে যেখে সেই পোড়া ছাই

ধৈর্য মুই ধরি গ ধৈর্য মুই ধরি—উব্ব, হায় গ !

বেহলা-পালার গান এটি । ওদের নিজস্ব পালা—ওদের কোন পদকর্তা অর্থাৎ
 বিষবেদে কবি ওরাই গাইবার বেহলার মত
 চোখ থেকে জলের ধারা নেমে আসার কথা ; বেহলা যখন দেবসভায় মৃত
 লখিন্দরকে স্মরণ ক'রে নেচেছিল, তখন চোখের জলে তার বুক ভেসেছিল । কিন্তু
 মায়াবিনী বেদের কণ্ঠে যখন গান গেয়ে নাচে, তখন তার চোখ থেকে জলের
 ধারা নামে না, ওদের সরু অথচ লম্বা চোখ ও ভুরু দুটি কটাক্ষভঙ্গির টানে বেকে
 হয়ে ওঠে গুণ-টানা ধনুকের মত । লাস্তের তুঁগীর খালি ক'রে সম্মোহনবাণের
 পর বাণ নিক্ষেপ ক'রে স্থানটার আকাশ-বাতাস যেন আচ্ছন্ন ক'রে দেয় ।
 দর্শকেরা সত্যিই সম্মোহনে আচ্ছন্ন হয়ে পড়ে ।

বুড়ো শিব বেহলা সতীর নৃত্য দেখে মোহিত হয়ে কণ্ঠা বিষহরিকে আঁজা
 দিয়েছিলেন লখিন্দরের প্রাণ ফিরিয়ে দিতে ; বেদের কণ্ঠে বাবুদের মোহিত
 ক'রে বিদায় চায়, টাকা চায় দু হাত ভ'রে ।

ধনীর বাড়িতে বারান্দায় ব'সে ছিলেন তরুণ গৃহস্থামী আর তাঁর সঙ্গীরা । সামনে
 বাগানে নাচছিল শবলা । অন্দর থেকে ফিরে শিবরাম থমকে দাঁড়ালেন ।

গৃহস্থামী তাঁকে দেখেও দেখলেন না । দেখবার তখন অবকাশ ছিল না
 তাঁর । বেদের মেয়েও তাঁর দিকে ফিরে তাকাল না । তারই বা অবকাশ
 কোথায় ? দেবসভায় অঙ্গরা-নৃত্যের কথা শিবরামের মনে প'ড়ে গেল ।
 দেবতারোহ মোহগ্রস্ত, নৃত্যপরা অঙ্গরা নৃত্যলাস্তে মোহাবিস্তার করতে গিয়ে
 নিজেও হয়েছে মোহগ্রস্ত । শবলার চোখেও নেশার ছটা লেগেছে । সে রূপবান
 তরুণ গৃহস্থামীর কাছে হাত পেতেছে, বলছে—মুই বেদের কণ্ঠে, কালনাগিনীর
 পারা কালো আঁধার, রাঙা হাত মুই কোথাকে পাব ? কিন্তুকি লাজ নাই
 বেদেনীর, লাজের মাথা খেয়ে তবে তো দেখাতে পেরেছি লাচন । তাই বাবু
 মোর সোনার লখিন্দর, বাবুর ছামনে পাতলাম কালো আঁধার হাত ।

হেসে বাবু বললেন—কি চাই বল ?

—দাও, রাঙাচরণ শাড়ি দাও ; দেখ, কি কাপড় প'রে রইছি দেখ !

সঙ্গে সঙ্গে হকুম হয়ে গেল । নতুন লালরঙের শাড়ি এখুনি এনে দাও
 দোকান থেকে । জলদি ।

লোক ছুটল সঙ্গে সঙ্গে ।

—আর একটা টাকা দাও একে ।

বেদেনী ব'লে উঠল—উহ উহ, টাকা কি লিব? টাকা লিব না মুই?
সোন লিব—তুমার সোনার বরণ অঙ্গে কত সোনা রইছে, হুই হাতে অতগুলান
অঙ্গুরি, গলায় হার, হাতে তাগা—ওরই এক টুকরা লিবে কালামুখী কালোবরণী
কালনাগিনী বেদের কস্তে!

ছুটো চোখ থেকে মুহমুহ কটাক্ষ হানছিল সে ।

তরুণ গৃহস্থায়ী তৎক্ষণাত্ হাত থেকে একটি আংটি খুলে বললেন—নে ।

এবার বেদেনী খিল-খিল ক'রে হেসে উঠে খানিকটা পিছিয়ে গেল ।—

বাবা রে !

—কি ? কি হ'ল ?

শবল! হেসে বলে—ই বাবা গ! সন্ধান সন্ধান! উলিলি পর আমার
পরান যাবে, আপনার মাগ্গি যাবে। বেদে বুড়! দেখলি পর টুঁটি টিপে ধরবে,
লয় তো বুকে বিচ্ছে দিবে লোহার শলা। আর গিন্নী মা দেখলি পর মোর
মাথায় মারবেন ঝাঁটা। আপনার খালি অঙ্গুল দেখা গোলা কর্যা ঘরে গিয়া
খিল দিবেন, কি চল্যা যাবেন বাপের ঘর ।

হেসে তরুণ গৃহস্থায়ী আংটিটা আবার আঙুলে পরলেন, বললেন—তবে
গাইলি কেন ?

—দেখলাম আমার সোনার লখিন্দরের কালনাগিনীর পরে ভালবাসাটা
খাটি, না, মেকী !

—কি দেখলি ?

—খাটি, খাটি। হঠাৎ মুখে কাপড় দিয়ে হেসে উঠল, বললে—খাটিই হয় গো
সোনার লখিন্দর। তাতেই তো লাগের বিষে মরে না লখিন্দর, লাগিনীর বিষে
মরে ।

ঠিক এই সময়েই বাজার থেকে লোক ফিরে এল লালরঙের চন্দ্রকোণা
শাড়ি নিয়ে। টকটকে লালরঙের শাড়ি, তারও চেয়ে গাঢ় লালরঙের পাড়।
চকচক ক'রে উঠল বেদেনীর চোখ ।

কাপড়খানা গায়ে জড়িয়ে নতুন কাপড়ের গন্ধ নাকে শুঁকে সে বললে
—আঃ !

—পছন্দ হয়েছে ?

—হবে না ? চাঁদের পারা বদন তুমার, তুমার দেওয়া জিনিস কি অপছন্দ
হয় ? এখন—বিদায় কর ।

—আর কি চাই বল ? আংটি চাইলি, দিতে গেলাম, নিলি নে ।

—দাও । যখন দিবার তরে মন উঠেছে, পোড়াকপালী বেদের বেটীর কপাল
ফিরেছে, তখন দাও, আংটির দাম পাঁচটা টাকা দিবার হুকুম কর । তুমি হাত
বাড়লে আমাদের তাই পকত । দিয়া দাও পাঁচটা টাকা ।

তাও হুকুম হ'ল দিতে ।

পাওনা নিয়েই ছুটতে শুরু করলে সে । বেদের মেয়েটার চলন কি দ্রুত !
মাঠের মধ্যে সাপের পিছনে তাড়া ক'রে সাপের নাগাল নেয়,—বেদের মেয়েদের
চলনই খর, বলনও খর, চাউনিও খর । শবলা আবার তাদের মধ্যে অদ্বিতীয়া,
বিচিত্র মেয়েদের মধ্যে ও আবার আরও বিচিত্র ।

বাবু হাকলেন—দাঁড়া দাঁড়া । এই বেদেনী, এই !

দাঁড়াল শবলা । এরই মধ্যে সে অনেকটা চ'লে গেছে । ফিরে দাঁড়িয়ে
অতি মধুর এবং অতি চতুর হাসি হাসলে সে । বললে—আজ্ঞা ভ্রমর লয় সোনার
লবিন্দর, উই তাকায়ে ছাখেন, পছিম আকাশ বাগে—বেলা হিলে গেলুছে, সুখিয়া
দেবতার লালি ধরেছে ; সাঝ আসছে নেমে । বাবু যেই কত পথ । শিয়াল
ভাকবার আগে ঘরকে ঘেতে না পারলি ঘরে লিভে না, জাতে ঠেলবে । ব'লেই
হেসে হর ক'রে বলে—

শিয়াল ভাকিলি পরে,

বেদেরা না লিবে ঘরে

অভাগিনীর বাবে আত্মকুল ।

তারপর ছুড়া ছেড়ে সহজ ক'রে বললে—বেশ চুপি চুপি বলার ভঙ্গিতে
—তুমি জান না সোনার লবিন্দর, তুমি বেদের কস্তুরে জান না । বেদের
কস্তুর লাজ নাই শরম নাই, বেদের কস্তুর ধরম নাই, বেদের কস্তুর ঘরের
মায়া নাই ; বেদের কস্তুর বেদিনী অবিবাহিনী । রীতচরিত তার সাপের

কন্তে লাগিনীর মতন। রাত লাগলি, আঁধার নামলি চোখে নেশা লাগে, বৃক্কের ভিতরটা তোলপাড় করে, লাগিনীর মতন সনসনিয়ে চলে, কশা ভুলে লাচে। সে লাচন যে দেখে সে সংসার ভুলে যায়।

চোখ ছুটো তার ঝকঝক ক'রে উঠল একবার।

বললে—সে লাচন তুমাকে দেখাবার উপায় নাই সোনার লখিম্মর।

তারপর সে আঁধার ছুটল। সূতা সতাই সে ছুটতে শুরু করল। ওদিকে সূর্য প্রায় দিগন্তের কোলে নেমেছে, রঙ তার লাল হয়ে উঠেছে। সন্ধ্যা হতে খুব দেরি নাই। শবলা মিথো বলে নাই, শিবরাম জানেন, শুনেছেন, ওই যে-বার গিয়েছিলেন হিজল বিলের ধারে সীতালী গায়ে, সেবারেই শুনে এসেছিলেন, সন্ধ্যার শিবরামের পর যে বেদের মেয়ে গায়ের বা আস্তানার বাইরে রইল, তার আর ঘরে প্রবেশাধিকার রইল না। অন্তত সে রাত্রির মত রইল না। পরের দিন সকালে তাকে সাক্ষীসাবুদ নিয়ে শিরবেদের সম্মুখে এসে দাঁড়াতে হবে, প্রমাণ করতে হবে—সে সন্ধ্যার সময় পর্যন্ত কোনমতেই ঘর পর্যন্ত পথ অতিক্রম করতে পারে নাই এবং সন্ধ্যার সময়েই সে আশ্রয় নিয়েছিল কোন সংগৃহস্থের ঘরে, কোন অপরাধে সে অপরাধিনী নয়। তবে সে পায় ঘরে ঢুকতে। প্রমাণে এতটুকু খুঁত বের হ'লে দিতে হয় অসম্মান। এর উপর খেতে ছয় বেদের প্রহার।

শবলা নাগিনী কন্তা, পাঁচ বছর আগে নিজের স্বামীকে ধরে সে প্রায় চিরকুমারী, কিন্তু আস্তানার বা ঘরে তার প্রতীকার বা সে থাকে নয় শিরবেদে। নাগিনী কন্তাকে যদি স্পর্শ করে ব্যভিচারের অপরাধ, তবে গোটা বেদে-সমাজের মুখে কালি পড়বে, মা-বিবহরি তার হাতে পুজা নেবেন না। পরকালে পিতৃ-পুরুষদের অধোগতি হবে। সন্ধ্যার শিবাক্ষনি কানে চুকবামাত্র শিরবেদে উঠে দাঁড়িয়ে হাত জোড় ক'রে মা-বিবহরির নাম নিয়ে প্রণাম করবে।—জয় মা-বিবহরি, জয় মা-মনসা!

কপালে হাত ঠেকিয়ে প্রণাম ক'রেই হাঁকবে—কন্তে!

হাঁ গ, সন্ধ্যার প্রদীপ জ্বলছি গ।—উত্তর দিতে হবে নাগিনী কন্তাকে।

ছুটে চলল শবলা।

গন্ধার ঘাটের দিকে চলল, তারপর সেখান থেকে গন্ধার কূলের পথ ধরে তাকে হাঁটতে হবে অনেকটা। তার আকর্ষণে ছাগলটা এবং বাদর দুটোও ছুটছে।

দর্শকদের সঙ্গে শিবরামও দাঁড়িয়ে রইলেন তার দিকে চেয়ে। মেয়েটার ছুটে চলাও বিচিত্র, সজাগ হয়েই ছুটে চলেছে বোধ হয় মেয়েটা। দর্শকেরা যে তার পিছনে তারই দিকে চেয়ে রয়েছে, একথা সে মুহূর্তের জ্ঞানও ভুলছে না। ছুটে চলার মধ্যেও তার তরঙ্গ দেহের হিল্লোল অটুট রেখে ছুটে চলেছে। নাচতে নাচতেই যেন ছুটছে মেয়েটা।

শিবরামের মনে হ'ল, মেয়েটার মুখে হাসির রেশ ফুটে রয়েছে। সে নিশ্চয় ক'রে জানে যে, দর্শকেরা মোহগ্রস্তের মত এখনও তারই দিকে তাকিয়ে রয়েছে।

দেখতে দেখতে গন্ধার কূলের জঙ্গলের মধ্যে হারিয়ে গেল বেদের মেয়ে।

* * * *

পরের দিন সকালেই মহাদেব এসে দাঁড়াল ধূর্জটি কবিরাজের উঠানে। চোখে বিভ্রান্ত দৃষ্টি, কাঁধে সাপের বাক নাই, হাতে ডমরুর মত আকারের বাস্তবস্বপ্নটা নাই, তুমড়ি-বাঁশীও নাই ; হাতে শুধু লোহার ডাণ্ডাটাই আছে।

—বাবা !

তখনও প্রায় ভোরবেলা। ধূর্জটি কবিরাজ চিরটাকাল ব্যস্তির শেষ প্রহরে শয্যাভাগ ক'রে প্রাতঃকৃত্য সেরে স্নান করতেন ঠিক উদয়মুহূর্তে। স্বর্ষোদয় না হ'লে দিবাগণনা হয় না ব'লেই অপেক্ষা ক'রে থাকতেন—স্তবপাঠ ইত্যাদি করতেন। দিনের দেবতার উদয় হ'লেই গন্ধারাম ক'রে ফিরে পূজায় বসতেন। কবিরাজ সবে স্নান সেরে বাড়ি ঢুকছেন, ওদিক থেকে বাস্তব হয়েই এসে উপস্থিত হ'ল মহাদেব।

কি মহাদেব ? এই ভোরে ?

তার আপাদমস্তক তীক্ষ্ণদৃষ্টিতে চেয়ে দেখে বললেন—এই ভাবে ? কি ব্যাপার ?

শহরে এসে মধ্যে মধ্যে ওরা মহামারীতে আক্রান্ত হয়। নগদ পরসা হাতে পেয়ে শহরের খাল-অখাল খায় আকর্ষণ পূরে। দিনে ছপূরে সারাদিন ঘুরে

বেড়ায়। তৃষ্ণা পায়, সে তৃষ্ণা মেটাতে যে-কোন স্থানের জল গ্রহণে ওদের ঝিঝি
নাই, সুতরাং মহামারী আর আশ্চর্য কি ?

মহাদেব বললে—বিপদ হ'ল বাবা, ছুটে এলম। হেতা তুমি ছাড়া আমাদের
আর কে রয়েছে কও ?

—কি হ'ল ?

—একটা ছোড়া মরিছে কাল রাতে !

—মরেছে ? কি হয়েছিল ?

—কি হবে বাবা ? বেদের মিত্যু লাগের মুখে। সপাঘাত হইছে।

—সপাঘাত ?

—হাঁ বাবা। সাক্ষাৎ কাল। এক আকামা রাজগোথুরা। কি ক'রে ঝাঁপি
খুলল, কে জানে ? ঝাঁপি থেকে বেরিয়ে পেলে ছোড়াকে ছামুতে, ছোড়া পিছা
ফিয়া ব'সে ছিল—পিটের উপর মাথা ঠুঁকে দিলেক ছোবল। এক্ষেত্রে এক
খামচ মাস তুলে নিলে। কিছুতে কিছু হয় নাই—দণ্ড দুইয়ের ভিতর জাষ হয়ে
গেল। এখন বাবা ইটা হ'ল শহর বাজার ঠাই, অপঘাত মিত্যুর নাকি তদন্ত
হবে থানাতে। আপনি একটা চিরকুট লিপে দাও বাবা দারোগাকে।

—ব'স।

হাত জোড় ক'রে মহাদেব বললে—অভয় পাই তো একটি কথা বলি বাবা
ধন্যস্তরি।

—বল।

—চিরকুট লিখা এই বাবাঠাকুরের হাত দিয়া—ইয়ারে মোর সাথে দাও।
দারোগার সাথে কথা কি বলতি কি বলব বাবা—

স্বরে ভজিমায় অসমাপ্ত থেকে গেল মহাদেবের কথা। বলতে পারলে না—
হয়তো জানে না বাক্যের রীতি, অথবা সাহস করলে না। অনুরোধ পুনরাবৃত্তি
করতে।

আচার্য ভাবছিলেন। ভাবছিলেন আনুর্বেদ-ভবনের স্ববিধা-অস্ববিধার কথা,
শিষ্যের অস্ববিধার কথাও মনে হচ্ছিল।

হাত জোড় ক'রে মহাদেব বললে—বাবা, কাল নিয়ে খেলা করি, মরি ঝিঝি

ভয় করি না, কিন্তুক থানা-পুলিশ যমের বাড়ি, উরা বাবা সাক্ষাৎ বাঘ। দেখলি পরেই পরানটা খাঁচাছাড়া হয়্যা যায় গ।

এবার হেসে ফেললেন ধূর্জটি কবিরাজ। শিবরামের দিকে তাকিয়ে বললেন— তোমার হয়তো একটু কষ্ট হবে শিবরাম, তবে এদের জন্ত কষ্ট করলে পুণ্য আছে, তুমি যাও একবার। দারোগাকে আমার নাম ক'রে ব'লো—অথবা কোন কষ্ট যেন না দেন। তুমি না গেলে হয়তো হয়রানির ভয় দেখিয়ে টাকা আদায়ের চেষ্টা করবে। বুঝেছ ?

শিবরাম উঠলেন। বললেন—আমি যাচ্ছি।

জোয়ান বেদের ছেলে। যতদেহটা দেখে মনে হচ্ছিল, কালো কষ্টিপাথরে গড়া একটা মূর্তি, স্নানর সবল চেহারা। শুইয়ে রেখেছিল বেদেদের আস্তানার ঠিক মাঝখানে। মাথার শিরেরে কাঁদছিল তার মা। চারিদিকে আপন আপন আস্তানায় বেদেরা যেন অসাড় হয়ে ব'সে আছে। ছোট ছোট ছেলেগুলো শুধু দল বেঁধে চঞ্চল হবার চেষ্টা করছে; কিন্তু তাও ঠিক পেরে উঠছে না চঞ্চল হতে, বড় মানুষদের স্তম্ভিত ভাবের প্রভাব তাদেরও যেন আচ্ছন্ন ক'রে ফেলেছে।

শবলা দাঁড়িয়ে আছে একটা গাছের ডাল ধ'রে; যেন ডালটা অবলম্বন ক'রে তবে দাঁড়াতে পেরেছে। অদ্ভুত চেহারা হয়েছে চঞ্চল চপলা মেয়েটার। স্থির দৃষ্টিতে চেয়ে রয়েছে ওই মরা মানুষটার দিকে; কিন্তু তাকে সে দেখছে না, মনের ভিতরটা যেন বাইরে এসে ওই মরা মানুষটার উপরে শবাসনে ব'সে আছে। চোখের উপরে ক্র দুটির মাঝখানে দুটি রেখা স্পষ্ট দাঁড়িয়ে উঠেছে।

দারোগা-পুলিসের তদন্ত অল্পেই মিটে গেল।

কি-ই বা আছে তদন্তের! সাপের ওঝার মত সাধারণত সাপের বিষেই হয়ে থাকে। কাল নিয়ে খেলা করতে গেলে দশ দিন খেলোয়াড়ের, একদিন কালের। তার উপর বিখ্যাত ধূর্জটি কবিরাজের অমরোদ্য নিয়ে তাঁর শিষ্য শিবরাম উপস্থিত। নইলে এমন ক্ষেত্রে অল্পবয়সে কিছু আদায় করে পুলিশ। দারোগা শব-সংস্কারের অমরোদ্য দিয়ে চ'লে গেলেন।

মহাদেব দেখালে সমস্ত। সাপটা দেখালে। প্রকাণ্ড একটা দুধে-গোখুরো।

সাদা রঙের গোখুরো খুব বিরল। কদাচিৎ পাওয়া যায়। বেদেরা বলে—
 রাজার ভিটে ছাড়া দুধে-গোখুরো বাস করেন। রাজবংশের ভাগ্যপ্রতিষ্ঠা
 যখন হয়, বংশের লক্ষ্মী যখন রাজলক্ষ্মীর মর্যাদা পান, তখনই হয় ওর আবির্ভাব।
 লক্ষ্মীর মাথার উপর ছত্র ধরে সে-ই তাঁকে দেয় ওই গৌরব। তারপর
 রাজবংশের ভাগ্য ভাঙে, বংশ শেষ হয়ে যায়, রাজপুরী ভেঙে পড়ে, লক্ষ্মী
 অন্তর্হিতা হন, চ'লে যান স্বস্থানে—ওকেই রেখে যান ভাঙা পুরী পাহারা দেবার
 ক্ষমতা। ভাঙা পুরীর খিলানে খিলানে, ফাটলে ফাটলে ও দীর্ঘনিশ্বাস ফেলে ঘুরে
 বেড়ায়। অনধিকারী মন্দ অভিপ্রায়ে এই ভাঙা পুরীতে প্রবেশ করতে চেষ্টা করলে
 দণ্ড ধরে অর্থাৎ ফণা তুলে দাঁড়ায়। মন্দ অভিপ্রায় না থাকলে তুমি যাও, ও সাড়া
 াবে না; তুমি ঘুরে-ফিরে দেখবে—ও তোমাকে দেখবে, নিজের অস্তিত্ব
 জানতে দেবে না, পাছে তুমি ভয় পাও। তুমি দীর্ঘনিশ্বাস ফেললে হয়তো
 বড়জোর ও-ও নিশ্বাস ফেলবে! হঠাৎ যদি তোমার প্রবেশ-মুখে ও বাইরেই
 থাকে, চোখে পড়ে তোমার, তবে তৎক্ষণাৎ ও ক্ষতবেগে চ'লে যাবে কোন্
 অন্ধকারে, লুকিয়ে পড়বে। মুখে ওর ভাষা নাই, ভাষা থাকলে শুনতে পেতে,
 ও বলছে—ভয় নাই—ভয় নাই। এস, দেখ।

মালদহে দেখেছিলম বাবা। মহাদেব বললে—তখন মুই ভীতি জোয়ান।
 মোর বাপ শঙ্কর শিরবেদে বেঁচা। অরণ্যে-ভরা ভাঙা ভাঙা পুরী, ঘুরা ঘুরা
 দেখছি। আর বিধাতারে বুলছি—হায় বিধেতা, হায় বে! এ কি তোম খেলা!
 এই গড়াই বা ক্যানে—আর গড়লি যদি তবে গড়াই বা ক্যানে! 'ঘুরতে
 ঘুরতে মনে হ'ল, এই এত বড় রাজবাড়ি, কুখা আছে ইয়ার তোবাখনা? সিধানে
 কি সোনা-দানা-হীরে-মানিকের কিছুই নাই পড়ে? কি বুলব বাবা, মাথার
 উপর উঠল গর্জন—কোঁ-কোঁ-কোঁ। স্তম্ভ পরানটা উড়ে গেল। একেরে মাথার
 উপরে বে, ফিরে তাকাবার সময় নাই। শিরে হৈলে সপ্যাখাত, তাগা বাঁধব
 কুখা! তবে বেদের বেটা—ভয় তো করি না। বুদ্ধি ক'রে সঙ্গে সঙ্গে ব'লে
 পড়লম স্বপ ক'রে। তা বাদে মাথা তুলে উপর বাগে তাকালম। দেখি,
 বিলানের ফাটল খেক্যা এই হাত খানেক দেখখানা বার ক'রে দণ্ড ধরে
 গব্বজাইছে। এই কুলার মতন ফণা, এই সোনার বরণ চক, দুধের মতন দেহের

রঙ। মরি মরি মরি! কি বুলব বাবা, মন আমার মোহিত হয়ে গেল
 বেদের কুলে জন্ম নিছি, হিজল বিলের ধারে সীতালী গায়ে বাস—পাতালে
 লাগলোকে যত লাগ, সীতালীর ঘাসবনে গাছে কোটরেও তত লাগ। কিন্তু
 এমনটি তো দেখি নাই। মনটা নেচ্যা উঠল বাবা। ডাবলাম, ইয়ারে যদি
 ধরতে না পারি তো কিসের বেদে মুই? খানিক পিছিয়ে এলাম, দাঁড়ালম বাব
 খুঁট লিয়ে। আয়, তু আয়। মনে মনে ডাকলাম মা-বিশ্বহরিকে, ডাকলাম
 কাললাগিনী বেটীকে। হাকতে লাগলম মস্তুর। সেও থির, মুইও থির। কে
 জেতে, কে হারে! ডাবলাম, ফাঁস বানায়ে মারব ছুঁড়ে শেষ পর্যন্ত। পিছন
 থেকে মোর বাপ হাঁক দিলেক—খবরদার! মুখ ফিরাবার জো নাই বাবা,
 আমি ফিরাব চোখ তো উ মারবে ছোবল, উ নামাবে মাথা তো মুই দোব ছোঁ।
 মুখ না ফিরায়ে মুই বাপকে কইলাম—এস তুমি আগায়ে এস; মুই ঠিক আছি
 ধর তুমি। বাপ কইল—না, পিছায়ে আয় পায়ে পায়ে। উনি হলেন রাজ-গোখুর,
 এ পুরীর আগলদার—সাক্ষাৎ কাল। ওরে ধ'রে কেউ বাঁচে না। পিছায়ে
 আয়। বাপের হুকুম—শিরবেদের আদেশ বাবা, দু পা পিছায়ে গেলম। সেও
 খানিক দেহ গুটায়ে ঢুকায়ে নিলে, ফণাটা খানিক ছোট হ'ল। বার কইলে—
 সর্বনাশ করেছিলি। ওরে ধরতে নাই। বেদের বেটা, ধরতে হয়তো পারবি।
 কিন্তু মুখে রক্ত উঠা ম'রে যাবি—নয়তো যেতে হবে এই ওর বিষে। তা,
 উনি এমন দণ্ড ধ'রে দাঁড়ালেন কানে? ওরে তেড়ে ছিলি? না, মনে মনে
 পাপ ভাবনা ভেবেছিলি? গুপ্তধন খুঁজতে গিয়েছিলি? বললম—কি ক'রে
 জানলা গ? বাবা কইল বৃত্তান্ত। কইল—পাপ বাসনা মুছে ফেল, ভুলে যা।
 দেবতারে পেনাম কর্যা আস্তানায় চল। নইলে নিস্তার পারি নাই। মনের
 বাসনা মনে ডুবালম, মুছে দিলম। বললম—দেবতা, তুমি কমা কর। বাস।
 বাবা, নিমিখ ফেলতে দেখি, আর নাই তিনি। ঢুকে গেছেন। ফিরে এলাম।
 তার পরে গিয়েছি বাবা সেই ভিটেতে, মনে মনে বলেছি—কমা কর দেবতা,
 কোন বাসনা নিয়ে আসি নাই, এসেছি দেখতে, নয়ন সাধক করতে। আর
 কোনোদিন দেখা পাই নাই।

নিজের গল্প শেষ ক'রে মহাদেব বললে—কাল, বাবা, দেখি, ই ছোঁড়া ধ'রে

এনেছে সেই এক রাজগোস্বর, সাক্ষাৎ কাল। বাবা শিবের বরণ হ'ল হুখের মতন, তার অঙ্গের পরশ ছাড়া ই বরণ উ পাবে কুখা? বেদের ছেলে, ই কথা না-জানা নয়, মুই কতবার ই কাহিনী বলেছি। জানে ভালমতে। কিন্তু ওর নেয়ত। ওর রীতচরিতটা খারাপ ছিল—এমনি হবে মুই জানতম। জোয়ান কার না হয় বাবা! ই ছোড়ার জোয়ান বয়স হ'ল—যেন সাপের পাঁচ পা দেখলে। রক্তের তেজে ধরাখানা হ'ল সরা। যত কিছু মানা আছে বেদের কুলে—তাই করতে ছিল উয়ার ঝোক। লইলে বাবা—

হঠাৎ ভয়ঙ্কর হয়ে উঠল মহাদেবের মুখ, কণ্ঠস্বরে বেজে উঠল যেন বিষম-টাকির সুর, সে প্রায় গর্জন ক'রে উঠল, ফেটে পড়ল, সে বললে—লইলে বাবা, লাগিনী কন্তে বেদের কুলের কন্তে—লক্ষ্মী, তার দিকে দিষ্টি পড়ে বাবা?

—এই উয়ার নিয়ত। এই উয়ার নিয়ত। মাথা ঝাঁকি দিয়ে উঠল মহাদেব, ঝাঁকড়া চুল হলে উঠল। পাপ কথা উচ্চারণ ক'রে সম্ভবত প্রায়শ্চিত্তের জন্ত দেবতার নাম স্মরণ ক'রলে সে—জয় বাবা মহাদেব, জয় মা-বিষহরি, জয় মা-চণ্ডী, কমা কর মা, কমা কর।

সমস্ত স্থানটা থমথম করছিল। গঙ্গার ওপারের তটভূমিতে তখনও শোনা যাচ্ছিল মহাদেবের কণ্ঠস্বরের প্রতিধ্বনি। আর উঠছিল গঙ্গার স্রোতের কুলকুল শব্দ এবং উত্তর বাতাসে অশ্বখ ও বটগাছের পাতায় পাতায় বহু সর সর ধ্বনি, মধ্যে মধ্যে ছোটো-একটা পাতা ঝ'রে ঘুরতে ঘুরতে মাটির উপর এসে পড়ছিল। বেদেদের সকলে স্তব্ধ, ছেলেগুলো পর্যন্ত ভয় পেয়ে চুপ ক'রে গিয়েছে, সমস্ত দৃষ্টিতে তাকিয়ে আছে মহাদেবের ক্রুদ্ধ মুখের দিকে। শব্দা শুধু একবার ফিরে তাকালে মহাদেবের দিকে, তারপর আবার যেমন স্থিরদৃষ্টিতে তাকিয়ে দাঁড়িয়ে ছিল, তেমনি ভাবেই দাঁড়িয়ে রইল।

মহাদেব মনের আবেগে ব'লেই যাচ্ছিল, ব'লে কথা যেন শেষ করতে পারছে না। সে আবার বললে—আমি জানতম। আমি জানতম। এমন হবে আমি জানতম। কন্তে চান করে বিলের ঘাটে, ছোড়াটা লুকায়ে দেখে। আমি সাবধান ক'রে দিছি, চুলের মুঠা ধ'রে মারছি, তবু উয়ার লালস মিটল না। আর ওই কন্তেটা! ওই যে লাগিনীর জাত, উ একদিন, বাবা, কন্তের না-ক-কা—৫

রূপ ধ'রে ছলেছিল গোটা বেদের জাতটারে। জনমে জনমে উ ছলনা করে বাবা। ছোঁড়ার নেয়ত! ছোঁড়া কাল গেছিল হই মা-গন্ধার হই পাড়ে—ভাড়া লবাববাড়ির জঙ্গলের দিকে। সেখানে ছিলেন এই দেবতা। এসে বুললে শবলারে। শবলা বুললে—বেদের বেটা লাগ দেখা ছেড়া দিয়া এলি—কি রকম বেদের বেটা তু? যা, ধর্যা নিয়ে আয়। জোয়ান বেদের বেটো, তার উপর শবলা বুলেছে, আর রক্ষা আছে বাবা! নিয়া এল ধ'রে, আমি দেখলম, দেখা শিউরে উঠলম। বললম—ছেড়া দে, লইলে মরবি। কিছুতে রাজী হয় না; স্ত্রাব কেড়ে নিলম বাবা। সীরা হয়ে গেছিল, ঝাঁপিতে ভর্যা রেখে দিলম, ভাবলম—কাল সকালে ছেড়া দিয়া আসব স্বস্থানে। কিন্তু গুর নেয়ত, আমি কি করব, বলেন? রাতের বেলা ঝাঁপি ঠেলায় বেরিয়েছে সাক্ষাৎ কাল; ইদিকে ছোঁড়া গাঙের ধারে গিয়া বস্তা কি করছিল কে জানে? পিছা থেকে সাপটা গিয়া একেরে পিঠের যেকন্দগের 'পরে দিছে ছোবল। ছোঁড়া ঘুর্যা দেখে কাল। বেদের বেটা, হাতে ছিল লোহার ডাণ্ডা, সেও দিলেক পিটায়ে। দুটাতেই মরল।

প্রকাণ্ড হুধে-গোখুরাটার নিজীবে দেহটা খানিকটা দূরে একটা বুড়ির নীচে ঢাকা ছিল। পাছে কাক্ চিল বা অন্য কোন মৃতমাংসলোভী প্রাণী ওটাকে নিয়ে টানাটানি শুরু করে, সেই ভয়েই বুড়ি দিয়ে ঢেকে রেখেছে। বুড়িটা তুলে মহাদেব বললে—দেখেন, নিজের পাপে নিজেকে মরবে ছোঁড়া, আবার মরণের কালে ই কি পাপ ক'রে গেল, দেখেন! কি দেবতার মতন দেহ দেখেন! কি সোনার ছাতার মত চক দেখেন! ই পাপ অর্শাবে বেদে-গুটির উপর।

এতক্ষণে কথা বললে শবলা, শবদেহটার উপর থেকে দৃষ্টি তার ফিরে আবদ্ধ হয়ে ছিল মহাদেবের উপর। কখন যে ফিরেছিল কেউ লক্ষ্য করে নাই। উত্তেজিত মহাদেবের কথা শুনে লোকে তার দিকেই তাকিয়ে ছিল, তারপর দৃষ্টি নিবদ্ধ হয়ে ছিল সাপটার উপর! সত্যই সাপটার দেহবর্ণ অপূর্ণ, এমন ছুধের মত সাদা গোখুরা সাপ দেখা যায় না। গুরই মধ্যে শবলা কখন দৃষ্টি ফিরিয়ে তাকিয়েছিল মহাদেবের দিকে। সে ব'লে উঠল—ই পাপ অর্শাবে তুকে। বেদে গুটির পাপ ইতে নাই। পাপ তুর।

চমকে উঠল মহাদেব ।

তিন্ত কুটিল হাসিতে শবলার চোঁট দুটি বেকে গিয়েছে, নাকের ডগাটা ফুলে ফুলে উঠছে । চোখের দৃষ্টিতে আঁকোশ যেন বিচ্ছুরিত হচ্ছে । কোন অগ্নিকুণ্ডের ছাইয়ের আবরণ যেন অকস্মাৎ একটা দমকা বাতাসে উড়ে গিয়ে বাতাসের স্পর্শে মুহূর্তে মুহূর্তে দীপ্যমান হয়ে উঠছে । মহাদেবের কোন কথা যে দমকা বাতাসের কাজ করলে, শবলার চোখের দৃষ্টি থেকে উদাসীনতার স্তিমিত ভাবের ছাইয়ের আবরণ উড়িয়ে দিলে, সে কথা জানে ওই শবলাই ।

মহাদেব তার কথা শুনে চমকে উঠেছিল, তার দিকে তাকিয়ে যেন ধমকে গেল ।

শবলার মুখের তিন্ত হাসি আরও একটু স্পষ্ট হয়ে উঠল, আরও একটু বেশি টান পড়ল তার দুই চোঁটের কোণে । মহাদেবের চমক দেখে এবং তাকে ধমকে যেতে দেখে সে যেন খুশি হয়ে উঠেছে ; মহাদেবের স্তম্ভিত ভাবের অবসরে সে নিজের কথাটা আরও দৃঢ় করে বলে উঠল—শুধু ওই রাজলাগের মরণের পাপই লয় বুড়া, ওই বেদের ছাওয়া মরল, তার পাপও বটে । দুই পাপই তুর ।

রোষ এবং বিষয় মিশিয়ে একটা অদ্ভুত ভাব ফুটে উঠছিল মহাদেবের মুখে, কিন্তু সে যেন নিজেকে ঠিক প্রকাশ করতে পারছিল না,—শুধুমাত্র বাক্য ঠিকই আছে, কিন্তু আগুনের স্পর্শ পাচ্ছিল না । সে শুধু বললে—আমার পাপ ?

হাঁ । তুর । তুর । বুড়া, তুর । বল কানো । উপরে রইছেন মাথার 'পরে দিনের ঠাকুর দিনমণি, পায়ের তলায় তুর মা-বসুমতী, তাকে মাথায় ধরে বইছেন মা-বিষহরির সহোদর বাসুকী । তুর ছামুতে রইছে মায়ের বারি—তু বল—বল বুড়া, পাপ কার ?

এবার কেটে পড়ল মহাদেব । চীৎকার করে উঠল—শবলা !

সে হাঁক যেন মাহুকের হাঁক নয়—সে যেন আত্মা চীৎকার করে উঠল । সে আগুনের বেদেরা যে বেদেরা, বারা মহাদেবের সঙ্গে আজীবন বাস করে আসছে, তারাও চমকে উঠল । শিবরাম চমকে উঠলেন । বেদেরের আত্মনার পাছের ডালে বাঁধা বাঁদরগুলি চিক্‌চিক্‌ করে এ-ডাল থেকে ও-ডালে লাফিয়ে

পড়ল, ছাগলগুলি শুয়ে ছিল, সভয় শব্দ ক'রে উঠে দাঁড়াল, গাছের মাথায় পাখা
 ধারা ব'লে ছিল, উড়ে পালাল ; শব্দটা গন্ধার বৃকের জল ঘেঁষে দু দিকে ছুটে
 চ'লে আঁকেবাকে ধাক্কা মেয়ে প্রতিধ্বনি তুললে—

শবলা !

শবলা !

শবলা !

ক্রমশ দূরে-দূরাস্তরে গিয়ে শব্দটা ক্ষীণ থেকে ক্ষীণতর হয়ে মিলিয়ে গেল ।
 তখনও সকলে স্তম্ভিত হয়ে রয়েছেন । শুধু শবলা গাছের ডালটা ছেড়ে দিয়ে
 সোজা হয়ে দাঁড়াল । তারপর অতি মুহূ কণ্ঠে অল্প একটু হেসে বলল—তুই
 বিচার করা দেখ । পাঁচজন রইছে, পঞ্চজনেও বিচার করুক । এই রইছেন
 ধ্বস্তরি বাবার শিষ্য, গুরেও শুধা । বল রে বুড়া, তু য়েলাগকে দেখে চিনলি
 রাজলাগ ব'লে, তু জানলি যে ইয়ারে ধরলে মিড্ডা থেকে নিস্তার নাই । মুকে
 তু বললি সি কথা, ছোঁড়াটার কাছ থেকে কেড়েও লিলি । কিন্তু ছেড়ে দিলি
 নাই ক্যানে ? গাঙ পার করা দেবলাগকে ছেড়া দিয়া যদি মেগে লিতিস
 তার মাআনা, তবে বল রে বুড়া, মরত ওই বেদের ছাওয়াল, না, মরত ওই
 দেবলাগ ? ইবার বিচার ক'রে দেখ—পাঁচজনাতে দেখুক কার পাখা ?

মহাদেব কথার উত্তর খুঁজে পেলেন না ।

শবলা শিবরামের দিকে তাকিয়ে বললে—কই, বল তো তুমি ধ্বস্তরি-বাবার
 শিষ্য কচি-ধ্বস্তরি । বিচার কর তো তুমি ।

শিবরামকেও বলতে হ'ল—হ্যা, সাপটা তুমি সজ্জাতেই যদি ছেড়ে দিয়ে
 আসতে, মহাদেব ! তুল তোমার হয়েছে ।

মহাদেব একটা দীর্ঘনিশ্বাস ফেললে, বললে,—হ্যা, তা বলতে পার গ ।
 তবে তুল তো এক রকমের লয়, তুল দু রকমের ; এক তুল মানুষ করে, নিজের
 বুদ্ধির দোষে, আর এক তুল সে তুল লয় বাবা 'ভেরম্'—'নেয়ত'—'অদেট'
 মানুষকে ভেরম্ করায় । এ সেই অদেটের খেলা, নেয়ত ভেরম্ করিয়ে দিলে ।

আবার মহাদেব হঠাৎ উগ্র হয়ে উঠল,—বললে—একবার বাবা, শিবরামকে
 বিধ্বস্তরকে ছলেছিল অদেট । নিয়তি কঙ্কেমুতি ধ'রে এসে কাললাগিনীকে বৃকে

ধরিয়েছিল—ভের্নে কেল বুকিয়েছিল, সে-ই তার মদ্য কন্ডে। এও তাই বাবা। ওই পাগিনী লাগিনী কন্ডের ছিলনা। ওই কন্ডেটার পাপ চুকেছে বাবা—মহাপাপ। মা-বিষহরির সেবার মন নাই, মন টলেছে কন্ডের। লাগিনীর মন মেতেছে বয়সের নেশায়। ওই ছোঁড়াটারে উ ভুলায়েছিল। কাঁচা বয়ল ছাওয়ালটার, তার উপর মরদ হয়্যা উঠেছিল ভারি জবর। আখারের মধ্যে যমকে দেখলে, তার পিছা-পিছা ছুটে যেত। ছোঁড়া সেই গরমে এতবড় ধরাকে দেখলে সরাখানা! লাগিনীর কালো বরনের চিক্চিকি আর চোখের বিক্খিকিতে মেতে গেল। বেদের ছাওয়াল, মানলে না বেদেরের কুল-শালন, বুঝলে না লাগিনী হল বেদেকুলের কন্ডে, ও কন্ডে মায়াবিনী, মায়াতে ভুলায়ে পন বাসনা মিটায়ে লিয়ে ওই ওরে ডংশন করবে। ততটা দূর ঘটনাটা গায় নাই বাবা, যদি ততদূর যেত তবে ওই লাগিনীই ওরে ডংশন করত। বেদের সহায় মা-বিষহরি, বেদেরের সে পাপ থেকা রক্ষা করেছেন। তিনিই রাজগোখুরারে পাঠায়ে দিছেন, ওরে মোহিত করেছেন। ওই সন্ধানী—

শবলাকে দেখিয়ে মহাদেব বললে—সন্ধানী মায়ের ছিলনা বুঝে নাই বাবা, বুঝলে ছোঁড়াটারে বারণ করত। বলত—না, ধরিস না, উ সাক্ষাৎ কাল, মা ভুকে-আমাকে ছলতে পাঠায়েছেন ওই কালকে।

হাসলে মহাদেব—দেব-ছিলনা বুঝা যায় না বাবা। মায়াবিনীই ছোঁড়ায়ে বুলেছিল—নিষে আয় ধ'রে। হোক দুধবরণ সাপ। মায়াবিনী রাজগোখুরা চিনত নাই, চোখে দেখে নাই। ওরই কথাতে আমিল ছোঁড়া ধর্যা। দেবতার ইচ্ছা, বুঝতে লাগি বাবা, লইলে রাজগোখুরার শুধু তো ছোঁড়াটারে খাবার কথা নয়, পাপী-পাগিনী দুজনারে খাবার কথা, তা হ'ল নাই, শুধু ছোঁড়াটাই গেল।

তারপর শবলার দিকে আঙুল দেখিয়ে বললে—ওই কন্ডেটার কপালে অনেক দুঃখ আছে বাবা। অনেক দুঃখ পেয়ে মরবে।

* * * *

পরের দিন শিবরাম আবার গিয়েছিলেন বেদেরের আস্তানায়।

যার জন্ত মহাদেব একদিন পাঁচ কুড়ি এক টাকা অর্থাৎ একশো এক টাকা চেয়েছিল, তাই সে দিতে চেয়েছে বিনা দক্ষিণায়। ওই দিনের পুলিশ-সদস্যের

সময় শিবরাম উপস্থিত ছিল—সেই ক্লান্ততার মহাদেব বলেছিল—আপনি যা করলে বাবা, তা কেউ করে না। বাবা ধ্বংসের দয়া আমাদের 'পরে' আছে। এই শহরে ওই মাল্‌ট্রাটাই আমাদের আপনজন, তাঁর কথাতেই আপনি এসেছ তা ঠিক; কিন্তু বাবা, এসেছ তো তুমি! আপনজনের মতন কথা তো বলেছ! আপনকার চরণে কাঁটা বিঁধলি পর দাঁতে কর্যা তুলে দিব আমি। কি দিব তুমাকে বাবা, এই ছুটি টাকা পেনামী—

শিবরাম বলেছিলেন—না না না। টাকা দিতে হবে না মহাদেব। টাকা আমি নেব না। যদি দেবেই কিছু, তবে আমাকে সাপ চিনিয়ে দিয়ে। আমি তোমাকে বলেছিলাম, মনে আছে?

—ই ই, আছে। দিব, তাই দিব। কাল আসিও আপনি। টাকা লাগবে না, কিছু লাগবে না। দিব, চিনিয়ে দিব।

কিন্তু আশ্চর্য!

পরের দিন মহাদেব আর এক মহাদেব।

ব'লে ছিল সে আশ্চর্যের মত। নেশা করেছে। গাঁজার সঙ্গে সাপের বিষ মিশিয়ে খেয়েছে। তার সঙ্গে খেয়েছে মদ। নেশায় ঘোরালো চোখ দুটো মেলে সে শিবরামের দিকে চেয়ে রইল। তারপর বললে—কি? কি বটে? কি চাই?

শিবরাম আশ্চর্য হয়ে গেলেন। তিনি কোন কথা বলবার পূর্বেই মহাদেব ব'লে উঠল—বেদের মেয়ের লোভে আসছ? আ! ব'লে ছুলাটি বড় বড় অপরিচ্ছন্ন দাঁত বের করলে হিংস্র আনোয়ারের মত।

শিবরাম শিউরে উঠলেন। পা থেকে মাথা পর্যন্ত যেন রক্তস্রোত শব্দ শুন ক'রে ব'য়ে গেল। আশ্চর্যজনক করতে পারলেন না তিনি। বলে উঠলেন—কি বলছ তুমি?

—ঠিক বুলছি। মহাদেবের চোখ আবার তখন বন্ধ হয়ে গিয়েছে। কণ্ঠস্বর মাদকের অড়তার জড়িয়ে এসেছে।

—না। কাল তুমি নিজে আসতে বলেছিলে তাই এসেছি। টাকা দিতে এসেছিলে; আমি নিই নি, ব'লেছিলাম—

—অ। আবার চোখ দুটো বিফারিত ক'রে মহাদেব তাঁর দিকে তাকিয়ে
বললে—অ। কবিরাজ ঠাকুর! অ। আমি তুমারে চিনতে পেরেছি বাবা।
নেশা করেছি, নেশা। তা—

আবার তুলতে লাগল সে। বিড়বিড় ক'রে বললে—এখন লারব বাবা।
এখন হবে না। উহ। উহ। সে ধুলোর উপরেই শুয়ে পড়ল।

আর একজন বেদে এসে বললে—আপনি এখন কিরে যাও বাবা। বুড়ার
এখন হুঁশ নাই।

শিবরাম ক্ষুণ্ণ মনেই ফিরলেন। কিন্তু দোষ দেবেন কাকে? ওদের জীবনের
ওই ধারা। একটা দীর্ঘনিশ্বাস ফেললেন।

পরের দিন ঠিক দুপুরবেলা—এল শবলা।

আরও একদিন সে যে-সময়ে এসেছিল—ধূঁকটি কবিরাজ ছিলেন না, ঠিক
তেমনি সময়ে। এসে সেই জানলার ধারে দাঁড়িয়ে ডাকলে—কচি ধমুসরি!
ছোট কবিরাজ গ!

বেরিয়ে এলেন শিবরাম।

—কি? কবিরাজ মশাই তো এ সময়ে বাড়িতে থাকেন না। সেদিন তো
বলেছি তোমাকে।

শবলা হেসে বললে—সে জেনেই তো আসছি গ। কাজ তো মোর তুমার
সাথে।

—আমার সঙ্গে? বিস্মিত হলেন শিবরাম। ঘোড়ার লাস্তময়ী রূপ তিনি
সেদিন জমিদার বাড়িতে দেখেছেন। কালো কৌশাধী বেদের মেয়ে লাস্তময়ী
রূপ যখন ধরে, তখন তাকে যেন আসব-সরোবরে সন্তানতার মত মনে হয়।
সর্বাঙ্গ দিয়ে যেন মদিরার ধারা বেয়ে নাযে। মাহুঘ আকর্ষণীয় হয়। ওই নির্জন
বিশ্রহরে ধূঁকটি কবিরাজ অল্পপন্থিত জেনে বোহময়ী নাগিনী কত্তা কোন্‌ ছলনার
তাকে ছলতে এল! বুকের মধ্যে কুপিত তাঁর সঘন স্পন্দনে স্পন্দিত হতে
শুরু করেছে তখন; মুখের সরসতা শুকিয়ে আসছে। চোখ দুটিতে বোধ হয়
শঙ্কা এবং মোহ দুই-ই একসঙ্গে ফুটে উঠে শুরু করেছে। শুককণ্ঠে তিনি বললেন—
কেন, আমার সঙ্গে কি কাজ?

শবলা বললে—ভয় নাই গ ছোট কবিরাজ । তুমার সাথে ছুপুরবেলা রক্ষ
করতে আসি নাই । বদন তুমার পসন্ন কর ।

খিলখিল ক'রে হেসে উঠল সে ।

সাপের কাঁপি নামিয়ে চেপে বসল শবলা । বললে—কাল তুমি গেছিল
বুড়ার কাছে । কত টাকা দিছ বুড়ারে ?

—টাকা ?

—হ্যাঁ । টাকা । পরশু—

—অ । হ্যাঁ । পরশু যখন পুলিশ চ'লে গেল তখন বুড়ো আমাকে টাকা
দিতে চেয়েছিল । আমি তো টাকা নিই নাই ।

—হঁ । কিছুক্ষণ চুপ ক'রে রইল শবলা । তারপরে বললে—ঘুষ দিবারে
চেয়েছিল, লাও নাই, ধরমদেব তুমারে রক্ষা করেছেন গ । লিলে তুমারে
নরহত্যার পাপের ভাগী হতে হ'ত । বুড়া জোয়ান বেদেটারে খুন করেছে ।

চমকে উঠলেন শিবরাম । খুন ? খুন করেছে ?

—হ্যাঁ গ । খুন । বুড়া রাজ-গোথুরাটারে কেড়ে লিলে, রাখলে কাঁপিতে
ভর্যা । মনে মনে মতলব করাই ভর্যা রেখেছিল । লইলে তো তুখনি যদি
ছেড়ে দিত গাঙের ধারে—তবে তো ই বিপদ ঘটত না । মতলব করেছিল,
রাতের বেলা ওই জোয়ানটা যখন আঁড়া ছের্যা চুপিসারে ঘুরিয়ে যাবে আমার
সন্ধানে, তখনি পিছা পিছা গিয়া সাপটারে খোঁচা দিচ্চা দিবে পিছন থেকে
ছেড়া । রাজগোথুরা তারে আমারে দুজনারেই ধাবে । ছোঁড়াটারে আমি
বুলেছিলম গ । বারে বারে বুলেছিলম । কিন্তু—

দীর্ঘনিশ্বাস ফেললে শবলা । কাপড়ের খুঁট দিয়ে চোখ মুছলে । বললে—
আমি লাগিনী কন্তে । আমার দিকে পুরুষকে তাকাইতে নাই । বেয়ের
পুরুষের তো নাই-ই । তার মোরে ভাল লেগেছিল—সে মোর পিছা পিছা
ঘুরছে বছর কালেরও বেশি । বুলেছিল, যা থাকে মোর ললাটে তাই হবে, ভবু
তুর কামনা আমি ছাড়তে লারব—লারব, লারব, লারব । আমি তারে কত বৃষ্
বুঝাইছি, ভবু সে মানে নাই, নিতুই রাতে গাঁয়ের ধারে, লম্বতো গাঙের ধারে
গিয়া ব'লে থাকত । আমি যেতাম না, ভবু সে ব'লে থাকত । বলত—আসতে

তুকে হবেই একদিন। যতদিন না আসবি, ততদিন ব'সে থাকব। বুড়া হব, সে দিন পৰ্বন্ত ব'সে থাকব ; বুড়া জানত। বুড়াও তাই চেয়েছিল। আমার সাথে বুড়ার আর বনছে না। এই শহরে এসে মোর দেহেও কি হ'ল কবরেজ ! আমিও আর থাকতে পারলম। আজ তিন দিন গাঙের ধারে তার সাথে দেখা আমিও করছিলাম। মা-বিষহরির নাম নিয়া বুলছি কবরেজ, পাপ করি নাই, ধরম ছাড়ি নাই। শুধু গাঙের ধারে বস্তা বস্তা মা-বিষহরিরে ডেকেছি আর কৈদেছি। কৈদেছি আর বুলেছি—মা গ, দয়া কর, আমার জীবনটা লাও, আমারে তুমি মুক্তি দাও। জোয়ানটাও পাপ ক'রে নাই কবিরাজ, মোর অঙ্গে হাত দেয় নাই, শুধু বুলেছে—শবলা, ই সব মিছা কথা রে, সব মিছা কথা, যাহুয় লাগিনৌ হয় না। চল, আমরা দুজনাতে পালাই ; পালাই চল ছই দেশান্তরে। দেশান্তরে গিয়া দুজনাতে ঘর বাধি। খাটি, খাই, ঘর-কন্না করি। আমি শুনতম আর ভাবতম। ভাবতম আর কখনও বা হাসতম, কখনও বা কাঁদতম। কখনও মনে হ'ত—সে যা বুলেছে সেই সত্যি, যাই, তার সাথেই চ'লে যাই, বিদেশে গিয়ে ঘর বাধি, স্থখে থাকি। কখনও বা মা-বিষহরির ভয়ে শিউরে উঠতম, বুকটা কেঁপা উঠত, কাঁদতম। কাঁদতম আর বুলতম—না রে, না। না—ওরে না না না। সাথে সাথে ডাকতম মা-বিষহরিকে, বুলতম—কমা কর গ মা, দয়া কর গ মা, দয়া কর। দণ্ড ঘটিদিবা মা, তবে আমারে দাও। আমার জীবনটা তুমি লাও, বিষের জলিয়ায় জর-জর কর্যা আমার জীবনটা লাও। জোয়ান ছেলে, মরদ যাহুয় তাঁরে কিছু বুলো না, তারে তুমি মাঝনা কর, দয়া কর, কমা কর।

বলতে বলতে চুপ ক'রে গেল শবলা ; অকস্মাৎ উদাস হয়ে গেল—কথা বন্ধ ক'রে চেয়ে রইল আকাশের দিকে। কাক্তিকের মধ্যাহ্নের আকাশ। শরতের নীলের গাঢ়তা তখনও আকাশে ঝলমল করছে। কয়েক টুকরো সাদা মেঘও ভেসে যাচ্ছিল। বাতাসে শীতের স্পর্শ জেগেছে ; গজার ওপারের মাঠে আউস ধান কাটা হয়ে গেছে, হৈমন্তী ধানের মাঠে—লঘু ধানে হলুদ রঙ ধ'রে আসছে, শোটা ধানের ক্ষেত সবুজ, শীতগুটি হয়ে পড়েছে। রাস্তায় লোকজন নেই। মধ্যে মধ্যে গজার শ্রোত বেয়ে দু-একজন নৌকা চলেছে ভেসে।

সে দিনের স্মৃতি শিবরামের মনে এমন ছাপ রেখে গেছে যে, সে কখনও পুরানো হ'ল না। কালো মেয়ে শবলা, কালের ছোপের মধ্যে সে মিলিয়ে যাবার নয় ; সে কোনও দিনই যাবে না ; কিন্তু সে দিনের আকাশ, মাঠ, গঙ্গা, দুপুরের রোদ—সব যেন তাঁর বৃদ্ধ বয়সের জরাচ্ছন্ন চোখের সামনেও সন্ত-আঁকা ছবির মত টকটক করছে।

অনেকক্ষণ পর শবলা দীর্ঘনিশ্বাস ফেলে কথা বলেছিল—তা, মা ক্ষমা করলে না। মায়ের ইচ্ছে ছাড়া তো কাজ হয় না কবরাজ ; তাই বলছি এ কথা। লইলে—

ঝকমক ক'রে উঠল শবলার চোখ। সাদা দাঁতগুলি ঝিকমিক ক'রে উঠল—নিকষকালো নরম দুটি পাতলা ঠোঁটের ঘেরের মধ্যে। কণ্ঠস্বরের উদাসীনতা কেটে গেল, জ্বালা ধরে গেল কণ্ঠস্বরে, বললে—ওই—ওই বুড়ো রাক্ষস উম্মাকে খুন করেছে। অন্ধকারে চুপি চুপি গিয়া ছেড়ে দিলে রাজ-গোথুরাকে। ঝাপিটাকে ঝাকি দিলে, লাগটারে রাগায়ে দিয়া ঝাপিটার দড়ি টেনে ঢাকনাটা দিলে খুলে। সাপের আকোশ জান না কবরাজ—বড় আকোশ। সে ছামুতে পেলে ছেলেটাকে। বুড়া ভেবেছিল, আমি সমেত আছি—থাবে, আমারে উম্মারে হুজনারেই শেষ করবে লাগ। তা—

নিজের কপালে হাত দিয়ে শবলা বললে—তা আমার ললাটে এখনও হুহু আছে, ভোগাস্তি আছে, আমার জীবন যাবে ক্যানো।

মান হাসি ফুটে উঠল তার মুখে, তারই মধ্যে ঢেকে গেল তার চোখের ঝকমকানির উগ্রতা। চোখ দিয়ে জল গড়িয়ে এল।

শিবরামও স্তব্ধ হয়ে গিয়েছিলেন।

মেয়েটার চোখের কয় ফোঁটা জলে যেন সব ভিজিয়ে দিয়েছিল। কার্তিকের 'দুপুরটা যেন মেঘলা হয়ে গিয়েছে মনের মধ্যে। মাহুঘের গভীর দুঃখ যখন স্বচ্ছন্দ প্রকাশের পথ পায় না, বুকের মধ্যে দীর্ঘনিশ্বাস ফেলে কুণ্ডলী পাকিয়ে ঘোরে, তখন তার সংস্পর্শে এলে এমনিই হয়। কি বলবেন শিবরাম! চোখের মা যখন ছেলের অস্ত ঘরের কোণে কি নির্জটন লুকিয়ে বৃদ্ধগুণনে কাঁদে তখন যে

শোনে তার অন্তর শুধু বেদনায় বোবা হয়ে যায়, মুহূমান হয়ে যায়, সান্ধনাও দিতে পারা যায় না, অবজ্ঞা ক'রে তিরস্কারও করা যায় না। হতভাগিনী মেয়েটা ওদের সমাজধর্ম কুলধর্ম পালন করতে গিয়ে যে দুঃখ পাচ্ছে সে দুঃখকে অস্বীকার তো করা যায় না। আবার ওই কুলধর্ম অজ্ঞায় মিথ্যে এ কথাই বা বলবেন কি ক'রে শিবরাম? ওই যে ছেলেটা, তার ওই ঘোবনধর্মের আবেগে ওই নাগিনী কস্তাটির প্রতি আসক্ত হয়েছিল, তাই বা কি ক'রে সমর্থন করবেন? কিন্তু ছেলেটার স্বভাব মনে প'ড়ে এ কথাও মনে উঁকি মারতে ছাড়ছিল না যে, ওই কষ্টিপাথর-কেটে-গড়া মূর্তির মত ওই ছেলেটার পাশে এই নিকবকালো মেয়েটাকে মানাত বড় ভাল।

আচার্য ধূর্জটি কবিরাজকে লোকে বলে সাক্ষাৎ ধূর্জটি; পরিচিত্ত কবিরাজ শিবের মতই কোমল; পরের দুঃখে বিগলিত হন এক মুহূর্তে, আবার অজ্ঞায় অধর্মের বিরুদ্ধে তিনি সাক্ষাৎ রুদ্ধ। তাঁরই শিষ্য শিবরাম। শবলাকে তিনি সান্ধনাও দিতে পারলেন না, তার দুঃখবেদনাকে অস্বীকারও করতে পারলেন না। রোগযজ্ঞায় অসহায় রুগ্নের দিকে যে বিচিত্র দৃষ্টিতে বিজ্ঞ চিকিৎসক তাকিয়ে থাকেন, সেই দৃষ্টিতে তিনি শবলার মুখের দিকে তাকিয়ে রইলেন।

শবলা কিন্তু অতি বিচিত্র। অকস্মাৎ একটা দীর্ঘনিশ্বাস ফেলে সব বেন ঝেড়ে ফেলে দিলে এক মুহূর্তে। বললে—দেখ, নিজের কথাই পাঁচ কাহন ক'রে বলছি। যার লেগে এসে, সে ভুলেই গেল। এখন বুড়ার কাছে কাল আবার কেন গেছিলা বল দেখি?

—সাপ চিনবার জন্তে। বুড়া বলেছিল সাপ চিনিয়ে দেবে।

—কত টাকা দিলা? বুড়া তুমাকে কত টাকা ঠকায়ে নিলে?

—টাকা?

—হা গ। কত টাকা দিছ উমাকে?

—টাকা কিসের? কি বলছ তুমি?

হেসে উঠল বেদের মেয়ে। ঠকেছ ঠকেছ—সে কথা জানাজানি করতে শরবে বাখছে কচি-ধবলুরি? আঁ, হায় হায় কচি-ধবলুরি, ঠকলে, ঠকলে,

বুড়ার কাছে ঠকলে গ ? আমার মতুন কালো হৃন্দরীর হাতে ঠকলে যি' হুস্থ থাকত না ।

শঙ্কিত হয়ে উঠলেন শিবরাম । আবার মনে প'ড়ে গেল বেদের মেয়ের সেই জমিদার বাড়িতে লাস্তময়ী রূপ । বললেন—না না । কি যা-তা বলছ তুমি ?

—বিচ্ছে শেখার জন্তে টাকা দাও নাই তুমি ? বুড়া তোমার কাছে পাঁচ কুড়ি টাকা চায় নাই ? মিছা বলছ আমার কাছে ? দাও নাই ?

হঠাৎ মেয়েটার চেহারা একেবারে পালটে গেল । লাস্ত না, হাস্ত না, কঠিন ঋজু হয়ে দাঁড়াল কালো মেয়ে, চোখের দৃষ্টি স্থির, সর্ব অবয়বে ফণা-ধ'রে-দাঁড়ানো সাপিনীর দৃষ্ট ভঙ্গি । শিবরাম শুনেছিল, নিয়তির আদেশ মাথায় নিয়ে দণ্ড ধ'রে সাপেরা দাঁড়ায় দণ্ডিত মাহুষের শিয়রে, প্রতীক্ষা করে কখন দণ্ডিত মাহুষটির আয়ুর শেষকণ্ঠটি আসবে, সঙ্কে সঙ্কে সে মারবে ছোবল । মনে মনে এরই একটি কল্পনার ছবি তাঁর আঁকা ছিল । তারই সঙ্কে যেন মিলে গেল । স্থির দৃষ্টিতে চেয়ে ধীর মুহূর্ত্তে শবলা বললে—রাজার পাপে রাজ্য নাশ, কস্তুর পাপে গেরস্তের দুগ্গতি, বাপের পাপে ছাওয়াল করে দণ্ডভোগ । বুড়ার পাপে গোটা বেদেগুটির ললাটে দুঃখভোগ হবে, বুড়ার পাপের ভাণ্ড নিতে হবে, দুর্নামের ভাগী হতে হবে । তাই আমি ছুটে এসম আজ তোমার কাছে । তুমি কবিরাজ ; বেদেরের বিষের ঠাই তুমাদের পাখরের খলে । আমাদের যজ্ঞমান তুমরা । তুমার কাছে টাকা লিলে, লিয়ে তুমাকে বিচ্ছে দিলে না । অধম্ম হ'ল না ? ই পাপ মা-বিষহরি সইবেন কামিনী গ ? বিচ্ছের তরে টাকা লিয়া বিচ্ছে না দিলে বিচ্ছে যে অফলা হয়ে যাবে । বুড়া করলে পাপ, আমি লাগিনী কস্তে, আমি এসম ছুটে—পেরাচিস্তি করতে । যত দিন লাগিনী কস্তা রইছি—তত দিন করতে হবে আমাকে বুড়ার পাপের পেরাচিস্তি ।

হাঁপাতে লাগল শবলা । চোখ দুটোতে সেই স্থির দৃষ্টি । সে যেন সত্যি সত্যিই নাগিনী কস্তা হ'য়ে উঠেছে, শিবরাম সে নাগিনীকে শবলার মধ্যে দেখতে পাচ্ছেন ।

বেদেরীর বিচিহ্ন ধর্মজ্ঞান এবং দায়িত্ব-বোধ দেখে শিবরাম অবাক

হয়ে গেলেন। তিনি বললেন—কিন্তু আমার কাছে তো টাকা নেই নি মহাদেব।

—সত্যি বুলছ ?

—সত্যি বলছি। কেন আমি মিথ্যে বলব তোমার কাছে ?

—তুমাকে বিনি টাকাতে বিত্তে দিবে বলেছিল ?

শিবরাম বললেন—পরশু যখন পুলিশের সঙ্গে গিয়েছিলাম, তখন তো ছিলে তুমি শবলা। মনে নেই, পুলিশ চ'লে গেলে মহাদেবের সঙ্গে আমার কি কথা হয়েছিল ?

ঘাড় নেড়ে বললে শবলা—না। শেষ বেলাটা আমার হুঁশ ছিল না কবরাজ। পুলিশ চ'লে গেল। বুঝলাম জোয়ানটার দেহ এইবার গাড়ের জলে ভাসিয়ে দিবে। ভেসে যাবে ঢেউয়ে ঢেউয়ে, কোথা চ'লে যাবে কোন্ দেশে দেশে। মনটাও যেন আমার ভেসে গেল। কানে কিছু শুনলম না আর, চোখে কিছু দেখলম না।

শিবরাম বললেন—পুলিস চ'লে গেলে মহাদেব আমাকে দু টাকা প্রণামী দিতে এসেছিল, আমি তা নিই নি। বলেছিলাম, টাকা আমি নেব না। সত্যিই যদি কিছু দিতে চাও, তবে আমাকে সাপ চিনিয়ে দিয়ে। বলেছিল—দেব। তাই গিয়েছিলাম। তুমি তো দেখেছ, একেবারে নেশায় অজ্ঞান হয়ে রয়েছে। কি করব! ফিরে এলাম।

—মিছা, মিছা, সব মিছা কচি-ধনুস্তরি, বউ মিছা। নেশা উ' করেছে। কিন্তু বেদের মরদের নেশা হয় কবরেজ ? সাপের বিষ গিলে ফেলবার ঠাই না পেলে গাঁজার সাথে খাবার তরে রেখে দেয়। এমন বেদেও আছে ধনুস্তরি, মূন্সের দাঁতের গোড়ায় ঘা না থাকলে বিষ চেটেই খেয়ে ফেলায়। উ তুমাকে বলেছিল—বিত্তে দিব, বিনা পয়সায় দিব। কিন্তু ব'লে আপসোস হ'ল, বিনা টাকায় বিত্তে দিতে মন চাইল না, তাথেই অমুনি ভান করলে গ! জান, তুমি চ'লে এলে খানিক পরেই বুড়া উঠে দাঁড়াল, তারপরে সে কি হা-হা হাসি! তোমারে ঠকায়েছে কিনা তাথেই খুশি, তাথেই আহ্লাদ। দেহটা শোর কেন আগুনের ছেঁকায় শিউরে উঠল ধনুস্তরি; মনে মনে মা-বিষহরিকে ডাকলাম।

বললম—মা, তুমি রন্ধে কর অধম্ম থেকে। বেদেগুলের যেন অকল্যাণ না হয়। তাথেই এলম তুমার কাছে। বুলি, বুড়ো করলে পাপ, আমি তার খণ্ডন কর্যা আসি। কবিরাজকে বিজ্ঞা দিয়া আসি।

শিবরাম বললেন—কি নেবে তুমি বল ?

—কি নিব ? বেদে বুড়া তুমাকে বাক্ দিছে, আমি সেই বাক্ রাখতে এসেছি। টাকা তো মুই চাই নাই কবরেজ। লাও, ব'স। লাগ চিনায়ে দিই তুমাকে।

বেদেদের পুরুষ-পুরুষানুক্রমিক রহস্যময় সর্পবিজ্ঞা। ওই আশ্চর্য কালো মেয়েটির সব যেন জন্মগুণে আয়ত্ত। রক্তের সঙ্গে মিশে গিয়েছে বোধ হয়।

নাগ দেখালে, নাগিনী দেখালে। নপুংসক সাপ দেখালে। আকার-প্রকারের পার্থক্য দেখিয়ে দিলে। ফণার গড়নে চোখের দৃষ্টিতে প্রভেদ দেখালে।—এই দেখ কচি-ধনুস্তরি, দেখছ—ইটাতে ইটাতে তফাত ?

শিবরাম দেখতে ঠিক পারছিলেন না। যমজ সন্তানের মায়ের চোখে ধরা পড়ে যে পার্থক্য, যে প্রভেদ, সে কি অণু কারুর চোখে ধরা পড়ে ? তিনি ধরতে ঠিক পারছিলেন না, শুধু অবাক হয়ে শুনে যাচ্ছিলেন। সে কি অপরূপ বর্ণনা ! মেয়েটা কিন্তু প্রভেদগুলি স্পষ্ট, অত্যন্ত স্পষ্টরূপে চোখে দেখছে, আর ব'লে যাচ্ছে নাগ-নাগিনীর দেহ-বৈশিষ্ট্যের কথা। আচার্য্য এতটুকু কবিরাজ যেমন ধ্যানমগ্ন আনন্দের সঙ্গে অসংকোচে নর-নারীর দেহগঠনীয় বর্ণনা ক'রে যান, ছবি এঁকে বুঝিয়ে দেন, ঠিক তেমনি ভাবে শব্দ সাপকে উলটেপালটে তার প্রতিটি অঙ্গ দেখিয়ে তাঁকে বুঝিয়ে দেবার চেষ্টা করলে।

বললে—কবরেজ, আমি যদি মাথায় পাগড়ি বেঁধে মরদ সাজি, তবু কি তুমি আমাকে দেখা কন্ডে ব'লে চিনবে না ! ঠিক চিনবে। আমার মুখের মিঠা মিঠা ভাব দেখ্যাই চিনবে। সন্দেহ হ'লি পর বুকের পানে চাইলেই ধরা পড়বে। বুকে কাপড় বত শক্ত কর্যাই বাঁধি, মেয়ের বুক তো শূন্য হ'লি ধার না। তেমনি কবরেজ, নাগিনীর নরম নরম গড়ন, বরণের চিক্চিক শোভা দেখলেই ধরা পড়বেক।

শিবরাম বললেন—হ্যাঁ।

তিনি যেন মোহাবিষ্ট হয়ে গিয়েছেন।

শবলা বললে—বল, আর কি দেখবা ?

—কি দেখব আর ? কোন প্রশ্ন আর শিবরাম খুঁজে পেলেন না।

শবলা খিলখিল ক'রে হেসে উঠল। রহস্যময়ী কালো মেয়েটা মুহূর্তে লাস্তময়ী হয়ে উঠল আবার, কটাক্ষ হেনে বললে—তবে ইবার আমাকে দেখ খানিক। সাপের চোখে ভাল লাগে সাপিনী, তুমারও ভাল লাগবে বেদেদের লাগিনী কত্তে। লাগবে না ?

শিবরামের বুকের ভিতরটায় যেন ঝ'ড়ো হাওয়া ব'য়ে গেল। ধাক্কা দিয়ে সব যেন ভেঙে চুরে দিতে চাইলে, চোখ দুটির দৃষ্টিতে বুঝতে পারা গেল সে কথা। চোখের দৃষ্টি যেন ঝড়ের তাড়নায় জানলার মত কাঁপছে।

মেয়েটা আবার উঠল হেসে। বললে—কবরেজ, মনের ঘরে খিল আঁটো গ, খিল আঁটো।

শিবরাম মুহূর্তে সচেতন হয়ে উঠলেন। নিজেকে সংযত ক'রেও হেসেই বললেন—খিল আঁটলেও তো রক্ষে হয় না শবলা ; লোহার বাসরঘরে সোনার লখিন্দর সাতটা কুলুপ এঁটে শুয়েও রক্ষে পায় নি, নাগিনীর নিম্নাসে সববে-প্রমাণ ছিদ্র বড় হয়ে নাগিনীকে পথ দিয়েছিল। আমি খিল আঁটব না। তোমার সঙ্গে মনসা-কথার বেনে বেটা আর মহানাগের মৃত সঙ্ক পাতাব। জান তো সে কথা ?

—জানি না ? নাগলোকে থাকে নাগের, নরলোকে থাকে নরেরা, বিধেতার বিধান নরে নাগে বাস হয় না। কি কর্যা হবে ? নাগের মুখে মিত্যাবিষ, মাহুঘের হাতে অন্তর। এরে দেখলে ও ভাবে—আমার মিত্যাদূত, ওরে দেখলে এ ভাবে—আমার মিত্যাদূত। কখনও মরে মাহুঘ, কখনও মরে নাগ। বিধির বিধান—নরে নাগে বাস হয় না।

হাসল শবলা, বললে—মস্তে থাকে বণিক বুড়া, যত ধনী তত কুপণ। বাড়িতে আছে গিন্নী, বেটা আর বেটার বউ। আর আছে সিন্দুকে ধন, খাম্বারে ধান, ক্ষেতে ফসল, পুকুরে মাছ, গোয়ালে গাই। শ্রামলী ধবলী বৃদ্ধি মজলার পাল। সেই পাল চরায় পাড়ার বাউরী-ছেলে—বণিক-বুড়োর রাখাল ছোঁড়া।

কৃপণ বণিক বুড়োর ঘরে রাঁধুনী নাই, বেটার বউকে ভাত রান্না করতে হয়। বউটি যেমন সুন্দরী তেমনি লক্ষ্মী, কিন্তু শিশুকালে মা-বাপ হারিয়েছে, বাপকুলে কেউ নাই। নাই ব'লেই বণিক-বুড়োর চাপ বউয়ের উপর বেশি। তাকে দিয়েই করায় রাঁধুনীর কাজ, ঝিয়ের কাজ। বউ রাঁধেন, শশুরকে স্বামীকে খাওয়ান, নিজের খান, রাখাল ছোঁড়ার ভাত নিয়ে ব'সে থাকেন।

রাখাল ছোঁড়া গরুর পাল নিয়ে যায় মাঠে, গরুগুলি চ'রে বেড়ায়, সে কখনও গাছতলায় ব'সে বাঁশি বাজায়, কখনও বা গাছের ডালে দোল খায়, কখনও ঘুমায়, কখনও আম জাম কুল পেড়ে আঁচল ভর্তি ক'রে নিয়ে আসে। একদিন গাছের তলায় দেখে দুটি ডিম। ভারি সুন্দর ডিম। রাখালের সাধ হ'ল, ডিম দুটি পুড়িয়ে খাবে। ডিম দুটি খুঁটে বেঁধে নিয়ে এল, বণিক-বউকে দিলে—বউ গ বউঠাকরুণ, ডিম দুটি আমাকে পুড়িয়ে দিয়ে।

বউঠাকরুণ ডিম দুটি হাতে নিয়ে পোড়াতে গিয়েও পোড়াতে পারলে না। ভারি ভাল লাগল। আহা, কোন্ জীবের ডিম, এর মধ্যে আছে তাদের সন্তান, আহা! ডিম দুটি সে এক কোণে একটি টুকুই ঢাকা দিয়ে রেখে দিলে। তার বদলে দুটি কাঁঠাল বিচি পুড়িয়ে রাখালকে দিলেন—লে, খা।

রাখাল ছোঁড়া কাঁঠালবিচি পোড়া খেয়েই খুব খুশি।

বউও খুব খুশি, কেঁটের জীব দুটি বাঁচল।

দিন যায়, মাস যায়। রাখাল ছোঁড়া গরু চরায়। বউঠাকরুণ ভাত রাঁধে, বাসন মাজে, ঘরসংসারের কাজ করে। ডিম দুটি টুকুই-চাপা প'ড়েই থাকে। বউঠাকরুণ ভুলেই যান, মনেই থাকে না। একদিন দেখেন, টুকুইটি নড়ছে। বউয়ের মনে প'ড়ে গেল, হরষপরশ হয়ে টুকুটি তুলতেই দেখেন, দুটি নাগের বাচ্চা। লিকলিক করছে, ফণা তুলে ছলছে, মাথার চক্র দুটি পদ্মপুষ্পের মত শোভা।

বউয়ের প্রথমটা ভয় হ'ল। তার পরে মায়া হ'ল। আহা, তাঁর যতনেই ডিম দুটি বেঁচেছে, ডিম ফুটে ওরা বেরিয়েছে। ওদের কি ক'রে মারবেন? ভগবানকে স্মরণ করলেন, নাগের বাচ্চা দুটিকে বললেন—তোদের ধর্ম তোদের ঠাই, আমার ধর্ম আমার কাছে, সে ধর্মকে আমি লঙ্ঘন করব না।

ব'লে ছোট একটি মাটির সরাস্তে দুধ এনে নামিয়ে দিলেন। নাগ ছুটি দুধ ডুবিয়ে চুকচুক ক'রে খেলে। আবার টুকুই ঢাকা দিলেন।

রোজ দুধ দেন, তারা খায় আর বাড়ে।

বণিক-বউয়েরও মায়া বাড়ে।

ঘরে আম আসে, আমের রস ক'রে তাদের দেন। কাঁঠাল এলে কাঁঠালের কোয়া চটকে তাও দেন। নাগ ছুটি দিনে দিনে বাড়ে লাউ-কুমড়ার লতার ডগার মত। বেশ খানিকটা বড় হ'ল—তখন আর তারা থাকবে কেন টুকুই-চাপা—বেরিয়ে পড়ল; ঘুরতে লাগল ঘরের ভিতর, তারপরে বাইরে, ওই বণিক-বউয়ের পায়ে পায়ে ঘুরে বেড়াতে লাগল।

বণিক-বুড়ো বণিক-বুড়ী দুজনে ভয়ে শিউরে ওঠেন। ও মা—এ কি! এ কি কাণ্ড! এ কি বেদের কণ্ঠে, না, নাগিনী? এ কে? মার, মার, নাগের বাচ্চা ছটোকে মার।

বাচ্চা ছটিকে কপকপ ক'রে কুড়িয়ে আঁচলে ভ'রে বেনে-বউ পালিয়ে গেলেন বাড়ির পাদাড়ে। নাগ ছটিকে ছেড়ে দিয়ে বললেন—ভাই রে, তোমরা তোমাদের স্বস্থানে যাও, আমি শস্তর-শান্ত্রী নিয়ে ঘর করি, তাড়াতাই গল্পনা সহিতে পারি না। তোমাদের জন্তে মনে হুঃখ আমার হবে, ডিম থেকে এত বড়টি করলাম! কিন্তু কি করব? উপায় নাই।

নাগ ছুটি স্বস্থানে গিয়ে মা-বিসহরিকে বললে—মা, ভাগ্যে বণিক-বেটী ছিল তাই বেঁচেছি, নইলে বাঁচতাম না। সে আমাদের 'ভাই' বলেছে, আমরা তাকে 'দিদি' বলেছি। সে তোমার কণ্ঠে মা'র তাকে একবার আনতে হবে আমাদের এই নাগলোকে। মা বললেন—মা বাবা, না। তা হয় না। নরেনাগে বাস হয় না। বিধাতার নিষেধ। আমি বরং তাকে বর দেব এইখান থেকে, ধনে-ধানের স্তূপে-স্বচ্ছন্দে স্বামী-পুত্রে তার ঘর ভ'রে উঠুক।

নাগেরা বললে—না মা, তা হবে না। তা হ'লে বিশ্বত্রঙ্কাণ্ডে নাগেদের বলবে—নেমকহারাম।

মা বললেন—ওহে আন।

নাগেরা তখন নরের রূপ ধরলেন, বণিক-বউয়ের সমস্ত বাসভূত ভাই নাক-কা—৬

সাজলেন, সেজে এসে দোরে দাঁড়ালেন—মাউই গো, তাউই গো, ঘরে আছ ?
সঙ্গে ভার-ভারোটায় নানান দ্রব্য ।

—কে ? কে তোমরা ?

—তোমাদের বেটার বউয়ের মাসতুত ভাই । দূর দেশে থাকতাম । দেশে
এসে খোঁজ নিয়ে দিদিকে একবার নিতে এলাম ।

—ও মাগো ! বাপ-কুলে পিসী নাই মা-কুলে মাসী নাই শুনেছিলাম, হঠাৎ
মাসতুত ভাই এল কোথা থেকে ?

—বললাম তো, দূর দেশে বাণিজ্য করতাম, ছেলেবয়স থেকে দেশ ছাড়া,
তাই জান না ।

ব'লে নামিয়ে দিলেন ভার-ভারোটায় হাজারো দ্রব্য । কাপড়-চোপড়
আভরণ গন্ধ—নানান দ্রব্য । মণিমুক্তার হার পর্যন্ত ।

এবার চূপ করলে বুড়োবুড়ী । কেউ যদি না হবে তবে এত দ্রব্য দেবে
কেন ? জিনিস তো সামান্য নয় ! এ যে অনেক ! আর তাও যেমন-তেমন
জিনিস নয়—এ যে মণি মুক্তো সোনা রূপো ।

নাগেরা বললেন—আমরা কিন্তু দিদিকে একবার নিয়ে যাব ।

—নিয়ে যাবে ? না বাবু, তা হবে না ।

—হতেই হবে ।

ও দিকে বণিক-বধু কাদতে লাগলেন—আমি যাবই

শেষে বুড়োবুড়ীকে রাজী হতে হ'ল । নাগেরা বেহারা ভাড়া করলে,
পালকি ভাড়া করলে, বণিক-বউকে পালকিতে চাপিয়ে নিয়ে চলল । কিছু
দূর এসে বেহারাদের বললে—এই কাছে আমাদের গ্রাম, ওই আমাদের বাড়ি ।
আর আমাদের নিয়ম হ'ল—কত্যা হোক বউ হোক, এইখান থেকে পায়ে হেঁটে
বাড়ি ঢুকতে হবে ।

ভাল ক'রে বিদেয় করলেন । দেখিয়ে দিলেন কাছের গ্রামের রাজবাড়ি ।
বেহারারা খুশি হয়ে চ'লে গেল ।

তখন নাগেরা বললেন—দিদি, আমরা তোমার মাসতুত ভাইও নই, মাহুষও
নই । আমরা হল্যাম সেই ছুটি নাগ, যাদের তুমি বাঁচিয়ে ছিলে, বড় করেছিলে ।

মা-বিষহরি তোমার বৃত্তান্ত শুনে খুশি হয়েছেন। তোমাকে নাগলোকে নিয়ে যেতে বলেছেন, আমরা তোমাকে সেইখানে নিয়ে যাব। মায়ের বরে তুমি বাটুলের মত ছোটটি হবে, তুলোর মতন হালকা হবে, আমাদের ফণার উপর ভর করবে, আমরা তোমাকে আকাশ-পথে নিয়ে যাবে নাগলোকে। তুমি চোখ বোজ।

মনে হ'ল আকাশ-পথে উড়ছেন। তারপর, মনে হ'ল, কোথাও যেন নামলেন। নাগেরা বললেন—এইবার চোখ খোল।

চোখ খুললেন। সামনে দেখলেন, মা-বিষহরি পদ্মফুলের দলের মধ্যে শতদলের মত ব'সে আছেন। অঙ্গে পদ্মগন্ধ, পদ্মের বরণ। মুখে তেমনি দয়া।

মা বললেন—মা, নাগলোকে এলে, থাক, দুধ নাড় দুধ চাড়, সহস্র নাগের সেবা কর। সব দিক পানে চেয়ো মা, শুধু দক্ষিণ দিক পানে চেয়ো না।

নির্জন ত্রিপ্রহরে গল্প বলতে বলতে বেদের মেয়েটার মনে ও চোখ যেন স্বপ্নের ছায়া নেমে এসেছিল। ওই ব্রতকথা গল্পের ওই স্বপ্ননহীনা কল্পাটির বিষয়দ্বয়কে আপনজন জ্ঞানে আঁকড়ে ধরার মত এই মেয়েটিও যেন শিবরামকে আঁকড়ে ধরার কল্পনায় বিভোর হয়ে উঠেছে।

শিবরামের মনেও সে স্বপ্নের ছায়া লাগল। তিনি বললেন—হ্যাঁ, শবলা। ওই বেনে-বেটা আর নাগেরা যেমন ভাই-বোন হয়েছিল, আমরাও তেমনি ভাই-বোন হলাম।

শুনে শবলা হাসলে। এ হাসি শবলার মুখে কল্পনা করা যায় না। মনে হ'ল শবলা বুঝি কঁাদবে এইবার।

সে কিন্তু কঁাদল না, কঁাদলেন শিবরাম, গোপনে চোখের জল মুছে বললেন—তা হ'লে কিন্তু তোমাকে আমি যা দেব নিতে হবে।

—কি ?

শিবরাম বের করলেন দুটি টাকা। বললেন—বেশি দেবার তো সাধ্য আমার নাই। দুটি টাকা তুমি নাও। তুমি আমাকে বিজ্ঞাদান করলে, এ হ'ল দক্ষিণ। গুরু-দক্ষিণা দিতে হয়।

গুরু-দক্ষিণা কথাটা শুনে চপলা মেয়েটার সরস কোঁতুকে হেসে গড়িয়ে

পড়ার কথা। শিবরাম তাই প্রত্যাশা করেছিলেন। প্রত্যাশা করেছিলেন
হেসে গড়িয়ে প'ড়ে শবলা বলবে—ও মা গো! মুই তুমার গুরু হলম! দাও—
তবে দাও। দক্ষিণে দাও।

শিবরামের অহুমান কিন্তু পূর্ণ হ'ল না। এ কথা শুনেও মেয়েটা হাসলে না।
স্থিরদৃষ্টিতে একবার তাকালে শিবরামের দিকে, তারপর তাকালে টাকা ছটির
দিকে। শিবরামের মনে হ'ল, চোখের দৃষ্টিতে রূপোর টাকা ছটোর ছটা
বেজেছে, সেই ছটায় দৃষ্টি ঝকঝক করছে। তবু সে স্থির হয়ে রইল। নিজেকে
সম্বরণ ক'রে নিয়ে বললে—না। লিতে লারব ধরমভাই। লিলে বেদেকুলের
ধরম যাবে। তুমাকে ভাই বলেছি, ভাই বলা মিছা হবে। উ লিতে লারব।
টাকা তুমি রাখ।

শিবরাম বললেন—আমি তোমাকে খুশি হয়ে দিচ্ছি। তা ছাড়া, ভাই কি
বোনকে টাকা দেয় না?

—দেয়। ইয়ার বাদে যখন দেখা হবে দিয়ে তুমি। মুই লিব। সকল
জনাতে গরব কর্যা দেখিয়ে বেড়াব, বুলব—দেখ গো দেখ, মোর ধরমভাই
দিছে দেখ।

তারপর বললে—বেদের কণ্ঠে কালনাগিনী বইন তুমার আমি। আমি
তুমারে ভুলতে লারব, কিন্তুক ধনুস্তরি, তুমি তো ভুল্যা যাবা। আমি দিয়া জিনিল
লিয়া দোকানীরে কে মনে রাখে কও? জিনিসটা থাকে দোকানীটারে ভুল্যা
ষায় লোকে। আমি তোমারে বিনা দক্ষিণায় বিছা মিলম, এই বিছার সাথে
মুইও থাকলম তুমার মনে। দাঁড়াও, তুমাকে মুই আর একটি দ্যা দিব।

মেয়েটা অকস্মাৎ ভাবোচ্চ্বাসে উঠলে উঠেছে বর্ষাকালের হিজল বিলের
নদীনাগার মত। আঁটসাঁট ক'রে বাঁধা তার বুকের কাপড়ের তলা থেকে টেনে
বের করলে তার গলার লাল সূতোর জড়ি-পাথর-মাতুলির বোঝা। তার থেকে
এক টুকরা শিকড় খুলে শিবরামকে বললে—ধর। হাত পাত ভাই। পাত হাত।

শিবরাম হাত পাতলেন। শিকড়ের টুকরাটা তার হাতে দিয়ে বেদের মেয়ে
বললে—ইয়ার থেকে বড় ওষুদ বেদের কুলের আর নাই ধনুস্তরি। লাগের
ষিষের 'অম্বরেত' মা-বিবহস্তির দান।

—কি এ জড়ি ? কিসের মূল ?

বেদের মেয়ে হাসলে একবার। বললে—সি কইতে তো বারণ আছে ধরমভাই। বেদেবুলের গুপ্ত বিদ্যা—এ তো পেকাশ করতে নিবেধ আছে।

মেয়েটা একটু চুপ ক'রে থেকে বললে—যদি বিশ্বাস কর ধরমভাই, তবে বুলি শোন। এ যে কি গাছ তার নাম আমরাও জানি না। বেদেরা বলে—সেই যখন সীতালী পাহাড় থেকে বেদেরা ভাসল নৌকাতে, তখন ওই কাললাগিনী কন্তে যে আভরণ অঙ্গে পর্যা নেচেছিল, তাথেই এক টুকরা মূল ছিল লেগে। সীতালী ছাড়ল বেদেরা, সঙ্গে সঙ্গে ধ্বস্তরির বিদ্যা চাদো বেনের শাপে হ'ল বিশ্বরণ। নতুন বিদ্যা দিলেন মা-বিষহরি। এখন ধ্বস্তরির বিদ্যার ওই মূলটুকুই কন্তের আভরণে লেগে সঙ্গে এল, তাই পুঁতলে শিরবেদে নতুন সীতালী গায়ে হিজল বিলের কূলে। গাছ আছে, শিকড় নিয়া ওষুধ করি ; কিন্তু নাম তো জানি না ধরমভাই। আর ই গাছ সীতালী ছাড়াও তো আর কুথাও নাই পিখিমীতে। তা হ'লে তুমাকে নাম বলব, কি গাছ চিনায়ে দিব কি কর্যা কও ? এইটি তুমি রাখ, লাগ যদি ভংশন করে আর সি ভংশনের পিছাতে যদি দেবরোষ কি অক্ষরোষ না থাকে ধ্বস্তরি—তবে ইয়ার এক রতি লেগে বেঁটা গোলমরিচের সাথে খাওয়াইয়া দিবা, পরানডা যদি তিল-পরিষ্কারও থাকে, তবে সে পরানকে ফিরতে হবে, এক পহরের মধ্যে মরার মত শাস্তি চোখ মেলে চাইবে।

আর একটি শিকড়ও সে দিয়েছিল শিবরামকে। তার তার গন্ধ।

এতকাল পরেও বৃদ্ধ শিবরাম বলেন—বাবা, সে গন্ধে নাক জালা করে, নিশ্বাসের সঙ্গে বুকের মধ্যে গিয়ে সে যেন আত্মার শ্বাস রোধ করে।

শবলা সেদিন এই শিকড় তাঁর হাতে দিয়ে বলেছিল—এই ওষুদ হাতে নিয়া তুমি রাজগোধুরার ছামনে গিয়া দাঁড়াইবা, তাকে মাথা নিচু কর্যা পথ থেকে সর্যা দাঁড়াতে হবে। দাঁড়াও দাঁড়াও, তুমারে দেখায়ে দিই পরব কর্যা।

খুলে দিলে সে একটা সাপের ঝাঁপি। কালো কেউটে একটা মুহূর্তে কণা তুলে উঠে দাঁড়াল। সন্ত-ধরা সাপ বোধ হয়। শিবরাম পিছিয়ে এলেন।

হেসে বেদেনী বললে—ভয় নাই, বিষদাঁত ভেঙে দিছি, বিষ গেলে নিছি। এসো এসো, তুমি জড়িটা হাতে নিয়া আগায়ে এসো।

বিষদাঁত ভাঙা, বিষও গেলে নেওয়া হয়েছে—সবই সত্যি ; কিন্তু শিবরাম কি ক'রে কোন্ সাহসে এগিয়ে যাবেন ! দাঁতের গোড়ায় যদি থাকে একটা ভাঙা কণা ? যদি থলিতে থাকে সূচের ডগাটিকে সিক্ত করতে লাগে যতটুকু বিষ ততটুকু ? কিংবা বিষ গেলে নেওয়ার পর এরই মধ্যে যদি আবার সঞ্চিত হয়ে থাকে ? সে আর কতটুকু ? ওই দাঁতের ভাঙা কণার মুখটুকু ভিজিয়ে দিতে কতটুকু তরল পদার্থের দরকার হবে—পুরো এক বিন্দুরও প্রয়োজন হবে না। এক বিন্দুর ভয়াংশ।

বেদের মেয়ে শিবরামের মুখের দিকে চেয়ে হেসে বললে—ভয় লাগছে ? দাও, জড়িটা আমাকে দাও। জড়িটা নিয়ে সে হাতখানা এগিয়ে নিয়ে গেল।

আশ্চর্য ! সাপটার কণা সংকুচিত হয়ে গেল, দেখতে দেখতে সাপটা যেন শিথিলদেহ হয়ে ঝাঁপির ভিতর নেতিয়ে প'ড়ে গেল। মানুষ যেমন অজ্ঞান হয়ে যায় তেমনি, ঠিক তেমনি ভাবে।

—ধর, ইবার তুমি ধর।

শিবরামের হাতে শিকড়টা দিয়ে এবার শবলা বা কবলে শিবরাম তা কল্পনাও করতে পারেন নি। আর একটা ঝাঁপি খুলে এক উদ্ভতকণা সাপ ধ'রে হঠাৎ শিবরামের হাতের উপর চাপিয়ে দিলে।

সাপের শীতল স্পর্শ। স্পর্শটা শুধু গাণ্ডাই নয়, ওর সঙ্গে আরও কিছু আছে। সাপের ত্বকের মসৃণতার একটা ক্রিয়া আছে। শিবরাম নিজেও যেন সাপটার মত শিথিলদেহ হয়ে যাচ্ছিলেন। তবু প্রাণপণে আত্মসংরক্ষণ করলেন। শবলা ছেড়ে দিলে সাপটাকে ; সেটা ঝুলতে লাগল শিবরামের হাতের উপর নিশ্চাপ ফুলের মালার মত।

আশ্চর্য !

শিবরাম বলেন—সে এক বিশ্বকর ভেষজ বাবা। সমস্ত জীবনটা এই

ওষুধ কত খুঁজেছি, পাই নি। বেদেদের জিজ্ঞাসা করেছি—তারা বলে নি। তারা বলে—কোথা পাবেন বাবা এমন ওষুধ? আপনাকে কে মিথ্যে কথা বলেছে। শিবরাম শবলার নাম বলতে পারেন নি। বারণ করেছিল শবলা।

বলেছিল—ই ওষুধ তুমি কখনও বেদেদুলের ছামনে বার করিও না। তারা জানলি পর আমার জীবনটা যাবে। পঞ্চায়েত বসবে, বিচার ক’রে বুলবে—বোটাটা বিশ্বাস ডেঙেছে, বেদেদের লক্ষ্মীর কাঁপি খুলে পরকে দিয়েছে। এই জড়ি যদি অগ্রে পায় তবে আর বেদের রইল কি? বেদের ছামনে সাপ মাথা নামায়, তিল পরিমাণ পরান থাকলে বেদের ওষুধে ফিরে, সেই জন্তেই মাগ্গি বেদের। নইলে আর কিসের মাগ্গি! কুলের লক্ষ্মীকে যে বিলায়ে দেয়, মরণ হ’ল তার সাজ। মেরে ফেলাবে আমাকে।

শিবরাম কোন বেদের কাছে আজও নাম করেন নি শবলার। কখনও দেখান নি সেই জড়ি।

ওদিকে বেলা প’ড়ে আসছিল; গঙ্গার পশ্চিম কূলে ঘন জঙ্গলের মাথার মধ্যে সূর্য হেলে পড়েছে। দ্বিপ্রহর শেষ ঘোষণা ক’রে দ্বিপ্রহরে শুক পাখিরা কলকল ক’রে ডেকে উঠল; গাছের ঘনপল্লবের ভিতর থেকে কাকগুলো রাস্তায় নামছে। শিবরাম চঞ্চল হয়ে উঠলেন। আচার্য ফিরবেন এইবার!

—তুমি এমন করছ ক্যানে? এমন চঞ্চল হল্য ক্যানে?

—তুমি এবার যাও শবলা, কবিরাজ মশাই এখানে ফিরবেন। কবিরাজ বারণ ক’রে দিয়েছেন শিষ্যদের—সাবধান বাবা, বেদেদের মেয়েদের সম্পর্কে তোমরা সাবধান। ওরা সাক্ষাৎ মায়াবিনী।

শবলা কাঁপি গুটিয়ে নিয়ে উঠল। চলে গেল বেরিয়ে। কিন্তু আবার ফিরে এল।

—কি শবলা?

—একটি জিনিস দিবা ভাই?

—কি বল?

শবলা ইতস্তত ক’রে মুহূর্তে প্রার্থিত দ্রব্যের নাম করলে।

চমকে উঠলেন শিবরাম।

সর্বনাশ ! ঐ সর্বনাশী বলে কি ?

শিবরাম শিউরে ব'লে উঠলেন—না—না—না। সে পারব না ! সে পারব না। সে আমি—

মিথ্যে কথাটা মুখ দিয়ে বের হ'ল না তাঁর। বলতে গেলেন—সে আমি জানি না। কিন্তু 'জানি না' কথাটা উচ্চারণ করতে পারলেন না।

শবলা তাঁর কাছে নরহত্যার বিষ চেয়েছে ওষুধের নামে। মাতৃকৃষ্ণিতে সন্তানসমাগত সন্তান-হত্যার ভেষজ চেয়েছে সে। যে চোখে স্বপ্ন দেখা য়ানা, সে চোখে অবাধ্য স্বপ্ন এসে যদি নামে, সে স্বপ্নকে মুছে দেবার অস্ত্র চায় সে। সে ওষুধ সে অস্ত্র তাদেরও আছে ; কিন্তু তাতে তো শুধু স্বপ্নই নষ্ট হয় না, যে-চোখে স্বপ্ন নামে সে চোখও যায়। তাই সে ধ্বংসের কাছে এমন ওষুধ চায়,—এমন স্বপ্নধার শাণিত অস্ত্র চায়, যাতে ওই চোখে-নামা স্বপ্নটাকেই বোঁটা-খসা ফুলের মত ঝুরিয়ে দেওয়া যায়। যেন চোখ জানতে না পারে, স্বপ্ন ছিন্ন হয়ে মাটিতে প'ড়ে মিশে গেল।

শিবরাম জানেন বেদের মেয়েদের অনেক গোপন ব্যবসার কথা। এটাও কি তারই মধ্যে একটা ? বশীকরণ করে তারা। কত হতভাগিনী গৃহস্বক্ স্বামীবশ করবার আকুলতায় এদের ওষুধ ব্যবহার ক'রে স্বামীঘাতিনী হয়েছে, সে শিবরামের অজানা নয়।

কি চতুরা মায়াবিনী এই বেদের মেয়েটা ! শিবরামের টাকা না নেওয়ার সততার ভান ক'রে, তার সঙ্গে ভাই সম্বন্ধ পাতিয়ে তাকে কেমন ক'রে বেঁধেছে পাকে পাকে ! ঠিক নাগিনীর বন্ধন !

বেদের মেয়ে মায়াবিনী, বেদের মেয়ে ছলনাময়ী, বেদের মেয়ে সর্বনাশী, বেদের মেয়ে পোড়ারমুখী ! পোড়ামুখ নিয়ে ওরা হাসে, নির্লজ্জা, পাপিনী !

শবলা শিবরামের মুখের দিকে চেয়ে কিছুক্ষণ স্তব্ধ হয়ে দাঁড়িয়ে রইল। শিবরামের মুখ দেখে, তাঁর আর্ত কণ্ঠস্বর শুনে সে যেন মাটির পুতুল হয়ে গিয়েছিল কয়েকটা মুহূর্তের জন্য। কয়েক মুহূর্ত পরেই তার ঘোর কাটল। মাটির পুতুল যেন জীবন ফিরে পেলে। সে জীবনসঞ্চারের প্রথম লক্ষণ একটি দীর্ঘশ্বাস। তারপর চোঁটে দেখা দিল ক্ষীণরেখার এক টুকরা হাসি।

অতি ক্রীণ বিবল হাসি হেসে সে বললে—যদি দিবারে পারতে ধরমভাই, তবে বইনটা তুমার বাঁচত।

শিবরাম বুঝতে পারলেন না শবলার কথা। কি বলছে সে ?

শবলা সঙ্গে সঙ্গেই আবার বললে—সি ওষুধ যদি না জান ধরমভাই, যদি দিতে না পার, তুমার ধরমে লাগে—তবে অঙ্গের জালা জুড়ানোর কোন ওষুধ দিতে পার ? অঙ্গটা মোর জল্যা যেছে গ, জল্যা যেছে। মনে হচ্ছে হিজল বিলে, কি, মা-গঙ্গার বুকের 'পরে অঙ্গটা এলায়ে দিয়া ঘুমায়ে পড়ি। কিংবা লাগগুলাকে বিছায়ে তারই শয্যে পেতে তারই 'পরে শুয়ে ঘুমায়ে বাই। কিন্তু তাতেও তো যায় না মোর ভিতরের জালা। সেই ভিতরের জালা জুড়াবার কিছু ওষুধ দিতে পার ?

ওদিকে রাস্তায় উঠল বেহারার হাঁক। আচার্য ধূর্জটি কবিরাজের পালকি আসছে।

শিবরাম শুরু হয়েই দাঁড়িয়ে রইলেন। গুরু পালকির বেহারাদের হাঁকেও তাঁর চেতনা ফিরল না। বেদের মেয়ে কিন্তু আশ্চর্য! মাছের সাড়া পেয়ে সাপিনী যেমন চকিতে সচেতন হয়ে উঠে মুহূর্তে অদৃশ হয়ে যায়, তেমনি ভাবেই ক্ষিপ্ত লম্বু পদক্ষেপে আচার্যের বাড়ির পাশের একটি গলিপথ ধ'রে বেরিয়ে চ'লে গেল।

আচার্যের পালকি এসে ঢুকল উঠানে। আচার্য নামলেন। শিবরামের তবু মনের অসাড়তা কাটল না। হাতের মুঠোয় জড়ি দুটি চেপে ধ'রে তিনি দাঁড়িয়েই রইলেন।

কয়েক মুহূর্ত পরেই শিবরামের কানে এল—কোন দূর থেকে স্পষ্ট মিষ্টি কণ্ঠের স্বরেলা কথা।

—জয় হোক গ রাণীমা, সোনাকপালী, চাঁদবদনী, স্বামী-সোহাগী, রাজার রাণী, রাজজহুর্নী, রাজার মা ! ভিখারিণী পোড়াকপালী কাঙালিনী বেদের কণ্ঠে তুমার ছায়ায় এসে হাত পেতে দাঁড়ালছে। লাগলাগিনীর লাচন দেখ। কালামুখী বেদেনীর লাচন দেখ। মা—গ !

সঙ্গে সঙ্গে বেজে উঠল হাতের ডব্বকর বাজঘন্টটি।

পরের দিন শিবরাম নিজেই গেলেন বেদেরের আস্তানায়। শহর পার হয়ে সেই গঙ্গার নির্জন তীরভূমিতে বট-অশথের ছায়ায় ঘেরা স্থানটিতে।

কে কোথায়? কেউ নাই। প'ড়ে আছে কয়েকটা ভাঙা উনোন, দু-একটা ভাঙা হাঁড়ি, কিছু কুঁচো হাড়—বোধ হয় পাখীর হাড় ছড়িয়ে প'ড়ে আছে। বেদেরা চ'লে গিয়েছে। গঙ্গার জলের ধারে পলিমাটিতে অনেকগুলি পায়ের ছাপ জেগে রয়েছে। কতকগুলো কাক মাটির উপর বিচরণ ক'রে বেড়াচ্ছে, কুঁচো হাড়গুলো ঠোকরাচ্ছে। শহরের দুটো পথের কুকুর ব'লে আছে গাছতলায়। ওরা বোধ হয় বেদেরের উচ্ছিষ্টের লোভে শহর থেকে এখানে এসে কয়েকদিনের জন্য বাসা গেড়েছিল। বেদেরা চ'লে গিয়েছে, সে কথা ওরা এখনও ঠিক বুঝতে পারে নাই। ভাবছে—গেছে কোথাও, আবার এখনি আসবে।

শিবরামও একটু বিস্মিত হলেন। এমনিভাবেই বেদেরা চ'লে যায়—ওরা থাকতে আসে না, এই ওদের ধারা। একথা তিনি ভাব ক'রেই জানেন, তবুও বিস্মিত হলেন। কই, কাল দুপুরবেলা শব্দটা শুনে কিছু বলে নাই! তার কথাগুলি এখনও তাঁর কানে বাজছে।

—ধরমভাই, ধনুস্তরি ভাই, বেদের বেটা কাললাগিনী বইন। লরে লাগে বাস হয় না চিরকালের কথা। হয়েছিল বণিককন্ডে আর পদ্মলাগের দুটি ছাওয়ালের ভালবাসার জোরে, ভাইফোঁটার কল্যাণে, বিষহরির কৃপায়। এবারে হ'ল তুমাতে আমাতে। তুমি মোরে বইন কইলা, মুই কইলাম ভাই।

আরও কানে বাজছে—যদি দিবারে পারতে ধরমভাই, তবে বইনটা তুমার বাঁচত।

সেদিন শিবরাম সারাটা রাত্রি ঘুমাতে পারেন নাই। ওই কথাগুলিই

তঁার মাথার মধ্যে বহু বিচিত্র প্রশ্ন তুলে অবিরাম ঘুরেছিল এবং সেই কথাই তিনি আজ জানতে এসেছিলেন শবলার কাছে। জিজ্ঞাসা করতে এসেছিলেন—এ কথা কেন বললি আমাকে খুলে বল শবলা বোন, আমাকে খুলে বল।

নিস্তব্ধ হয়ে তিনি দাঁড়িয়ে রইলেন জনহীন নদীকূলে।

*

*

*

এক বৎসর পর আবার এল বেদের দল।

এর মধ্যে শিবরাম কত বার কামনা করেছেন—আঃ, কোনক্রমে যদি এবারও সূচিকাভরণের পাত্রটি মাটিতে প'ড়ে ভেঙে যায়! তা হ'লে গুরু আবার যাবেন সীতালী গাঁয়ে। ঘাসবনের মধ্য থেকে হাঙরমুখী খালের বাঁকে—বেরিয়ে আসবে কালনাগিনী বেদের মেয়ে। নিকষকালো স্কুমার মুখখানির মধ্যে, তার চোখের দৃষ্টিতে, চোঁটের হাসিতে আলোর শিখা জ্বলে উঠবে।

কিন্তু সে কি হয়?

আচার্য ধূর্জটি কবিরাজ যে শিবরামের পাংশু মুখের দিকে তাকিয়েই বুঝতে পারবেন—সূচিকাভরণের পাত্রটি দৈবাৎ মাটিতে প'ড়ে চূর্ণ হয় নি, হয়েছে—। শিবরাম শিউরে উঠেছেন, সঙ্গে সঙ্গে তঁার হাতের মুঠি দৃঢ় থেকে দৃঢ়তর হয়েছে।

যাক সে কথা। বেদেরা এসেছে। এক বৎসরেরও বেশি সময় চ'লে গিয়েছে। প্রায় এক সপ্তাহ বেশি। অগ্র হিসেবে আরও বেশি। এ বৎসর পর্ব-পার্বণগুলি অপেক্ষাকৃত এগিয়ে এসেছে। মলমাস এবার ভূগাপূজারও পরে। নাগপঞ্চমী গিয়েছে ভাদ্রের প্রথম পক্ষে। শারদীয়া পূজা গেছে আশ্বিনের প্রথমে, সে হিসাবে ওদের আরও অনেক আগে আসা উচিত ছিল।

বাইরে চিমটের কড়া বাজল—ঝনাং ঝন—ঝনাং ঝন—ঝনাং ঝন!

তুমুড়ী-বাঁশী বাজছে—একঘেয়ে মিহিসুরে। সঙ্গে বাজছে বিষমঢাকিটা—
ধুম-ধুম! ধুম-ধুম!

ভারী কণ্ঠস্বরে বিচিত্র উচ্চারণে হাঁকছে—জয় মা-বিষহরি! জয় বাবা ধনন্তরি! জয়জয়কার হোক—তুমার জয়জয়কার হোক!

শিবরাম ঘরের মধ্যে ব'লে শুধু তৈরি করছিলেন। ধূর্জটি কবিরাজ আজ বাইরেই আছেন। একটি বিচিত্র রোগী এসেছে দূরান্তর থেকে, পরিপূর্ণ আলোর মধ্যে আচার্য রোগীটিকে দেখছেন। শিবরাম চঞ্চল হয়ে উঠলেন বেদেদের কণ্ঠস্বর শুনে। 'গুরুর বিনা আস্থানে নিজের কাজ ছেড়ে বাইরে যেতে তাঁর সাহস হ'ল না।

ওদিকে বাইরে বেদের কণ্ঠস্বর শোনা যেতে লাগল—পেনাম বাবা ধনন্তরি ! জয়জয়কার হোক। ধনন্তরির আটন আমাদের যজ্ঞমানের ঘর, ধনে-পুত্রে উখলি উঠুক। তুমার দম্মায় আমাদের প্যাটের জ্বালা ঘুচুক।

ভারী গলায় আচার্যের কথা শুনেতে পেলেন শিবরাম।—কি, মহাদেব কই ? বুড়ো ? সে ?

—বুড়া শয়ন নিচ্ছে বাবা। বুড়া নাই।

—মহাদেব নাই ? গত হয়েছে ? শাস্ত কণ্ঠস্বরেই বললেন আচার্য। মাহুষের মৃত্যু-সংবাদে আচার্য ধূর্জটি কবিরাজের তো বিশ্বাস নাই। কীণ বেদনার একটু আভাস শুধু ভারী কণ্ঠস্বরকে একটু সিক্ত ক'রে দেয় মাত্র। আবার বললেন—কি হয়েছিল ? নাগদংশন ?

—লাগিনী বাবা, লাগিনী ! কাললাগিনী—শবলা—তাকে নিয়েছে।

এবার শিবরাম আর থাকতে পারলেন না, কাজ ছেড়ে বাইরে এসে দাঁড়ালেন। দেখলেন, সেই অর্ধ-উলঙ্গ রুক্ষ ধূলিধূসরমুতি পুরুষের দল, কালো পাথর কেটে গড়া মূর্তির মত মাহুষ উঠানে সারি দিয়ে রয়েছে। পিছনে কালো কীণদেহ দীর্ঘাকী মেয়ের দল। কিন্তু কই—শবলা কই ?

আচার্য আবার একবার মুখ তুলে তাকালেন ওদের দিকে। বললেন—গতবারের ঝগড়া তা হ'লে *ঝেটে নাই ? আমি বুঝেছিলাম, বিষ গালতে গিয়ে মহাদেবের হাতটা বেঁকে গেল—সেই দেখেই বুঝেছিলাম। তাহলে দুজনেই গিয়েছে ?

অর্থাৎ শবলার প্রাণ নিয়েছে মহাদেব, মহাদেবের প্রাণ নিয়েছে শবলা ?

নূতন সর্দার সবে প্রৌঢ়ের সীমায় পা দিয়েছে। মহাদেবের মতই জোয়ান। তার দেহখানায় বহুকালের পুরানো মন্দিরের গুপ্তে ভাঙলার দাগের মত দাগ

পড়ে নাই, এত ধূলিধূসর হয়ে ওঠে নাই। সে মাথা হেঁট ক'রে বললে—না বাবা, সে পাপিনী কাললাগিনীর জানটা নিতে পারি নাই আমরা। লোহার বাসুর-ঘরে লখিম্বরকে খেয়ে লাগিনী পলায়েছিল, বেহুলা তার পুচ্ছটা কেটে নিয়েছিল; আমরা তাও লেয়েছি। বুড়োর বৃকের পাজরে লাগদন্ত বসিয়ে দিয়া পড়ল গাঙের বৃকে ঝাঁপিয়ে—ডুবল, মিলায়ে গেল। শেষ রাতের গাঙ, চারিপাশ আকাশের বৃক থেকা গাঙের বৃক পর্যন্ত আধার—মেথতে পেলম না কুন্ দিকে গেল। রাতের আধারে—কালো মেয়েটা যেন মিশিয়ে গেল।

*

*

*

নতুন সর্দারের নাম গঙ্গারাম।

গঙ্গারাম মহাদেবের ভাইপো। গঙ্গারাম বেদেবুলে বিচিত্র মাছুষ। সে এরই মধ্যে বার তিনেক জেল খেটেছে। অদ্ভুত জাহ্নবিজ্ঞা জানে সে। ওই জেলখানাতেই জাহ্নবিজ্ঞায় দীক্ষা নিয়েছিল। জেল থেকে বেরিয়েও সে বড় একটা গ্রামে থাকত না। এখান ওখান ক'রে বেড়াত, ভোজবিজ্ঞা জাহ্নবিজ্ঞা দেখাত, দেশে দেশে ঘুরত। এবার শুকে বাধ্য হয়ে সর্দারি নিতে হয়েছে। মহাদেবের ছেলে নাই। সে মরেছে অনেক দিন। বিধবা পুত্রবধু—শবলা—নাগিনী কণ্ঠা—মহাদেবকে নাগদন্তে দংশন করিয়ে তাকে হত্যা ক'রে পালিয়েছে। এই মাত্র এক পক্ষ আগে। সীতালী থেকে বেরিয়েছে ওরা যথাসময়ে; হাঙরমুখীর খাল বেয়ে নোকার সারি এসে গাঙে পড়ল। মহাদেব বললে—বাধ নোকা রাতের মতুন।

ভাত্রের শেষ, ডরা গঙ্গা। গঙ্গার জল ভাঙনের গায়ে ছলাং-ছল ছলাং-ছল শব্দে ঢেউ মারছে। মধ্যের বালুচর—ঘেঁটা প্রায় সাত-আট মাস জেগে থাকে—সেটার চিহ্ন দেখা যায় না। ভাঙা গাঙের পাড় থেকে মধ্য মধ্যে বৃপ্ৰাপ শব্দে মাটি খ'সে পড়ছে। মধ্য মধ্য পড়ছে বড় বড় চাঙর। বিপুল শব্দ উঠছে। চুলে চুলে ঢেউয়ে ঢেউয়ে এপার থেকে ওপার পর্যন্ত চ'লে যাচ্ছে।

মাথার উপরে কটা গগনভেরী পাকী কর-কর—কর-কর শব্দ তুলে উড়ছিল। দূরে বোধ হয় আধ ক্রোশ তফাতে ঝাউবনে কেউ ডাকছিল। বাঘ বেরিয়েছে। হালখালির মোহনার কাছাকাছি—ঘাসবনে বিজী তাঁক কুক টাঁকার উঠছে,

ছুটে জানোয়ার চোঁচাচ্ছে। ছুটে বুনো দাঁতাল শূয়রে লড়াই লেগেছে। আশেপাশে মধ্যে মধ্যে কোন জলচর জল তোলপাড় ক'রে ফিরছে। কোন কুমীর হবে। নৌকাগুলি এরই মধ্যে ঢেউয়ে ছলছিল। ছইয়ের মধ্যে প্রায় সবগুলি ডিবিয়ার আলোই নিবে গিয়েছে। ছইয়ে মাথায় জন চারেক জোয়ান বেদে ব'সে পাহারা দিচ্ছিল। কুমীরটা কাছে এলে হৈ-হৈ ক'রে উঠবে। তা ছাড়া, পাহারা দিচ্ছিল বেদের মেয়েরা কেউ না এ-নৌকা থেকে ও নৌকায় যায়।

এরই মধ্যে মহাদেবের নৌকা থেকে উঠল মর্যাস্তিক চীৎকার। নৌকাখানা যেন প্রচণ্ড আলোড়নে উলটে যায়-যায় হ'ল। কি হ'ল?

—কি হইছে? সর্দার? দাঁড়িয়ে উঠল বেদে পাহারাদারেরা ছইয়ের উপর। আবার হাঁকলে—সর্দার!

সর্দার সাড়া দিলে না। একটা কালো উলঙ্গ মূর্তি বেরিয়ে পড়ল সর্দারের ছই থেকে, মুহূর্তে ঝপ ক'রে ঝাঁপিয়ে পড়ল গঙ্গার জলে। দূরে জলচর জীবটাও একবার উখল মেরে নিজের অস্তিত্ব জানিয়ে দিলে। আরও বার দুই উখল মারলে তারপর আর মারলে কি-না দেখার কারও অবকাশ ছিল না।

সর্দারের চীৎকার তখনও উঠছে। গোঙাচ্ছে সে।

নৌকায় নৌকায় আলো জ্বলল। সর্দারের পাঁজরায় একটা লোহার কাঁটা বিঁধে ছিল। দেখে শিউরে উঠল সকলে।

নাগিনী কত্তের 'নাগদন্ত'। কত্তেদের নিজস্ব অস্ত্র। বিষমাখা লোহার কাঁটা। এ যে কি বিষ, তা কেউ জানে না। নাগিনী কত্তেরাও জানে না। বিষের একটি চুড়ি—আদি বিষকত্তে থেকে হাতে হাতে চ'লে আসছে। ওই কাঁটাটা থাকে এই চুড়িতে বদ্ধ। অহরহ বিষে সিক্ত হয়ে। এ সেই কাঁটা। সর্দারের চোখ দুটি আতঙ্কে যেন বিফারিত হয়ে উঠেছে।

গঙ্গারাম ডাকলে—কাকা! কাকা!

সর্দার কথা বললে না। হতাশায় ঘাড় নাড়লে শুধু। চোখ দিয়ে জল গড়িয়ে পড়ল। তারপর বললে—জল।

জল খেয়ে হতাশভাবে ঘাড় নেড়ে বললে—শুধু আমার পরানটাই

লিলে না লাগিনী, আমাকে লরকে ডুবায়ে গেল। অন্ধ মেয়েটার নারীরূপের
—এল বুঝি দধিমুখী, মুই—

যখ বের ক'রেই

হতাশায় মাথা নাড়লে, যেন মাথা ঝুঁকতে চাইলে মহাদেব।

শিউরে উঠল সকলে।

বেটা।

দধিমুখী মহাদেবের প্রণয়িনী, সমস্ত বেদে-পন্নীর মধ্যে এ প্রণয়ের কং
সকলেই জানে।

মৈত্রেয় উপর শবলার পরিত্যক্ত কাপড়খানা প'ড়ে রয়েছে। সর্বনাশী নাগিনী
কণ্ঠা এসেছিল নিশঙ্কে। নৌকার দোলায় জেগে উঠল মহাদেব, সে ভাবলে
-দধিমুখী এল বুঝি। সর্বনাশী বুড়ার আলিঙ্গনের মধ্যে ধরা দিয়ে তার
বুকে বসিয়ে দিয়েছে-মাগদন্ত। শুধু তাকে হত্যা করবার অভিপ্রায় ছিল না
তার, তাকে ধর্মে পতিত ক'রে—পরকালে তার অনন্ত নরকের পথ প্রশস্ত ক'রে
দিয়ে উলঙ্ঘিনী মূর্তিতে ঝাঁপ খেয়েছে গঙ্গায়।

গঙ্গারাম বললে—এ সব তো বাবার কাছে লতুন কথা নয়। ই সব তো
আপুনিই জানেন। কণ্ঠেটার এ মতি অ্যানেক দিন থেক্যাই হয়েছিল বাবা—
অ্যানেক দিন থেক্য। ওই কণ্ঠেগুলানেরই ওই ধারা।

*

*

কণ্ঠাগুলির এই ধারাই বটে।

চকিতে শিবরামের মনে পড়ল শবলা তাকে বলেছিল—সে ওষুধ যদি
না জান ধরমভাই, যদি দিতে না পার, তবে অন্ধের জালা জুড়াবার ওষুধ দাও।
হিজল বিলের জলে ডুবি, মা-গঙ্গার জলে ডুবি, বাহির জুড়ায় ভিতর জুড়ায় না।
তেমনি কোন ওষুধ দাও, আমার সব জুড়িয়ে থাক।

গঙ্গারাম বললে—ওই নাগিনী কণ্ঠারা চিরটা কাল ওই ক'রে আসছে।
ওই উদ্গাদের ললাট, ওই উদ্গাদের স্বভাব। বিধেতার নির্দেশ। বেহুলা
সতীর অভিষাপ।

সতীর পতিকে দংশন করলে কালনাগিনী।

সতীর দীর্ঘশ্বাসে কালনাগিনীর কালনাগেরাও শেষ হয়ে গেল। বেহুলা
সতী মরা পতি কোলে নিয়ে কলার মাঞ্জাসে অকূলে ভাসলে। দিন কুলা,

দুটো জানোয়ার তৈরি বর্ষা, কত বড়, কত বজ্রাঘাত, এল কত পাপী, কত রাক্ষস, আশেপাশে মধ্যে কুস্তীর, সে সবকে সহ্য ক'রে উপেক্ষা ক'রে সতী মরা পতির কুমীর হবে যবে আনলে ; মা-বিষহরি মর্ত্যধামে নিজের পূজা পেলে, চাঁদ-সবগুলি ফিরিয়ে দিলেন হারানো ছয় পুত্র, হারানো সপ্তডিঙা মধুকর ; কিন্তু ছেলে গেলেন, হতভাগিনী কালনাগিনীর কথা । সতীর অভিষেপে যে কালনাগ সৃষ্টি থেকে বিলুপ্ত হ'ল, তারা আর ফিরল না । কালনাগিনী নরকুলে জন্মায়, কিন্তু কালনাগিনীর ভাগ্য নিয়েই জন্মায় । তার স্বামী নাই ; তাই যে বেদের ছেলের সঙ্গে তার সাদী হয়, শিশুকালে নাগদংশনে তার প্রাণটা যায় । তারপর নাগিনী কন্যার লক্ষণ ফোটে তার অঙ্গে । তখন সে পায় মা-মনসার বারি, পায় তাঁর পূজার ভারও ; কিন্তু পতি পায় না, ঘর পায় না, পুত্র পায় না হতভাগিনী । তারপর নাগিনী স্বভাব বেরিয়ে পড়ে । হঠাৎ বাধে তার সর্দারের সঙ্গে কলহ ।

গঙ্গারাম বললে—বাবা, ওইটি হ'ল পেথম লক্ষণ । বুঝলে না ! বাপের উপর পড়ে আক্ৰোশ । বাপের ঘরে ধরে অকুচি ।

*

*

*

গতবার মহাদেব এই ধ্বস্তরি বাবার উঠানে বিষ গালতে ব'সে এই কথাই বলেছিল ; বলতে গিয়ে এমন উত্তেজিত হয়েছিল যে, হঠাৎ তার সাপের মুখের হাতখানা চঞ্চল হয়ে বেকে গিয়েছিল । তীব্রদৃষ্টি বেদের মেয়ে শবলা ঠিক মুহূর্তে তার হাত সরিয়ে নিয়েছিল, তাই রক্ষা পেয়েছিল, নইলে সেদিন শবলাই যেত । মহাদেব বলেছিল—মেয়েটার স্বাভাবিক বিচিত্র হয়ে উঠেছে । মনে তার পাপ চুকেছে । সে আরও সেদিন বলেছিল, জাতের স্বভাব ঘাবে কোথা বাবা, ও-জাতের ওই স্বভাব—ওই ধারা । মুহূর্তের জন্য নাগিনী কন্যা শবলার চোখ জ'লে উঠেছিল, সে জ'লে-ওঠা এক-আধ জনের চোখে পড়েছিল, অধিকাংশ মানুষের চোখেই পড়ে নাই—তাদের দৃষ্টি ছিল মহাদেবের মুখের দিকে । শিবরাম দেখেছিলেন । বোধ করি তাকনাধর্মের অমোঘ নিয়মে তাঁর দৃষ্টি ওই মোহময়ী কালো বেদের মেয়ের মুখের উপরই নিবদ্ধ ছিল, তাই চোখে পড়েছিল । না হ'লে তিনিও দেখতে পেতেন না ; কারণ

মুহূর্ত্ত মধ্যেই সে দীপ্তি নিবে গিয়েছিল। মনে হয়েছিল, মেয়েটার নারীরূপের ছদ্মবেশ ভেদ ক'রে মুহূর্ত্তের জন্ত তার নাগিনী রূপ ধ'রে মুখ বের ক'রেই আবার আত্মগোপন করলে।

আচার্য বলেছিলেন—শিরবেদে আর বিষহরির কঙ্কে—বাপ আর বেটা। বাপ-বেটার ঝগড়া মিটিয়ে নিয়ো।

বাপের উপর আক্রোশ পড়েছিল নাগিনী কঙ্কের।

পড়বে না? কত সহ্য করবে শবলা? কেন সহ্য করবে? সাথে বাপের উপর আক্রোশ পড়ে কঙ্কের? কম দুঃখে পড়ে?

সাপের বিষকে পৃথিবীতে বলে—হলাহল। মানুষের রক্তে এক ফোঁটা পড়লে মানুষের মৃত্যু হয়; দুর্গম পাহাড়ের মাথায় ঘন অরণ্যের ভিতর যাও দেখবে পাথর ফাটিয়ে গাছ জন্মেছে, সে গাছ আকাশ ছুঁতে চলেছে; জন্মেছে লোহার শিকলের মত মোটা লতা, একটি গাছ জড়িয়ে মাথার উপর উঠে সে গাছ ছাড়িয়ে গাছের মাথায় মাথায় লতার জাল তৈরি করেছে; দেখবে পাহাড়ের বুক ছেয়ে বিচিত্র ঘাসের বন; তারই মধ্যে সতর্ক দৃষ্টিতে চেয়ে দেখলে দেখবে স্থানে স্থানে জেগে রয়েছে এক-একখানা পাথর—ঘাস না, শ্রাওলা না, কঠিন কালো তার রূপ। ভাল ক'রে দেখলে দেখতে পাবে, তার চারি পাশে জ'মে রয়েছে মাটির গুঁড়োর মত কিছু; মাটির গুঁড়ো নয়, পিঁপড়ে জাতীয় কীট। তোমরা জান না, বেদের ঋগ্বেদে, ও পাথর বিষলৈল—বিষপাথরে পরিণত হয়েছে। এই পাহাড়ের মাথায় ঘন বনে বাস করে শম্বুচুড় নাগ। সাত-আট হাত লম্বা কালো রঙের ভীষণ বিষধর। তারা রাত্রে এলে দংশন ক'রে বিহ্ব চালে ওই পাথরের উপর। পাথরটা ম'রে গিয়েছে, গাছ তো গাছ, ওতে শ্রাওলা ধরবে না কখনও। সাপের বিষের এক ফোঁটায় মানুষ মরে, এক ফোঁটা পাথরের বুক পড়লে পাথরের বুকও জ'লে পুড়ে ধাক হয়ে যায় চিরদিনের মত। পিঁপড়েগুলো ওই পাথরের বুক চটচটে বিষকে রস মনে ক'রে দল বেঁধে ছেয়ে ধরেছিল, বিষে জ'রে ধুলো হয়ে গিয়েছে। কিন্তু তার চেয়ে ভীষণ হ'ল এক টুকরো রূপো—এক বিন্দু সোনা। তারও চেয়ে ভীষণ হ'ল আর্টন গো আর্টন।

নাগিনী কঙ্কার আটনে ব'সে—মা-বিষহরির বারিতে ফুল জল দিয়ে
কি ক'রে সে সস্থ করবে বুড়ার অনাচার ?

গত বার যখন এই ধ্বস্তরি বাবার এইখানেই তার। এল বিষ বিক্রি করবার
জন্ত, তখন কি সকলে শবলাকে বলে নি, বলে নি—কন্তে, তু বুল্ সন্ধারকে—
যার যা পাওনা সব এই ঠাইয়েই মিটিয়ে দিক ? লইলেন—

নোটন যে নোটন—মহাদেবের অতি অহুগত লোক—সেই নোটনও
বলেছিল—গেলবারের হিসাবটা, সেও মিটল না ই বছর তাকাত।

সেই কথাতে বিবাদ। নাগিনী কঙ্কা বিষহরির পূজারিণী, বেদে-কুলের
কল্যাণ করাই তার কাজ ; সেই তার ধর্ম—এ কথা সে না বললে বলবে কে ?
এই বলতে গিয়েই তো বিপদ। বগড়ার গুরু। সে সবারই অধরম দেখে
বেড়াবে, কিন্তু সে নিজে অধরম করবে তাতে কেউ কিছু বললে সে-ই হবে
বজ্জাত !

বিষহরি পূজার প্রণামী—পূজার সামগ্রী ভাগও করবে নাগিনী কঙ্কা।
কন্তের এক ভাগ, শিরবেদের এক ভাগ, বাকি দু ভাগ সকল বেদের। কন্তের
ভাগ আবার হয় দু ভাগ—পুরানো নাগিনী কন্তে পায়, যে বেদের ঘরে বেদে
নাই সে ঘরের মেয়েরা পায়। এই সব ভাগ নিয়ে বিবাদ। সমস্ত ভাল
সামগ্রীর উপর দাবি ওই সর্দারের। হবে না—হবে না বিবাদ।

এ বিবাদ চিরকালের। চিরকাল এ বিবাদ হয়ে আসছে। কখনও জেতে
শিরবেদে, কখন জেতে কন্তে। কন্তে জেতে কখন, জিতলেও সে জয় শেষ
পর্যন্ত দাঁড়ায় পরাজয়ে। মা-বিষহরির পূজারিণী ওই কন্তে, ও যে অন্তরে
অন্তরে নাগিনী, ওকে দংশন ক'রেই পঙ্গোতে হয় ; না পারলে ঘটে মরণ।
তা ছাড়া বেহুলার অভিশাপ ওদের ললাটে, হঠাৎ একদিন সেই অভিশাপের
ফল ফলে। দেহে মনে ধরে জালা। রাত্রে ঘুম আসে না চোখে, মাটির উপর
প'ড়ে অকারণে কাদে। হঠাৎ মনে হয় যেন কে কোথায় শিব দিচ্ছে।

শিবরাত্রির সঙ্গে শেষ যেদিন দেখা হয়েছিল, সেই দিন রাত্রে শবলা তারের
আড়ডায় শুয়ে ছিল বিনিত্র চোখে। ঘুম আসছিল না চোখে। মধ্যরাত্রে

শেয়াল ডেকে গেল। গন্ধার কুলের বড় বড় গাছ থেকে বাহুড়েরা কালো ডানা মেলে উড়ে গেল এপার থেকে ওপার, ওপার থেকে এপার ; গাছে গাছে পেঁচা ডেকে উঠল। বেদেনীর মাথার উপরে গাছের ডালে ঝুলানো ঝাঁপির মধ্যে বন্দী সাপগুলো ফুঁসিয়ে উঠল। বেদেনীর অন্তরটাও যেন কেমন ক'রে উঠল। গভীর রাত্রে ডাইনীর বুকের ভিতর খলবল ক'রে ওঠে, অশানে কালীসাধক মা-মা ব'লে ডেকে ওঠে, চোর-ডাকাতের ঘুম ভেঙে যায় শেয়ালের ডাকে, বিছানায় ঘুমন্ত রোগী একবারও ছটফট ক'রে উঠবে এই ক্ষণটিতে, ঠিক এই ক্ষণটিতে নাগিনী কন্তার অন্তরের মধ্যে কালনাগিনী স্বরূপ নিয়ে জেগে ওঠে ; নিতাই ওঠে। কিন্তু বিছানার খুঁট ধ'রে দাঁতে দাঁত টিপে নিশ্বাস বন্ধ ক'রে প'ড়ে থাকতে হয় নাগিনী কন্তাকে। এই নিয়ম। কিছুক্ষণ পর বন্ধ-করা নিশ্বাস যখন বুকের পাজরা ফাটিয়ে বেরিয়ে আসবে মনে হয়—তখন ছাড়তে হয় নিশ্বাস। তারপর যখন হাপরের মত ইঁপায় বুকের ভিতরটা তখন উঠে বসতে হয়। চুল এলিয়ে থাকলে চুল বেঁধে নিতে হয়, এঁটেসেঁটে নতুন করে ক'বে কাপড় পড়তে হয়। বিষহরির নাম জপ করতে হয়। তারপর আবার শোয়। নাগিনী কন্তার অন্তরের নাগিনী তখন চোয়াল-টিপে-ধরা নাগিনীর মত হার মানে, তখন সে খোঁজে ঝাঁপি, অন্তরের ঝাঁপিতে ঢুকে নিশ্চেষ্ট হয়ে কুণ্ডলী পাকিয়ে প'ড়ে থাকে। তা না ক'রে যদি নাগিনী কন্তা বিছানা ছেড়ে ওঠে, বাইরে বেরিয়ে আসে—তবে তার সর্বনাশ হয়।

রাত্রে আরও তার চোখে-মনে নিশির নেশা ধরিয়ে দেয়।

‘নিশির নেশা’—নিশির ডাকের চেয়েও ভয়ঙ্কর। নিশির ডাক মাহুঘ জীবনে শোনে, কালে-কস্মিনে। ‘নিশির নেশা’ রোজ নিত্য-নিয়মিত ডাকে মাহুঘকে। ওই হিজল বনের চারিপাশে জলে আলেয়ার আলো। ঘন বনের মধ্যে বাজে বাঁশের বাঁশী। হিজলের ঘাসবনে এখানে ডাকে বাঘ, ওখানে ডাকে বাঘিনী। বিলের এ-মাথায় ডাকে চক্কা, ও-মাথায় ডাকে চক্কা। ‘বনকুকী’ পাখীরা পাখিনীদের ডাকে—পাখিনীরা সাড়া দেয়—

—কুক !

—কুক !

—কুক !

—কুক !

নাগিনীও পাগল হয়ে যায়। বিশ্বত্ৰাসাও ভুলে যায়। ভুলে যায় মা-বিষহরির নির্দেশ, ভুলে যায় বেহলার অভিশাপের কাহিনী, ভুলে যায় তার নিজের শপথের কথা। বেদের শিরবেদের শাসন ভুলে যায়, মানসম্মান পাপ-পুণ্য সব ভুলে যায় ; ভুলে গিয়ে সে ঘর ছেড়ে নাশে পথে। তারপর ওই ঘন ঘাসবনের ভিতর দিয়ে চলে—সনসন ক’রে কালনাগিনীর মতই চলে। সমস্ত রাত্রি উদ্ভ্রান্তের মত ঘোরে ; ঘাসবনের ভিতর দিয়ে, কুমীরখালার কিনারায় কিনারায়, হিজলের চারিপাশে—ঘুরে বেড়ায়।

বাণী ? কে বাণী বাজায় গ ! কোথায় গ !

রাত্রির পর রাত্রি ঘোরে নাগিনী কত। একদিন বেরিয়ে এলে আর নিস্তার নাই। রোজ রাতে নিশির নেশা ধরবে, যেন চুলের মুঠো ধ’রে টেনে নিয়ে যাবে।

এক নাগিনী কত্নেকে ধরেছিল এই নেশা—তার প্রাণ গিয়েছিল বাঘের মুখে। এক নাগিনী কত্নের দেহ পাওয়া গিয়েছিল বিলের জলে। এক কত্নের উদ্দেশ্য মেলে নাই। হাড়রমুখী খালে পাওয়া গিয়েছিল তার লাল কাপড়ের ছেঁড়া খানিকটা অংশ। কুমীরের পেটে গিয়েছিল সে।

জন দুই-তিন পাগল হয়ে গিয়েছিল। হিজল বিলের পারে সর্বাঙ্গে কাদা মেখে ব’সে ছিল, চোখ দুটি হয়েছিল কুঁচের মত লাল। কেউ কেবলই কৈদেছে, কেউ কেবলই হেসেছে।

জন চারেকের হয়েছিল চরম সর্বনাশ। সর্বনাশীরা ফিরেছে—ধর্ম বিসর্জন দিয়ে। কিছুদিন পরই অন্ধ দেখা দিয়েছে বাড়ত্বের লক্ষণ। তখন ওই সন্তানকে নষ্ট করতে গিয়ে—নিজে ধরেছে। কেউ পালাতে চেয়েছে। কেউ পালিয়েছে। কিন্তু পালিয়েও তো রক্ষা পায় নি তারা। রক্ষা পায় না। হয় মরেছে বেদে-লমাজের মন্ত্রপূত বাণের আঘাতে—নয়তো নাগিনী-ধর্মের অমোঘ নির্দেশে প্রসবের পরই নখ দিয়ে টুঁটি টিপে সন্তানকে হত্যা করেছে। ডিম ফুটে সন্তান বের হবামাত্র নাগিনী সন্তান খায়—নাগিনী কত্নাকেও সেই ধর্ম পালন করতেই হবে। নিকৃতি কোথায় ? ধর্ম-ঘাড়ে ধ’রে করাবে যে !

নিশির নেশা—নাগিনী কন্তের মৃত্যুযোগ। রাজির খিপ্রহর ঘোষণার লগ্নে চোখ বন্ধ ক'রে, শ্বাস রুদ্ধ ক'রে, দাঁতে দাঁত টিপে দু হাতে খুঁট আঁকড়ে ধ'রে প'ড়ে থেকে। নাগিনী কন্তে।

গন্ধার কূলে বটগাছের তলায় খেজুর-চাটাইয়ের খুঁট চেপে ধরতে গিয়েও সে ম্লিন শবলা। তা ধরলে না। কি হবে ও? কি হবে? কি হবে? এত বড় জোয়ানটাই তার জন্তে প্রাণটা দিয়েছে। না হয় সেও প্রাণটা দেবে। তার প্রেতাঙ্গা যদি ওই গন্ধার ধারে এসে থাকে? বৃকের ভিতরটা তার হ-হ ক'রে উঠল। উঠে বসল সে খেজুর-চাটাইয়ের উপর।

আকাশ থেকে মাটির বৃক পর্যন্ত ধম ধম করছে অঙ্ককার। আকাশে' লাভভাই. তারা ঘুরপাক খেয়ে হেলে পড়বার উত্তোগ করছে। চারিদিকটার দুপহর ঘোষণার ডাক ছড়িয়ে পড়ছে। নিশির ডাক এরই মধ্যে লুকিয়ে আছে। বৃকের ভিতরটা কেমন ক'রে উঠল। শব শুনতে পাচ্ছে সে, ধবক—ধবক—ধবক—ধবক। চোখে তার আর পলক পড়ছে না।

অঙ্ককারের দিকে চেয়ে রয়েছে। গাছপালা মিশে গিয়েছে অঙ্ককারের সঙ্গে, শহর ঢেকে গিয়েছে অঙ্ককারের মধ্যে, ঘাট মাঠ ক্ষেত খামার ঘন বসতি বাজার হাট মানুষ জন—সব—সব—সব অঙ্ককারের মধ্যে মিশে গিয়েছে। যেন কিছুই নাই কোথাও; আছে শুধু অঙ্ককার—জগৎজোড়া এক কালো পাখা—র—

সে উঠল; এগিয়ে চলল। এগিয়ে চলল গন্ধার দিকে। গন্ধার উঁচু পার ভেঙে সে নেমে গিয়ে বসল—সেই খানটিতে, ঘোষানটিতে সে দিন সেই জোয়ান ছেলেটা তার জন্তে ব'সে ছিল। একটাসা ছিল ছল ছল—ছল-ছল শব উঠছে গন্ধার স্রোতে, মধ্যে মধ্যে গন্ধার স্রোত পারের উপর ছলাং ছলাং শব্দে আছড়ে পড়ছে। পাশেই একটু দূরে তাদের নৌকাগুলি দোল খাচ্ছে। ভিজ়ে মাটির উপর উপুড় হয়ে প'ড়ে সে কান্নাতে লাগল।

মা-গন্ধা! মোর অঙ্কের জালা তুমি জুড়িয়ে দিয়ো, মুছিয়ে দিয়ো। মা গন্ধা! আমার জন্তে—শুধু আমার জন্তে সে দিলে তার পরানটা! হায় রে! হায় রে!

ইচ্ছে হ'ল, সেও কাঁপ দেয় গলার জলে ।

তার বুকে জালাও তো কম নয় ! জালা কি শুধু বুকে ? জালা যে সর্বাক্ষে !

হঠাৎ মাহুঘের গলার আওয়াজে চমকে উঠল সে । চিনতে পারলে সে, এ কার গলার আওয়াজ ! বুড়ার ! বুড়া ঠিক জেগেছে । ঠিক বুঝতে পেরেছে । দেখেছে, শবলার বিছানায় শবলা নাই ।

মুহূর্তে শবলা নেমে পড়ল গলার জলে । একটু পাশেই তাদের নোকাগুলি গাঙের ঢেউয়ে অল্প অল্প দুলছে । সে সেই নোকাগুলির ধারে ধারে ঘুরে একটি নোকায় উঠে পড়ল । এটি তারই নোকা । লাগিনী কন্তের লা । মা-বিষহরির বারি আছে এই নোকায় । উপুড় হয়ে সে প'ড়ে রইল বারির সামনে । রক্ষা কর মা, রক্ষা কর । বুড়ার হাত থেকে রক্ষা কর । নিশির নেশা থেকে শবলারে তুমি বাচাও ! বেদেগুলের পুণ্ডি যেন শবলা থেকে নষ্ট না হয় । জোয়ানটার প্রাণ গিয়েছে—তুমি যদি নিয়েছ মা, তবে শবলার বলবার কিছু নাই । কিন্তু মা গ, জননী গ, যদি মাহুঘে ষড়যন্ত্র ক'রে নিয়ে থাকে—তবে তুমি তার বিচার ক'রো । সুস্থ বিচার তোমার মা—সেই বিচারে দণ্ড দিয়ে ।

—তুমি তার বিচার ক'রো মা বিচার ক'রো ।

কখন যে সে চীৎকার করে উঠেছিল, সে নিজেই জানে না । কিন্তু সে চীৎকারে ঘুম ভেঙে গেল নোকার পাহারাদারদের । ভীতি ভয়ে সম্ভরণে এসে দেখলে শবলা প'ড়ে আছে বিষহরির বারির সম্মুখে । চীৎকার করছে—বিচার ক'রো । বেদের ছেলেরা জানে, নাগিনী কন্নার আত্মা—সে মাহুঘের আত্মা নয়, নাগকুলের নাগ-আত্মা । বিষহরি তার হাতে পূজো নেবেন ব'লে তাকে পাঠান বেদেকূলে জন্ম নিতে । তার 'ভর' হয় । চোখ রাঙা হয়ে ওঠে—চুল এলিয়ে পড়ে—সে তখন আর আপনার মধ্যে আত্মস্থ থাকে না । সাক্ষাৎ দেবতার সঙ্গে তার তখন যোগাযোগ হয় । বেদেকুলের পাপপুণ্যের পট খুলে যায় তার লাল চোখের সামনে । সে অনর্গল ব'লে যায়—এই পাপ, এই পাপ । হবে না—এমন হবে না ?

বেদের ছেলেরা শিউরে উঠল ভয়ে । ভিজে কাপড়ে ভিজে চুলে উপুড়

হ'য়ে প'ড়ে আছে নাগিনী কন্তে। হাত জোড় ক'রে চীৎকার করছে—
বিচার করো।

তার। নৌকাতে উঠছে, নৌকা চলছে—তবু হ'শ নাই। এ নিশ্চয় ভয়।
এই নিশীথ রাত্রে এই চীৎকার! উঃ! চীৎকারে অন্ধকারটা যেন চিরে যাচ্ছে!-
দেখতে দেখতে ঘুমন্ত বেদেরা জেগে উঠল। এসে ভিড় ক'রে দাঁড়াল
গঙ্গার কূলে। হাত জোড় ক'রে সমবেত স্বরে চীৎকার ক'রে উঠল—রক্ষা কর
মা, রক্ষা কর।

কিস্ত সর্দার কই? সর্দার? বুড়া? বুড়া কই?

ভাহু বেদে হাঁকলে—সর্দার! অ—গ! কই? কই?

কোথায় বুড়া? বুড়া নাই।

ভাহু শবলার কাকা। ভাহু বললে শবলার মাকে। প্রোচা স্বরধুনী
বেদেনীকে বললে—ভাজ বউ গ, তুমি দেখ একবার। কন্তেটারে ডাক।

বেদেনী ঘাড় নাড়লে—না দেওর, লারব। ওরে কি এখন ছোঁয়া যায়?

—তবে?

—তবে সবাই মিল্যা একজোট হয়ে চিলায়ে ডাক দাও। দেখ কি হয়?

—সেই ভাল। লে গ,—সবাই মিল্যা একসাথে লে। হে—মা—

সকলে স্বর মিশিয়ে দিলে একসঙ্গে।—হে—মা—বিষহরি গ! স্তব্ধ নিশীথ
রাত্রির স্বপুণ্ড সৃষ্টি চকিত হয়ে উঠল। ধ্বনির প্রতিধ্বনি উঠল গঙ্গার কূলে
ও-পাশের ঘন বৃক্ষ-সন্নিবেশে, ছুটে গেল এ পারে প্রান্তরে, ছড়িয়ে পড়ল
দিগন্তরে। শবলার চেতনা ফিরে এল। সে মাথা তুললে।—কি?

পর-মুহূর্তেই সে সব বুঝতে পারলে। তার ভয় এসেছিল। দেবতা তার
পরান পুতলীর মাথার উপর হাত রেখেছিলেন। শরীরটা এখনও তার ঝিম-
ঝিম করছে। তবু সে উঠে বসল।

উঠছে, উঠে বসিছে, কন্তে উঠে বসিছে গ!—বললে অটোথারী বেদে।

বেদেরা আবার ধ্বনি দিলে—জয় মা-বিষহরি!

টলতে টলতে বেরিয়ে এল শবলা।

—ধর গ। ভাজবউ, কন্তেরে ধর। টলিছে।

স্বপ্নানী বেদেনী এবার জলে নামল।

—কি হলছিল কত্তে? বেটা?

শব্দা বললে—মা দেখা দিলেন গ। পরশ দিলেন।

—কি কইলেন?

—কইলেন? চোখ দুটো ঝকঝক ক'রে উঠল তার। সে বললে—স্বপ্ন
বিচার করবেন মা। স্বপ্নের ধারে স্বপ্ন বিচার।

ঠিক এই সময় তটভূমির উপর কুকুরের চীৎকার শোনা গেল। সকলে
চমকে উঠল।

কি সে গলার আওয়াজ কুকুরের! এক সঙ্গে দু-তিনটে চীৎকার ক'রে
ছুটে আসছে। কাউকে যেন তাড়া ক'রে আসছে।

ছুটেছে ছুটেছে এসে দাঁড়াল দৈত্যের মত একটা মানুষ।

সদার! শিরবেদে!

তার পিছনে ছুটে আসছে দুটো মুখ-খ্যাবড়া সাদা কুকুর।

—লাঠি! ভাঙ, লোটন, লাঠি! খেয়ে ফেলাবে, ছিঁড়ে ফেলাবে।

সঙ্গে সঙ্গেই এল লাঠি লোহার ভাঙা। চীৎকার ঠাণ্ডা হয়ে গেল।

কামড়ে রক্তাক্ত ক'রে দিয়েছে মহাদেবকে।

—হই বড় বাড়িটার পোষা বিলাতী কুকুর! হই!

মহাদেব গিয়ে পাঁচিল ডিঙিয়ে ভিতরে লাফিয়ে পড়বামাত্র তাড়া করেছিল।
পাঁচিল ডিঙিয়েই সে পালিয়ে এসেছে, সঙ্গে সঙ্গে তারাও এসেছে। সারাটা
পথ মধ্যে মধ্যে লাড়িয়ে ঢেলা ছুঁড়ে কথডে চেঁচা করেছে কিন্তু পারে নাই।
ঢেলা তারা মানে নাই। হাতে একটা লোহার ভাঙা ছিল। লাফ দিয়ে পড়বার
আগে সে পাঁচিল থেকে ভাঙাটা ভিতরে ছুঁড়ে ফেলেছিল, সেটা
আর কুড়িয়ে নেবার অবকাশ হয় নাই। তার আগেই কুকুর দুটো এসে
পড়েছিল।

—কিন্তুক হোথাকে গেলছিলি ক্যানে তু?

—ক্যানে? মহাদেবের ইচ্ছে হ'ল শবলার টুঁটিটা হাতের নখে বিঁথে
কাঁঝরা ক'রে দেয়। সে তাকাল শবলার দিকে।

শবলার চোখ দুটি ফুঁ-দেওয়া আঙুরার মত ধবধব ক'রে উঠল। সে
বললে—কুকুরের কামড়ে মরবি না তু। মরবি তু লাগিনীর দাঁতে। মা
বুলেছে আমাকে। আজ তার সাথে আমার বাত হলুছে। শূন্য বিচার
করবেন জমুনী।

মহাদেব চীৎকার ক'রে উঠল—পাপিনী!

মুহুর্তে তার হাত চেপে ধ'রে ভাদু প্রতিবাদে চীৎকার ক'রে উঠল—সর্দার!

মহাদেবও চীৎকার ক'রে উঠল—অ্যাই! হাত ছাড়্। পাপিনীকে
শ্রামি—

—আঃ! মুখ থস্তা যাবে তুর। সারা বেদেপাড়া দেখেছি—কণ্ঠের 'পরে
আজ জমুনীর ডর হলুছিল। উ সব বুলিস না তু। তু দেখলি না—তুর
ভাগিয়া।

শবলা হেসে বললে—উ গেলুছিল আমাকে খুঁজতে। সে দিনে আমি উ—
বাড়ির রাজাবাবুকে লাচন দেখালুছি, গায়েন শোনালুছি; বাবু আমাকে টকটকে
রাঙাবরণ শাড়ি দিছে, তাই উ রেতে আমাকে বিছানাতে না দেখে-গেলুছিল
আমার সন্ধানে হোথাকে। ভেবেছিল আমি পাপ করতে গেলুছি। ইয়ার
বিচার হবে। মা আমাকে কইলেন—বিচার হবে, শূন্য বিচার হবে।

স্তব্ধ হয়ে রইল গোটা দলটা। শব্দ যেন চোখে মুখে থমথম করছে।

স্থির দৃষ্টিতে মহাদেব তাকিয়ে রইল শবলার মুখের দিকে। তার ঝনের
মধ্যে প্রশ্ন উঠল, সত্যিই শবলা মা-বিসহরির ঝারির পায়ের তলায় ধ্যান করছিল?
মা তাকে ডেকেছিলেন? হাত-পায়ের ক্ষত থেকে রক্ত ঝরছে, কিন্তু মহাদেবের
তাতে গ্রাহ নাই। পায়ের ক্ষতটাই বেশি। খানিকটা মাংস যেন তুলে
নিয়েছে। তার ভ্রূক্ষেপ নাই। সে ভাবছে।

শবলা বললে—রক্তগুলান ধুয়ে ফেল্ বুড়া, আমার মুখের দিকে তাকায়
থেক্যা কি করবি? কি হবেক? লে, ধুয়ে ফেল্, খানিক রেড়ির তেল লাগায়ে
লে। বিলাতী কুকুরের বিষ নাই, কুকুরের মতুন যেউ যেউ কর্যা চোঁচায়ে।

উ কামড়ে মরণ নাই তুর ললাটে, কিন্তুক ডাঁটুরে উঠে পাকলি পর কষ্ট
পাবি। আর—

ভাহুর মুখের দিকে চেয়ে বললে—আর মরা কুকুর ছুটারে লাগে ক'রে নিয়া
মাঝগাঙে ভাসায়ে দেও। সকালেই বাবুর বাড়িতে কুকুরের খোঁজ হবেক।
চারিদিকে লোক ছুটবেক। দেখতে পেল মরণ হবে গোটা দলের। বুঝল
না? ভাসায়ে দিয়া আয়। আর শুন্। ভোর হতে হতে আস্তানা গুটায় লে।
লাগে লাগে তুল্যা দেও চিড়বিজ। ইখানে আর লয়।

মহাদেব শুক হয়েই রইল। কোন কথা সে বললে না। কিন্তু রাত
ছ'পহরেই সেই ঝোরালো লগনটিতে,—পেঁচার ডাকে, শিবান্দের হাঁকে, গাছের
সাড়ায়, বাহুড়ের পাখার ঝাপটানিতে, ঠিক নিশি যখন জাগল—ইশারা পাঠালে
পরানে পরানে, ঠিক তখনই, সেই মুহূর্তটিতেই যে তারও ঘুম ভেঙেছিল। নিত্যই
যে ভাঙে। শিরবেদের ঘুম ভাঙে মা-বিষহরির আজায়, শিরবেদে উঠে তার
লোহার ডাঙা হাতে—দণ্ডধরের মত বেদেফুলে ধরমের পথ রক্ষা করে। লগনটি
পার হয়—তখন মহাদেব ধীরে ধীরে এসে দাঁড়ায় দধিমুখী বেদেনীর ঘরের ধারে।
দধিমুখীও আগে, সেও বেরিয়ে আসে। তখন শিরবেদে আর দণ্ডধর নয়।
সে তখন লাধারণ মনিস্থি!

এখানেও আজ কদিন এসেছে। মহাদেবের ঠিক লগনে ঘুম ভেঙেছে,—
ঘুম ভেঙেছে নয়, মহাদেব এ লগনের আগে এখানে ঘুমায় নাই। সে সতর্ক
হয়ে লক্ষ্য রেখেছিল—ওই জোয়ানটার দিকে। পাপিনী কত্রের দিকে
তো বঁটেই। জোয়ানটা গিয়েছে। মা-বিষহরির আজায় সে ছেড়েছিল ওই রাজ
গোখুরাটাকে। বলেছিল—পাপীর পরান ছু লিবি, ছু লাগকুলের রাজপুতুর,
ষিচারের ভার তোরে দিলাম। জোয়ানটার পিছন তাকে ছেড়ে দিয়েছিল।
বাঁশের চোড়ায় পুরে দড়ি টেনে খুলে দিয়েছিল চোড়ার মুখের ঝাকড়াটা।

পাপী জোয়ানটা গিয়েছে! কিন্তু—। সে ভেবেছিল, একসঙ্গে দুজনে
যাবে। পাপী-পাপিনী দুজনে। কিন্তু জোয়ানটা একা গেল।

আজ সেই লগনে উঠে সে স্ট দেখেছে, নাগিনী উঠল—কালনাগিনী—
বটগাছটাকে বেড় দিয়ে ওপাশে গেল। সেও সন্তর্পণে তার পিছনে পিছনে

বটগাছটার এপাশে এসে দাঁড়িয়েছিল। চোখে পড়েছিল, অন্ধকারের মধ্যে বড় বাড়িটার মাথার জলজলে আলোটা। মনে পড়েছিল, ওই বাড়িতে শবলা রাঙা শাড়ি, ষোল আনা বকশিশ পেয়েছে—সেই কথা, রাঙাবরণ সোনার রাজপুত্রের কথা অন্ত বেদেনীদের কাছে শবলাকে বলতেও সে নিজের কানে শুনেছে। পাপিনীর চোখে নিশির নেশার ঘোরের মত ঘোর জমতে দেখেছে।

পাপিনী নাগিনী কন্তের বুকে তা হ'লে কাঁঠালীচাঁপার বাগের ঘোর জেগেছে! সেই ঘোরে দিশা হারিয়ে সে নিশ্চয় গিয়েছে ওই বড় বাড়ির পথে—সেই সোনার বরণ রাজপুত্রের টানে টানে। স্থিরদৃষ্টিতে শিরবেদে তাকিয়ে রইল ওই পথের দিকে। কত দূরে চলেছে সে পাপিনী! হঠাৎ এক সময় মনে হ'ল—ওই যে, সাদা কাপড় পরা কালো পাতলা মেয়েটা লঘুপায়ে ছুটে চ'লে যাচ্ছে! সনসন ক'রে চ'লে যাচ্ছে কালনাগিনীর মত! ওই যে! সেও ছুটল।

কোনদিকে সে চোখ ফেরায় নি। সাদা কাপড় পরা কালো পাতলা মেয়েটাকে—সে যেন হাওয়ার সঙ্গে মিশে চলতে দেখেছে। নাগিনীর পায়ে পাখা গজায়—এই লগ্নে; সে হাঁটে না, উড়ে চলে। ঠিক তাই। পিছনে সাধ্যমত দ্রুত পায়ে মহাদেব তাকে অনুসরণ করছে, সে ছুটেছে। ওই পাঁচিলের কোল পর্যন্ত আসতে ঠিক দেখেছে।

পাঁচিলের এপাশে তাকে দেখতে না পেয়ে সে পাঁচিলের উপর উঠে ব'সে ছিল। কুকুরে করেছিল তাড়া। পালিয়ে আসতে সে ব্যাধি হয়েছিল।

তবে? তবে এ কি হ'ল? সেই কন্তে এখানে মা মনসার বারির সামনে কেমন ক'রে এল?

যেমন ক'রেই আছক, বেদেদের কাছে তার মাথা হেঁট হয়ে গেল। নাগিনী তার সেই হেঁট মাথার উপর ফণা তুলে দুলছে। যে-কোন মুহূর্তে গুকে ধংশন করতে পারে।

উঠ্, বুড়া, উঠ্। লা ছাড়বে।—বললে শবলা।

ভোর হতে না হতে বেদেদের নৌকা ভাসল মাঝ-গজায়।

দক্ষিণে—দক্ষিণে। শ্রোতের টানে ভাসবে লা। দক্ষিণে।

দ্বিতীয় পর্ব

এ কথাগুলি শিবরামের নয়। এ কথা ‘পিঙলা’ অর্থাৎ পিঙ্গলার; পিঙলাই হ’ল শবলার পরে সীতালী গায়ের বেদেগুলের নতুন নাগিনী কত্তা। এই পিঙলাই শিবরামকে শবলার এই কাহিনী বলেছিল।

বলতে বলতেই পিঙলা বলে—মায়ের লীলা। বেদেগুলের মা বলতে বিষহরি, বেদেদের অচ্চ মা নাই। কালী না, দুর্গা না—কেউ না। বেদেদের বাপ বলতে শিব। শিবের মানস থেকে মা-বিষহরির জনম গ। পদ্মবনের মধ্যে শিবের মনের থেকে জন্ম নিয়া পদ্মপাতের মধ্যে ধীরে ধীরে মা বড় হয়। উঠলেন। মায়ের আমার পদ্মবনে বাস—অঙ্গের বরণ পদ্মফুলের মত। শিবঠাকুরের মধুপান করা নেশা হয় না, তাই শিবের কন্তে পদ্মবনে পদ্মমধু পান করলেন, সেই কন্তের কণ্ঠে—অমৃতের থেকা মধু হইল; তখন সেই মধু খাইলেন শিব। সেই মধুতে তাঁর কণ্ঠ হ’ল নীল বরণ, মধুর পিপাসা মিট্যা গেল চিরদিনের তরে; চক্ষু দুটি আনন্দের হ’ল ঢুলুঢুলু! শিবের কন্তে পদ্মাবতী—পদ্মের মত দেহের বরণ, তেমনি তার অঙ্গের সৌরভ, মা হলেন চিরযুবতী।

এই মায়ের পূজার ভার বার উপরে, তার কি বুড়ে হইবার উপায় আছে গ? যুবতী মায়ের পূজা—করবে যুবতী কন্তে। তবে সে কালনাগিনী বলে তার অঙ্গের বরণ হবে কালো। চিকণ চিকচিকে কালো—মনোহরণ করা কালোবরণ। সেই কারণে এক নাগিনী কন্তে বর্তমানেই নতুন নাগিনী কন্তের আবির্ভাব হয়। সে আবির্ভাব শিববেদের চক্ষে ধরা পড়ে। কন্তে অনাচার করে, কন্তে বুড়ী হয়—কত কারণ ঘটে; তখন শিববেদে মনে মনে মায়েরে ডাকে। আধার বর্ষার রাতে কৃষ্ণাপক্সী তিথিতে আকাশে ঘনঘটা ক’রে মেঘ ওঠে; থমথম করে চারি দিক, শিববেদে আকাশপানে তাকায়। মিলিয়ে নেয়—যে রাতে বেদেদের সর্বনাশ হয়েছিল সেই রাত্রির সঙ্গে। ওগো, যে রাতে লোহার বাসর-ঘরে

লখিল্লরকে কালনাগিনী দংশন করেছিল—সেই রাজের সঙ্গে গ! মেঘের ঘনঘটার মধ্যে মা-বিবহরির দরবার বসে। সামনে আসছে বর্ষা; পঞ্চমীতে পঞ্চমীতে নাগজননীর পূজা; মা দরবার ক'রে খবর নেন—নতুন কালের পৃথিবীতে কে আছে চাঁদ সদাগরের মত অবিশ্বাসী! কোথায় কোন ভক্তিমতী বেনেবেটার হ'ল আবির্ভাব! তেমনি কৃষ্ণাপঞ্চমীর রাজি পেলে শিরবেদে বসবে মায়ের পূজায়। ঘরে কপাট দিয়ে পূজায় বসবে। মাকে ডাকবে—মা-মা-মা-মা! প্রদীপ জ্বালবে, ধূপ পুড়াবে, ধূপের ঘোঁয়ান ঘর অন্ধকার হয়ে যাবে। ধারালো ছুরি দিয়ে বৃকের চামড়া চিরে রক্ত নিয়ে সেই রক্ত নিবেদন করবে মাকে। তখন মেঘলোকে মা-বিবহরির আটন একটু ট'লে উঠবে—মায়ের মুকুটের রাজগোখুরা ফণা তুলিয়ে হিসহিস করবে। মা বলবেন তাঁর সহচরীকে—দেখ্ তো বহিন নেতা, আসিন কেন টলে, মুকুট কেন নড়ে? নেতা খড়ি পাতবে, গুনে দেখবে, দেখে বলবে—সীতালী গায়ে শিরবেদে তোমাকে পূজা দিতেছে, স্মরণ করতেছে; তার হয়েছে সংকট; নাগিনী কণ্ঠে অবিশ্বাসিনী হয়েছে। নয়তো বলবে—কণ্ঠের চুলে ধরেছে পাক, দাঁত হয়েছে নড়োবড়ো, এখন নতুন কণ্ঠে চাই। মা তখন বলবেন—ভয় নাই। অভয় দিবেন, সঙ্গে সঙ্গে নাগিনী কণ্ঠের নাগমাহাত্ম্য হরণ ক'রে লিবেন, আর শুদিকে নতুন কণ্ঠের মধ্যে সঞ্চার ক'রে দিবেন সেই মাহাত্ম্য। কণ্ঠের অন্তরে অঙ্গে সেই মাহাত্ম্য ফুটে উঠবে।

পিঙলা বলে—সেবার শহরে কণ্ঠে শবলা বললে, মা-বিবহরি নৃসিং বিচার করবে। কণ্ঠের উপর ভর হ'ল মায়ের।

মহাদেব শিরবেদে কুকুরের কামড় খেলে। সেবার সামনে তার মাথা হেঁট হ'ল। কথা বলতে পারলে না।

শবলা বললে—চল, এই ভোরেই ভাসায় দে লাগের সারি। কুকুর ছটার খোঁজে এসে যদি বাবুরা বুঝতে পারে, কি এটা বেদেদের কাকুর কাম, তবে আর কাকুর রক্ষে থাকবে না। মা-গজার শ্রোতের টানে নৌকা ছেড়ে দে, তার সঙ্গে খবু দাঁড়, পাঁচদিনের পথ একদিনের পায়ে বাবি।

মহাদেব মায়ের ভিতর পাখর হয়ে প'ড়ে রইল।

মনে মনে কইলে—মাগো ! শ্রাঘে অপরাধ হইল আমার ? আমি শিরবেদে—
—তুর চরণের দাস, আমি যে তুর চরণ ছাড়া ভজি নাই, তিন সন্ধ্যা তুকে ডাকতে
কোন দিন তুলি নাই—আমার দোষ নিলি মা-জমুনী ?

* * * * *

শেষ রাত্রে অন্ধকারের মধ্যে বড় নগরের রাণীভবানীর বাড়ি-মন্দির প'ড়ে
রইল পিছনে ; নৌকা বালুচর আজিমগঞ্জের শেঠদের সোনার নগর ছাড়িয়ে গেল,
তারপর নসীপুরে ভাঙা জগৎশেঠের বাড়ি। সে সব পার হয়ে লালবাগের
নবাবমহল। ওপারে খোসবাগ। হিরাঝিলের 'জঙ্গল'। ওই—ওইখানেই
রাজগোখুরা ধরেছিল শবলার ভালবাসার মানুষ !

পিঙলা বলে—যাই বল্যা থাকুক শবলা, সে তার ভালবাসার মানুষই ছিল গ
কবিরাজ মশাই। ভালবাসার মানুষ, পরানের ঝু। হোক নাগিনী কন্তে, তবু
তো দেহটা মনটা তার মানুষের কন্তের। মানুষের কন্তে ছেলেবয়সে ভালবাসে
তার বাপকে মাকে। নাগিনীর সন্তান হয়, ডিম ফোটে, ডেঁকা বার হয়, পুরাণে
আছে—প্রবাদে আছে—নাগিনী আপন সন্তানের যতটাবে পায় মুখের কাছে—
খেয়ে ফেলায়। বড় সাপে ছোট সাপ খায়—দেখেছ কি-না জানি না, আমরা
দেখেছি—খায়। নাগিনী সেখানে নিজের সন্তান খাবে তার আর আশ্চর্য্য কি
গ ! সেই নাগিনী মানুষের গভো জনম নেয়—মহুগা-ধরম মিয়া, সেই ধরম সে
পালন করে। মা-বাপেরে ভালবাসে—তাদের না হলে তার চলে না।
তা'পরেতে কেবুমে কেবুমে বড় হয়, দেহে যৌবন আসে—তখন পরান চায়
ভালবাসার মানুষ। নাগিনীর নারীধরমের কাল আসে—তার অঙ্গ থেকে
কাঁঠালীচাপার বাস বাহির হয়, সেই বাস ছড়িয়ে পড়ে চারি পাশে। লাগ সেই
গন্ধের টানে এসে হাজির হয়। দুজনে মিলন হয়, খেলা হয়, জীবধরমের অভিশাপ
মেটে। লাগ-নাগিনী অভিশাপ মিটায়ে চ'লে যায় আপন আপন স্থানে।
ভালোবাসা তো নাই সেখানে। কিন্তু নাগিনী কন্তে যখন মানুষের রূপ ধরে,
মানুষের মন পায়—তখন দেহের অভিশাপ মিটলেই মনের তিয়াস মিটে না, মন
চায় ভালবাসা। সে তো ভাল না বেলে পারে না। সেই ভালবাসাই সে
বেসেছিল ওই জোয়ানটাকে। তারে ছুঁতে সে পারে নাই, ভয় তার তখনও

ভাঙে নাই, ভাঙলে পরে সে কিছু মানত না, গাঙের ধারে রাতের আঁধারে সন্সনিয়ে গিয়ে কাঁপায়ে পড়ত তার বুকে, গলাটা ধরত জড়িয়ে, লাগিনী যেমন লাগে পাকে পাকে জড়ায় তেমনি কর্যা জড়িয়ে লেগে যেত তার অঙ্গে অঙ্গে ।

হিরাঝিলের ধারে এল্যা শবলা আপন লায়ে মায়ের ছামনে আবার আছড়ে পড়ল । কি করলি মা গ ! তোর শাসনই যদি নিয়া এসেছিল রাজগোখুরা, তবে আমার বুকে কেনে ছোবল দিলে না ?

* * * * *

নাগিনীর মতই গর্জন ক'রে ওঠে পিঙলা । সে বলে—শবলা আমাকে বলেছিল । বলেছিল—পিঙলা, বহিন, চিরজন্মটা বুকের কথা মুখে আনতে পারলাম না, বুকেটা আমার জল্যা পুড়্যা থাক হয়ে গেল । দোষ দিব কারে ? কারেও দিব না দোষ । অদেষ্ট না, ললাট না, বিষহরিকে না,—দোষ ওই বুড়ার, আর দোষ আমার । মুই নিজেরে নিজেরে ছলনা করলাম চিরজীবন । পরান ভালবাসলে, মোর সকল অঙ্গ ভালবাসলে, আমার মন বললে—না-না-না । ও কথা বলতে নাই । ও পাপ—মহাপাপ । মুছে ফেল, মুছে ফেল, বিষহরির কণ্ঠে, ও অভিশাপ তু মন থেক্যা মুছে ফেল ।

দীর্ঘনিশ্বাস ফেলে রাঙা চোখ দুটো মেলে কালো কেশের মত আঁধার রাতের দিকে চেয়ে থাকত আর ওই কথা বলত । শবলার অঙ্গে অঙ্গে তখন যেন কালো রূপে বান ডেকেছে । সে যেন তখন বান-থৈ-থৈ কালিন্দী নদীর কালীদেহের মত পাথার হয়ে উঠেছে । কদমতলায় কানাই নাই, ভবু সেথায় ঢেউয়ে ঢেউয়ে উথাল-পাতাল ক'রে আছাড় খেয়ে পড়ছে । কল্পে যদি সত্যিই নাগিনী হয়, তবে অঙ্গে ফোটে চাঁপার স্ফূবাস । শবলার অঙ্গ ভ'রে তখন চাঁপার স্ফূবাস ফুটেছে ।

* * * * *

শিবরাম যেবার গুরুর আশ্রম থেকে শিক্কা শেষ ক'রে বিদায় নিয়েছিলেন, সেইবার পিঙলা ওই কথাগুলি বলেছিল । তখন পিঙলার সর্বাঙ্গ ভ'রে বৌবন দেখা দিয়েছে । প্রথম যেবার শবলার অস্তর্ধানের পর সে এসেছিল, তখন সে ছিল সবুজ-ডাঁটা একটি কচি লতার মত । অল্প বাতাসে দোলে, অল্প উত্তাপে

জ্ঞান হয়, বর্ষপের স্বল্প প্রাবল্যেই তার ডাঁটা পাতা মাটির বুকে কাদায় ব'সে যায়। এখন সে পূর্ণ যুবতী, সবল সতেজ লতার ঝাড়। যেন উজ্জ্বল কণা নাগ-নাগিনীর যন্ত নিজের কমনীয় প্রাস্তভাগগুলি শূন্যলোকে বিস্তার ক'রে রয়েছে, ঝড় বর্ষণ তাকে আর ধুলায় লুটিয়ে দিতে পারে না, বৈশাখী ঝিপ্রহরে তার পল্লবগুলি জ্ঞান হয় না। শাস্ত স্বল্পভাষিনী কিশোরী মেয়েটি তখন মুখরা যুবতী। সে সলজ্জা নয় আর, এখন সে দৃষ্টা।

শবলা শিবরামের নামকরণ করেছিল—কচি ধবন্তরি। বর্ষরা উল্লাসিনী বেদের মেয়েরা তাকে সেই নামেই ডাকত। তারা যেন তাঁকে বেশ একটি প্রীতির চোখেই দেখত। শবলাকে জেনে, চিনে, তার অন্তরের পরিচয় পেয়ে শিবরামও এদের স্নেহ করতেন। কিন্তু কিশোরী পিঙলার সঙ্গে পরিচয় নিবিড় হয়ে ওঠে নি এতদিন।

এবার গুরু সন্ধ্যোগ ক'রে দিলেন। বললেন—আমার শিষ্য শিবরাম এবার থেকে স্বাধীনভাবে কবিরাজি করবেন। ঠুঁকে তোমাদের যজ্ঞমান ক'রে নাও।

শিববেদে, নাগিনী কণ্ঠা নূতন যজ্ঞমানকে বরণ করে। প্রণাম ক'রে, হাত জোর ক'রে বলে—কখনও তোমাকে প্রতারণা করব না। যে গরল জন্মত হয় শোধনে, সেই গরল ছাড়া অন্য গরল দেব না। মা-বিবহরির শপথ। হে যজ্ঞমান, তুমি আমাকে দেবে স্ত্রীয়া মূল্য, আর সে মূল্য যেন মেকী না হয়।

সেইদিন অপরাহ্নে পিঙলা এল একাকিনী। বললে—তুমার কাছে এলম কচি ধবন্তরি। আজ চার বছর একটা কথা বলবার ভরে শপথে বাঁধা আছি। কিন্তুক বুলতে লেয়েছি। আজ বুলতে এসেছি। শবলাদিদির কাছে শপথ করেছিলম মায়ের নাম নিয়া।

শিবরাম তার মুখের দিকে চাইলেন। এ মেয়ে আর-এক জাতের। শবলা ছিল উচ্ছল, সে যেন ছিল মেঘলা আকাশ—কণে কণে বিদ্যুৎচকিত হ'ত, বলকে উঠত বজ্রবহি; আবার পর-মুহূর্তেই বর্ষণ ও উতলা বায়ুর চপল কোতুকে লুটোপুটি খেত। আর এ মেয়ে যেন বৈশাখের ঝিপ্রহর। যেন অহরহ জ্বলে।

সমস্ত কথাগুলি ব'লে সে বললে—শবলাদিদি আমার কাছে লুকাই নাই। তার সঙ্গে টাপার বাস ছুটল, পাগ তার হ'ল। মনের বাসনায়ে যদি লাগিনী

কন্তে আপন বিষে জ্বায়ে দিতে না পারে, তবে সে বাসনা ঠাপার ফুল হয়। পরান-বুকে ফুট্যা উঠ্যা বাস ছড়ায়। তখন হয় কন্তের পাপ। মা-বিবহরি হরণ করেন তার নাগিনী-মাহাত্ম্য। অল্প কন্তেকে দান করেন। শবলার মাহাত্ম্য হরণ ক'রে মা আমাদের দিলেন মাহাত্ম্য। তাতে শবলা রাগলে না। আমার উপর আক্রোশ হ'ল না।

শিবরামের মুখের দিকে চেয়ে তার মনের প্রশ্ন অজ্ঞান ক'রেই সে বললে—
বুঝল না? নাগিনী কন্তের দুর্ভাগ্য ঘট, ভাগ্যি যে তার থেকা অনেক বেশি গ।
সি যি সাক্ষাৎ দেবতা। শিরবেদের চেয়ে তো কম নয়! তাতেই লতুন নাগিনী
কন্তে যখন দেখা দেয়—তখন পুরানো নাগিনী কন্তে উঠে কেপে। তারে পরানে
সে যেতে ফেলতে চায়। কিন্তু শবলা তা করে নাই। আমার সে ভালবেসেছিল—
আপন বহিনের মত। বলেছিল—দোষ আমার আর ওই শিরবেদের; তুমি দোষ
নাই। সে আমাকে সব শিখিয়ে গিয়েছে। নাগিনী কন্তের সব মাহাত্ম্য—
সব বিজ্ঞা দিয়েছে। মনের কথা বলেছে। শুধু বলে নাই যি, মহাদেব
শিরবেদের ধর্ম নিয়া জীবন নিয়া, অকূলে সে ঝাঁপ খাবে।

বেদেরা এখন ধর্ম বাঁচাবার লেগ্যা বলে—শবলার মাথা খারাপ হ'লছিল।
মিছা কথা। এখন আমি সব বুঝছি। আমার লেগ্যা গঙ্গারাম শিরবেদে এখন
কি বলে জান? বলে—তুরগ মগজটা শবলার মত বিগড়ায়ে দেখছি।

পিঙলা গঙ্গারাম শিরবেদেকে মুখের উপর বলছিল—আমার মাথা খারাপ
হবে না, সে তুকে বল্যা রাখলাম, সে তু শুদ্ধা রাখ। পিঙলা কন্তে শবলা নয়।
শবলা আমাকে ব'লে গিয়েছে—পিঙলা, বহিন, এই কালে কালে হয়। আসছে
নাগিনী কন্তের কপালে; মুই তুরে সকল কথা খুল্যা ব'লে গেলম; তু যেন
আমাদের মত পড়া পড়া মার খাস না; শিরবেদেকে ডরাস না। মুই তুকে
ডরাব না।

নতুন নাগিনী কন্তা পিঙলা আর শিরবেদে গঙ্গারামের মধ্যে চিরকালের
বিবাদ ঘনিয়ে উঠেছে। যা হয়েছিল শবলা আর মহাদেবের মধ্যে, তাই।
মহাদেব মরেছে আজ সাত বছরের ওপর। পিঙলা নাগিনী কন্তা হয়েছিল যখন,
তখন তার বয়স পনের পার হয়েছে, ষোল পূর্ণ হয় নাই। পিঙলা এখন পূর্ণ
না-ক-কা-৮

যুবতী। কালো মেয়ে পিঙলার চোখ দুটো পিঙলাভ ; সে চোখের দৃষ্টি আশ্চর্য রকমের স্থির। মানুষের দিকে সে নিম্পলক হয়ে তাকিয়ে থাকে, পলক ফেলে না ; মনে হয় একেবারে ভিতরের ভিতরে থাকে যে আঙুল-প্রমাণ আত্মা, সেই ঘেন চোখ দুটার দুয়ার খুলে বেরিয়ে এসে দাঁড়িয়েছে। তার তো ভয় নাই, ভয়ও নাই। তা ছাড়া, পিঙলার ওই চোখ দুটা অন্ধকারের মধ্যে বনবিড়ালের চোখের মত জলে। যে অন্ধকারে অন্ধ মানুষের দৃষ্টি চলে না, পিঙলা সেই অন্ধকারের মধ্যেও দেখতে পায়। পিঙলার চোখের দিকে চাইলে ভয় পায় সকলে। গঙ্গারাম যে গঙ্গারাম, সেও ভয় পায়। যখন এমনি স্থিরদৃষ্টিতে সে তাকায়, গঙ্গারাম তখন হু পা পিছন হ'টে দাঁড়ায়। পিঙলা তাতে কৌতুক বোধ করে না, তার চোঁট দুটো বেকে যায়, সে বাকের এক দিকে ঝ'রে পড়ে আক্রোশ, অন্ধ দিকে ঝ'রে স্থগা।

গঙ্গারামও ভীষণ।

মহাদেবের মত সে ভয়ঙ্কর নয়, কিন্তু সে ভীষণ। পাথরের গুরনো মন্দিরের মত কঠিন নয়, কিন্তু সে কুটিল। সমস্ত সাঁতালীর বেদেরা তাকে ভয় করে ডোমন-করেত্তের মত। মহাদেব ছিল শম্ভুচূড়—সে তেড়ে এসে ছোবলে ছোবলে ক্ষতবিক্ষত ক'রে দিত, প্রাণটা চ'লে যেত সঙ্গে সঙ্গে। হার মেনে অন্ধের বেশবাস ফেলে দিয়ে পাশ কাটিয়ে পালালে সে সেই বেশবস্ত্র ছিঁড়ে খুঁড়ে আক্রোশ মিটিয়ে নিরস্ত হ'ত। ডোমন-করেত্তের কাছে সে নিস্তারও নাই। সে অন্ধকার রাজ্যের সঙ্গে তার নীলচে দেহটা মিশিয়ে দিয়ে নিঃশব্দে তোমার অম্লসরণ ক'রে লুকিয়ে থাকবে। দিনের আলোতে অম্লসরণ করতে যদি নাই পারে, তবে আক্রোশ পোষণ ক'রে অপেক্ষা ক'রে থাকবে। আসবে সে ঠিক খুঁজে খুঁজে। তারপর করবে দংশন। সে দংশনে নিস্তার নাই। ব্রাহ্মণেরা বলে—খেলে ডোমনা, ডাক বামনা। অর্থাৎ ডোমন-করেত্তের দংশন যখন, তখন বিশ্ববৈষম্য ডেকে না, মিথ্যা চিকিৎসা করাতে যেমো না,—দংশনে শব নিয়ে যাবার জন্য ব্রাহ্মণ ডাক। সংস্কারের আয়োজন কর।

ডোমন-করেত্তের মতই বাইরে দেখতে ধীর আর নিরীহ গঙ্গারাম। মেহের শক্তি তার অনেকের চেয়ে কম, কিন্তু সে কামরূপের বিস্তা জানে, আহুবিষ্ঠা

জানে। তিরিশ বছর আগে ওই শহরে থেকেই সে মহাদেবের সঙ্গে ঝগড়া ক'রে নিরুদ্দেশ হয়েছিল ; দোষ মহাদেবের ছিল না, দোষ ছিল গঙ্গারামের। জোরান হয়ে উঠবার সঙ্গে সঙ্গেই তার মতিগতি অতি মাজার খারাপ হয়েছিল। শহরে এসে সে একা একা ঘুরে বেড়াত। মদ খেয়ে রাস্তায় লোকের সঙ্গে ঝগড়া ক'রে ফিরত। গলায় একটা গোখুরা সাপ জড়িয়ে বেড়াত রাস্তায় রাস্তায়। গোখুরাটাকে সে খুব বশ করেছিল। গলায় জড়ালে সেটা মালায় মতই ঝুলত, মুখটা নিয়ে কখনও কাঁধে, কখনও কানের কাছে, কখনও বুকের উপর অঙ্গ ঘুরত। এর জন্তে লোক তাকে ভয় করত। গায়ে হাত তুলতে সাহস করত না। একদিন কিন্তু ভিড়ের মধ্যে একটা দুর্ঘটনা ঘটে গেল। ভিড়ের মধ্যে একজন হঠাৎ তার ঠিক সামনেই গঙ্গারামের গলায় সাপটাকে দেখে আতঙ্কিত হয়ে চীৎকার ক'রে গঙ্গারামকে ঠেলে দিতে গিয়েছিল, ভয় পেয়ে সাপটাও তাকে কামড়ে দিয়েছিল। একেবারে ঠিক বুকের মাঝখানে খানিকটা মাংস খাবলে তুলে নিয়েছিল। তারপর সে এক ভীষণ কাণ্ড! যত নির্ধাতন গঙ্গারামের, তত লাজনা সমস্ত বেদেফুলের। পুলিশ এসে বেদেদের নোকা আটক করেছিল। মহাদেবকে থানায় নিয়ে গিয়েছিল।

গঙ্গারাম অনেক বলেছিল—কিছু হবে না হজুর, মূই বিষহরিক কিরা খায়্যা বলছি, উয়ার বিষ নাই। উয়ার দাঁত, বিষের থলি—সব মূই কেটে তুলে দিছি। মাহুঘটার যদি কিছু হয়, তবে দিবেন—দিবেন আমাকে ফাসি।

সে গোখুরার মুখটাকে নিজের মুখের মধ্যে পুকে চকচক শব্দ তুলে চুবে দেখিয়েছিল—বিষ নাই। মুখ থেকে সাপটাকে বের করার পর সেটা গঙ্গারামকেও কয়েকটা কামড় দিয়েছিল।

মহাদেবও শপথ ক'রে গঙ্গারামের কথা সমর্থন করেছিল। কিন্তু তবু এ লাজনা-অপমান থেকে পরিজ্ঞান পায় নাই। প্রায় চব্বিশ ঘণ্টা আটক রেখেছিল। চব্বিশ ঘণ্টার মধ্যেও যখন লোকটির দেহে কোন বিষক্রিয়া হ'ল না, যখন ডাক্তারেরা বললেন—না, আর কোন ভয় নাই, তখন পরিজ্ঞান পেয়েছিল তারা। সেই নিয়ে বিবাদ হ'ল মহাদেবের সঙ্গে। একা মহাদেব কেন, বেদেদের সকলের সঙ্গেই ঝগড়া হয়েছিল গঙ্গারামের। দারুণ প্রহার করেছিল মহাদেব।

দুদিন পরে গঙ্গারাম একটু সুস্থ হয়ে উঠেই দল ছেড়ে নিকরদেশ হয়ে গিয়েছিল।

মহাদেব বলেছিল—যাক, পাপ গেলছে, মজল হলছে। যাক।

গঙ্গারাম গেলে মজল হবে—এ কথায় কান্নার সংশয় ছিল না, কিন্তু মহাদেবের পরে শিরবেদে হবে, কে?

মহাদেব বলেছিল—মুই পুষ্টি নিব।

হঠাৎ দীর্ঘ তেরো-চোদ্দ বৎসর পর গঙ্গারাম এসে হাজির হ'ল। সে বললে—কাঁউর-কামিন্কে থেকে কত ছাশে ছাশে ঘুরলম, জেহেলেও ছিলম বছর চারেক। তা'পরেতে এলম, বলি, দেখ্যা আসি, সাঁতালীর খবরটা নিয়া আসি।

বেদেদের আসরে সে তার জাতুবিজ্ঞা দেখালে।

কত খেলা, বিচিত্র খেলা! জিভ কেটে জোড়া দেয়। কাঠের পাখী হকুম শোনে, জলে ডোবে, ওঠে। পাথরের গুলি থেকে পাখী বের হয়; সে পাখীকে ঢাকা দেয়, পাখী উড়ে যায়; বার্তাস থেকে মুঠো বেঁধে এনে মুঠো খোলে—টাকা বের হয়। আরও কত!

বেদেরা সম্মোহিত হয়ে গেল। সন্ধ্যায় ব'সে সে গল্প করত দেশ-দেশান্তরের। তারপর কিছুদিনের মধ্যেই শবলা আর মহাদেবের মধ্যে বিবাদের মীমাংসা হয়ে গেল। মহাদেবের বৃকে বিষকাঁটা বসিয়ে দিয়ে শবলা ভেসে গেল গঙ্গার বানে। গঙ্গারাম হ'ল শিরবেদে।

পিঙলা বলে—পাপী—উ লোকটা মহাপাপী।

আবার তখনই হেসে বলে—উয়ার দোষ কি? পুরুষ জাতটাই এমুনি। ভোলা-মহেশ্বরের কন্তে হলেন মা-বিষহরি। ভোলা ভাঙড় চণ্ডীরে ঘুম পাড়ায়ে এলেন মস্ত্যধামে। বিষহরিরে দেখ্যা কামের পীড়াতে লাজ হারালেন, বললেন—কন্তে, আমার বাসনা পূর্ণ কর। মা-বিষহরি তখন রোষ ক'রে বিষদৃষ্টিতে তাকালেন পিতার পানে, শিব ট'লে পড়লেন। দোষ শুধু লাগিনী কন্তেরই নাই। শবলার নামে দোষটা দিলি কি—সে শিরবেদের ধরম নিয়া, কাঁটা বৃকে

বিধে দিয়া পালালুছে ; কিন্তু দোষটা শিরবেদেরও আছে। ওই গঙ্গারাম শিরবেদেকে দেখ।

নেশায় চক্ষু লাল ক'রে গঙ্গারাম ঘুরে বেড়ায় সীতালীর বাড়ি বাড়ি। রসিকতা করে বেদেনীদের সঙ্গে। কিন্তু কেউ কিছু বলতে সাহস করে না। গঙ্গারাম ডাকিনীবিষ্ঠা জানে। মাহুষকে সে বাণ মেরে খোঁড়া ক'রে রেখে দেয় ; শুধু তাই নয়, প্রাণেও মেরে ফেলতে পারে গঙ্গারাম। ডাকিনী-সিদ্ধ গঙ্গারামের ধর্ম নাই, অধর্ম নাই। কিছু মানে না সে।

গঙ্গারাম ভয় করে শুধু পিঙলাকে।

পিঙলাও ভয় করে, কিন্তু মধ্য মধ্য সে যেন কেপে ওঠে।

ফাস্তনের তখন শেষ। ফাস্তনেও গঙ্গাতীরে ঘাসবনের ভিতর পলিমাটিতে বর্ষার জলের ভিজে আমেজ থাকে। পাকা ঘাস শুকিয়ে ঘাস, কাশঝাড় আগেই কেটে নিয়েছে বেদেরা। এই সময় একদিন ঘাসবন ধোঁয়াতে শুরু করে। শুকনো ঘাসে আগুন দেয় বেদেরা। শুকনো ঘাস পুড়ে যাবে, তলার মাটি আগুনের আঁচ পাবে, তারপর পাবে সূর্যের তাপ, সীতালীর বহুকরা নব কলেবর ধরবেন। চৈত্রের পর বৈশাখে আসবে কাল-বৈশাখী—ঝড় জল হবে, সেই জলে মাটি ভিজবে, সঙ্গে সঙ্গে ওই পুড়িয়ে-দেওয়া ঘাসের মুড়ো অর্থাৎ মূল থেকে আবার সবুজ ঘাস বের হতে আরম্ভ হবে। বর্ষা আসছে আসতে একটা ঘন চাপ-বাধা সবুজ বন হয়ে উঠবে। গঙ্গার জলকে ধুবে। সীতালী গায়ের বেদেদের বাঁশ আর কাশের ঘরগুলি ছাওয়ার কাশের সংস্থান হবে।

এদিকে পৌষ মাস পর্যন্ত সফর সেরে সীতালীতে ফিরবার পথে শীতে জরজর-অঙ্গ নাগ-নাগিনীদের মুক্তি দিয়ে এসেছে ; বিষহরির পুত্র-কন্তা সব, বেদের কাঁপিতে তাদের মৃত্যু হ'ল বেদের জীবনে পাপ অর্শাবে। মাঘ থেকে ফাস্তন-চৈত্র পর্যন্ত বেদেদের কাঁপিতে সাপ নাই। সতেজ নাগ, শীতে থাকে কাবু করতে পারবে না—তেমনি দুটো-একটা থাকে। ফাস্তনের শেষে ঘাস পুড়িয়ে দিলে আগুনের আঁচে, রোদের তাপে মাটি শুকোলে, নাগেরা মাটির নীচে তাপের স্পর্শে শীতের ঘুম থেকে জেগে উঠবে। আশ্বিনের শেষ থেকে কার্তিকের শেষ পর্যন্ত নাগেরা রাতে খোলা মাঠে নিথর হয়ে প'ড়ে থাকে,

বেদেরা বলে—শিশির নেয় অঙ্গে। ওই শিশির অঙ্গে নিয়ে শীত শুরু হতেই তারা মাটির নিচে কালঘুমে ঢ'লে পড়ে। লোকে বলে—সাপেরা 'মুদ' নেয়। এই কালঘুমই বল, আর মুদই বল, এ ভাঙে ফাস্তুন-চৈত্রে। বেদে যেখানে নাই, সেখানে ঘুম ভাঙায় কাল। যেখানে বেদে আছে, সেখানে এ ঘুম ভাঙানোর ভার বেদেরের। ঘুম ভাঙানোর পর শুরু হবে নতুন ক'রে নাগ ঘরে আনার পালা।

এই আগুন দেওয়ার ক্ষণ ঘোষণা করে হিজল বিলের পাখীরা। সাপদের মুদ নেবার কাল হ'লেই পাখীরা কোন্ দেশান্তর থেকে আকাশ ছেয়ে কলকল শব্দ তুলে এসে হাজির হয় হিজল বিলে। সকলের আগে গগনভেরী পাখী। আকাশে যেন নাকাড়া বাজছে।

গরুড় পাখীর বংশধর। নাগকুলের জননী আর গরুড় পক্ষীর জননী—হুই সতীন। সৎভাইদের বংশে বংশে কালশক্রতা সেই আদিকাল থেকে চ'লে আসছে। সৃষ্টির শেষদিন পর্যন্ত চলবে। তাই এ মীমাংসা হয়তো দেবকুলের ক'রে দেওয়া মীমাংসা। শীতের কয়েক মাস পৃথিবীতে অধিকার গরুড়-বংশের। তারা আকাশ ছেয়ে ভেরী বাজিয়ে এসে পৃথিবীতে ছড়িয়ে পড়বে—বিলে নদীতে গুহুরে; ধানভরা মাঠে ধান খাবে। তারপর ফাস্তুন যাবে, চৈত্রের প্রথমে গরমের আয়েজ-ভরা বাতাস আসবে দক্ষিণ দিক থেকে—মাঠের ফসল শেষ হবে; তখন তারা আবার উড়বে—গগনভেরী পাখীরা নাকাড়া বাজিয়ে চলবে আগে আগে! তখন আবার পড়বে নাগদের কাল।

যে দিন ওই গগনভেরীরা উড়বে, উড়ে গিয়ে আর ফিরবে না, সে দিন থেকে ডিন দিন পরে এই আগুন লাগানো হবে ঘাসবনে।

*

*

*

সাঁতালীর চরে ঘাসবনে সেই আগুন লাগানো হয়েছে। খোয়ানু কুণ্ডলী উঠছে আকাশে। ঘাসের ডাঁটা আগুনের আঁচে পটপট শব্দে ফাটছে। আকাশে উঠছে কাক ফিঙের দল। কাকে কাকে পোকা মাকড় উড়ে পালাচ্ছে। পা-লম্বা গজাকড়িংয়ের দল লাফিয়ে উঠছে। আগুন চলছে দক্ষিণ থেকে উত্তরে। দখনে বাতাস বইতে শুরু করেছে। বইবেই তো, গগনভেরী

পাখীরা গরুড়ের বংশধর, তারা দক্ষিণ থেকে উত্তর দেশে চলেছে—তাদের পাখসাটে পবনদেবকেও মুখ ফেরাতে হয়েছে দক্ষিণ থেকে উত্তরে।

বিলের ঘাটে দাঁড়িয়ে ছিল পিঙলা। দেহ-মন তার ভাল নাই। ছুনিয়া মেন বিষ হয়ে উঠেছে। সীতালী, বিবহরি, বিশ্ব-ব্রহ্মাণ্ড—সব বিষ হয়ে গিয়েছে। সে নাগিনী কঙ্কে—তাই বোধ হয় এত বিষ তার সহ্য হয়, অল্প কেউ হ'লে পাথরে মাথা ঠুঁকে মরত, গলায় দড়ি দিত, নয়তো কাপড়ে আঁশুন লাগাত।

বিলের দক্ষিণ দিকে সন্ধ্যা-জল-থেকে-ওঠা জমিতে চাবীরা চাষ করছে। এর পর লাগাবে বোরো ধান। তার উপরে তিল-কসলে বেগুনে রঙের ফুল দেখা দিয়েছে। বড় বড় শিমুলগাছগুলোয় রাঙা শিমুল ফুল ফুটেছে। ওই ওদিকে এসেছে ঘোষেরা। মাঠান দেশে ঘাসের অভাব হয়েছে। সামনে আসছে গ্রীষ্মকাল, তারা তাদের গরু মহিষ নিয়ে এসেছে হিজলের কূলে। হিজলের কূলে ঘাসের অভাব নাই। তা ছাড়া আছে হাজারে হাজারে বাবলা গাছ। বাবলার গুঁটি, বাবলার পাতা খাওয়াবে।

কিছুদিন পরেই আসবে দুঃসাহসী একদল জেলে। মাছ ধরবে হিজল বিলে। বর্ষার একটা হিজল বিল এখন জল শুকিয়ে টুকরো টুকরো হয়ে গিয়েছে। আরও যাবে। তখন এই মাছ ধরার পালা। মূল পদ্মার বিল অর্ধাংশ মনসার আটন মাঝের বিল বাদ দিয়ে বাকি সব বিলে মাছ ধরবে।

অকস্মাৎ একটা বগ্ন জন্তুর চীৎকারে পিঙলা চমকে উঠল।
ওদিকে হৈ-হৈ শব্দ ক'রে উঠল বেদেরা। গুলরাম—গুলবাঘা!

আগুনের আঁচে, ঘোঁয়ায়, গাছপাতা-পোড়ার গন্ধে, কোথায় কোন্ কোঁপে ছিল বাঘা, সে বেরিয়ে পড়েছে। কালো ছাপগরীলা হলদে আনোয়ারটা ছুটেছে। কাউকে বোধ হয় অখব করেছে। কিন্তু বাঘা আজ মরবে। সে যাবে কোথায়? পূবে গঙ্গা, উত্তরে বেদেরা, তারা ছুটে আসছে পিছনে পিছনে, দক্ষিণে মহিষের পাল নিয়ে রয়েছে ঘোষেরা। সেখানে মহিষের শিঙ, ঘোষেদের লাঠি। পশ্চিমে হিজলের জল, যাবার পথ নাই। বাঘা আজ মরবে।

পিঙলার মনের অবলাদ কেটে গেল এই উত্তেজনায়। সে হিজলের ঘাট থেকেই মাথা তুলে দেখতে লাগল। কিন্তু কই? কোথায় গেল বাঘা?

এদিকের ঘাসের বন আড়াল দিয়ে গঙ্গার গর্ভে নামল না কি ? পায়ের আঙুলের উপর ভর দিয়ে মাথা তুললে সে। ওই ছুটেছে বেদেরা—ওই ! হৈ-হৈ শব্দ করছে। উল্লাসে যেন ফেটে পড়ছে। পিঙলারও ইচ্ছে হলো ছুটে যায়। কিন্তু উপায় নাই। তাকে থাকতে হবে এই হিজল বিলের বিষহরির ঘাটে। ওদিকে বনে আগুন লাগানো হয়েছে। নাগিনী কত্না এসে ব'সে আছে বিষহরির ঘাটে। তাকে ধ্যান করতে হবে মায়ের। মায়ের ঘুম ভাঙতে হবে, বলতে হবে—মা গো, নাগকুলের জ্ঞাতিশত্রু—গরুড় পক্ষীর বংশের গগনভেরীরা নাকাড়া বাজিয়ে উত্তরে চ'লে গেল ; নাগেদের দখলের কাল এল। উত্তরে দক্ষিণ-মুখে বাতাস—দক্ষিণ থেকে উত্তরমুখী হয়েছে ; নাগ-চাঁপার গাছে কলি ধরেছে। তুমি এইবার নয়ন মেল ; মা গো, তুমি জাগ।

ওদিকে বন পোড়ানো শেষ ক'রে বেদেরা আসবে ; শিরবেদে থাকবে সর্বাগ্রে ; এসে ঘাটের অদূরে হাত জোড় ক'রে দাঁড়াবে। শিরবেদে ডাকবে—কন্তো গ, কন্তো !

হাঁটু গেড়ে হাত জোড় ক'রে কন্তো ব'সে থাকবে ধ্যানে। উত্তর দেবে না। আবার ডাকবে শিরবেদে। বার বার তিনবার। তারপর কন্তো সার্বা দেবে—হা গ !

—মা জাগল ? ঘুম ভাঙিছে জমুনীর ?

হাঁ, জাগিছে মা-জমুনী।

তখন নাকাড়া বেজে উঠবে, জয়ধ্বনি দেবে বেদেরা। পূজা হবে। হাঁস বলি হবে, বন-পায়রা বলি হবে। তারপর তারা গ্রামে ফিরবে। ফিরবার আগে চর খুঁজে—বিলের কূল খুঁজে একটিও অন্তত নাগ ধরতে হবে।

বিলের ঘাটে সেই জগুই একা এসেছে সে। কিন্তু এসে অবধি কোন প্রার্থনা, কোন ধ্যানই করে নাই। চুপচাপ দাঁড়িয়ে ছিল। ইচ্ছা হয় নাই, দেহও যেন ভাল মনে হচ্ছিল না। যেন ঘুম আসছিল। হঠাৎ এই উত্তেজনায়ে সে চঞ্চল হয়ে উঠল। কিন্তু উপায় নাই। যাবার তার উপায় নাই। সে উদ্গ্রীব হয়ে দাঁড়িয়ে দেখতে লাগল। বাঘা মরবে। আঃ, বাঘা তুই যদি গঙ্গারাম শিরবেদেকে জখম ক'রে মরিস, তবে পিঙলা তোকে প্রাণ খুলে

আশীর্বাদ করবে। তোর মরণে বুক ভাগিয়ে কাঁদবে। তোর নখ পিতল দিয়ে বাঁধিয়ে গলায় ঝুলিয়ে রাখবে। তোর পাঁজরার ছোট হাড়খানি নিয়ে সে সমস্তে রেখে দেবে, সৌভাগ্যের সম্পদ হবে সেখানি।

ওই থমকে দাঁড়িয়েছে বেদের দল। কোন্ দিকে বাঘা গিয়েছে—ঠাণ্ডর পাচ্ছে না। পর-মুহূর্তেই তার সর্বাঙ্গে একটা বিদ্যুৎশিহরণ ব'য়ে গেল। সামনে হাত-পনেরো দূরে ঘাসের জ্বল ঠেলে বেরিয়েছে একটা হলুদ রঙের গোল হাঁড়ির মত মুখ, তাতে দুটো নিম্পলক গোল চোখ—লম্বা দুটো কালো রেখার মত তারা দুটো ঘেন ঝলসে উঠছে। চোখে চোখ পড়তেই—দাঁত বের করে ফাঁস শব্দ ক'রে উঠল। গুঁড়ি মেরে দেহটাকে যথাসাধ্য খাটো ক'রে সে আত্মগোপন ক'রে এইদিকে চ'লে এসেছে।

সাঁতালী গাঁয়ের চারিপাশে ঘাসবনের ফালিপথ বেয়ে বেড়ায় যে বেদের কত্তে, যার গায়ের গন্ধে ঘাসের বনে মুখ লুকিয়ে কুণ্ডলী পাকায় বিষধর সাপ, সেই কত্তে—পিঙলা। যে কত্তেরা জীবনে দু-চার বার বাঘের সঙ্গে লুকোচুরি খেলে নিরাপদে গ্রামে ফিরেছে, সেই কত্তের কত্তে পিঙলা। কুমৌরখালার খালে—কুমৌরের মুখে প্রতিষেহরই যে বেদের মেয়েদের দু-একজন যায়—সেই বেদের মেয়ে পিঙলা। পিঙলার পিসীর একটা পা নাই। কুমৌরে ধরেছিল। পিঙলার পিসী গাছের ডাল আঁকড়ে ধ'রে চীৎকার করছিল। বেদেরা ছুটে এসে খোঁচা মেরে, বাঁশ মেরে কুমৌরটাকে ভাগিয়েছিল। কুমৌরটা ছেড়ে দিতে বাধ্য হয়েছিল, কিন্তু একখানা পায়ের নিচের দিকটা রাখে নি। খোঁড়া। পিসী তার আজও বেঁচে আছে। পিঙলার সর্বাঙ্গে বিদ্যুৎশিহরণ খেলে গেল, কিন্তু সে বিবশ হয়ে গেল না।

ওরে বাঘা! ওরে চতুর! ওরে শঠ শয়তান! ওরে গন্ধারাম!

এক পা, দু পা, তিন পা, চার পা পিছন হ'তে সে অকস্মাৎ ঘুরে দাঁড়িয়েই ক্রাঁপ দিয়ে পড়ল হিজলের বিলে।—জয় বিবহরি!

ঘাটে লম্বা দড়িতে বাঁধা তালগাছের ডোডাটা ভাসছে খানিকটা দূরে। সাঁতরে গিয়ে সেটার উপর উঠে বসল সে। বাঘাটা উঠে সোজা হয়ে দাঁড়িয়েছে। লেজ আছড়াচ্ছে। স্থিরদৃষ্টিতে চেয়ে রয়েছে পিঙলার দিকে।

পিঙলার মুখে দাঁতগুলি ঝলকে উঠল। ইশারা ক'রে সে ডাকলে বাবাকে—
—আয়। আয়। আয়। সীতার তো জানিস। আয় না রে!

বাঘটা এবার বেরিয়ে এল ঘাসবন থেকে। ঘাটের মাথায় এসে দাঁড়াল। কোলাহল ক্রমশ দূরে চ'লে যাচ্ছে, চতুর বাঘা সেটুকু বুঝে নিরাপদ আশ্রয় এবং আহ্বারের প্রত্যাশায় জেঁকে দাঁড়িয়েছে ঘাটের মাথায়। ওরে মুখপোড়া, তুই মা-বিষহরির জামাই হবার সাধ করেছিল না কি? কতাকে নিয়ে যাবি মুখে তুলে, বনের ভিতর ঘর-সংসার পাতবি? বাঘিনীর দলে নাগিনী কন্তে? আয় না ভাই, আয় না; গলায় তোর মালা দিব, গলা জড়ায়ে চুমা খাব—আয় না; বিলের জলের তলে মা-বিষহরির সাতমহলা পুরী—মোর মায়ের বাড়ি—আয় শান্তডীর বাড়ি যাবি। আয়।

কথাগুলি পিঙল। বাঘটিকে শুনিয়ে শুনিয়েই বলেছিল। একেবারে কথা কয়েছিল। বাঘটা দাঁত বের ক'রে ফ্যাসফ্যাস করছে। হঠাৎ সেটা উপরের দিকে মুখ তুলে ডাক দিয়ে উঠল—আ—উ! লেজটা আছড়ালে মাটির উপর।

এবার খিল-খিল ক'রে হেসে উঠল পিঙল।

হিঙ্গল বিলের চারিপাশে ছড়িয়ে পড়ল সে হাসি।

ওদিকে বাঘার পিছনে—ঘাসবন পুড়িয়ে আগুন এগিয়ে আসছে। বাঘা এমন নিরস্ত্র নিরীহ শিকারের স্বেযোগ কিছুতে পরিত্যাগ করতে পারছে না। নইলে সে পালাত। পালাত দক্ষিণ মুখে, যেদিকে ওই চাবীরা চাব করছে, ঘোষেরা গরু মহিষের বাধান দিয়ে ব'সে আছে। মহিষের শিঙে, ঘোষদের লাঠিতে, দাওয়ের কোপে বাঘা মরত।

সরস কৌতুকে উজ্জল হয়ে উঠল পিঙল। ভোড়ার উপর ব'সে সে মৃদুস্বরে গান ধ'রে দিলে—ঠিক যেন বাঘটার সঙ্গে প্রেমলাপ করছে গান গেয়ে।

বঁধু তুমি, আইলা যোগীর ব্যাশে।

হান্ন—অবস্তাষে!

মরণ আমায় হায় গ—মরণ

লয়ন-জলে ধোয়াই চরণ

সবতনে মুছারে দি আমার কালো ক্যাশে!

যদি আইলা অবশ্যবে—হে !

হায়—হায় গ ! আইলা যোগীর ব্যাশে !

চাঁচর চুলে জট বাঁধিছ লম্বানে নেই কাজল—

*অধরে নাই হাসির ছটা—চক্ষে ঝরে বাদল !

গানের স্বর তার উত্তেজনার উচু হয়ে উঠল। বাতাসে জোর ধরেছে। আগুন দ্রুত এগিয়ে আসছে। কুণ্ডলী পাকানো ধোঁয়া এই দিকে আসছে এবার ; বাতাস ঘুরছে। আগুনের সঙ্গে বাতাসের বড় ভাব। ইনি এলেই—উনি একেবারে ধেয়ে আসবেন। বাঘা পড়ল ফাঁদে। “হায় রে বন্ধু আমার, হায় রে ! এইবার ফাঁদে পড়ল !” গান থামিয়ে আবার সে খিলখিল ক’রে হেসে উঠল।

বন্ধু এবার বুঝেছে।

একেবারে রাগে আগুন হয়্যা আয়ান ঘোষ আসছে হে ! এইবারে ঠেলা সামলাও ! বাঘা এবার ফিরল, আগুন দেখে সচকিত হয়ে দ্রুত চলতে শুরু করলে—দক্ষিণ মুখে। ও-দিক ছাড়া পথ নাই। কিন্তু ওই পথেও তোয়ার কাঁটা বন্ধু ! হায় বন্ধু !

টেঁচিয়েই কথাগুলি বলছিল পিঙলা। তার আজ মাতন মেসেছে। সেও হাতে জল কেটে—ভোঙাটাকে দক্ষিণ দিকে নিয়ে চলেছিল। কিন্তু হঠাৎ কি হ’ল ? বাঘাটা একটা প্রচণ্ড হুকার ছেড়ে—থমকে দাঁড়াল ; হু পা পিছিয়ে এল। সেই প্রচণ্ড চীৎকারে—তার হাত থেকে গেল, মুখের কথা বন্ধ হয়ে গেল। বাঘের হুকার সমস্ত চরটাকেই যেন চকিত ক’রে দিলে।

আ—হায়—হায়—হায় ! উল্লাসে উত্তেজনায় যেন থরোথরো কাঁপন ব’য়ে গেল পিঙলার সর্বদেহ মনে। সে চীৎকার ক’রে উঠল—আ !

বাঘার সামনে মাথা তুলে দাঁড়িয়েছে—স্বস্ত এক পদ্মনাগ।

আ—! হায়—হায়—হায়, মরি—মরি—মরি রে !

ওদিকে আগুনের আঁচ পেয়ে বেরিয়েছে পদ্মনাগ। সেও পালাচ্ছিল, এও পালাচ্ছিল, হঠাৎ দুজনে পড়েছে সামনা-সামনি। নাগে বাঘে লাগল লড়াই—হায় হায় হায় !

সে ভোড়াটাকে নিয়ে চলল তীরের দিকে। ভাল ক'রে দেখতে হবে। মরি মরি মরি, কি বাহারের খেলা রে! সোজা মাথা তুলে দাঁড়িয়ে ছলছে পদ্মনাগ। চোখে তার স্থিরদৃষ্টি। কালো দুটি মর্টারের মত চোখ। তাতে কোন ভাব নাই, কিন্তু বিষমাখা তীরের মত তীক্ষ্ণ এবং সোজা। বাঘা যে দিকে ফিরবে, সে চোখও সেই দিকে ঘুরবে—তার ফগার সঙ্গে। মরি-মরি-মরি! পদ্মফুলের মত চক্ৰটির কি বাহার! লিক্লিক্ ক'রে চেরা জিভ মুহুমুহু বের হচ্ছে আগুনের শিখার মত। বাঘাও হয়ে উঠেছে ভয়ঙ্কর। চোখ দুটো যেন জ্বলছে—লম্বা কালো কাঠির মত তারা দুটো চওড়া হয়ে উঠেছে। গৌফগুলো হয়ে উঠেছে খাড়া সোজা; হিংস্র দুপাটি দাঁত বের ক'রে সে গর্জাচ্ছে; গায়ের রোয়া যেন ফুলছে—লেজটা আছড়ে আছড়ে পড়ছে মাটির উপর। কিন্তু তার নড়বার উপায় নাই। নড়লেই ছোবল মারবে পদ্মনাগ। নাগও নড়ছে না, স্বযোগ পেলেই বাঘা মারবে তার খাবা নাগের মাথার উপর। বাঘা মধ্যে মধ্যে এগিয়ে যাবার চেষ্টা করছে—সঙ্গে সঙ্গে সভয়ে পিছিয়ে আসছে। মাটির উপর ছোবল পড়েছে নাগের। বাঘা সঙ্গে সঙ্গে লাফ দিয়ে পড়তে চায়—নাগের উপর; কিন্তু তা পারছে না; লাফ দেবার উদ্যোগ করতে করতে নাগ যেন বিদ্যুতের মত উঠে দাঁড়াচ্ছে। তখন যদি বাঘা লাফ দেয়, তবে রক্ষা থাকবে না—একেবারে ললাটে দংশন করবে নাগ। সেটা বুঝেছে বাঘা। তাই লাফ না দিয়ে ব্যর্থ ক্রোধে উঁচু দিকে মুখ তুলে চীৎকার ক'রে উঠছে।

ভোড়ার উপর উঠে দাঁড়াল পিঙলা।

আ—! আ—মরি মরি রে! আ—

চারিদিকের এক দিকে গজা—এক দিকে বিল। আর দুদিক থেকে ছুটে এসে বেদেরা, ঘোষেরা, চাষীরা। বিলের দিকে—ভোড়ার উপর দাঁড়িয়ে নাগিনী কচ্ছা পিঙলা।

গজারাম দাঁড়িয়েছে বাঘটার ঠিক ওদিকে। তারও চোখ জ্বলছে। তার হাতে সড়কি ছলছে। সে মারবে বাঘটাকে।

না।—চীৎকার ক'রে উঠল পিঙলা।

ধমকে. গেল গঙ্গারাম। সে তাকালে পিঙলার দিকে। বাঘটার মতই দাঁত বার ক'রে বললে—লাগ মরবে বাঘার হাতে।

—কে কার হাতে মরে দেখ্ ক্যানে!

—তা'পরেতে? লাগ যদি মরে—

—বাঘাকে রেখ্যা যাবে না!

—না। বিষহরির দাস আমরা। বলতে বলতে হাতের সড়কিটা ছলে উঠল। পিঙলা মুহূর্তে কাঁপ দিয়ে পড়ল জলে। সড়কিটা সাঁ ক'রে ডোঙার উপরের শৃঙ্খলোক দিয়ে ছুটে বেরিয়ে গিয়ে পড়ল বিলের জলে। পিঙলার বুঝতে ভুল হয় নাই। বাঘাকে বিঁধবে তো পিঙলার চোখে চোখ কেন গঙ্গারামের? পর-মুহূর্তেই আর একটা সড়কি বিঁধল বাঘটাকে। গর্জন ক'রে লাফিয়ে উঠল বাঘটা। যে মুহূর্তে সে পড়ল মাটিতে, সেই মুহূর্তে বিদ্যুৎবেগে এগিয়ে এসে পদ্মনাগ তাকে মারলে ছোবল। আহত বাঘটা থাবা তুলতে তুলতে সে এঁকেবেঁকে তীব্র গতিতে গিয়ে পড়ল বিলের জলে। মুখ ডুবিয়ে এখন সে চলেছে সোজা তীরের মত, তার নিশ্বাসে পিচকারির ধারার মত জল উৎক্ষিপ্ত ক'রে চলেছে। কিন্তু জলে রয়েছে নাগিনী কন্যা। এক বুক জলে ঠাঁড়িয়ে সে লক্ষ্য করছিল। ডোঙার উপর উঠে বসল সে। খপ ক'রে চেপে ধরল নাগের মাথায়। অগ্র হাতে লেজে। নাগ বন্দী হ'ল।

বেদেরা ধনি দিয়ে উঠল।

গঙ্গারাম ঘাটে এসে দাঁড়াল। ডোঙাটা ঘাটে এসে লাগতেই সে বললে—
ঘাটে খেয়ান না কর্যা তু ডোঙায় বস্তু থাকলি? খ্যানত করলি?

পিঙলা হেসে বললে—ইটা লাগিনী গ বাবা। বাঘাটা লাগিনীর হাতে মরিছে।

চীৎকার ক'রে উঠল গঙ্গারাম—খ্যানত ক্যানে করলি? ঘাটে বস্তু খেয়ান না কর্যা, ইটা কি হইল?

পিঙলা স্থির দৃষ্টিতে তার দিকে চেয়ে রইল। এ তার বিচিত্র দৃষ্টি। মনে হয় ওর প্রাণটাই যেন আঙনে জলতে জলতে চোখ দিয়ে বেরিয়ে আসছে।

ভাছ এবার এগিয়ে এসে বললে—ইটা তুই কি কইছিল গজারাম ? বাঘের মুখে পরানটা যেত না ?

পিঙলা হেসে বললে—সে ভালই হইত রে ভাছ মায়া । লাগিনীর হাত হইতে বাঘটা বেঁচা যেত ।

তারপর বললে—সে, নাকাড়া বাজা, পূজা আন্ । যা তো জাগিছেন রে । চাক্ষু পেমাণ তো মোর হাতেই রইছে । পদ্মলাগিনী । অরে! হাবু, লে তো—সড়কিটা জলে পড়িছে—তুল্যা আন্ তো । দে, শিরবেদেকে ফিরায়ে দে । আ, কি রকম সড়কি ছুঁড়িস তু শিরবেদে হয়্যা—ছি-ছি-ছি ! ভাম হয়ে দাঁড়িয়ে ক্যানে গ ? লে লে, পূজা আন্ । বাঘটার চামড়াটা ছাড়ায়ে লিবি তো লে । আর দাঁড়িয়ে থাকিস না । বেলা দুপহর চ'লে গেল । তিন পহর হয় হয় । জহ্নুর ঘুম ভাঙিছে, খিদা লাগে না ! বাজা গ, তুরা বাজা ।

বাজতে লাগল নাকাড়া ।

গজারাম যাই বলুক, বেদেপাড়ার লোক এবার খুব খুশি । এবার শিকার হয়েছে প্রচুর । খরগোশ, সজারু, তিতির অনেক পাওয়া গিয়েছে । তার উপর হাঁস বলি হবে । হিজল বিলের ধারে সীতালী গ্রাম, সেখানে হাঁস দুর্লভ নয় । ফাঁদ পাতলেই সরালি হাঁস, জল-মুরগি পাওয়া যায়, কাদাখোঁচা, হাঁড়িটাঁচা, শামকল দল বেঁধে বিলের ধারে ধারে লক্ষ্য করে ফেলে ঘুরছে । বাঁটুল মেয়ে তীর ছুঁড়ে তাও মারা যায় অনায়াসে । কিন্তু তা ব'লে আজকের খাওয়ার সঙ্গে সে খাওয়ার তুলনা হয় ! আজিকার এই দিনটির জন্ত আজ দু-তিন মাস ধ'রে আয়োজন করেছে, সংগ্রহ করেছে । কাতিক মাসে হিজল বিলের পশ্চিমের মাঠ রবি-ফসলে সবুজ হয়ে ওঠে । গম, যব, ছোলা, মসুরি, আলু, পেঁয়াজ, রসুন—হরেক রকম ফসল । ফসল পাকলে বেদেরা সেই ফসল কুড়িয়ে সংগ্রহ করে, চুরি ক'রে সংগ্রহ করে । পেঁয়াজ, রসুন, মসুরি তারা সবচেয়ে রেখে দেয় এই দিনটির জন্ত । পেঁয়াজ রসুন লক্ষা মরিচ দিয়ে পরিপাটি ক'রে রান্না করবে মাংস ; আজ খাবে পেট ভ'রে ; কাল-পরশুর জন্ত বাসি ক'রে রেখে দেবে । বাসি মাংস রাখবে মসুরি কলাই মিশিয়ে । এমন অপরূপ খাদ্য কি হয় ! কাজেই আজ শিকার বেশি হওয়ায় সকলেই খুশি ।

তার উপর মা-বিষহরির মহিমায় নাগ মেরেছে বাঘ। বাঘের চামড়াটা ছাড়ানো
হচ্ছে। ওটাকে ছুন মাখিয়ে শুকিয়ে নিয়ে মায়ের খানের আসন হবে। জয়
জয় বিষহরি ! পদ্মাবতী ! জয় জয় বেদেবুলের জয়নীর !

জয় বিষহরি গ ! জয় বিষহরি গ !

সকল দুঃস্থ হইতে মোরা তুমার কৃপায় তরি গ !

অ—গ !

উৎসব আরম্ভ হয়ে গেল। বাজতে লাগল নাকাড়া, বিষমটাকি। বাজতে
লাগল তুমড়ী-বাঁশী, চিমটের কড়া। পিঙলা বসেছে মাঝখানে—ছেড়ে দিয়েছে
সত্ত-ধরা পদ্মনাগিনীকে। অবশ্য এরই মধ্যে তার বিষদাত ভেঙে তাকে কামিয়ে
নিয়েছে। সত্ত-ধরা নাগিনী, বন্দিদীদশার ক্ষোভে, মুখের কতের বজ্রণায় অধীর
হয়ে মাথা তুলে ক্রমাগত ছোবল মারছে। পিঙলা হাতের মুঠা ঘুরিয়ে, হাঁটু
ছলিয়ে, তাকে বলছে—নে, দংশা, দংশা না দেখি ! ঠিক ছোবলের সময় হাঁটু বা
হাত এমন ভাবে স'রে যাচ্ছে যে, নাগিনী মুখ আছড়ে পড়ছে মাটিতে। পিঙলা
গাইছে—

নাগিনী তুই ফুঁসিস না।

ও কালামুখী নাগিনী লো—এমন কর্যা ফুঁসিস না।

ও দেখলে তারে পাগল হবি—তাও কি লো তুই ফুঁসিস না !

এমন কর্যা ফুঁসিস না।

ওদিকে গঙ্গারাম বসেছে মদের আসন পেতে। চোখ দুটো রাজা কুঁচের
মত লাল হয়ে উঠেছে। কিন্তু সে আজ গভীর। অস্ত্র কেউ লক্ষ্য না করলেও
ভাছ সেটা লক্ষ্য করেছে। গঙ্গারামকে ভাছ ভাল চোখে দেখে না। ভাছ
বেদের দেখানা যেমন প্রকাণ্ড, সাহসও তেমনি প্রচণ্ড। সাপ ধরতে, সাপ
চিনতেও সে তেমনি ওস্তাদ। গঙ্গারাম ডাকিনী-সিদ্ধ ; হোক ডাকিনী-সিদ্ধ,
কিন্তু বিষবিশ্ভায় ভাছর কাছে সে লাগে না। মহাদেবের কাছে সে বিভাগুলি
শিখে নিয়েছে। পিঙলার মামা ভাছ। মা-বাপ-বরা কতটিকে সে-ই মাহুয
করেছিল। তাকে নাগিনী কঙ্কারূপে আবিষ্কার প্রকৃতগণকে করেছিল ভাছ।

শবলার সঙ্গে যখন মহাদেবের বিবাদ চরমে উঠেছিল, যখন মহাদেব মা-বিষহরিকে ছাকছিল—মা গো, জমুনী গো লতুন কণ্ঠে পাঠাও। বেদেবুলের জাতধরম বাঁচাও। পুরানো কণ্ঠের মতি মলিন হ'ল মা, সর্বনাশীর পরানে সর্বনাশের তুফান উঠিছে। সর্বনাশ হবে। তুমি বাঁচাও। লতুন কণ্ঠে পাঠাও। তখন ভাহুই বলেছিল—পিঙলার পানে তাকায়ে দেখিছ ওস্তাদ? দেখো দেখি ভাল ক'রে! কেমন-কেমন লাগে যেন আমার।

—কেমন লাগে?

—ললাটে লাগচক দেখবার দিষ্টি মুই কোথা পাব? তবে ইন্দিকের লক্ষণ দেখ্যা যেন মনে লাগে—লতুন কণ্ঠে আসিছে, ফুটিছে কণ্ঠটির অঙ্গের লক্ষণে।

এই আগরণের দিনে—এই আগুনের আঁচে যেদিন নাগেরা ঘুম থেকে জাগে, এই দিনের উৎসবেই ভাহু পিঙলার হাত ধ'রে মহাদেবের সামনে দাঁড় করিয়ে দিয়ে বলেছিল—দেখ দেখি ভাল কর্যা।

—ই! ই! ই!

চীংকার ক'রে উঠেছিল মহাদেব—জয় মা-বিষহরি। লাগচক! লাগচক! কণ্ঠের ললাটে লাগচক! এলেন—এলেন। লতুন কণ্ঠে এলেন।

পিঙলা হ'ল নতুন নাগিনী কণ্ঠা। ভাহু হ'ল মহাদেবের ডান হাত। শবলা পিঙলাকে বলেছিল—তুর ভয় নাই পিঙলা। তুর অনিষ্ট মুই করব না। তুরে মুই সব শিখিয়ে যাব, বল্যা যাব গোপন কথা। ভাহুকে কিন্তু সাবধান। তুর মামা হ'লি কি হয়,—শিরবেদের মন রেখে তুরে নাগিনী কণ্ঠে ক'রে দিলে। শিরবেদের পরে উই হবে শিরবেদে। উকে সাবধান। নাগিনী কণ্ঠে আর শিরবেদে—গাপ আর নেউল। ই বিবাদ চিরদিনের। উরে সাবধান!

গজারাম ফিরে না এলে ভাহুই হ'ত শিরবেদে। ভাহুর মন্দকপালের জগ্নই গজারাম ফিরল। প্রথম প্রথম গজারাম ভাহুর কথা শুনেই চলত। কিন্তু ডাকিনী-সিদ্ধ গজারাম কিছুদিনের মধ্যেই ভাহুকে ঝেড়ে ফেলে দিলে। ভাহুও বিষবিকার ওস্তাদ, সেও তো সামান্য জন নয়, ঝেড়ে ফেলতে গেলেই কি ফেলা যায়? সে বিচার জোরে নিজের আসন রেখেছে, সেই আসনে ব'লে সে তীক্ষ্ণ দৃষ্টি রাখে গজারামের উপর।

গঙ্গারাম আজ গম্ভীর, সেটা ভাঙ লক্ষ্য করেছে। সে জিজ্ঞাসা করলে—
কি ভাবিছ গ শিরবেদে ?

—জ্ঞা ? কি ভাবিছ ?

—তবে ? আনন্দ কর—আনন্দের দিন। দিন গেলা—তো চল্যাই গেল।
হাস খানিক।

—হাসিব কি ? তু কইলি—খ্যানত হয় নাই। কিন্তু আমার মনে তা
লিছে না। কথ্যটা খ্যানত করিছে। উটা হইছে সাক্ষাৎ পাপ।

—তবে মায়েরে ডাক। লতুন কন্তো দিবেন জমুনী। পাপ বিদায় হবে।
লয় তো—। হাসলে ভাঙ।

—হাসিলি যে ? লয় তো কি, না বল্যা চূপ করলি ? বল, কথ্যটা
শ্রাব কর।

কথা শেষ হবার অবকাশ হ'ল না। এসে দাঁড়াল দুজন বেদে।—লোক
আসিছে গ !

—লোক ?

—ই। লোক আসিছে ডাক নিয়া।

ডাক নিয়া ?

অর্থাৎ আহ্বান এসেছে বিষবৈষ্ণবের। কোথাও নাগ-আক্রমণ হয়েছে। মাহুব
শরণ মেগেছে বিষহরির সন্তানদের। সঙ্গে সঙ্গে যেতে হবে—এই নিয়ম।

দংশন হয়েছে বড় জমিদার-বাড়িতে। সাতালী থেকে ক্রোশ তিনেক
পশ্চিমে। পুরানো জমিদার-বাড়িতে গত বৎসর থেকেই নাগের উপদ্রব হয়েছে।
গত বৎসর বর্ষায় সাতাশটা গোখুরার বাক্স বেরিয়েছিল। বাড়ির দরজার
উঠানে, আশেপাশে—ঘরের মেঝেতে পর্বস্ত। বাবুরা ডেকেছিলেন—মেটেল
বেহেদের। ওখানে ক্রোশ খানেকের মধ্যেই আছে মেটেল বেদে। মেটেল
বেদেরা বিষহরির সন্তান নয়। ওরা সাধারণ বেদে। ওরা জলকে এড়িয়ে চলে।
মাটিতে কারবার। হাঁটা-পথে ওরা ঘুরে বেড়ায়। ওরা সাপ বিক্রি করে।
ওরা চাব করে, লাঠল ধরে। সাতালীর বিষবৈষ্ণবের সঙ্গে ওদের অনেক

ওরা অবশ্য বলে—তফাত আবার কিসের ?

সাঁতালীর বেদেরা হাসে। তফাত কি ? নিয়ে এস মাটির সরায় জীবের তাজা রক্ত। ফেলে দাও গোখুর কি কালনাগিনীর এক ফোঁটা বিষ। কি হবে ? বিষের ফোঁটা পড়বামাত্র রক্ত টগবগ ক'রে ফুটে উঠবে, আগুনের আঁচে ফুটন্ত জলের মত। তারপর থানা থানা হয়ে ছানার মত কেটে যাবে। থানিকটা জল টলটল করবে—তার উপর ভাগবে জলের উপর তেলের মত নাগ-গরল ! তারপর ? আয় রে মেটেল বেদে ! নিয়ে আয় তোর জড়ি-বুড়ি-শিকড়-পাথর মস্ত-মস্ত। নে, ওই জমাট-বাঁধা রক্তকে করু আবার তাজা রক্ত। নাই, নাই, সে বিষ্ঠে তোদের নাই। সে বিষ্ঠা আছে সাঁতালীর বিষবেদেরের। তারা পারে—তারা পারে। তাদের সাঁতালীতে এখনও আছে সাঁতালী পাহাড় থেকে আনা এক টুকরা মূলের লতা। সেই লতার রস, তাজা লতার রস ফেলে দেবে সেই জমাট-বাঁধা রক্তে ; হাঁকবে—মা-বিষহরিকে স্মরণ ক'রে তাদের মস্ত। দেখবি, তেলের মত সাপের বিষ মিলিয়ে যেতে থাকবে, জমাট-বাঁধা রক্তের ঢেলা আর জল মিশে যাবে। মনে হবে, গ'লে গেল আগুনের আঁচে নদীর মত।

কাঁপান খেলা দেখে যাস সাঁতালীর বিষবেদেরের। তাদের সঙ্গে তোদের তুলনা ! হা-হা ক'রে হাসে বিষবেদেরা।

গত বছর সেই মেটেল বেদেরের ডাক দিয়েছিলেন বাবুরা। তারা এসে হাত চালিয়ে গুণে বলেছিল—এ উপদ্রব ঘরের নয়, বাইরের। বাড়ির বাইরে কোথাও নাগের বংশবৃদ্ধি হয়েছে ; সেই বংশের কাচ্চাচ্চারা বড় বাড়ির শুকনো তক্ততকে মেঝেতে ঘর খুঁজতে এসেছে। তারা জড়ি দিয়ে, বিষহরির গুপ্ত দিয়ে, মস্ত প্ল'ড়ে বাড়ির চারিপাশে গাণ্ডি টেনে দিয়েছিল, গৃহবন্ধন ক'রে দিয়েছিল ; বাবুরাও দ্বিলাতী ওষুধ ব্যবহার করেছিলেন। ওদিকে আশ্বিন শেষ হতেই কাতিকে নাগেরা কালঘুমে মুদ্র নিয়েছিল। এবার এই কাস্তন মাসেই নাগ দেখা দিয়েছেন তিন দিন। বাড়ির পুরানো মহলে রান্নাবাড়ি ভাঁড়ার-ঘর ; সেই ভাঁড়ারে গিরী ছদ্ম দেখেছেন নাগকে। প্রকাণ্ড গোখুর। ভোর-সন্ধ্যা পাচক ব্রাহ্মণ উঠেছিল বাইরে ; ঘর থেকে বাইরে দু পা দিতেই তাকে দংশন করেছে।

মেটেল বেদেদের ডাকা হয়েছে। সঙ্গে সঙ্গে । কাছের লোক এসেছে। যেতে হবে।

ভাড়া উঠে দাঁড়াল। কানে নাকে হাত দিয়ে মাঝে স্মরণ ক'রে বললে—
গঙ্গারাম!

—হাঁ।

গঙ্গারাম জননীকে স্মরণ ক'রে উঠেই চলে গেল নাচ-গানের আসরে।

আজিকার দিন, কণ্ঠকেও সঙ্গে যেতে হবে। কণ্ঠা নইলে মা-বিষহরির পুষ্প দিয়ে গৃহবন্দন করবে কে?

সাঁতালী গ্রামের বেদে-বেদেনীরা উৎফুল্ল হয়ে উঠল। এমন শুভ লক্ষণ পঞ্চাশ বছরে হয় নাই। জাগরণের দিনে এসেছে এমন বড় একটা ডাক।

নিয়ে আয় কাঁপিঝুলি, তাগা, শিকড়, বিশল্যকরগী, ঈশের মূল, সাঁতালী পাহাড়ের সেই লতার পাতা, পাতা যদি না দেখা দিয়ে থাকে তবে এক টুকরো মূল। মূল খুঁজে না পাস, নিয়ে আয় ওখানকার খানিকটা মাটি। বিষহরির পুষ্প সঙ্গে নে, আর নে বিষপাথর। কাঁপি নে—খালি কাঁপি, আর খন্টা নিয়ে চল।

সাঁতালী পাহাড়ের মূল থেকে পাতা আজও গজায় নাই। মতুন বছরের জল না পেলে গজায় না। মূলও তার পুরনো হয়েছে। জার উপর কেটে কেটে মূলও হয়ে পড়েছে দুর্বল।

ভাড়া বললে—ওতেই হবে। মাহুঘটা বাঁচবে বলে মনে লাগছে না। ভোর রাত্তির কামড়—সাক্ষাৎ কালের কামড়। ওতে বাঁচে না। যদি পরানটা থাকেও এতক্ষণ, তবুও ফিরবে না। তবে জমিদার-বাড়ির লাগ বন্দী করলে শিরোপা মিলবে।

পিঙলা বললে—তুয়া যা, মূই যাব না।

—ক্যানে?

—না। অধরমের শিরোপা নিরা মোর কাজ নাই।

কন্তে!—গন্তীর স্মরে শাসন ক'রে উঠল গঙ্গারাম।

সঙ্গে সঙ্গে ভাড়াও যোগ দিলে—পিঙলা!

পিঙলা হাসলে বিচিত্র হাসি। বাবুদের বাড়ির লোক ছুটি পাশেই দাঁড়িয়ে ছিল, তারা বললে—গিন্নী-মা বার বার ক'রে ব'লে দিয়েছেন, ওদের কত্তেকে আসতে বলবি। বিষহরির পূজা করাব।

কি বলবে পিঙলা এদের সামনে? কি ক'রে বলবে?

ভাছ বললে—হোথাকে বিষ লহমায় এক যোজন ছুটছে কত্তে—নরের রক্তে নাগের বিষ পাথার হয়্যা উঠছে। সে পাথারে পরাণ-পুতুল ডুব্যা গেলে আর শিবের সাধ্য হবে নাই। চল—চল। দেরি করলে অধরম হবে।

—অধরম? হাসলে পিঙলা।—মুই অধরম করছি?

—হাঁ, করছিল।

—তবে চল। তোর ধরম তোর ঠাই। তোর ললাটও তোর ঠাই। মুই কিন্তু সাবধান কর্যা দিছি তুকে। তু সাবধান হয়্যা লাগ বন্দী করিস।

তীর্থক দৃষ্টিতে চাইলে তার দিকে—ভাছ-গজারাম ভুজনেই।

তাতেও ভয় পেল না পিঙলা। বললে—মহিষের শিঙ ছুটা বাকা, ইটা ইদিকে যায় তো উটা উদিকে যায়। কিন্তু কাজের বেলায়—যুগবার বেলা ছুটার মুখই এক দিকে!

গজারাম উত্তর দিলে না। ভাছ হাসলে। বললে—কত্তির আমাদের বড় ধর দিষ্টি গ। দিষ্টিতে এড়ায় না কিছু।

—গামছাটা কোমরে ভাল কর্যা জড়াবে লে গ।

গজারাম চমকে উঠল।

ভাছ বললে—অঃ, খুব বলেছিল গ কত্তে। বেঁচ্যা থাক্ গ বিটা। বেঁচ্যা থাক্।

—ললাট করবার লেগ্যা? তা মুই বাঁচিব অনেক কাল। বুঝলা না মামা, বাঁচিব মুই অনেক কাল। আজ যখন সড়কিটা বাঘ না বিঁধ্যা, বাতাস বিঁধ্যা জলে পড়িছে, তখন বাঁচিব মুই অনেক কাল।

হেসে উঠল সে।

গজারাম পিছিয়ে পড়েছিল। সে কাপড় সঁটে, গামছা কোমরে ভাল

ক'রে বেঁধে নিচ্ছিল। এগিয়ে এসে সজ নিয়ে সে বললে—কি? হাসিটা
কিসের গ?

—সড়কির কথা বলছে কস্তে।

—ই। মুই ও বুঝতে পারি—কি ক'রে ফসকায়ে গেল।

—কাকে রে? বাঘটাকে, না, পাপিনীটাকে?

—কি বলছিল তু গ?

—বলছি, চাল সিদ্ধ করলি পর ভাত হয়। এমুন আশ্চর্য্য কথা শুনেছিল
কখনও? সে আবার হেসে উঠল।

BanglaBook.org

জনহীন হিজলের পশ্চিম কূল তার হাসিতে যেন শিউরে উঠল। ঘন গাছপালার মধ্য থেকে একটা কোকিল পিক-পিক শব্দ ক'রে উড়ে চ'লে গেল; এক ঝাঁক শালিক ব'সে ছিল মাঠের মধ্যে, তারা কিচকিচ কলরব ক'রে, পাখার ঝরঝর শব্দ তুলে উড়ল আকাশে। সে হাসি যেন পাতলা লোহার কতকগুলো ছুরি কি পাত ঝনঝনিয়ে মাটিতে প'ড়ে গেল।

গঙ্গারাম আবার তার দিকে কিরে চাইলে। ভাঙুও তাকালে আবার।

আবারও হেসে উঠল পিঙলা।

গঙ্গারাম এবার বললে—হাসিস না তুকে বলছি মুই।

ভাঙু মুহু স্বরে বললে—সাথে লোক রইছে গ কত্তো। ছিঃ! ঘরের কথা লিয়ে পরের ছামুতে—না, ইটা করিস না।

পিঙলার তখন খানিকটা পরিতৃপ্তি হয়েছে। অনেক কাল হেসে এমন সুখ সে পায় নাই। এবার তার খেয়াল হ'ল, সঙ্গে বাবুদের বাড়ির লোক রয়েছে। তাদের সামনে এ কথার আলোচনা সঙ্গত হবে না। যেনে পড়ল মা-মনসা ও বেনেবেটীর কাহিনীর কথা। মা বেনেবেটীকে বলছিলেন—কত্তো, সব দিক পানে চেয়ো, কেবল দক্ষিণ দিক পানে চেয়ো না। বেনেবেটীর অদৃষ্ট, আর নরে নাগে বাস হয় না। একদিন সে নাগের দ্বন্দ্ব জাল না দিয়ে পড়ল ঘুমিয়ে। নাগেরা গিয়েছিল বিচরণ করতে। পাহাড়ে অরণ্যে সমুদ্রে নদীতে বিচরণ ক'রে তারা ফিরল। কিরে তারা দুধ খায়—দুধের জন্তু এল। এসে দেখে, বেনে বোম্ব ঘুমুচ্ছে,—তারা কেউ তার হাত চাটলে, কেউ গা চাটলে, কেউ পা চাটলে, কেউ কোঁস-ফুঁসিয়ে বললে—ও বেনে বোন, খিদে পেয়েছে, তুই

ঘুমুবি কত ? বেনেবেটীর ঘুম ভাঙল, লজ্জা হ'ল, ধড়মড়িয়ে উঠে বললে—এই ভাইয়েরা, একটু সবুজ কর, এখুনি দিচ্ছি। হুড়মুড়িয়ে খড় তালপাতা নিয়ে উনোন জ্বালেন, হুড়হুড়িয়ে জ্বাল দিলেন, টগবগিয়ে দুধ ফুটল ; বেনেবেটী কড়া নামালেন। তারপর হাতায় দুধ মেপে কাউকে দিলেন বাটিতে, কাউকে গেলাসে, কাউকে খোরায়, কাউকে পাথরের কটোরায়, কাউকে কিছুতে অর্থাৎ হাতের কাছে যা পেলেন তাতেই দুধ পরিবেশন ক'রে বললেন—খাও ভাই।

আঙুনের মত গরম দুধ, সে দুধে মুখ দিয়ে কাকুর ঠোট পুড়ল, কাকুর জিভ, কাকুর গলা, কাকুর বা বিষের থলি পুড়ে গেল। যন্ত্রণায় সহস্র নাগ গর্জে উঠল। তারা বললে—আজ বেনে-কন্তেকে খাব।

মা-মনসার টনক নড়ল, আসন টলল, তিনি এলেন ছুটে। বললেন—থাম্ থাম্।

—না, খাব আজ বেনে-কন্তেকে। সহস্র নাগের বিবে মরুক জ'লে—আমরা জালায় ম'রে গেলাম।

মা বললেন—দশ দিনের সেবা মনে কর, ঐকদিনের অপরাধ ক্ষমা কর। দশ দিন সেবা করতে গেলে একদিন ভুলচুক হয়—অপরাধ ঘটে। ক্ষমা করতে হয়।

নাগেরা ক্রান্ত হ'ল সেদিন, বললে—আর একদিন হ'লে ক্ষমা করব না কিন্তু।

মা বললেন—তার দরকার নাই বাবা। কন্তেকে স্বস্থানে রেখে এস গিয়ে। নরে নাগে বাস হয় না। আমি বলছি, রেখে এস।

বেনে-কন্তে মর্ত্যে স্বস্থানে আসবেন। উদ্যোগ হ'ল, আয়োজন হ'ল। বেনে-কন্তে ভাবলেন—এই তো যাব, আর তো আসব না। তাঁ সব দিক দেখেছি, কেবল দক্ষিণ দিক দেখি নাই। মায়ের বীরণ ছিল। এবার দেখে যাই দক্ষিণ দিক।

ঘরের বন্ধ-করা দক্ষিণের দুয়ার খুললেন। খুলেই শিউরে উঠলেন। সামনেই মা-বিষহরি। বিষবিভোর রূপ ধ'রে ব'সে আছেন, ঐ রূপ দেখে স্বয়ং শিব অভিভূত হয়ে ঢ'লে পড়েছিলেন। নাগ-আসনে বসেছেন, নাগ-আভরণে

সেজেছেন, বিষের পাথার গুঁষে পান করছেন আবার উগরে দিচ্ছেন, সঙ্গে সঙ্গে সে পাথার সহস্র গুণ বিশাল হয়ে উথলে উঠছে। সে বিষপাথারের স্পর্শ লেগে নীল আকাশ কালো হয়ে গিয়েছে, বাতাস বিষের গন্ধে ভরে উঠেছে, সে বাতাস অন্ধে লাগলে জলে যায়, নিশ্বাসে নিলে জ্ঞান বিলুপ্ত হয়। এই রূপ দেখেই চলে পড়ে গেলেন বেনে কণ্ঠা। ওদিকে অমৃত্যুমির্না মা জানতে পেরেছেন, তিনি বিষহরির বিষময়ী মূর্তি সম্বরণ করে অমৃতময়ী রূপ ধরে এসে তার গায়ে অমৃত স্পর্শ বুলিয়ে দিলেন, জিজ্ঞাসা করলেন—ও বেনেবেটী, কি দেখলি বল ?

—না মা, আমি কিছু দেখি নাই।

—ও বেনেবেটী, কি দেখলি বল ?

—না মা, আমি কিছু দেখি নাই।

—ও বেনেবেটী, কি দেখলি বল ?

—না মা, আমি কিছু দেখি নাই।

মা তখন প্রসন্ন হয়ে বলেছিলেন—তুই আমার গোপন কথা ঢাকলি স্বর্গে—তোর কথা আমি ঢাকব মর্ত্যে। গোপন কথা ঢাকতে হয়, যে ঢাকে তার মহাপুণ্য। সেই মহাপুণ্য হবে তোর। স্বর্গ অমৃতের রাজ্য, সেখানে মা বিষ পান করেন, বিষ উদগার করেন—সে যে দেবসমাজে কলঙ্কের কথা। মায়ের এই মূর্তির কথা বেনেবেটী স্বীকার করলে, স্বর্গে প্রকাশ পোলে, মায়ের কলঙ্ক রটত।

“মোর ঢাকলি স্বর্গে, তোর ঢাকবে মর্ত্যে।” মা বিষহরির কথা।

থাক্ গন্ধারামের গোপন কথা—দশের সামনে ঢাকাই থাক্। পিঙলা নীরব হ'ল। প্রসন্ন অন্তরেই পথ চলতে লাগল।

ক্রতপদে হেঁটে চলল।

হিজলের পশ্চিম কূলের মাঠের ভিতর দিয়ে চলে গিয়েছে পথ। পথে একহাঁটু ধূলো। গন্ধার পলিমাটি—মিহি ফাগের মত নরম। ফাগুনের তিন পহর বেলায় পৃথিবী উত্তপ্ত হয়ে উঠেছে, পায়ের তলায় ধূলো তেতে উঠেছে, বাতাসে গরমের জ্বাচ লেগেছে। এ বাতাসে পিঙলার সর্বদেহে যেন একটা নেশার জ্বালা ধরে যাচ্ছে। মাঠে তিল-কসলে বেগুনী রঙের ফুল ফুটেছে।

একেবারে যখন চাপ হয়ে ফুল ফুটবে তখন কি শোভাই হবে ! কতকগুলি ফুল
তুলে সে খোঁপায় গুঁজলে ।

গন্ধারাম বললে—তিলফুল ডুল্যা খোঁপায় দিলি—তিলশুনা খাটতে হবে
তুকে । চৈতলক্ষীর কথা জানিস ?

—জানি । তিলশুনা তো খেটেই যেছি অমনিতে, যাবার সময় তুকে দিয়া
যাব গজমতির হার । চৈতলক্ষীর কথা যখন জানিস, তখন মা-লক্ষ্মী যাবার কালে
বেরাঙ্গীকে গজমতির হার দিয়া গেছিল—সে কথাও তো জানিস ।

গজমতির হার—অজগর সাপ ।

ব্রতকথায় আছে, ব্রাহ্মণী ছদ্মবেশিনী লক্ষ্মীকে হতভ্রম্ভা করতেন, অপমান
করতেন । কিন্তু লক্ষ্মী যখন স্বরূপে আত্মপ্রকাশ ক'রে বৈকুণ্ঠে যাবার জন্ত রথে
চড়ছেন, তখন প্রলুকা ব্রাহ্মণী ছুটে বললে—মা, একজনকে এত দিলে, আমাকে
কি দেবে দিয়ে যাও ।

তখন মা হেসে বললেন—তোমার জন্ত হড়কো-কোটরে আছে গজমতির
হার ।

ব্রাহ্মণী ছুটে এসে হাত পুরলেন হড়কো-কোটরে । সেখানে ছিল এক
অজগর, সে তাকে দংশন করলে ।

গন্ধারাম হাসলে । এ কথা সে জানে । পিঙলার মনের বিষয়ের কথাও
সে জানে । আজ সত্যি তাকে লক্ষ্য ক'রেই সে সড়কটা ছুঁড়েছিল । কিন্তু
পিঙলা জাত-কালনাগিনী । নাগিনী মুহূর্তে অদৃশ্য হয় । 'ওই নাগিনী'—এই
কথা ব'লে চোখের পলক ফেল, দেখবে কই, কোথায় ?—নাই নাগিনী । ব্যাধের
উগ্ধত বাণ ছাড়া পেতে পেতে সে মায়াবিনীর মত মিলিয়ে যায় । ঠিক তেমনি
ভাবেই পিঙলা আজ ডোঙার উপর থেকে অদৃশ্য হয়েছিল । লক্ষ্য করা পর্বন্ত
পিঙলা তার সড়কির ফলার ঠিক সামনে ছিল । সড়কি ছাড়লে গন্ধারাম, ব্যস,
নাই । তখন ডোঙার উপর শূন্য, হিজল বিলের জল তখন তুলছে, পিঙলা তখন
জলের তলায় । গন্ধারাম হাজার বাহবা দিয়েছে মনে মনে ।

বাহা—বাহা—বাহা ! পিঙলা চলছে—বেন হেলে-হলে চলছে । দেখে
বুকের রক্ত চল্কে ওঠে । গন্ধারামের চোখে আগুন জলে ।

গঙ্গারাম—গঙ্গারাম । সে দুনিয়ার কিছু মানে না । সব ভেলকিবাজি, সব
ঝুট । সব ঝুট । কত্রে ? হি-হি ক’রে হাসতে ইচ্ছে করে গঙ্গারামের ।

ভাহু পথে চলছে আর মস্ত পড়ছে, মধ্যে মধ্যে একটা দড়িতে গিঁঠ বাঁধছে ।
এখান থেকেই সে মস্ত প’ড়ে গিঁঠ দিয়ে বাঁধন দিচ্ছে, রোগীর মেহে বিষ যেন আর
রক্তে না ছড়ায় ।—যেখানে রয়েছিল গরল, সেইখানেই থির হয়ে দাঁড়া ; এক চুল
এগুলো তোকে লাগে মা-বিষহরির কিরা । নীলকণ্ঠের কণ্ঠে যেমন গরল থির
হয়ে আছে—তেমুনি থির হয়ে থাক । দোহাই মহাদেবের—নীলকণ্ঠের ! দোহাই
আস্তিকের ! মা-বিষহরির বেটার !

পৃথিবীতে নাগ-নাগিনীকে বলে মারাবী । যে ক্ষণে তারা মানুষের চোখে
পড়ে, যে ক্ষণে মানুষ চঞ্চল হয়, বলে—ওই সাপ !—সেই ক্ষণেই নাগ-নাগিনী
লোকচক্ষুর অগোচর হয় । মিলিয়ে তো যায় না, লুকিয়ে পড়ে । মামাটা কথার
কথা—মিলিয়ে যাবার শক্তি ওদের নাই, ওরা চতুর ; যত চতুর তত স্বরিত
ওদের গতি, তাই লুকিয়ে পড়ে । কিন্তু তার চাতুরী বেদের চক্ষে ছাপি
থাকে না । সাপের চেয়েও বেদে চতুর, তার চাতুরী সে ধ’রে ফেলে ।
লুকিয়ে প’ড়েও বেদের হাত থেকে রেহাই পায় না । সাপের হাঁচি বেদের
চেনে ।

পিঙলা বলে—কিন্তু একজনের কাছে কোন চাতুরীই খাটে না রে । বাবা
গ ! ইন্দ্ররাজার হাজার চোখ—ধরমদেবের হাজার চোখ নাই, একটি চোখ মাঝ
ললাটে—সে চোখের পলক নাই, তার দৃষ্টিতে কিছু লুকানো যায় না, কোন
চাতুরী খাটে না ।

বার, বার সেই কথা ব’লে পিঙলা সাবধান ক’রে দিলে গঙ্গারামকে ।—চাতুরী
খেলতে বাস না, চাতুরী খেলতে বাস না ।

গঙ্গারাম দাঁত বার ক’রে ঘাড় ঘুরিয়ে তাকালে । কোমরের কাপড়টা সেঁটে
বাঁধছিল সে । বললে—চূপ কর তু । গঙ্গারাম ভাহু দুজনেই কোমরে কাপড়ের
সঙ্গে জড়িয়ে নিয়েছে দুটো গোখুরা । রাজবাড়িতে নাগ যদি থাকে তো ভালই,
একটা থাকলে তিনটে বের হবে । দুটো থাকলে চারটে বের হবে । না
থাকলে, দুটো পাওয়া বাবেই । সাপ থাকে ঘরের অন্ধকার কোণে । সেখানে

গর্ভ দেখে গর্ভটা খুঁড়বার সময়—চতুর বেদে স্বকোশলে কোমরে বাঁধা সাপ
হুটোকে ছেড়ে দিয়ে ধ'রে আনবে, বলবে—এই দেখেন সাপ !

মোটো শিরোপা মিলবেই । পিঙলার এটা ভাল লাগল না । অধর্ম করবে
সাঁতালীর বেদেরা ? মেটেল বেদেরা করে, ইসলামী বেদেরা করে—তাদের
সাজে । সে সাবধান ক'রে দিলে । কিন্তু গঙ্গারাম দাঁত বার ক'রে ঘাড় বেকিয়ে
বললে—চূপ কর তু ।

দীর্ঘনিশ্বাস ফেলে পিঙলা বললে—বেশ, তাই চূপ করলাম, তোদের ধর্ম
তোদের ঠাই !

বাবুদের পাচক বামুন বাঁচে নাই । সে ম'রে গিয়েছিল । তারা আসবার
আগেই শেষ হয়ে গিয়েছিল । মেটেল বেদে, ডাক্তার, অস্ত্র জাতের ওষা—কেউ
কিছু করতে পারে নাই ।

পরের দিন সকালে সাপ ধরার পালা । বাইরে নয়, ঘরেই আছে সাপ ।

প্রকাণ্ড বড় বাড়ি । পাকা ইটের গাঁথনি । চারিপাশ ঘুরে গাঙি টেনে
দিয়ে এল । তার পর ভিতরে বাহির-মহল অন্দর-মহল থেকে পুরানো মহলে
চুকল । ওই মহলেই পাচক বামুনকে সর্পাঘাতে মরতে হয়েছে ।

উঠানে ব'সে খড়ি দিয়ে ঘরের ছক ঐকে মাটিতে হাত রেখে বসল ভাছ ।
হাত গিয়ে চুকল ছকের ভাঁড়ার-ঘরে । এবার বেদেরাও উঠল থেকে গিয়ে চুকল
ভাঁড়ার-ঘরে । অন্ধকার ঘর । তাদের নাকে একটা ঝক ঝক এসে চুকল । আছে ।
এই ঘরেই আছে । আলো চাই । আমুন আলো ।

স্থির দৃষ্টিতে চেয়ে দাঁড়িয়ে রয়েছে পিঙলা সূর্যের পিছনে । দেখছে সে ।

গঙ্গারাম হাঁকলে—আলো আনেন, হাঁড়ি আনেন । দু-তিনটা হাঁড়ি আনেন ।
লাগ একটা লয় বাবা—হুটো-তিনটা । একটা পদ্মলাগ মনে লিচ্ছে । ধরব,
বন্দী করব । শিরোপা লিব । আনেন ।

সবুর ।—হাঁক উঠল পিছন থেকে । ভারী গলায় কে হাঁকলে ।

চমকে উঠল পিঙলা । গঙ্গারাম ফিরে তাকালে । ভাছ চোখ তুললে ।

একজন অপরিচিত জোয়ান লোক, মাথায় লম্বা চুল, মুখে দাড়িগোফ, হাতে
তাবিজ, গলায় পৈতে, গৌরবর্ণ রঙ, সবল দেহ, চোখে পাগলের দৃষ্টি—লোকটি

এসে দাঁড়াল সামনে। তার সে পাগলা চোখ গজারামের কোমরের কাপড়ের দিকে। চোখের চাউনি দেখে পিঙলা মুহূর্তে সব বুঝতে পারলে। কেঁপে উঠল সে। কি হবে? সীতালীর বিষবেদেগুলের মানমর্ষাদা এই রাজবাড়িতে উঠানের খুলার সঙ্গে মিশিয়ে দিয়ে যেতে হবে?

মা-বিষহরি গ! বাবা মহাদেব গ! উপায় কর, মাগ্ন বাঁচাও। যে সীতালীর বিষবেদের মন্ত্রের হাঁকে একদিন গর্ত থেকে নাগ বেরিয়ে এসে ফণা ধরে দাঁড়াত সেই সীতালীর বিষবেদেরা আজ চোর সেজে মাথা হেঁট করে ফিরবে? মেটেল বেদেরা হাসবে, টিটকারি দেবে; এতবড় রাজার বাড়িতে নাগবন্দী দেখতে এসেছে কত লোক, মাগ্নগণ্য মানুষ তারা। বিষবেদেরের চোর অপবাদ পথের দুপাশে ছড়াতে ছড়াতে তারা চলে যাবে। উপায় কর মা-বিষহরি।

লোকটি গম্ভীরস্বরে বললে—বেরিয়ে আয় আগে।

—আজ্ঞা?

—আগে তোদের তল্লাস করব। দেখব তোদের কাছে সাপ আছে কি না!

হু হাত উপরে তুলে দাঁড়াল গজারাম। চোখ তার জ্বলে উঠল। কোমরে তার কাপড়-জড়ানো অবস্থায় বাঁধা রয়েছে সেই কালকের ধরা পদ্মনাগ। মরিয়া বেদের ইচ্ছা—কাপড় খুলে পদ্মনাগ বের করতে গিয়ে নাগ যদি ওকে কামড়ায় তো কামড়াক। ভাতুর কোমরেও আছে একটা গোখুর। সে তার কোমরে হাত দিচ্ছে, খুলে ছুঁড়ে দেবে কোণের অন্ধকার দিয়ে! কিন্তু সতর্ক পাগলাটার চোখ নেউলের মত তীক্ষ্ণ। সে বললে—খবরদার! দাঁড়া, উঠে দাঁড়া। দাঁড়া। সে গলার আওয়াজ কি! বুকটা যেন গুরুগুরু করে কেঁপে উঠছে।

—চল, বাইরে চল।

ঠাকুর!—সামনে এসে দাঁড়াল নাগিনী কত্তা পিঙলা। সঙ্গে সঙ্গে একটানে খুলে কেলেলে তার পরনের একমাত্র লাল রঙের খাটো কাপড়খানা, পূর্ণ উলজিনী হয়ে দাঁড়াল সবার সামনে। চোখ তার জ্বলে—সে চোখ তার নিম্পলক। দুঃস্বপ্ন কোণে উদ্ভেজনার নিশ্বাস ঘন হয়ে উঠেছে, নিশ্বাসের বেগে দেহ হুলছে। বললে—দেখ ঠাকুর, দেখ। নাগ নাই, নাগিনী নাই, কিছু নাই; এই দেখ।

সমস্ত জনতা বিশ্বয়ে স্তম্ভিত নির্বাক হয়ে চেয়ে রইল উলজিনী মেয়েটার দিকে।

পর-মুহূর্তেই মেয়েটা তুলে নিলে কাপড়খানা।

কাপড় প'রে গাছকোমর বেঁধে সে গন্ধারামের হাত থেকে টেনে নিলে শাবলখানা। বললে—মুই ধরব সাপ। আনেন আলো, আনেন হাঁড়ি। থাক্ গ, তোরা হোথাই দাঁড়িয়ে থাক্। মুই ধরব সাপ—সাঁতালীর বেদের গায়ে হাত দিবেন না। অপমান করবেন না।

* * * *

শাবল দিয়ে হুকলে সে পাকা মেঝের উপর। নিরেট জমাট ইট-চূনের মেঝে—ঠং-ঠং শব্দ উঠতে লাগল। কোণে কোণে তীক্ষ্ণ দৃষ্টিতে তাকিয়ে এগিয়ে চলল বেদের মেয়ে। তার পিছনে সেই লোকটি।

হাতের আলো তুলে ধ'রে পিঙলা দেখলে। লাল ধুলোর মত—ওই ওখানে কি? একেবারে ওই প্রান্তে একটা বন্ধ দরজার নীচে জল-নিকাশের নালার মুখে? জোরে নিশ্বাস নিলে সে। স্বীণ একটা গন্ধ যেন আসছে। দ্রুতপদে এগিয়ে গেল। হাতের আলোটা রেখে সে সেই ঘুরো ধুলো তুলে নিতে শুরু কলে। মুখ ফিরিয়ে ডাকলে সেই ঠাকুরকে।

—আসেন ঠাকুর, দেখেন।

—পেয়েছিল?

—হাঁ। শাবল দিয়ে সে হুকলে। ঠং ক'রে শব্দ উঠল।

—কই? ও তো নিরেট মেঝে।

—আছে। এই দেখ ফাঁপা। সে আবার হুকলে এক কোণে। এবার শব্দটা খানিকটা অগ্ন রকম। আরও জোরে সে হুকলে।—দেখ।

—গর্ড কই?

—চৌকাঠের নিচে, জল যাবার নালির ভিতর।

—খোড় ভবে।

পাকা মেঝের উপর শাবল পড়তে লাগল।

ছাদরের ওপার থেকে ভাঙ বললে—সবুর রে বেটা, হ' শিয়াল বা-জহুনা।

—ক্যানে ?

—দাঁড়া, মুই যাই। দেখি একবার।

—না রে বাবা, মুই তোদের নাগিনী কত্তে, ভরসা রাখ্ আমার 'পরে।
সজ্জনকে দেখায়ে দিই সঁাতালীর বিষবেদের কত্তের বাহাদুরি। কি বুলছিল তু
বল, হোথা থেকেই বল।

ভাহু বললে—গর্তের মুখ কোথাকে ?

—দুয়ারের চৌকাঠের নালাতে, ঠিক মাঝ চৌকাঠে।

—খুঁড়ছিল কোথা ?

—ডাহিনের কোণ।

—বাঁয়ের কোণ দেখেছিল ঠুকা ? পরখ করেছিল ?

চমকে উঠল পিঙলা। তাই তো ! উদ্বেজনায়ে সে করেছে কি ?

ভাহু বললে—মনে লাগছে চাতর হবে। গত বর্ষায় দেড় কুড়ি ডেঁকা
বেরালুছে। দেখ, ঠুকা দেখ, আগে।

এবার পিঙলা বাঁয়ের কোণে শাবল ঠুকলে। হাঁ। আবার ঠুকলে। হাঁ—হাঁ।

ভাহু বললে—এক কাম কর কত্তে।

—হাঁ, হাঁ। আর বুলতে হবে নাই গ বাবা। আগে গর্তের মুখ খুল্যা এক
মুখ বন্ধ করি দিব।

—হাঁ। ভাহু সানন্দে ব'লে উঠল—বলিহারি মোর বিষহারির নন্দিনী, মোর
বেদেবুলের কত্তে ! ঠিক বলেছিল মা। হাঁ। তারপরেতে এক এক কর্যা
খোড় এক এক কোণ। সাবধান, হুঁশিয়ারি করি।

শাবল পড়তে লাগল।

লাল কাপড়ে গাছকোমর বাঁধা কালো তরী মেয়েটার অনাবৃত বাহু দুটো
উঠছে নামছে, আলোর ছটাও ঝিকমিক ক'রে উঠছে নামছে। যেমে উঠেছে
কালো যেমে। হাঁটু গেড়ে বসেছে সে। বুকের ভিতর উদ্বেজনায়ে থরথর
করছে। মান রক্ষে করেছেন আজ বিষহারি। তার জীবন আজ ধন্য হয়েছে,
সে সঁাতালী বিষবেদেবুলের মান রক্ষে করতে পেরেছে। উলঙ্গিনী হয়ে সে
দাঁড়িয়েছিল—তার জন্ত কোন লজ্জা নাই, কোন ক্লান্ত নাই তার মনে।

মাঝখানের গর্তের মুখ খানিকটা খুলে সে। লম্বা একটা নালা চ'লে গেছে এদিক থেকে ওদিক। ডাইনে বসবাসের প্রশস্ত গর্ত, বায়েও তাই, মধ্যে নালাটা নাগ-নাগিনীর রাজপথ। সদর-অন্দরের রাস্তাঘর। খোয়া দিয়ে ঠুঁকে বন্ধ ক'রে দিলে সে বাঁ দিকের মুখ। তারপর শাবল চালালে ডাইনের গর্তের উপর। জমাট খোয়া উঠে গেল। খোয়ার নীচে মাটি, তার উপর ঘা মেয়ে বিস্তৃত হয়ে গেল পিঙলা। কোন সাড়া নাই।

আবার মারলে ঘা। কই? কোন সাড়া নাই। তা হ'লে ওপাশে চ'লে গেছে? তবু সে খুঁড়লে। প্রশস্ত মন্ডল একটি কাটা হাড়ির মত গর্ত—এই তো চাতর! তাতে এক রাশি সাদা ডিম। এবার সে বাঁ দিকে মারলে শাবল।

নাঃ, আবার তার ভুল হচ্ছে। এবার সে বন্ধ-করা নালার মুখ খুলে দিলে। তারপর আঘাত করলে গর্তে।

ঠং—ঠং। ঠং—ঠং। ঠং—ঠং।

গোঁ—গোঁ! গোঁ—গোঁ! গর্জন উঠতে লাগল সঙ্গে সঙ্গে। উত্তেজনায নেচে উঠল বেদেনীর মন।

আঃ, মাথার চুল এসে পড়ছে মুখে।

শাবল ছেড়ে দিয়ে—চুল এলিয়ে। আবার চুল বেঁধে নিজে শক্ত ক'রে। তারপর মারলে শাবল। শাবলটা ঢুকে গেল ভিতরে। সঙ্গে সঙ্গে সে সতর্ক হয়ে বসল। হাঁ, এবার আয় রে আয়—নাগ-নাগিনী আয়। পিঙলা তৈরি। স্থির দৃষ্টি, উত্তত হাত, বসল বেদেনী এক হাঁটুর উপর ভর দিয়ে। বাঁ হাতে শাবলখানা আরও একটু বসিয়ে দিলে চেপে। এবার গর্জন ক'রে বেরিয়ে এল এক প্রকাণ্ড গোখুরা! মুহূর্তে বেদের মেয়েধরলে তার মাথা।

—আ!

সঙ্গে সঙ্গে আর একটা। হাঁ—দুটো, দুটোই ছিল। নাগ আর নাগিনী।

—হুঁশিয়ার বেদেনী। চোঁচিয়ে উঠল পিছনের সেই পাগল ঠাকুর।

ধাম ঠাকুর।—গর্জন ক'রে উঠল বেদের কল্ল। সঙ্গে সঙ্গে সে উঠে ছুটে ঘর থেকে বেরিয়ে এসে উঠানে দাঁড়াল। বিচित्र হয়ে উঠেছে সে নারীমূর্তি, দুই হাতে দুটো সাপের মাথা ধ'রে আছে। সাদা সাপ দুটো তার কালো

নধর কোমল হাত দুখানায় পাকে পাকে জড়িয়ে ধরেছে। তাকে পিষছে।
কালো মেয়ে উঠানে দাঁড়িয়ে হাঁকলে—জয় বিষহরি !

তারপর ডাকলে—ধরু গ, খুল্যা দে—কালের পাক খুল্যা দে। শুনছিস গ !
ছুটে এল ভাড়া। গঙ্গারামকে ডাকলে—গঙ্গারাম !

কিন্তু তার আগেই ওই পাগলা ঠাকুর তারা বিচিত্র কৌশলে পাক খুলে
টেনে নিলে নাগ ছটোকে, হাড়ির মধ্যে পুরে দিলে। পিঙলা উঠানে পা ছড়িয়ে
ব'সে হাঁপাতে লাগল আর অবাক হয়ে দেখতে লাগল ঠাকুরের কাজ। এ
ঠাকুর তো সামান্য নয় ! ঠাকুরকেই সে হাত জোড় ক'রে বললে, আমাকে জল
দিবেন এক ঘটি ?

ঠাকুরই এল জলের ঘটি নিয়ে। বললে—সাবাস রে কন্তো ! সাবাস !
কিন্তু এক ঢোকের বেশি জল খাবি না। তোকে আমি প্রসাদী কারণ দোব।
কারণ খাবি। মহাদেবের প্রসাদ। ওরে কন্তো, আমি নাগু ঠাকুর।

নাগু ঠাকুর ! রাঢ় দেশের নাগের ওঝা নাগেশ্বর ঠাকুর ! সাক্ষাৎ ধম্মন্তরি !
ভূমিষ্ঠ হয়ে লুটিয়ে পড়ল পিঙলা তাঁর পায়ে।

নাগু ঠাকুর তার মাথায় হাত বুলিয়ে বললে—সাবাস, সাবাস। হাঁ, তু
সাক্ষাৎ নাগিনী কন্তো !

ভাড়া গঙ্গারাম—তারাও ভূমিষ্ঠ হয়ে প্রণাম করলো—নাগু ঠাকুর, ওরে
বাপরে !

পাগল নাগু ঠাকুরের আশানে-মশানে বাস, সে কোথা থেকে এল ! পিঙলা
নিজের জীবনকে ধস্ত মানলে ; নাগু ঠাকুরকে সে দেখতে পেয়েছে ! শিবের
মত রঙ, তাঁরই মত চোখ। পাগল-পাগল তার নাগু ঠাকুরের !

জয় বিষহরি ! মা গ পদ্মাবতী, জয়, তোমার জয় !

অরণ্যে, পর্বতে, দরিদ্রের ভাঙা ঘরে, রাত্রির অন্ধকারে তুমি গৃহস্থকে রক্ষা কর মা । বেদেগুলকে দাও পেটের অন্ন, পরনের কাপড় । সীতালীর বিষবেদেদের নাগিনী কত্তোর ধর্মকে রক্ষা কর মা । বেদেগুলের ধর্মকে মাথায় ক'রে রাখুক—বেদের মেয়ে অবিশ্বাসিনী, বেদের মেয়ে ছলনাময়ী, বেদের মেয়ে কালামুখী ; তাদের অধর্ম, তাদের পাপ বেদেগুলকে স্পর্শ করে না ওই নাগিনী কত্তোর মহিমায়, ওই কত্তোর পুণ্যে ।

কত্তোর পুণ্য অনেক । মহিমা অনেক ।

ভাঙ্গ শতমুখ হয়ে উঠেছে । কত্তোর অঙ্গ ছুঁয়ে বলেছে—জমুনী, আমার চোখ খুলিছে । তুমার অঙ্গ ছুঁয়া—মা-বিষহরির নাম লিয়া বুলছি—হামরার চোখ খুলিছে । হাঁ, অনেক কাল পর এমন মহিমে দেখলম কত্তোর । আমার চোখ খুলিছে ।

ভাঙ্গ দশের মজলিসে বর্ণনা করেছে সেই ঘটনার কথা ।

বলেছে, সে স্বচক্ষে দেখেছে কত্তোর মধ্যে নাগিনী রূপ । বলেছে—আবছা অন্ধকার ঘর, বাইরে কাতার বেঁধে লোক দাঁড়িয়ে, দেখতে এসেছে—সীতালীর বিষবেদেরা নাগ বন্দী করবে । ঘরের মধ্যে তিনজন বেদে আর দরজার মুখে সেই ঠাকুর, মাথায় কুখু কালো লম্বা চুল, মুখে গৌরু দাড়ি, বড় বড় চোখে চিলের মত দৃষ্টি । সাক্ষাৎ চাঁদ সদাগরের প্রতিমার বন্ধু শঙ্কর গাঙ্গড়ী । রাঢ় দেশের নাগু ঠাকুর—নাগেশ্বর ঠাকুর । সীতালীর বেদের বিচার পরখ করতে নিজের পরিচয় লুকিয়ে দাঁড়িয়ে ছিল ঠাকুর । তার চোখ কি এড়ানো যায় ? গঙ্গারামের কোমরে জড়ানো পদ্মনাগ, ঠিক ধরেছিল সে ।

ভাৱ বলে—মুঠ ছিলম ব'সে, খড়ি পেতে হাত চালায়ে দেখছিলম। আমার কোমরেও সাপ—তাও ঠাকুরের দিষ্টি এড়ায়ে যাবে কোথা? মারলে হাঁক—সবুৰ। সে যেন গৰ্জে উঠল অৰুণোর বাঘ। মনে হ'ল, আজ আর রক্ষা নাই। গেল, মান গেল, ইজ্জৎ গেল, দুশমনের মুখ হাসল, কালি পড়ল সঁতালীর বেদের কালোবরণ মুখে, উপরে বৃষ্টি কৈচা উঠল পিতিপুরুষেরা!

ভাৱ মনে পড়েছিল, সেই সর্বনাশা রাত্রির কথা। যে রাত্রে লোহার বাসরঘরে কালনাগিনী দংশন করেছিল লখিন্দরকে। সেদিন দেবছলনায় কালনাগিনী নিরাপদে বেদেদের ছলনা ক'রে তাদের মাথায় চাপিয়ে দিয়েছিল অপবাদে বোঝা।

ভাৱ বলেছে—ঠিক এই সময় বাঘের ডাকের উত্তরে যেন ফৌস ক'রে গৰ্জে উঠল কাল-নাগিনী পিঙলা। সেদিন জাগরণের দিনে হিজল বিলে মা-বিষহরির ঘাটের উপরে যেমন দেখেছিল বাঘের সামনে উগতফণা পদ্মনাগিনীকে—যেমন শুনেছিল তাদের গর্জন, ঠিক তেমনি মনে হ'ল। পর-মুহূর্তে পিঙলা খুলে ফেলে দিলে তার কালো তলু অনাবৃত ক'রে রক্তবস্ত্রখানা—দাঁড়াল পলকহীন চোখে চেয়ে; উত্তেজনায় মূহু মূহু হুলছিল নাগিনী কণ্ঠা—ভাৱ মনে হ'ল সঁতালীর বেদেকুলের কুলগৌরব বিপন্ন দেখে, কণ্ঠা বসনের সঙ্গে নরদেহের খোলসটাও ফেলে দিয়ে স্বরূপে ফণা তুলে দাঁড়িয়েছে। ঠিক নাগলোকের নাগিনী। চোখে তার আগুন দেখেছে সে, নিশ্বাসে তার ঝড়ের শব্দ শুনেছে সে; তার অনাবৃত দেহে নারী রূপ সে দেখে নি—দেখেছে নাগিনী রূপ।

জয় বিষহরি!

আগে বিষহরির জয়ধ্বনি দিয়ে তারপর কণ্ঠার জয়ধ্বনিতে ভরিয়ে দিলে হিজলের কুল, সঁতালীর আকাশ। কলিকালে দেবতার মাহাত্ম্য যখন ক্ষয় হয়ে আসছে, হিজলের ঘাসবনের আড়াল দিয়েও যখন কুটিল কলির প্রবেশ-পথ রোধ করা যাচ্ছে না, তখনই একদা এমনই ভাবে কণ্ঠার মাহাত্ম্য-মহিমা প্রকাশিত হওয়ার কাহিনী শুনে সঁতালীর মাহুঘেরা আশ্বাসে উল্লাসে আশ্বস্ত ও উচ্ছ্বসিত হয়ে উঠল।

ভাৱ শপথ ক'রে বলে—সে প্রত্যক্ষ দেখেছে কণ্ঠার নাগিনী রূপ।

পিঙলার নিজেরও মনে হয় তাই। সেই কণ্ঠটির স্মৃতি তার অম্পষ্ট। অনেক ভেবে তার মনে পড়ে, চোখের দৃষ্টিতে আগুন ছুটেছিল, বৃকের নিশ্বাসে বোধ হয় বিষ ঝরেছিল, সে তুলেছিল নাগিনীর মতই ; ইচ্ছে হয়েছিল, ছোবল দেওয়ার মতই ঝাঁপিয়ে প'ড়ে আক্রমণ করে নাগু ঠাকুরকে। তাও সে করত, নাগু ঠাকুর যদি আর এক পা এগিয়ে আসত—তবে সে বিষকাটা নিয়ে ঝাঁপিয়ে পড়ত তার উপর। মা-বিষহরিকে স্মরণ করে যখন কাপড়খানা খুলে ফেলে দিয়েছিল, তখন এতগুলো পুরুষকে পুরুষ ব'লে মনে হয় নাই তার।

সত্যিই সেদিন নাগিনীর রূপ প্রকাশ পেয়েছিল তার মধ্যে। ভাহু ভুল দেখে নাই। ঠিক দেখেছে সে। ঠিক দেখেছে।

একদিন কালনাগিনী সীতালী পাহাড়ের বিষবৈগুদের মায়ায় আচ্ছন্ন ক'রে বিষহরির মান রাখতে গিয়ে বৈগুদের অনিষ্ট করেছিল, তারা তাকে কণ্ঠে ব'লে বৃকে ধরেছিল, নাগিনী বিশ্বাসবাতকতা করেছিল, বৈগুদের জাতি কুল বাস সব গিয়েছিল। তারপর এতদিন যুগের পর যুগ গিয়েছে—নাগিনী বেদেদের ঘরে কণ্ঠে হয়ে জন্ম নিয়েছে, বিষহরির পূজা করেছে, নিজের বিষে নিজে জ্বলেছে ; কিন্তু এমন ক'রে কখনও বেদেকুলের মান বিপন্ন হয় নি ব'লেই তার স্বরূপে আত্মপ্রকাশ ক'রে ঋণ শোধেরও স্বযোগ পায় নি। এবার দেখেছে। তার জীবনটা ধ্বংস হয়ে গিয়েছে। জয় বিষহরি ! কণ্ঠের উপর তুমি দয়া কর।

হিজলের ঘাটে সকাল সন্ধ্যা পিঙলা হাত জোড় ক'রে নতজানু হয়ে ব'সে মাকে প্রণাম করে। মধ্যে মধ্যে তার ভর হয়। মা-বিষহরি তার মাথায় ভর করেন। চোখ রাঙা হয়ে ওঠে, চুল এলিয়ে পড়ে, ঘন ঘন মাথা নাড়ে সে। বিড়বিড় ক'রে বকে।

ধূপধূনা নিয়ে ছুটে আসে সীতালীর বেদে-বেদেনীরা। হাত জোড় ক'রে চীৎকার করে—কি হ'ল মা, আদেশ কর।

—আদেশ কর মা, আদেশ কর।

ভাহু মুখের সামনে ব'সে আদেশ শুনতে চেষ্টা করে।

গঙ্গারাম স্থির দৃষ্টিতে চেয়ে ব'সে থাকে। চোখে তার প্রসন্ন বিমুগ্ধ দৃষ্টি। পিঙলার মহিমায় জটিলচরিত্র গঙ্গারাম যেন বশীভূত হয়েছে। মধ্যে মধ্যে

অচেতন হয়ে পড়ে পিঙলা। সেদিন বেদেগুলের শিরবেদে হিসাবে সে-ই তার শিখিল দেহ কোলে তুলে নিয়ে কণ্ঠার ঘরে শুইয়ে দেয়। দেবতান্ত্রিত অবস্থায় কণ্ঠাকে স্পর্শ করার অধিকার সে ছাড়া আর কারও নাই। গঙ্গারামই সেবা করে, বেদেরা উদ্গ্রীব উৎকণ্ঠায় দরজায় ব'সে থাকে।

চেতনা ফিরলেই তারা জয়ধ্বনি দিয়ে ওঠে। গর্ভে-খোঁচা-খাওয়া সাপের মতই পিঙলা তাড়াতাড়ি উঠে বসে; অঙ্গের কাপড় সম্বৃত ক'রে নিয়ে তীব্র কণ্ঠে বলে—যা, যা তু বাহিরে যা। গঙ্গারামকে পিঙলা সহ করতে পারে না। গঙ্গারামের চোখের দৃষ্টিতে অতি তীক্ষ্ণ কিছু আছে যেন; সহ করতে পারে না পিঙলা।

*

*

*

এই সময়েই শিবরাম কবিরাজ দীর্ঘকাল পরে একদিন সাতালীতে গিয়েছিলেন। ওদিকে তখন আচার্য ধূর্জটি কবিরাজ মহাপ্রয়াণ করেছেন, শিবরাম তখন রাঢ়ের এক বর্ধিষ্ণু গ্রামে আয়ুর্বেদ-ভবন খুলে বসেছেন, সঙ্গে একটি টোলও আছে।

কাহিনী বলতে বলতে শিবরাম বলেন—প্রারম্ভেই বলি নি, এক বর্ধিষ্ণু গ্রামের জমিদার-বাড়িতে ডাকাতির কথা? সেই গ্রামে তখন চিকিৎসা করি। গুরুই আমাকে ওখানে পরিচিত ক'রে দিয়েছিলেন। গুরু যতদিন জীবিত ছিলেন ততদিন সূচিকাভরণ গুরুর আয়ুর্বেদ-ভবন থেকেই আনত। গুরু চ'লে গেলেন, আমি প্রথম সূচিকাভরণ প্রস্তুত করব সেবার মুশিদাবাদ জেলা হ'লেও, রাঢ়ভূমি—গঙ্গা থানিকটা দূর; এ অঞ্চলে বিষবেদেরা আসে না, আমার ঠিকানাও জানে না। মেটেল বেদের অঞ্চল এটা। মেটেল বেদেরা খাটি কালনাগিনী চেনে না। সর্পজাতির মধ্যেও ওরা দুর্বল। তাই নিজেই গেলাম সাতালী। স্বচক্ষে দেখলাম পিঙলাকে। দেখলাম সাতালীর অবস্থা।

পিঙলাকে দেখলাম শীর্ণ, চোখে তার অস্বাভাবিক দীপ্তি।

সেদিনও ছিল ওদের একটা উৎসব।

ধূপে ধূনায় বলিতে নৈবেদ্যে সমারোহ। বাজনা বাজছিল—বিষম-টাকি, তুমড়ি, বাঁশী, চিমটে। মুহুমুহ জয়ধ্বনি উঠছিল। সমারোহের সবই যেন এবার

বেশি বেশি ! সীতালীর বেদেরা যেন উচ্ছ্বসিত হয়ে উঠেছে। ভাঙ প্রণাম ক'রে বললে—কন্তো জাগিছেন বাবা, আমাদের ললাট বুঝি ইবারে ফিরল। মা-বিশ্বহরি মূর্তি ধর্যা কন্তারে দেখা দিবেন মোর মনে লিছে।

চুপি চুপি আবার বললে—এতদিন দেখা দিতেন গ। শুধু ওই পাপীটার লেগ্যা—ওই শিরবেদের পাপের তরে দেখা দিচ্ছেন নাই। দেখিছেন ?—দেখেন, হিজল বিল পানে তাকান।

—কি ?

—দেখেন ইবারে পদ্মফুলের বহর ! মা-পদ্মাবতীর ইশারা ইটা গ !

হিজলের বিল পদ্মলতায় সত্য-সত্যই এবার ভ'রে উঠেছে। সচরাচর অমন পদ্মলতার প্রাচুর্য দেখা যায় না। বৈশাখের মধ্যকাল, এরই মধ্যে ছোটো-চারটে ফুল ফুটেছে, কুঁড়িও উঠেছে কয়েকটা।

—তা বাদে ইদিকে দেখেন। দেখেন ওই বাঘছালটা। পদ্মনাগিনী ইবারে বাঘ বধ করেছে জাগরণের দিনে।

শিবরাম বলেন—সীতালী গ্রামের নিস্তেজ অরণ্য-জীবন ওইটুকুকে আশ্রয় ক'রে আবার সতেজ হয়ে উঠেছে। বিলের পদ্মফুলের প্রাচুর্যে, নাগদংশনে বাঘটার জীবনাস্ত হওয়ায়, এমন কি হিজলের ঘাসবনের সবুজ রঙের গাঢ়তায়, তাদের অলৌকিকত্বে বিশ্বাসী আদিম আরণ্যক মন স্মৃতি পেয়েছে, সমস্ত কিছুর মধ্যে এক অসম্ভব সংঘটনের প্রকাশ দেখতে তারা উদ্বিগ্ন হয়ে রয়েছে।

ভাঙুই এখানকার এখন বড় নর্পবিছাবিশারদ। তারই উৎসাহ সবচেয়ে বেশি। গভীর বিশ্বাসে, অসম্ভব প্রত্যাশায় লোকটার সত্যই পরিবর্তন হয়েছে। সে এখন অতি প্রাচীনকালের অতি সরল অতি ভয়ঙ্কর বর্বর সীতালীর বেদের জীবন ফিরে পেয়েছে।

নাকে নশ্র দিয়ে শিবরাম বলেন—আচার্য ধূর্জটি কবিরাজ শুধু আয়ুর্বেদ শাস্ত্রেই পারদ্বন্দ্ব ছিলেন না। সৃষ্টিতত্ত্ব, জীবন-রহস্য, সব ছিল তাঁর নখদর্পণে। লোকে যে বলত—ধূর্জটি ধূর্জটি-সাক্ষাৎ ; সে তারা শুধু শুধু বলত না। কষ্টিপাথরে যাচাই না ক'রে হরিদ্রাবর্ণের ধাতুমাত্রকেই স্বর্ণ ব'লে মাহুষ কখনও গ্রহণ করে না। মাহুষের মন বড় সন্দ্বিগ্ন বাবা। তা ছাড়া, মাহুষ হয়ে আর একজন

মানুষকে দেবতাখ্যা দিয়ে তার পায়ে নতি জানাতে অন্তর তার দগ্ধ হয়ে যায়। তিনি—আমার আচার্যদেব ধূর্জটি-সাক্ষাৎ ধূর্জটি কবিরাজ আমাকে বলেছিলেন—শিবরাম, বেদেদের সম্পর্কে তোমাদের সাবধান করি কেন জান? আর আমার মমতাই বা অত গাঢ় কেন জান? ওরা হ'ল ভূতকালের মানুষ। পৃথিবীতে সৃষ্টিকাল থেকে কত মনুষ্য হ'ল, এক-একটা আপংকাল এল, পৃথিবীতে ধর্ম বিপন্ন হ'ল, মাংসভ্রাতায়ে ভ'রে গেল, আপদধর্মে বিপন্ন হয়ে গেল, এক মনুষ্য কাল গেল, নতুন মনুষ্য এলেন—নতুন বিধান নতুন ধর্মবতিকা হাতে নিয়ে। জ্ঞানে-বিজ্ঞানে, আচারে-ব্যবহারে, রীতিতে-নীতিতে, পানে ভোজনে, বাক্যে-ভঙ্গিতে, পরিচ্ছদে-প্রসাধনে কত পরিবর্তন হয়ে গেল। কিন্তু যারা নাকি আরণ্যক, তারা প্রতিবারই প্রতিটি বিপ্লবের সময়েই গভীরতর অরণ্যের মধ্যে গিয়ে তাদের আরণ্যক প্রকৃতিকে বাঁচিয়ে রাখলে। সেই কারণেই এরা সেই ভূতকালের মানুষই থেকে গিয়েছে! মনুষ্য বলেন, শাস্ত্র পুরাণ বলে, এদের জন্মগত অর্থাৎ ধাতু এবং রক্তের প্রকৃতিই স্বতন্ত্র এবং সেইটেই এর কারণ। এই ধাতু এবং রক্তে গঠিত দেহের মধ্যে যে আত্মা বাস করেন, তিনি মানবাত্মা হ'লেও ওই পতিত দূষিত আবাসে বাস করার জন্মেই তিনিও পতিত এবং বিকৃত হয়ে এই ধর্মে আত্মপ্রকাশ করেন। এই বিকৃতিই ওদের স্বধর্ম আবার এর মধ্যে পরমাশ্চর্য কি জান? শাস্ত্রে পুরাণে এই ধর্ম পালন করেই ওরা চরমমুক্তি লাভ করেছে, এর নজিরও আছে। মহাভারতে পাণ্ডবব্যাধ নিজের আচরণ বলে পরমতত্ত্বকে জ্ঞাত হয়েছিলেন। এক জিজ্ঞাসু ব্রাহ্মণকুমার তাঁর কাছে সেই তত্ত্ব জানতে গিয়ে তাঁকে দেখে বিস্মিত হয়েছিল। সেই আরণ্যক মানুষের বর্বর জীবন, অন্ধকার ঘর, চারিদিকে মৃত পশু, মাংস-মেদ-মজ্জার গন্ধ, শুষ্ক চর্মের আসন-শয্যা, কৃষ্ণবর্ণ রুঢ় মুখমণ্ডল, রক্তবর্ণ গোলাকৃতি চোখ, মুখে মৃদুগন্ধ দেখে তার মনে প্রশ্ন জেগেছিল, এ কেমন ক'রে চরম মুক্তি পেতে পারে? ব্যাধ বুঝেছিলেন ব্রাহ্মণকুমারের মনোভাব। তিনি তাকে সন্তোষণ আবাহন ক'রে বসিয়ে বলেছিলেন—এই আমার স্বধর্ম। এই স্বধর্ম পালনের মধ্যেই আমি সত্যকে মস্তকে ধারণ ক'রে পরম তত্ত্ব অবগত হয়েছি। আমি যদি স্বধর্মকে পরিত্যাগ করতাম, তবে তোমাদের পরিচ্ছন্নতা সদাচরণ অনুকরণ ক'রে তাকে আয়ত্ত

করতে গিয়ে সদাচরণের পরিচ্ছন্নতার শান্তিতে হৃদেই আমি তৃপ্ত হয়ে তবু
আয়ত্তের সাধনায় ক্ষান্ত হতাম। এই আচরণের মধ্যেই আমাদের জীবনের
ক্ষুধা। এর মধ্যেই আমাদের মুক্তি।

আচার্য চিন্তাকুল নেত্রে আকাশের দিকে চেয়ে থাকতেন কিছুক্ষণ। যেন
ওই অনন্ত আকাশ-পটের নীলাভ অনুরঞ্জনের মধ্যে তাঁর চিন্তার অভিধান অদৃশ্য
অক্ষরে লিখিত রয়েছে। তিনি তাই পাঠ করছেন। পাঠ করতে করতেই
বলতেন—ওদের মধ্যে ভাল মানুষ অনেক আছে, কিন্তু শুচিতা ওদের ধর্ম নয়।
ওতে ওদের দেহ-আত্মা পীড়িত হয় না। আমাদের হয়। তাই সাবধান করি।

আবার কিছুক্ষণ চুপ ক'রে ওই অভিধান পাঠ ক'রে নিজের অস্পষ্ট চিন্তার
অন্বয় ক'রে অর্থ জ্ঞাত হয়ে বলতেন—তবে আমার উপলব্ধির কথা আমি বলি
শোন। ধর্মব্যবধানের কথা মিথ্যা নয়। এই বিশ্ব-রহস্যের মধ্যে জীবনের ওই
আচার-আচরণই বল আর আমাদের এই আচরণই বল—দুয়ের মধ্যে আসল
জীবন-মূল্যের পার্থক্য সত্যি নাই। জীবনের পক্ষে আচার-আচরণের প্রাথমিক
মূল্য আয়ু এবং স্বাস্থ্য এই দুয়ের পরিমাণ নির্ণয়ে। তার পরের মূল্য বুদ্ধি এবং
জ্ঞান-বিকাশের আনুকূল্যে। প্রথম মূল্য ওরা পর্যাপ্ত পরিমাণে পেয়েছে ওই
ধর্মে। দ্বিতীয়টা পায় নি। কিন্তু শাস্ত্র যে বলে ওদের ওই পতিত এবং দূষিত
ধাতু ও শোণিতে গঠিত দেহবাসী আত্মার পক্ষে এই আচার-আচরণ অনধিগম্য,
এটাতে ওদের অধিকারও নাই, এবং অনধিকারচর্চায় ওদের অনিষ্ট হবে, এইটি—
আমার জীবনবোধিতে, আমি যতদূর বুঝেছি শিবকাম, তাতে এ ধারণা ভ্রান্ত
অসত্য। আমি আজীবন চিকিৎসাশাস্ত্র নিয়ে আলোচনা করলাম, বহু আচারের
বহু ধর্মের মানুষের চিকিৎসা করলাম, বহু পরীক্ষায় বহু বিচার ক'রে এই
সিদ্ধান্তেই পৌঁছেছি যে, ধাতু বা শোণিত যদি রোগদূষিত না হয়, তবে এক
জীবনধর্ম থেকে আর এক জীবনধর্মে আসতে কোন বাধা বিশেষ নাই। যেটুকু
বাধা, সে নগণ্য। অতি নগণ্য।

হেসে বলতেন—আমাদের বরং ওদের ধর্মে যেতে গেলে বাধা বেশি।
খানিকটা মারাত্মকও বটে। ময়লা চীরখণ্ড কোমরে পরতে লজ্জার বাধা যদি বা
জয় করা যায়, তবে চর্মরোগের আক্রমণ হবে অসহনীয়। তার পর খাওয়ার দিক ;

স্বাদের কথা বাদ দিয়ে উদরাময়ের ভয় আছে। সেটা অসহনীয় থেকেও গুরুতর মারাত্মক হয়ে উঠতে পারে। শীতাতপের প্রভাব আছে। সেও সহনীয় ক'রে তোলা আমাদের পক্ষে সহজ নয়। কিন্তু ওরা জামা-কাপড় প'রে—গ্রীষ্মকালে কথঞ্চিৎ কাতরতা অনুভব করলেও শীতে বেশ আরামই অনুভব করবে। আসল কথা, ওরা আসে নি, আসতে চায় নি—সে যে কারণেই হোক। হয়তো আমাদের জটিল জীবনাচরণের প্রতি ওদের ভীতি আছে—সংস্কারের ভীতি, জটিলতার ভীতি, আমরা যে আচরণ করি তার ভীতি। আমরা কেউ আহ্বান করি নি, আমরা দূরে থেকেছি, রেখেছি ঘৃণা করে। ওদের নাড়ী ওদের দেহ-লক্ষণ বিচার ক'রে আমাদের সঙ্গে কোন পার্থক্য তো পাই নি। ধাতু এবং শোণিত যদি বিশ্লেষণ ক'রে পরীক্ষার উপায় জানতাম, তবে সঠিক তথ্যটা বুঝতে পারতাম।—ব'লে আবার চেয়ে থাকতেন আকাশের দিকে।

ভাট্টকে দেখে গুরুর কথাই সেদিন মনে পড়েছিল।

ভূতকালের মানুষ, ভূতকালের মানসিক পরিবেশের পুনরুজ্জীবনে নতুন বল পেয়েছে, অভিনব স্মৃতি পেয়েছে—কৃষ্ণপক্ষের রাত্রি যেন অমরিশ্বার নাগাল পেয়েছে। গোটা গ্রামখানির মানুষের জীবনে এ স্মৃতি এসেছে। বেশভূষায় আচারে অনুষ্ঠানে তার পরিচয় সীতালীতে প্রবেশ করা যাত্রী শিবরামের চোখে পড়ল।

ভাট্টর চকচকে কালো বিশাল দেহখানি ধূসর হয়ে উঠেছে। এ কালে ওরা তেল ব্যবহার করত, ভাট্ট তেলমাখা ছেড়েছে। কৃষ্ণ কালো ঝাঁকড়া চুলের জটটা বেঁধেছে, তার উপর বেঁধেছে এক টুকরো ছেঁড়া গামছা। আগে নাকি এই গামছা বাঁধার প্রচলন ছিল। গলায় হাতে মালা-তাবিজ-তাগার পরিমাণ প্রায় বিপ্লব ক'রে তুলেছে। গায়ের গন্ধ উগ্রতর হয়ে উঠেছে। মন্তপান বেড়েছে। গোটা সীতালীর বেদেরা গিরিমাটিতে কাপড় ছুপিয়ে গেরুয়া পরতে শুরু করেছে।

পিঙলা যেন তপঃশীর্ণ শবরী। শীর্ণ দেহ, এলায়িত কালো তৈলহীন বিশৃঙ্খল

একরাশি চুল ফুলে ফেঁপে তার বিশীর্ণ মুখখানা ঘিরে ফেলেছে, চোখে অস্বাভাবিক
দ্রুতি, সর্ব অবয়ব ঘিরে একটা যেন উদাসীনতা।

ভাহু তাকে দেখিয়ে বললে—দেখেন কেনে কন্ঠের রূপ ! সেই পিঙলা কি
হইছে দেখেন !

চুপিচুপি বললে।

শিবরাম স্থিরদৃষ্টিতে পিঙলার দিকে চেয়ে রইলেন। ধূর্জটি কবিরাজের শিষ্য
তিনি, তাঁর বুঝতে বিলম্ব হ'ল না যে, পিঙলার এ লক্ষণগুলি কোন দৈব প্রভাব
বা দেবভাবের লক্ষণ নয়। এগুলি নিশ্চিতরূপে ব্যাধির লক্ষণ। মূর্চারোগের
লক্ষণ। ব্যাধি আক্রমণ করেছে মেয়েটিকে।

পিঙলা তাঁকে দেখে ঈষৎ প্রসন্ন হয়ে উঠল। সে যেন জীবন-চাঞ্চল্য
সচেতন হয়ে উঠল। হেসে বললে—আসেন গ ধমন্তরি ঠাকুর, বসেন। দে গ,
বসতে দে।

একটা কাঠের চৌকি পেতে দিলে একজন বেদে। শিবরাম বসলেন।

পিঙলা বললে—শবলা দিদির কচি-ধমন্তরি তুমি—তুমি আমার ধমন্তরি
ঠাকুর। কালনাগিনীর তরে আসছেন ?

—হ্যাঁ। না এসে উপায় কি ? গুরু দেহ রেখেছেন—

—আঃ, হায় হায় হায় গ ! আমাদের বাপের বাড়া ছিল গ ! আঃ—
আঃ—আঃ !

স্তব্ধ হয়ে থাকা ছাড়া আর কিছু কর। যায় না এর উত্তরে। শিবরামের
চোখে জল এল, মন উদাস হয়ে গেল।

কিছুক্ষণ পর আত্মসম্বরণ ক'রে শিবরাম বললেন—এতদিন সূচিকাভরণ
গুরুর কাছ থেকেই নিয়ে যেতাম, এবার নিজেই তৈরি করব। সেইজন্ম এসেছি।
কালনাগিনীর খাটি জাত তোমরা, তোমরা ছাড়া কারুর কাছে পাব না ব'লেই
আমি এসেছি।

পিঙলা একটা দীর্ঘনিশ্বাস ফেলে বললে—আর হয়তো পাবেই না ধমন্তরি
ঠাকুর। আসল হয়তো আর মিলবেই না।

—মিলবে না ? কেন ? বিস্মিত হয়ে প্রশ্ন করলেন শিবরাম।

—বিষহরির ইশারা এসেছে। আদেশ এখনও আসে নাই, তবে আসবেক, দেরি নাই তার—কালনাগিনীকে নাগলোকে ফিরতে হবেক। বুঝিছ? তার অভিষাপের মোচন হবেক।

কথাটা ঠিক বুঝলেন না শিবরাম। মুখের দিকে চেয়ে রইলেন, সবিস্ময় সপ্রশ্ন দৃষ্টিতেই পিঙলার মুখের দিকে তাকালেন।

প্রশ্ন বুঝতে পারলে পিঙলা; তার প্রশ্নদৃষ্টি চোখ দুটি প্রশ্নরত্ন হয়ে উঠল, যেন জলন্ত অঙ্গারগর্ভ চুল্লীতে বাতাস লাগল; সে বললে—তুমি শুন নাই? মুই ঋণ শোধ করেছি। ইহারে বিষহরির হুকুম আসিবে। বিষহরি—মনে লাগিছে—বিধেতা-পুরুষের দরবারে হিসাব খতায় দেখিয়েছেন, তাঁরে বলিছেন—দেনা তো শোধ করিছে কত্রে, ইবারে মুই কত্রে ফেরা আসিতি হুকুম দিতে পারি কি-না কও? বিধেতার মত না নিয়া তো তিন হুকুম দিবেন না।

শিবরাম বললেন—দেখি, তোর হাতটা দেখি, দে।

—হাত? কি দেখিবে?

—আমি হাত দেখে শুনে বলতে পারি যে!

—পার? দেখ, তবে দেখ।

প্রসারিত ক'রে ধরলে তার করতল। হাতের রেখা পরীক্ষা করে দেখবার চল ক'রে তিনি তার মণিবন্ধ নিজের হাতের মধ্যে নিয়ে তাঁর নাড়ী পরীক্ষা করতে শুরু করলেন। গভীর অভিনিবেশের সঙ্গে তাঁর স্পন্দনের গতি এবং প্রকৃতি নির্ণয় করতে চেষ্টা করলেন।

—কি দেখিছ গ ধমস্তরি ঠাকুর? ইবারে মুক্তি মিলিবে?

উত্তর দিলেন না। সে অবকাশই ছিল না তাঁর। নাড়ীর গতি প্রকৃতি এবং অবস্থা বিচিত্র। উপবাসে দুর্বল, কিন্তু বায়ুর প্রকোপে চলছে যেন বগ্না-ছেঁড়া উদ্ভাসগতি উদ্ভাস্ত ঘোড়ার মত, মধ্যে মধ্যে যেন টলছে। মুখের দিকে চাইলেন। চোখের প্রশ্ন শুভ্রচ্ছদ আচ্ছন্ন ক'রে অতি সূক্ষ্ম শিরাজালগুলি রক্তাভ হয়ে ফুটে উঠেছে। মুছা রোগের অধিষ্ঠান তিনি অনুভব করতে পারলেন নাড়ীর মধ্যে।

হতভাগিনী পিঙলা! একটা দীর্ঘনিশ্বাস ফেললেন তিনি।

—ধ্বস্তরি ! কি দেখিলে কও ? বাগ্র হয়ে সে তাকিয়ে রইল শিবরামের মুখের দিকে ।—এমন কর্যা তুমি নিশ্বাস ফেললা কেনে গ ?

শিবরাম ভাবছিলেন—হতভাগিনী উন্মাদ পাগল হয়ে উঠবে একদিন, ওদিকে নতুন নাগিনী কন্ঠার আবির্ভাব হবে, দেবতা-অপবাদে স্বজন-পরিত্যক্ত উন্মাদিনীর দুর্দশার কি আর অন্ত থাকবে ? অথচ সহজে তো মৃত্যু হবে না । এই তো ওর বয়স ! কত হবে ? বড় জোর পঁচিশ ! জীবন যে অনেক দীর্ঘ ! বিশেষত ওদের এই আরণ্যক মানুষের জীবন !

আবার পিঙলা প্রশ্ন করলে—মুক্তি হবে না ? লিখনে নাই ?

শিবরাম বললেন—দেরি আছে পিঙলা ।

—দেরি আছে ?

—হ্যাঁ । একটু ভেবে নিয়ে বললেন—মা তো তোকে নিয়ে যেতে চান, কিন্তু নিয়ে যাবেন কি ক’রে ? তোর দেহে যে বায়ুর প্রকোপ হয়েছে । দেবলোকে কি রোগ নিয়ে কেউ যেতে পারে ?

স্থিরদৃষ্টিতে কবিরাজের মুখের দিকে সে চেয়ে ব’সে রইল । মনে মনে খতিয়ে দেখছে সে কথাগুলি । কয়েক মুহূর্ত পরে তার দুই চোখ ঝেঁয়ে নেমে এল অনর্গল অশ্রুর ধারা । তারপর ‘মা’ ব’লে একটা করুণ ডাক ছেড়ে ট’লে প’ড়ে গেল মাটির উপর । একটা নিদারুণ যন্ত্রণায় সর্বান্তে আঁকুপ বয়ে যেতে লাগল । পৃথিবীর মাটি যেন তার হারিয়ে যাচ্ছে, দু হাতে খামচে মাটির বুক সে আঁকড়ে ধরতে চাইছে ; মুখ ঘাচ্ছে নিদারুণ ক্ষতকে, যেন মাটির বুক মা ধরিত্রীর বুক মুখ লুকাতে চাইছে ।

ওদিকে বেদেরা কোলাহল ক’রে উঠল ।

—ধূপ আন, ধূনা আন, বিষম-ঢাকি বাজা ।

শিবরাম বললেন—থাম, তোরা থাম । কন্ঠার রোগ হয়েছে ।

মুহূর্তে ভাঙ উগ্র হয়ে উঠল ।—কি কইলা ? যা জান না কবিরাজ, তা নিয়া কথা বলিযো না । খবরদার ! মায়ের ভর হইছে । যাও, তুমি যাও । কন্ঠারে ছুঁয়ো না এখন । যাও ।

গঙ্গারাম নীরবে ব’সে সব দেখলেন । কবিরাজের দৃষ্টির সঙ্গে তার দৃষ্টি

মিলতেই সে একটু হাসলে। আশ্চর্য হয়ে গেলেন শিবরাম, গঙ্গারাম সমস্ত বেদেদের মধ্যে স্বতন্ত্র পৃথক হয়ে রয়েছে। এ সবার কোন প্রভাব তাকে স্পর্শ করে নাই।

শিবরাম উঠে এলেন।

*

*

*

শিবরাম দাঁড়িয়ে ছিলেন হিজলবিলের ঘাটে।

ভাঙ তাঁকে ভরসা দিয়েছে। বলছে—কণ্ঠে বলিছে বটে, কালনাগিনীর। চলি গেল নাগলোকে—মায়ের ঘরে স্বস্থানে; সিঁটা বেশি বলিছে। আর দেনা শোধ হ'ল—জমুনীর আদেশ আসিবে বলিছে, আমরাও ধেয়াইছি কি, তবে আমাদের সেই জাত ফির্যা দাও, মাগ্গি ফির্যা দাও, সাঁতালী পাহাড়ের বাস ফির্যা দাও। বিধেতার হিসেব স্মৃষ্টি হিসেব কবিরাজ, বিধেতা কি কর্যা বিষহরিকে বলিবে কি—হাঁ, ঋণটা শোধ-বোধ হইছে! তবে হাঁ, বিষহরি দরবার জানাইছেন বিধেতার কাছে—ইহা হতি পারে।

শিবরাম চুপ ক'রে শোনে—কি উত্তর দেবেন এ সব কথার ?

অরণ্যের মানুষ অরণ্যের ভাষা বুঝতে পারে,—তাদের বিশ্বাস তাদের সংস্কার সম্পর্কে ধূর্জটি কবিরাজের শিষ্যের অবিশ্বাস নাই। কিন্তু ভ্রম সংসারে আছে। পিঙলার অবস্থা সম্পর্কে ওদের যে ভ্রম হয়েছে—তঁার একবিন্দু সন্দেহ নাই। অরণ্যের মানুষ পত্রপল্লবের মর্মরঞ্জন শুনে, তাদের শিহরণ দেখে মেঘ-ঝড়ের সম্ভাবনা বুঝতে পারে, আবার পত্রপল্লবের অন্তরাল থেকে মানুষ কথ; বললে দৈববাণী ব'লে ভ্রমও করে সহজেই।

অস্তরে অস্তরে বেদনা অনুভব করছেন শিবরাম। শবলার সঙ্গে অন্তরঙ্গতার সূত্রে তার পরবর্তিনী পিঙলাও তাঁর স্নেহভাগিনী হয়ে উঠেছে। শবলার একটা কথা তাঁর মনে অক্ষয় হয়ে আছে। তাঁর সঙ্গে ভাই-বোন সম্পর্ক পাতাবার সময় সে মনসার উপাখ্যানের বেনেবেটীর কথা ব'লে বলেছিল—নরে নাগে বাস হয় না, নর নাগের বন্ধু নয়, নাগ নরের বন্ধু নয়। কিন্তু বেনেবেটা ভাই ব'লে ভালবেসেছিল দুটি নাগশিশুকে। তারাও তাকে দিদি ব'লে চিরদিন তার সকল স্নেহের সকল দুঃখের ভাগ নিয়েছিল। হেসে শবলা বলেছিল—একালে তুমি

ভাই, মুই বহিন ; তুমি কচি ধম্মন্তরি, মুই বেদেবুলের সন্ধানী নাগিনী কন্তে ; কালনাগিনী কন্তের রূপ ধ'রে রইছি গ, লইলে দেখতে আমার কণার দোলন, শুনতে আমার গর্জন ! ই ! ব'লে তাঁর দিকে কটাক্ষ হেনে হেসেছিল । একটু হাসলেন শিবরাম । বিচিত্র জাত ! অরণোর রীতি আর নগরের রীতি তো এক নয় !

ভাই-বোন, বাপ-বেটী—যে-কোন সম্পর্ক হোক, নর আর নারী সম্পর্কের সেই আদি ব্যাখ্যাটাই অসংকোচ প্রকাশে সহজ ছন্দে এখানে নিজেদের সমাজ-শৃঙ্খলাকে মেনেও আত্মপ্রকাশ করে । হাশু-পরিহাসে সরস কোতুকে পাতানো ভাইয়ের প্রতি কটাক্ষ হেনেছিল শবলা—তাতে আর আশ্চর্য কি !

শবলা মহাদেবকে হত্যা ক'রে গঙ্গার জলে ঝাঁপিয়ে পড়েছে—সে আজ আট-দশ বছর হয়ে গেল । শবলার পর পিঙলা নাগিনী কণ্ডা হয়েছে । শবলা পিঙলাকে তার জীবনের সকল কথাই ব'লে গিয়েছে, সঙ্গে সঙ্গে তার ধম্মন্তরি-ভাইয়ের কথাও ব'লে গিয়েছে । ব'লে গিয়েছে—আমার ভাই তো নয়, সে হইল নাগিনী কন্তের ভাই । তু তার চরণের ধূলা লিস, তারে ভাই বলিস ।

পিঙলাও তাই বলে । শিবরামও তাকে স্নেহ করেন । ঠিক সেই কারণেই—এই তেজস্বিনী আবেগময়ী মেয়েটিকে এমন বেদনাদায়ক পীড়ায় আড়িত দেখে অন্তরে অন্তরে বিষন্নতা অনুভব না ক'রে পারলেন না তিনি । ভাদু তাঁকে আশ্বাস দিয়েছে, আসল কৃষ্ণসর্পী ধ'রে দেবেই । অগ্রথা তিনি চ'লে যেতেন । হাঙরমুখীর খালে নৌকা বেঁধে তিনি ভাদুরই প্রতীক্ষা ক'রে রয়েছেন ।

জ্যৈষ্ঠের প্রথম । অপরাহ্নবেলা । হিজলবিলের কালো জল ধীরে ধীরে যেন একটা রহস্তে ঘনায়িত হয়ে উঠছে । কালো জল ক্রমশ ঘন কৃষ্ণ হয়ে আসছে । পশ্চিম দিগন্তে সূর্য একখানা কালো মেঘে ঢাকা পড়েছে । পশ্চিম দিক থেকে ছায়া ছুটে চলেছে পূর্ব দিকে—হিজলবিল ঢেকে, ঘাসবনের কোমল সবুজে গাঢ়তা মাখিয়ে দিয়ে, গঙ্গার বালুচরের বালুরাশির জ্বালা জুড়িয়ে, গঙ্গার শান্ত জলধারায় অবগাহন ক'রে, ও-পারের শান্তক্ষেত্র এবং গ্রামবনশোভার মাথা পার হয়ে চ'লে যাচ্ছে । শিবরামের কল্পনানৈবের দৃষ্টিতে সে ছায়া বিস্তীর্ণ প্রসারিত হয়ে চলেছে—বহু দূর—দূরান্তরে । দেশ থেকে দেশান্তরে ।

ছায়া নেমেছে, কিন্তু শীতলতা আসে নাই এখনও । রৌদ্রের জ্বালাটা মুছে গিয়েছে, কিন্তু উত্তাপ গাঢ় হয়ে উঠেছে । মাটির নীচে গরম এইবার অসহ্য হয়ে উঠবে । এইবার হিজলের সজল তটভূমি হয়ে উঠবে সর্পসঙ্কুল । সাপেরা বেরিয়ে পড়বে । দীর্ঘক্ষণ তাকিয়ে ছিলেন হিজলের জলজ পুষ্পশোভার দিকে । চারিপাশে সবুজের ঘের, মাঝখানে কালো জল ; কলমি-সুশনে-পানাড়ি-শালুক-পদ্মদামের সবুজ সমারোহ নবীনতার কোমল লাবণ্যে মরকতের মত নমনাভিরাম । তারই মাঝখানে হিজলের জল যেন স্তম্ভচক্ৰ একখানি নোলা । এই শোভাতেই তিনি তন্ময় হয়ে ছিলেন । হঠাৎ তিনি কীটদংশনে বিচলিত হয়ে দৃষ্টি ফেরালেন । দেখলেন, তাঁর পায়ে কাছেই লাল পিঁপড়ার সারি চলেছে, একটু দূরে একটা গর্ত থেকে তারা পিলপিল ক’রে বেরিয়ে পড়ছে ।

হেসে একটু স’রে দাঁড়ালেন তিনি । এদেরও বিষ আছে । মাহুষের বিষ বোধ হয় দেহকোষ থেকে নির্বাসিত হয়ে মনকোষে গিয়ে আশ্রয় নিয়েছে । সাপের চেয়েও মাহুষ কুটিল ।

—ধনস্তরি ভাই !

চমকে ফিরে তাকালেন শিবরাম । কাঁধে গামছা নিয়ে ঘাটের মাথায় এসে দাঁড়িয়েছে পিঙলা । একটি অতিক্রান্ত স্নিগ্ধ হাস্যরেখায় তার দীর্ঘ মুখখানি ঈষৎ প্রদীপ্ত হয়ে উঠেছে । কোমল স্নিগ্ধকণ্ঠে সে বললে—জহ্নুর দরবারের শোভা দেখিছ ? এমনভাবে সে কথাগুলি বললে যে শিবরাম যেন তার কোন স্নেহাস্পদ বয়োজনী ; তিনি লুপ্ত হয়েছেন এই মাহুসারী সজ্জায় ; আর এই সমস্ত কিছুর সে অধিকারিণী, বয়োজ্যেষ্ঠা, তাঁর মুগ্ধতা এবং লুপ্ততা দেখে প্রশ্ন করছে—দেখছ এই অপরূপ শোভা ? ভাল লেগেছে তোমার ? কি নেবে বল তো ?

শিবরাম বললেন—হ্যাঁ । এবার হিজল সেজেছে বড় ভাল । তুমি স্নান করবে ?

—হ্যাঁ । স্নান করব । আপন বিষে মুই জল্যা মলাম ধনস্তরি ভাই ! অজে যত জ্বালা মাথায় মনে তত জ্বালা । জান, শবলা কইছিল—নাগিনী কণ্ঠা মিছা কথা, কণ্ঠে আবার নাগিনী হয় ! কই, বোঝলম না তো কিছু ! কিন্তুক—

একটু চূপ ক'রে থেকে সে মুহু ঘাড় নাড়লে। কিছু অস্বীকার করলে। অস্বীকার করলে শবলার কথা। মুহুস্বরে বললে—মুই বোঝলম যে! পরানে-পরানে বোঝলম। চোখ মুদলি দেখি মুই, মোর আত্মারাম এই ফণা বিছায়ে হুলছে—হুলছে—হুলছে। লকলক করিছে জিভ, ধক ধক করিছে চোখ হুটা, আর গর্জাইছে।

শিবরাম চিকিৎসকের গাভীঘে গভীর হয়ে ধীর কণ্ঠে বললেন—তোমার অস্থখ করেছে পিঙলা। তুমি নিজের দেহের একটু শুশুযা কর। ওষুধ খাও। স্নান কর দু বেলা—ভালই কর, কিন্তু এমন রুখ স্নান না ক'রে মাথায় একটু তেল দিয়ো। বললে না—মাথায় জ্বালা, দেহে জ্বালা! তেল ব্যবহার করলে ওগুলো যাবে। তুমি সুস্থ হবে।

স্থিরদৃষ্টিতে পিঙলা শিবরামের মুখের দিকে চেয়ে রইল। প্রথর হয়ে উঠছে তার দৃষ্টি। একটু শঙ্কিত হলেন শিবরাম। এইবার উন্মাদিনী হয়তো চীৎকার ক'রে উঠবে। কিন্তু সে-সব কিছু করলে না পিঙলা, হঠাৎ আকাশের দিকে মুখ তুলে ঘন মেঘের দিকে চেয়ে রইল। কিছু যেন ভাবতে লাগল।

কালো মেঘ পুঞ্জিত হয়ে ফুলছে। তারই ছায়া পড়ল পিঙলার কালো মুখে। অতি মুহু সঞ্চারে বাতাস উঠছে। বিলের ধারের জলজ ঘাসবনের বাঁকা নমনীয় ডগাগুলি কাপছে; সীতালীর চরের একইটু উচু কচি ঘাসবনে মুহু সাড়া জেগেছে; বাউগাছের শাখায় কাণ্ডে গান জাগছে; হিজলের কালো জলে কম্পন ধরেছে; পিঙলার তৈলহীন রুক্ষ মাথা চুল হুলছে—উড়ছে। পিঙলা একদৃষ্টে মেঘের দিকে চেয়ে ভাবছে, খাতয়ে দেখছে ধ্বস্তরি-ভাইয়ের কথা। অণু কেউ এ কথা বললে সে অপমান বোধ করত, তাঁর প্রতিবাদ ক'রে নাগিনীর মতই ফুঁসে উঠত। কিন্তু ধ্বস্তরি-ভাই তো সাধারণ মানুষ নয়, সে যে হাতের নাড়ী ধ'রে রোগের সন্ধান করতে পারে, দেহের মধ্যে কোথায় কোন্ রোগের নাগ কি নাগিনী এসে বাসা বাঁধলে, নাড়ী ধ'রে তিনি বেদেদের হাত চালিয়ে ঘরের সাপ-সন্ধানের মতই সন্ধান করতে পারেন। কিন্তু—। সে ঘাড় নাড়লে।—তা তো নয়।

শিবরামের ইচ্ছা হ'ল তিনি বলেন—তুই শেষ পর্যন্ত উন্মাদ পাগল হয়ে যাবি

পিঙলা। ওরে, তার চেয়ে শোচনীয় পরিণাম মানুষের আর হয় না। তাদের বিশ্বাস মিথ্যে আমি বলছি নে। তবে দেবতাই হোক, আর ঘঙ্ক-রঙ্ক নাগ-কিন্মরীই হোক, মানুষ হয়ে জন্মালে মানুষ ছাড়া আর কিছু নয়। নাগিনী যদি হোস তুই, তবুও তুই মানুষ। মানুষের দেহ তোর, তোর দাঁতে বিষ নাই, থাকে তো নুকে আছে। ওসব তুই ভুলে যা। ওই ভাবনাতেই তুই পাগল হয়ে যাবি।

কিন্তু বলতে ভরসা পেলেন না।

পিঙলা তখনও ঘাড় নাড়ছিল ; ঘাড় নেড়েই বললে—না ধ্বস্তরি-ভাই, তা নয়। তুমার ভুল হইছে গ। আমার ভিতরের নাগিনীটা জাগিছে। বিষ ঢালছে—আর সেই বিষ আবার গিলছে। তুমাকে তবে বলি শুন। ই কথা কারুকে বলি নাই। গুহু কথা। নারীমানুষের লাজের কথা। রাতে আমার ঘুম হয় না। বেদেপাড়ায় ঘুম নেম্যা আসে—আর আমার অঙ্গ থেক্যা চাঁপাফুলের বাস বাহির হয়। সি বাসে মুই নিজে পাগল হয়্যা যাই গ। মনে হয়, দরজা খুল্যা ছুট্যা বাহির হয়্যা যাই চরের ঘাসবনে, নয়তো ঝাঁপিয়ে পড়ি হিজলের জলে। আর পরান দিয়া ডাকি—কালো কানাইয়ে। কালো কানাই না আসে তো—আমুক আমার নাগ-নাগর—হেলে ছলে ফণা নাচায়ে আমুক।

কণ্ঠস্বর মুহু হয়ে এল পিঙলার, চোখ দুটি নিম্পলক হয়ে উঠল, তাতে ফুটে উঠল শঙ্কাপূর্ণ স্বপ্ন দেখার আতঙ্কিত দৃষ্টি। বললে—আমি সে আসে ধ্বস্তরি-ভাই। নাগ আসে। তুমার কাছে আমার পরামের গোপন কথা কইতে যখন মুখ খুলেছি, তখন কিছু লুকাব না। বলি শুন।

শিবরাম বলেন—পিঙলার কাছে শোনা কাহিনী।

ফাস্তনে ওই জমিদার-বাড়িতে সাপ ধ'রে আনার পর। চৈত্র মাস তখন। পিঙলার ভাতুমামা আর এক মানুষ হয়ে ফিরে এল। কিন্তু গন্ধারাম সেই গন্ধারাম। বাবুরা কণ্ঠকে বিদায় করেছিলেন দু হাত ধ'রে। দশ টাকা বকশিশ, নতুন লালপেড়ে শাড়ি, গিন্নীমা নিজের কান থেকে মাকড়ি খুলে দিয়েছিলেন।

নাগু ঠাকুর তাঁর প্রসাদী কারণ দিয়েছিলেন, আর দিয়েছিলেন অষ্টধাতুর একটা আংটি। নিজে কড়ে আঙুল থেকে খুলে পিঙলার হাতে দিয়ে বলেছিলেন—নে। নাগু ঠাকুরের হাতের আংটি। আমার থাকলে, তোকে আমি হীরের আংটি দিতাম। কামরূপে মা-কামাখ্যার মন্দিরে শোধন ক'রে এ আংটি পরেছিলাম আমি। এ আংটি হাতে রাখলে মনে মনে যা চাইবি তা-ই পাবি।

রাড়ের সে আমলের টাকু মোড়ল আর এ আমলে নাগু ঠাকুর—এই দুই বড় ওস্তাদ। টাকু মোড়ল ছিল কামরূপের ডাকিনী-মন্ত্রসিদ্ধ। টাকু মোড়ল নিজের ছেলেকে টুকরো টুকরো ক'রে কেটে বড় একটি ঝুড়ি ঢাকা দিত। মন্ত্র প'ড়ে ডাক দিত ছেলের নাম ধ'রে। ঝুড়ি ঠেলে বেরিয়ে ছেলে আসত জীবন্ত হয়ে। আজও রাড়ের বাজিকরেরা জাহ্নবিছার খেলা দেখাবার সময় টাকু মোড়লের দোহাই নিয়ে তবে খেলা দেখায়।—দোহাই গুরুর, দোহাই টাকু মোড়লের।

নাগু ঠাকুর হালের ওস্তাদ। ডাকিনী-মন্ত্র জানে, কিন্তু ও-মন্ত্রে সে সাধনা করে নাই। নাগু ঠাকুর সাধনা করেছে ভৈরবী-তন্ত্রে। লোকে তাই বলে। না-ক-কা—১১

তবে ডাকিনী বিজ্ঞা, সাপের বিজ্ঞা, ভূত বিজ্ঞা—সবই নাকি জানে নাগু ঠাকুর। ঠাকুরের জ্ঞাত নাই, ধর্ম নাই, কোন কিছুতে অরুচি নাই, সব জাতির ঘরে যায়, সব কিছু খায়, পৃথিবীতে মানে না কিছুকে, ভয়ও করে না কাউকে। এই লম্বা মানুষ, গোরা রঙ, কুখু লম্বা চুল, মোটা নাক, বড় বড় চোখ, হা হা শব্দ তুলে হাসে, সে হাসির শব্দে মানুষ তো মানুষ, গাছপালা শিউরে ওঠে। গঙ্গারাম ডাকিনীমন্ত্র জানে শুনে তার সঙ্গে এক হাত বাণ-কাটাকাটি খেলতে চেয়েছিল। গঙ্গারাম খেলে নাই। বলেছিল—গুরু বারণ আছে, বেরান্দ্রের সঙ্গে, সম্মোসীর সঙ্গে খেলবি না।

নাগু ঠাকুর হা-হা ক’রে হেসে বলেছিল—আমার জ্ঞাত নাই রে বেটা। নিয়ে চল তোদের গাঁয়ে, থাকব সেখানে, তোদের ভাত খাব আর সাধন করব। এমন একটা কন্তো দিস, ভৈরবী করব।

চৈত্র মাসের তখন মাঝামাঝি।

হিজলের চরে পোড়ানো ঘাসের কালচে রঙের উপর সবুজ ছোপ গড়েছে। কচি কচি সবুজ ঘাসের ডগাগুলি দেখা দিয়েছে। গাছে গাছে জালচে সবুজ কচি পাতা ধরেছে। বিলের জলের উপর পদ্মের পাতা দেখা দিয়েছে। কোকিল, চোখ-গেল, পাপিয়া পাখীগুলার গলার ধরা-ধরা ভাব কেটেছে, পাখীগুলো মাতোয়ারা হয়ে ডাকতে শুরু করেছে। এদিকে হিজলের দক্ষিণ-পশ্চিম মাঠ তিল-কসলের বেগুনী রঙের ফুলে হয়ে উঠেছে কুসরোবর। এদিকে বেদেপাড়ায় হলুদ আর লাল রঙের ঢেউ খেলছে। বেদেপাড়ায় বিয়ে সাদী সাড়ার কাল এসেছে; সকল ঘরেই ছেলে-মেয়ে আছে, ধুম লেগেছে সকল ঘরেই।

বাতাসে আউচফুলের গন্ধ; আউচফুল ফুটেছে বিলের চারিপাশে অষ্টাবক্র মূনির মত আঁকাবঁকা খাটো গাছগুলি থোলো থোলো সাদা ফুলের গুচ্ছে ভ’রে গিয়েছে। মাঠময় পাতাঝরা বাঁকাচোরা বাবলা গাছগুলির ডগায় ডগায় সবুজ টোপার মত নতুন পল্লব সবে দেখা দিয়েছে।

সে দিন নোটনের কন্তো আর গোকুলের পুত্র,—হীরে আর নবীনের বিয়ে।

তিন বছরের হীরে, নবীনের বয়স দশ । গায়ে হলুদ মাখছে বেদে এঘোরা, রঙ
খেলছে, উলু পড়ছে ; ঢোল কঁাসি বাজাচ্ছে পাশের গাঁয়ের বায়েনরা, মরদেয়া
মদ তুলছে, মদের গন্ধে যত কাক আর শালিকের দল এসে পাড়া ছেয়ে
গাছের ডালে বসেছে । বেলা তখন দুপুরের কাছাকাছি, পাড়ায় সৌরগোল
উঠল ।

নাগু ঠাকুর আসিছে ! নাগু ঠাকুর !

পিঙলা ব'সে ছিল একা নিজের দাওয়ায় ।

সে চমকে উঠল । বৃকের ভিতরটা কেমন যেন গুর-গুর ক'রে উঠল ।
মনে পড়ল—নাগু ঠাকুরের সে মোটা ভরাট দরাজ কণ্ঠস্বর, তার সেই মৃতি,
লম্বা মাছুষ, গোরা রঙ, মোটা নাক, বড় বড় চোখ, প্রশস্ত বুক, গলায় রুদ্রাক্ষ
আর পৈতে । সেই হা-হা ক'রে হাসি । গগনভেরী পাখীর ডাকে আকাশে
নাকাড়া বাজে, নাগু ঠাকুরের হাসিতে বৃকের মধ্যে নাকাড়া বাজে ।

নাগু ঠাকুর আসিছে ! নাগু ঠাকুর !

উত্তেজনা পিঙলার অবসাদ কেটে গেল । সে উঠে দাঁড়াল ।

যেমন অদ্ভুত নাগু ঠাকুর—তেমনি আসাও তার অদ্ভুত । কালো একটা
মহিষের পিঠে চ'ড়ে এসে সীতালীতে ঢুকল । সঙ্গে হিজলের ঘাসচরের বাধানের
এক গোপ । ঠাকুরের কাঁধে প্রকাণ্ড এক ঝোলা । মহিষের পিঠ থেকে নেমে
হা-হা ক'রে হেসে বললে—পথে ঘোষেদের মহিষটা শেলায়, চ'ড়ে চ'লে এলাম ।
নে রে ঘোষ, তোর ঘোষ নে ।

তারপর বললে—বসব কোথা ? দে, বসতে দে ।

তাড়াতাড়ি ভাছ নিয়ে এল একটা কাঠের চৌকি ।—বসেন, বাবা বসেন ।

বসল নাগু ঠাকুর । বললে—ভাত খাব । কন্ডে, তোর হাতেই খাব ।

হাতের চিমটেটা মাটিতে বসিয়ে দিলে । পিঙলা বিচিঞ্জ বিস্ফারিত দৃষ্টিতে
তার দিকে তাকিয়ে রইল । সে দৃষ্টিতে যত আতঙ্ক, তত বিষয় । লাল কাপড়
পরনে, গৌরবর্ণ, দীর্ঘাকৃতি, উগ্র আয়ত চক্ষু, মোটা নাক—নাগু ঠাকুর যেন
দীপাল হাতী । না, নাগু ঠাকুর যেন রাজ-গোখুরা । কথা বুলছে আর হুলছে,
সঙ্গে সঙ্গে হুলছে তার বৃকের উপর রুদ্রাক্ষের মালা । কপালে ডগডগ করছে

সিংহুরের ফোটা, ঝকঝক করছে রাজা চোখ। পিঙলার বৃকের ভিতরটা গুরুগুরু
ক'রে কাঁপছে নাগ ঠাকুরের ভারী ভরাট কর্ণধরে।

ভাছ বললে—কত্তে, পেনাম কর গ। পিঙলা!

আঁা?—প্রশ্ন করলে পিঙলা; ভাছুর কথা তার কানেই যায় নাই; সে ময়
হয়ে রয়েছে নিজের অন্তরের গভীরে।

ভাছ আবার বললে—পেনাম কর গ ঠাকুরকে।

ঠাকুর নিজের পা দুটো বাড়িয়ে দিয়ে বললে—পেনাম কর। তোর জন্তেই
আসা। মা-বিষহরির হুকুম এনেছি। তোর ছুটির হুকুম হয়েছে।

—ছুটির হুকুম হইছে?

শ্রমকে উঠল পিঙলা, চমকে উঠল সঁতালীর বেদেপাড়া।

নাগ ঠাকুর দাঁড়িতে হাত বুলিয়ে মাথা ঝাঁকি দিয়ে বললে—নাগ ঠাকুর
শাক দিয়ে মাছ ঢাকে না। মিছে কথা বলে না। এই কত্তেটাকে দেখে
আমার মন বললে—ওকে না-হ'লে জীবনই মিছে। বৃকটা পুড়তে লাগল।
কিন্তু কত্তে যেখানে বিষহরির আদেশে বাকবদ্ধ হয়ে সঁতালীতে রয়েছে, তখন
সে কত্তেকে পাই কি ক'রে? শেষ গেলাম মায়ের কাছে ধরনা দিঙে চম্পাই-
নগর-রাঙামাটি। পথে দেখা হ'ল এক ইসলামী বেদে-বেদেনীর সঙ্গে। হোক
ইসলামী বেদিনী, সাক্ষাৎ বিষহরির দেবাংশিনী। সে-ই বাঙে দিলে আমাকে
—কত্তের দেনা এবারে শোধ হয়েছে, কত্তের এবারে ছুটি। নিয়ে যাও এই
নাগ, এই নাগ দেখিয়ো। ব'লো—এই নাগ কত্তা এনেছে বিষহরির কাছ
থেকে। কত্তের মুক্তি, কত্তের ছুটি—

প্রকাণ্ড ঝুলির ভিতর থেকে নাগ ঠাকুর বার করলে একটা বড় ঝাঁপি।
পাহাড়ে-চিতি রাখা ঝাঁপির মত বড়। খুলে দিলে সে ঝাঁপিটা। মুহূর্তে শিস্
দিয়ে দাঁড়িয়ে উঠল নাগ; নাগ নয়, মহানাগ। রাজির মত কালো, বিশাল
কণা মেলে সে বৃকের উপর দাঁড়িয়ে উঠল,—ছোবল মারলে মাহুয়ের বৃকে
ছোবল পড়বে, ব'লে থাকলে ছোবল পড়বে মাথায়। ছয় হাত লম্বা কালো
কেউটে। কালো স্নাটর-কলাইয়ের মত নিম্পলক চোখ, ভীষণ দুটি চেরা জিভ।

মাথা তুলে দাঁড়াতেই নাগ ঠাকুর হেঁকে উঠল, সাপটাকেই হাঁক দিয়ে

সাবধান ক'রে দিলে, না-হয় উত্তেজনার আতিশয্যে হাঁক মেয়ে নাগটাকে যুদ্ধে আহ্বান জানালে। সে হেঁকে উঠল—এ—ই !

সাপটা ছোবল দিয়ে পড়ল। সাধারণ গোখুরা কেউটের ছোবল দেওয়ার সঙ্গে তফাত আছে—অনেক তফাত। তারা মুখ দিয়ে আক্রমণ করে, এ আক্রমণ ক'রে বুক দিয়ে। আড়াই হাত তিন হাত উচ্চত দেহের উর্ধ্বাংশটা একেবারে আছাড় খেয়ে পড়ছে। মাসুষের উপর পড়বার সুযোগ পেলে দেহের ভারে এবং আঘাতে তাকে পেড়ে ফেলবে ; বৃকের উপর পড়লে চিং হয়ে প'ড়ে যাবে মাসুষ। তখন সে তার বৃকের উপর চেপে হুলবে আর কামড়াবে। মীতালীর বেদেরাও এ নাগ দেখে বারেকের জন্ত চঞ্চল হয়ে উঠল।

পিঙলা চীৎকার ক'রে ছুটে এল—ঠাকুর। তার হাতও উচ্চত হয়ে উঠেছে। সে ধরবে ওর কণ্ঠনালী চেপে। সমস্ত দেহখানা নিয়ে ঠাকুরের বৃকের উপর আছাড় খেয়ে পড়বার আগেই ধরবে।

নাগু ঠাকুর কিন্তু রাড়ের নাগেশ্বর ঠাকুর। হৃদান্ত সাহস, প্রচণ্ড শক্তি, সে তার লোহার চিমটেখানা শক্ত হাতে তুলে ধরেছে। কণ্ঠনালীতে ঠেকা দিয়ে তাকে আটকেই শুধু দিলে না, সাপটাকে উলটে ফেলে দিয়েছে।

সঙ্গে সঙ্গে কোতুকে অট্টহাস্তে ভেঙে পড়ল।

ওদিকে ভিড় ঠেলে এগিয়ে এল গন্ধারাম। সে সামনে এসেই থমকে দাঁড়িয়ে গেল। শঙ্কিত কণ্ঠে ব'লে উঠল—শাচ্ছড় ! ই তুমি কোথা পেল্যা ঠাকুর ? মুই দেখেছি, কামাখ্যা-মায়ের থান ঘি ছায়ে, সেই স্থানে আছে এই নাগ। আরে বাবা !

নাগু ঠাকুর বললে—সে আমি জানি না। আমি জানি, এ হ'ল নাগলোকের নাগ। বিষহরির বার্তা নিয়ে এসেছে। নাগিনীর মুক্তি হয়েছে, তার ঋণ সে শোধ করেছে। বলেছে আমাকে—বিষহরি দেবাংশিনী, সে এক সিদ্ধ যোগিনী। মায়ের সঙ্গে তার কথা হয়। তার সঙ্গের যে বেদে সে আমাকে বললে—তুমি মিছে কথা ভেবো না ঠাকুর। এ মেয়ে সামান্ত নয়। মা-গন্ধার জলে কন্তে ভেসে এসেছে। আমার ভাগ্যি, আমার লাগের গায়ে আটকে ছিল, আমি তুললাম—যন্ত্র ক'রে সেবা ক'রে চেতনা ফেরালম, কন্তে জ্ঞান পেয়ে প্রথম কইল

কি জান ? কইল—মা-বিষহরি, কি করলে জন্মনী, এই তোমার মনে ছিল ? সাক্ষাৎ নাগলোকের কন্তে এ মেয়ে । মা-বিষহরির সঙ্গে ওর কথা হয় ।

নাথু ঠাকুর বললে—আমার রাড় দেশে বাড়ি শুনে আমাকে বললে, রাড়ে তোমার বাড়ি, তবে গো তুমি তো হিজল বিল জান ? মা-মনসার আটন যে হিজলে—সেই হিজল ! বিষবিদ্যা জান বলছ, তা গিয়েছ কখনও সেখানে ? সাতালী জান ? সাতালীর বিষদবেদেদের জান ? আমি অবাক হয়ে গেলাম । শুধালাম—তুমি জানলে কি ক’রে ? সে কন্তের চোখ থেকে জল গড়িয়ে পড়ল । বললে—ঠাকুর, নাগলোকের কালনাগিনীর এক মায়ের পেটের অনেক কন্তের এক-একজনাকে যে এক এক জন্মে সেখানে প্ৰণশোধ করতে জন্ম নিতে হয় । আমিও এক জন্মে সেখানে জন্ম নিয়েছিলম । বড় দুঃখ, বড় ব্যতনা, বড় বঞ্চনা, বড় তাপ পেয়ে জন্ম শেষে মায়ের থানে গেলম, বললম—তুমি মুক্তি দাও । আর দুঃখ-তাপ দিয়ো না । মা আমাকে ফের পাঠায়ে দিলেন নরলোকে, বললেন—যা তবে সেই তপস্তা কর্গে যা । সেই তপ করছি ঠাকুর । মায়ের বিধান মানতে পারি নাই, তার জন্তে শাস্তি পেলম, ইসলামী বেদের লায়ে এসে উঠলাম । তার অন্ন খেলম । তবে মানুষটা ভাল । ভারি ভাল । তাতেই তো ওর সঙ্গে ঘর বেঁধেছি । ঘর না ছাই—মা-মনসার আটনে ঘুরে বেড়াই ; মায়ের থানে পূজা করি আর আদেশ মাগি । বলি—মাগো, মুক্তি দাও । দেনা শোধ কর । আমাকে শুধালে—তু তুমি কেন এমন ক’রে বাঙলা বাউলের মত ঘুরছ ঠাকুর ? ব্রাহ্মণের ছেলে, কি তোমার চাই ? আমি তাকে বললাম—কন্তে, তোর মত, তোরই মত, এক কন্তে, সেও নাগলোকের কন্তে, জন্মেছে নরলোকে, তার জন্তে আমার সব-কিছুতে অরুচি, তাকে না পেলে আমি মরব ; তারই জন্তে ঘুরছি এমন ক’রে । আমি কিছূতেই ভুলতে পারছি না, কালো মেয়ে, তার দুই হাতে দুই গোখরা, আঃ, সে রূপ আমি ভুলতে পারছি না ! সে হ’ল ওই সাতালী গাঁয়ের নাগিনী কন্তে—তার নাম পিঙলা । আজ এক মাস ঘর থেকে বেরিয়েছি । যাব চম্পাইনগর-রাঙামাটি—মা-বিষহরির দরবারে ; ধরনা দোব । হয় মা আমাকে কন্তেকে দিক—নয় তো নিক আমার জীবন, নিক বিষহরি । সে কন্তে পলকহীন চোখে চেয়ে রইল ।

আকাশ-বাতাস, গাছ-পালা, নদী-পাহাড় পার হয়ে তার দৃষ্টি চ'লে যাচ্ছিল আমি দেখলাম। গুরু নাম নিয়ে বলছি—সে আমি দেখলাম। চ'লে গেল—আঁধার রাতে আলো যেমন চলে তেমনি ক'রে চ'লে গেল। না, পাহাড়ে গাছপালায় আলো ঠেকা খায়, সে দৃষ্টি তাও খায় না। সে চলে, তার দৃষ্টি চলল। আমি অবাক হয়ে তাকিয়ে রইলাম। সে হঠাৎ বললে—পিঙলা, পিঙলা, পিঙলা কত্তে। সীতালী গাঁয়ের বিষহরির দেবাংশিনী, নাগিনী কত্তে! কালনাগিনীর মত কালো লম্বা দীঘল দেহ, টানা চোখ, টিকালো নাক, মেঘের মত কালো এক পিঠ চুল, বড় মনের যাতনা তার, দারুণ পরানটার দাহ। কত্তে কাঁদে গ। কত্তে কাঁদে, বৃকের মধ্যে একগাছ চাঁপার কলি, কিন্তু সে ফুটতে পায় না। বৃকের আগুনে ঝ'রে যায়।

গোটা সীতালীর বেদেরা বিশ্বয়ে অভিজ্ঞ হয়ে গুনছিল নাগ ঠাকুরের অলৌকিক কাহিনী। শঙ্কায় তারা স্তব্ধ হয়ে গিয়েছে। বড় কাঁপিটার ভিতর মধ্যে মধ্যে গর্জাচ্ছে সেই মহানাগটা। আর শোনা যাচ্ছে জনতার শাস-প্রশাসের শব্দ। বিষেবাড়ির বাজনা থেমে গিয়েছে। ভাহুর চোখ দুটো বড় হয়ে উঠেছে, জ্বলছে। গঙ্গারামের চোখের দৃষ্টি ছুরির মত ঝলছে। বেদের মেয়ে অম্বিকাসিনী, বেদের মেয়ে পোড়ারমুখী, মুখ পুড়িয়ে তার আনন্দ; বেদের পাড়ায় পাড়ায় অনেক গোপন খেলা;—তার জন্ত অনেক বিধান; সন্ধার পর মেয়ে বাড়ি ফিরলে, সে বাড়ি ঢুকতে পায় না;—‘শিয়াল ডাকিলে পরে বেদেরা লিবে না ঘরে, বেদেরী যাবে জাতি কুল।’ সে সব পাপ শুন হয় ওই এক বিষহরির কন্টার তপস্রায়, তার পুণ্যে। নাগ ঠাকুরের কথার মধ্যে যদি দেবতার কথার আদেশের প্রতিধ্বনি না থাকত তবে নাগ ঠাকুরকে তারা সড়কিতে বিঁধে ঝাঁঝরা ক'রে দিত। আরও আশ্চর্য নাগ ঠাকুর;—সে সব জানে, তবু তার ভয় নাই। কেন সে ভয় করবে! এ তো তার কথা নয়, দেবতার কথা। বিষহরির এক কন্টার কথা। সে সশরীরে এসেছে নাগলোক থেকে, তপস্রা করছে জীবনভোর। যে তপস্বিনী যোগিনী-কন্টার সঙ্গে মা-বিষহরির কথা হয়, তারই কথা সে বলছে।

বিশ্বয়ে বিচিহ্ন ভাবোপলব্ধিতে পিঙলা যেন পাথরের মূর্তি। পলকহীন

দৃষ্টিতে তাকিয়ে আছে সে ঠাকুরের দিকে। বড় বড় চোখ, মোটা নাক, গৌরবর্ণ দেহ, কপালে সিঁহুরের ফোঁটা, মাথায় বড় বড় রুক্ষ কালো চুলের রাশি, মুখে দাড়ি গোঁফ। গমগম করছে তার ভরাট গলার আওয়াজ। বলছে সেই কাহিনী। বলছে পিঙলার বুকের ভিতরের চাঁপাগাছে ভ'রে আছে চাঁপার কলি। কিন্তু ঝ'রে যায়, বুকের আঙুনে ঝলসে সব ঝ'রে প'ড়ে যায়। একটাও কোনদিন ফোটে না।

পিঙলা অকস্মাৎ মাটির উপর প'ড়ে গেল, মাটির পুতুলের মত।

নাগু ঠাকুর তার গৌরবর্ণ গোলালো দুখানা হাত দিয়ে কালো মেয়েটিকে তুলে নিতে গেল। এমন যে নাগু ঠাকুর, যার গলার আওয়াজ শুনে মনে হয় শিঙা বাজছে বৃষ্টি, সেই মাছুষের গলায় এবার যেন শানাই বেজে উঠল, সে ডাকলে—পিঙলা! পিঙলা!

তার আওয়াজকে ঢেকে দিলে এবার গঙ্গারামের চীৎকার, সে চীৎকার করে উঠল—খবরদার! সঙ্গে সঙ্গে লাফ দিয়ে পড়ল নাগু ঠাকুর আর পিঙলার মাঝখানে। নাগু ঠাকুরের বাড়ানো দুখানা হাত দু হাতে চেপে ধরলে। চোখে তার আগুন জ্বলছে। গঙ্গারাম ডোমন করতে, সে ফণা তোলে না, তার চোখ স্থির কুটিল, আজ কিন্তু গঙ্গারাম গোথুরা হয়ে উঠেছে। সে বললে—খবরদার ঠাকুর! কণ্ঠেরে ছুঁইবা না। হও তুমি বেরাক্ষণ, হও তুমি দেবতা, সীতালীর বিষবেদের বিষহরির কণ্ঠের অঙ্গ পরশের হুকুম নাই।

এবার ভাছ গর্জন ক'রে সাগর দিয়ে উঠল—ই। অর্থাৎ ঠিক কথা, এই কথাটাই তারও কথা, গোটা সীতালীর বেদেজ্ঞানের কুলের কথা।

ভাছর সঙ্গে সঙ্গে গোটা বেদেপাড়াই সাগর দিয়ে উঠল—ই।

নাগু ঠাকুর সোজা মাছুষ, বুকের কপাট তার পাথরে গড়া কপাটের মত শক্ত, সে কখনও নোয়ায় না, সে আরও সোজা হয়ে দাঁড়াল। বড় বড় চোখে দৃষ্টি ধ্বকধ্বক ক'রে উঠল। সে চীৎকার ক'রে উঠল, শিঙা হাঁকে উঠল—বিষহরির হুকুম! মা কামাখ্যার আদেশ।

গঙ্গারাম বললে—মিছা কথা।

ভাছ বললে—পেমান কি ?

নাগু ঠাকুর এবার নিজের হাত ছাড়িয়ে নেবার জ্ঞান আকর্ষণ ক'রে বললে—
হাত ছাড়।

—না।

নাগু ঠাকুর যেন দাঁতাল হাতী। এক টানে লোহার শিকল বনবন শব্দ
ক'রে ছিঁড়ে টুকরা টুকরা হয়ে যায়। নাগু ঠাকুরের এক ঝাঁকিতে গঙ্গারামের
হাত দুখানা মুচড়ে গেল, সে-মোচড়ের যন্ত্রণায় তার হাতের মুঠি খুলে গেল এক
মুহূর্তে। হা-হা শব্দে হেসে উঠল নাগু ঠাকুর। নাগু ঠাকুরের ভয় নাই।
চারিপাশে তার হিজলের ঝাউবন ঘাসবনের চিতাবাঘের মত বেদের দল ;—
তারই মধ্যে দাঁড়িয়ে সে হা-হা ক'রে হেসে উঠল।

সঙ্গে সঙ্গে তার বুকে পড়ল মৃগুরের মত হাতের একটা কিল। অতর্কিত
মেরেছে গঙ্গারাম। একটা শব্দ ক'রে নাগু ঠাকুর টলতে লাগল, চোখের তারা
ছুটো টারা হয়ে গেল, টলতে টলতে সে প'ড়ে গেল কাটা গাছের মত।

গঙ্গারাম বললে—বাঁধ শালাকে। রাখ বেঁধা। তাপরেতে—

ভাছু সভয়ে বললে—না। বেরাঙ্গণ। গঙ্গারাম—

—কহু। উ শালার কুনো জাত নাই। শালা বেদের কণ্ঠে নিয়া ঘর
বাঁধিবে, উর আর জাত কিসের ?

—ওরে, সিদ্ধপুরুষের জাত থাকে না।

হা-হা ক'রে হেসে উঠল গঙ্গারাম। বললে—আনেক সিদ্ধপুরুষ মুই
দেখিছি রে। সব ভেলকি, সব ভেলকি। হি-হি হি-হি ক'রে হাসতে লাগল
গঙ্গারাম।

পিঙলা ব'লে যাচ্ছিল তার কাহিনী। হিজল বিলের বিবহরির ঘাটের উপর ব'সে ছিল দুজনে—পিঙলা আর শিবরাম। মাথার উপর ঝড় উঠেছে, হ-হ ক'রে ব'য়ে চলেছে, মেঘ উড়ে চলেছে। মধ্যো মধ্যো নীল বিহুতের আকাবাকা সর্পিলরেখায় চিড় খাচ্ছে কালো মেঘের আবর্তিত পুঞ্জ। কড়কড় ক'রে বাজ'ডেকে উঠছে।

পিঙলার ক্রক্ষেপ নাই। তার বিশ্বাস, হিজলের আশেপাশে বজ্রাঘাত হয় না। তার বিশ্বাস, সে যখন মায়ের চরণে প্রার্থনা জানিয়ে মন্ত্র প'ড়ে হিজল বিলের সীমানার শাস্তিভঙ্গ না ক'রে দূরান্তরে চ'লে যেতে মেঘকে ঝড়কে আদেশ করেছে, তখন তাই যেতে সে বাধ্য এবং তাই যাবে।

শিবরাম বলেন—ভাল ক'রে কি ঝড় লক্ষ্য করেছে তোমরা বাবা? হয়তো কেতাবে পড়েছ, কিন্তু আমরা সেকালের মানুষ—এ সব পাঠ গ্রহণ করেছি প্রকৃতির লীলা থেকে। ঝড়টা সেদিনের ছিল শুকনো ঝড় এবং উপর-আকাশের ঝড়। অনেক উপরে উনপঞ্চাশ পবনের তাণ্ডব চলছিল, নিচে তার কেবল আঁচটা লাগছিল। এমন ঝড় হয়। সে দিনের ঝড়টা ছিল সেই ঝড়। সেদিনের ঝড়টা যদি পৃথিবীর বুকে নেমে ব'য়ে যেত, তবে হিজলের চরের ঝাউবন বাবলাবন শুয়ে পড়ত মাটিতে, হিজল বিলের জল চলকে পড়ত চরের উপর, গজার বুকের নোকা যেত উড়ে। সীতালী বেঙ্গিদের কাশে-ছাওয়া খড়ের চাল ঝড়ের নদীতে নোঙর-ছেড়া পানসির মত ঘুরতে ঘুরতে চ'লে যেত উধাও হয়ে, পিঙলা আর আমি—নাগিনী কনু আর ধনুস্তরি-ভাই চ'লে যেতাম শূন্যলোকে ভেসে।

হেসে শিবরাম বললেন—তাই যদি যেতাম বা, তা হ'লে উড়ে যেতে যেতে পিঙলা নিশ্চয় খিলখিল ক'রে হেসে উঠত, বলত—ধনুস্তরি-ভাই, মনে কর মা-মনসার ব্রতের কথা ; নাগলোকের ভাইয়েরা বেনে-কন্ডাকে বলেছিল—বহিন, দেহকে বাঁটুলের মত গুটিয়ে নাও, তুলোর চেয়ে হালকা হও, আমাদের সন্ধে ভর কর, চক্ষু দুটি বন্ধ কর। দেখবে সৌ-সৌ ক'রে নিয়ে গিয়ে তুলব নাগলোকে। তেমনি ক'রে ধনুস্তরি আজ ভাই, আমার কাঁধের উপর ভর কর, ভয় ক'রো না।

পিঙলার তখন রাস্তাবোধ বোধ হয় একেবারে বিলুপ্ত হয়ে গিয়েছে। মস্তিষ্কের বায়ু সেটাকে আচ্ছন্ন ক'রে ফেলেছে, আর বায়ুকে আশ্রয় ক'রে মেঘের মত পুঞ্জিত হচ্ছে আবর্তিত হচ্ছে ওই অলৌকিক বিশ্বাস। উন্মাদ রোগের ওই লক্ষণ। একটা মনোবেদনা বা অন্ধ বিশ্বাস নিরন্তর মানুষের মন এবং দেহের মধ্যে সৃষ্টি করে গুমোটের, যে ভাবনা প্রকাশ করতে পারে না মানুষ, সেই নিরুদ্ধ অপ্রকাশিত ভাবনা বায়ুকে কুপিত ক'রে তোলে। তারপর প্রকৃতির নিয়মে কুপিত বায়ু ঝড়ের মত প্রবাহিত হয়। তখন এই বেদনা বা বিশ্বাস মেঘের মত মস্তিষ্কে আচ্ছন্ন ক'রে চুর্যোগের সৃষ্টি করে।

পিঙলা সে দিনও আকাশের উর্ধ্বলোকে প্রবাহিত ঝড়ের দিকে আঁতুল দেখিয়ে হেসে বললে—দেখিছ ধনুস্তরি-ভাই, জমুনীর মহিমা !

শিবরাম বলেন—একটা গভীর মমতা আমার ছিল—মোড়া থেকেই ছিল। এমনই যারা বহু—যাদের প্রকৃতির মধ্যে মানব প্রকৃতির শৈশব মাধুর্যের অবিমিশ্র আনন্দ মেলে, রূপ ও গন্ধের পরিচয় মেলে, তাদের উপর এই মমতা স্বাভাবিক, তোমরা এদের সংসর্গে আস নাই—তাই এই আকর্ষণের গাঢ়তা জান না। আমার ভাগ্য, আমি পেয়েছি। সেই আকর্ষণের উপরে সে দিন আর এক আকর্ষণ সংযুক্ত হয়ে সবলতর প্রবলতর ক'রে তুলেছিল আমার আকর্ষণকে। সে হ'ল—রোঙ্গীর প্রতি চিকিৎসকের আকর্ষণ। আমি পিঙলার আচরণের মধ্যে রোগের উপসর্গের প্রকাশ-বৈচিত্র্য দেখছিলাম। ভাবছিলাম, রোগেরও অন্তরালে লুক্কায়িত রয়েছেন যে বিচিত্র রহস্যময়ী, তিনি কি ভাবে পিঙলাকে গ্রাস করবেন ? রোগের অন্তরালে কোন্ রহস্যময়ী থাকেন, বোঝ তো ?—যত্ন। তা-ছাড়া, পিঙলার কাহিনী ভাল লাগছিল।

পিঙলা ওই পৰ্বন্ত ব'লে খানিকটা চূপ করেছিল। নাগু ঠাকুর বৃক্কের উপর অতর্কিত প্রচণ্ড আঘাত খেয়ে প'ড়ে গেল—সে ছবি শিবরামের চোখের উপর ভাসতে লাগল। এতগুলি কৃষ্ণকায় মানুষের মধ্যে গৌরবর্ণ রক্তাশ্বর-পরা ওই বিশালদেহ অসমসাহসী মানুষটা টলতে টলতে প'ড়ে গেল। পিঙলা ব'লে চূপ করলে। উদার দৃষ্টিতে আকাশের ঘন আবর্তিত মেঘের দিকে চেয়ে রইল। তারপর দূরে একটা বজ্রপাতে সচেতন হয়ে আকাশের দিকে, আঙুল তুলে দেখিয়ে বললে—দেখছ ধ্বস্তরি-ভাই, জহ্নুনীর মহিমা!

—ঠাকুর আসিবে। সে-ই আনিবে আমার ছাড়পত্তর—বিধেতার দরবারে হিলাব-নিকাশে কণ্ঠের ফারখতের হুকুম। বেদেবুলের বন্ধন খেক্যা মুক্তির আদেশ আনিতে গেলছে ঠাকুর। আমিই তারে সেদিনে হাতপায়ের বাঁধন খুল্যা ছেড়া দিলম; না-হ'লি ওই পাপী শিরবেদেটা তারে জ্যান্ত রাখিত না। খুন কর্যা ভাসায়ে দিত হাঙরমুখীর খালে। হাঙরে কুন্তীরে খেয়ে ফেলাত ঠাকুরের গোরা দাঁতাল-হাতীর পারা দেহখানা।

শিউরে ওঠে পিঙলা।

—ভাগ্য ভাল, ভাছ মামারে সেইদিন খেক্যা স্মৃতি দিলে মা-বিষহরি। সে-ই এস্যা আমাকে কইলে—কণ্ঠে তুমি কও, মায়ের চরণে মতি রেখ্যা খেদান কর্যা বল, বেরান্ধণের লোছ সঁতালীর মাটিতে পড়িবে কি না-পড়িবে। গঙ্গারাম বলিছে—উকে খুন কর্যা ফেলে দিবে হাঙরমুখীর খালে। বলিছে—ছেড়া যদি দিস তবে উ ঠাকুর সন্ধান কর্যা দিবে।

সেই যে চেতনা হারিয়ে মুছিত হয়ে পড়েছিল পিঙলা, অনেকক্ষণই তার জ্ঞান হয় নাই। তারপর জ্ঞান ফিরল যখন, তখন সে তার দাঁড়ায় শুয়ে, আর তার মাথার কাছে ব'লে ভাছর মেয়ে—তার মামাতো বোন চিতি। বাড়ির সামনে যেখানে সে দেখেছিল নাগু ঠাকুরকে আর সঁতালীর বেদেদের—সেখানটা শূন্য। দূরে বিয়েবাড়িতে লোকজন ব'লে রয়েছে। জটলা করছে। বাজনদারেরা ছুটে পালিয়েছে। নাগু ঠাকুরকে বৃক্ক কিল মেরেছে—নাগু ঠাকুর যখন উঠবে, তখন সঁতালীতে বিপর্যয় ঘটবে। মৌলীছি বোলতা ভিমরুলে ভ'রে যাবে

সাঁতালীর আকাশ। কিংবা জ'লে উঠবে সাঁতালীর কাশে-ছাওয়া ঘরবাড়ি।
কিংবা প্রচণ্ড বড়ই আসবে—যা হোক একটা ভীষণ বিপর্যয় ঘটবে।

পিঙলাকে সমস্ত বিবরণ বললে চিত্তি।

বললে—আহা, দিদি গ, মাঝুষ তো নয়, সাক্ষাৎ মহাদেব গ। পাখরের
কপাটের মতন বুকের পাটা, গোরা রঙ, বীর মাঝুষ, পড়ল ধরাস ক'রে।

ভাছ ছুটে এল এই সময়ে। ঐ প্রশ্ন করলে—বেরাক্ষণের লোহ সাঁতালীর
মাটিতে পড়িবে কি না-পড়িবে।

পিঙলা বললে—কি হ'ল আমার, সে কথা তুমাকে বলতে লারব ধবস্তরি-
ভাই। ই ঠিক যেমন হ'লছিল—সেই বাবুদের বাড়িতে, ওই নাগু ঠাকুরের হাঁক
শুনা, বেদেগুলের মাঝ যায়-যায় দেখা যেমনি হ'লছিল, ঠিক তেমনি হ'ল।
পরানটা আকুলি হয়ে উঠল। মনে মনে পরানটা ফাটায়ে ডাকিলম মা-
বিষহরিকে। বলিব কি ভাই, চোখে দেখিলাম যেন মায়ের রূপ। ওই
আকাশের ম্যাঘে যেমন চিকুর হেঁচা মিলায়ে যেতিছে বিদ্যাতের চমক, তেমনি
চকিতে দেখিলম—চকিতে মিলায়ে গেল। পিথিমীটা যেন ঢুল্যা উঠল,
ছামুতে হেই হিজল বিল উথলায়ে উঠল। গাছ হলিল—পাতা হলিল।

পিঙলা আবার মুছিত হয়ে প'ড়ে ছিল। এবার কিন্তু গতবারের মত
নয়। এবার তার উপর হ'ল বিষহরির ভর। মুছার মধ্যেই মাথা তার ঢুলতে
লাগল, মাথার সে আন্দোলনে কথু চুলের কিশি চারিপাশে ছড়িয়ে পড়ল।
বিড়বিড় ক'রে সে বললে—ছেড়া দে। সিন্ধুপুরুষকে তোরা ছেড়া দে,
বীরপুরুষকে তোরা ছেড়া দে। কন্তে থাকিবে না, কন্তে থাকিবে না। মা
কহিছে, কন্তে থাকিবে না।

পিঙলা বলে—সেই বিচিত্র বিশ্বয়কর ক্ষণে বিষহরি মাকে চোখে দেখেছিল।
ওই চকিতে দেখা দিয়ে মা আঙুল দিয়ে দেখিয়ে দিলেন যেন কি। পিঙলা
দেখলে—ধরাশায়ী মদমস্ত শ্বেতহস্তীর মত নাগু ঠাকুরকে। বুক তার কজাকের

মালা নিখাসে-প্রখাসে ডুলছে, হাত-পা বাঁধা, কিন্তু চোখে তার নির্ভয় দৃষ্টি। নাগু ঠাকুরের শিঙার মত কণ্ঠস্বর কানের কাছে বেজে উঠল—“কন্ঠা থাকিবে না। বিষহরির হুকুম আমি শুনেছি। আমি ওই কণ্ঠকে নিতে এসেছি।”

এদিকে কন্ঠার ভর দেখে ভাছু চীৎকার ক’রে উঠেছিল—মা জাগিছেন, কন্ঠের ভর হইছে। ভর হইছে। ধূপ—ধূনা—বিষমটাকি! নিয়ে আয়, নিয়ে আয়।

ধূপধূনার গন্ধে, ধোঁয়ায়, বিষমটাকির বাণ্ডে সে যেন নূতন পর্বদিন এসেছিল সীতালী গায়ে।

—কি আদেশ কও মা!

পিঙলার সেই এক কথা।—সিন্ধুপুরুষ—ছেড়ে দে, ছেড়ে দে। কন্ঠা থাকিবে না। কন্ঠা থাকিবে না।

বলতে বলতে নিজীব হয়ে পড়েছিল পিঙলা। যেন নিখর হয়ে গিয়েছিল। সে জেগেছিল দীর্ঘক্ষণ পর। তখন তার সামনে দাঁড়িয়ে গঙ্গারাম, চোখে তার ক্রুর দৃষ্টি। ভোমন করেতের দৃষ্টি মেলে তার দিকে চেয়ে ছিল।

কিছুক্ষণ পর পিঙলা টলতে টলতে উঠল, ডাকলে—ভাদুমা!

—জমুনী!

—ধর আমাকে।

—কোথা যাবে গ, ই দেহ নিয়া?

—যাব। ঠাকুর কোথাকে আছে, নিয়া চল আমাকে। বিষহরির আদেশে কইছি মুই। নিয়া চল।

আশ্চর্য আদেশের স্বর ফুটে উঠেছিল পিঙলার কণ্ঠস্বরে। সে স্বর লজ্জনের সাহস বেদেদের কোনকালে নাই।

হাতে পায়ে বেঁধে ফেলে রেখেছিল নাগু ঠাকুরকে।

আশ্চর্য, নাগু ঠাকুর চুপ ক’রে শুয়ে ছিল—যেন আরাম শয্যায় শুয়ে আছে। পিঙলার ধ্যান-কল্পনার দেখা ছবির সঙ্গে আশ্চর্য মিল।

পিঙলা প্রথমেই তাকে প্রণাম করলে, তারপর নিজের হাতে তার হাত-

পায়ের বাঁধন খুলে দিয়ে হাত জোড় ক'রে বললে—বেদেগুলের অপরাধ মাফনা করি যাও ঠাকুর। তুমি ঘর যাও।

নাগু ঠাকুর উঠে দাঁড়িয়ে একবার গম্ভীরকণ্ঠে ডাকলে—পরমেশ্বরী মা! তারপর বললে—প্রমাণ চেয়েছিল তোরা? ভাল, প্রমাণ আমি আনব। এনে, শোন, কন্তে, প্রমাণ দিয়েই তোকে আমি নিয়ে যাব। তোকে নইলে আমার জীবনটাই মিছে।

—ছি ঠাকুর, তুমি বেরাঙ্গণ—

—জ্ঞাত আমি মানি না কন্তে, এ সাধনপথে জ্ঞাত নাই। থাকলেও তোর জন্তে সে জ্ঞাত আমি দিতে পারতাম। তোর জন্তে রাজসিংহাসন থাকলে তাও দিতে পারতাম। নাগু ঠাকুরের লজ্জা নাই, মিছে কথা সে বলে না।

কথা বলতে বলতে নাগু ঠাকুর যেন আর একজন হয়ে গেল। ধ্বস্তরি, শিঙা যেন শানাই হ'ল, তাতে যেন সুরে এক মধুর গান বেজে উঠল। মুখে চোখে গোরা রঙে যেন আবীরের ছটা ফুটল।

—সব, স'রে যা। দুটারে, দুটারেই খুন করব মূই।

বেদেদের ঠেলে এগিয়ে এল গঙ্গারাম।

হা-হা ক'রে হেসে উঠল নাগু ঠাকুর। এবার আর সে অপ্রস্তুত নয়। হাতের লোহার ত্রিশূলটা তুলে বললে—আয়। শুধু হাতে যদি চাল তো তাই আয়। হয়ে যাক, আজই হয়ে যাক।

তীক্ষ্ণস্বরে চিৎকার ক'রে উঠল পিঙলা—বেকরদার! ঠাকুর যা বলিছে সে আপন কথা বলিছে। মূই বাই নাই। যতক্ষণ মায়ের আদেশ না মিলবে মূই যাব না। বেরাঙ্গণকে পথ দে।

গঙ্গারাম নাগু ঠাকুরের হাতে ত্রিশূল দেখে, অথবা পিঙলার আদেশে, কে জানে, থমকে দাঁড়াল।

নাগু ঠাকুর বেরিয়ে গেল বেদেপাড়া থেকে। যাবার সময় গঙ্গারামের সামনে দাঁড়িয়ে বললে—প্রমাণ বেদিন আনব, সেদিন এই কিলের শোধ আমি নোব। বুকটাকে লোহাতে বাঁধিয়ে রাখিল, এক কিল সেদিন আমি মারব

তোর বুকে । না, দু কিল—এক কিল আসল, এক কিল হুদ । হা-হা ক'রে
হেসে উঠল নাগ ঠাকুর !

ওই হাসি হাসতে হাসতেই চ'লে গেল নাগ ঠাকুর ।

গোটা বেদেপাড়াটা স্তম্ভিত হয়ে রইল ।

পিঙলা বললে—ধনস্তরি ভাই, তুমার কাছে মূই কিছু গোপন করব না,
পরানের কথাগুলান বুকের ভিতরে গুমুরা গুমুরা কেঁদা সারা হ'ল । দুঃখের
ভাগী আপনজনার কাছে না-বল্যা শাস্তি নাই । তুমারে সকল কথাই কই,
শুন । হও তুমি মরদ মানুষ, তবু তুমি আমার ধরম-ভাই । মনে লাগে, যেন
কত জনমের আপন থেক্যাও আপনজনা । বলি শুন ভাই । মানুষটা চল্যা
গেল, এ হতভাগীর নয়ন ছুটা আপনা থেক্যাই ফিরল তার পানে । সে চ'লে
গেল, কিন্তু পথ থেকে নয়ন ছুটো আর ফিরল না । লোকে পাঁচ কথা কইলে ।
কিন্তু কি করব কও ? ধনস্তরি ভাই, সূর্যমুখী পুষ্প—সূর্যঠাকুরের 'পানে
তাকায় থাকে, দেবতার রথ চলে, পুৰ থেক্যা পচি মুখে—নয়নে তার পলক
পড়ে না, নয়ন তার ফেরে না । নাগ ঠাকুর আমার সূর্যঠাকুর । তেমুনি বরণ
তেমুনি ছটা—ঠাকুর আমার বন্ধন-মোচনের আদেশ নিয়া আসিল, কইল—ওই
কত্তেরে লইলে পরানটা মিছা, পিখিমীটা মিছা, বিদ্যা মিছা, সিদ্ধি মিছা ;
তার লাগি সে জাত মানে না, কুল মানে না, বংশ মানে না । এই কালো
কত্তে—কালনাগিনী—এরে নিয়া ঘর বাঁধিলে, বুকে ধরিলে, হেন পুরুষ ই
পিখিমীতে কে ? কোথায় আছে ? আছে ওই নাগবিদ্যায় সিদ্ধ নাগ ঠাকুর ।
নাগলোকে নর গেলে পরে পরান নিয়া ফেরে না । নাগলোকের বাতালে
বিষ—মানুষ চল্যা প'ড়ে যায়, নাগলোকের দংশনে পরান যায় । কিন্তু বীর-
পুরুষের যায় না । পাণ্ডব অর্জুন নাগরাজ্যার কত্তেকে দেখেছিল—মা-গজার
জলে, কত্তেকে পাবার তরে হাত বাড়ালে, কত্তে হেসে ডুব দিলে জলে । বীর-
পুরুষও ডুবল । এক্ষা উঠল নাগলোকে । বিষ-বাতালে সে চল্যা পড়ল না,
সে বাতালে তার পরানে মধুর মদের নেশা ধরিয়ে দিলে । নাগলোক এল ই-

হাঁ ক'রে, বীরপুরুষ যুদ্ধ ক'রে কণ্ঠকে জয় ক'রে লিলে। নাগু ঠাকুর আমার তাই। সে চ'লে গেল, আমার নয়ন দুটি তার পথের পানে না-ফিরা থাকে কি ক'রে কও? তাকায়ে ছিলম তার পথের পানে। রাতের পথ, মা-গন্ধার কূল থেকে চলা গিয়াছে পচি মুখে। দুই ধারে তালগাছের সারিও চলা গিয়াছে—আঁকাবাঁকা পথের দুই ধারে এঁকে-বঁেকে। শূন্যঠাকুর তখন পাটে বসেছে, তার লাল ছটা সেই তালগাছের সারির মাথায় মাথায় রঙের ছোপ বুলায়ে দিয়েছে; চিকণ পাতায় পাতায় সে পিছলে পিছলে পড়িছে। মাটির ধুলোতে তার আভা পড়িছে। ওদিকে মাঠে তিল ফুলের বেগুনে রঙের উপর পড়িছে লাল আলোর রঙ। নাগু ঠাকুর সেই পথ ধর্যা চলা গেল। মুই অভাগিনী রইলম খালি পথের পানে তাকায়ে। ভঁশ আমার ছিল না। হ'ল হ'ল, কে যেন ঘাড়ে ধ'রে দিলেক ঝাঁকি!

ঝাঁকি দিলে গন্ধারাম।

কুংসিত হাসি হেসে সে বললে—চাপার ফুল ফুটল লাগিছে! আঁ?

চাপার ফুলের অর্থ, ধনুস্তরি-ভাই জানে কি-না প্রশ্ন করলে পিঙলা। শিবরাম হাসলেন। যুহুস্বরে বললেন—জানি।

শিবরাম জানবেন বইকি। তিনি যে আচার্য ধূর্জটি কবিরাজের শিষ্য। তিনি গ্রামের মানুষ, শুধু গ্রামের মানুষ নন, গ্রামের যে মানুষ ভূমিকে জানে, নদীকে জানে, বৃক্ষকে জানে, লতাকে জানে, ফল ফুল ফসলকে জানে, কীট পতঙ্গ জীব-জীবনকে জানে—সেই মানুষ। তিনি জানেন, নাগমিলন-তুষাতুরা নাগিনীর অঙ্গসৌরভ ওই চাপার গন্ধ। প্রকৃতির নিয়মে অভিসারিকা নাগিনীর অঙ্গখানি সৌরভে ভ'রে উঠবে, চম্পকগন্ধা তার প্রেমের আমন্ত্রণ পাঠিয়ে দেবে—অঙ্ককার লোকের দিকে দিকে।

পিঙলা বলে—না না। হ'ল না। তুমি জান না ধনুস্তরি-ভাই। সে বলে—অভিসারিকা নাগিনী চম্পকগন্ধা বটে, এ কথাটা ঠিক। কিন্তু প্রকৃতির নিয়ম না কি বললে না? ও কথাটার অর্থ কি সে তা জানে না, তবে মূল কথাটা তা নয়। কালো কানাই গো, কালো কানাই, কালিন্দীর কূলে ব্রজধাম, সেখানের মাটিতে উদয় হয়েছিল—কালোচাঁদের। সেই কানাইয়ের কারণ। শোন, গান শোন।

বিচিত্র বেদের মেয়ে, মাথার উপরে ঝ'ড়ো আকাশ, বাতাসের একটানা
সৌ-সৌ শব্দ, তারই সঙ্গে যেন সুর মিলিয়েই গান ধ'রে দিলে—

কালীদেহের কূলে ব'সে, সাজে ও কার ঝিয়ারী ?

ও তো লয় কো গৌরবরণী রাধা বধু শ্রামপিয়ারী ।

ও কার ঝিয়ারী ?

সাজছে যে তার দেহের বর্ণ কালো । কালো কানাইয়ের বর্ণের আলো
আছে, কানাই কালো—ভুবন আলো করে ; এ মেয়ের কালো রঙে আলো
নাই কিন্তু চিকন বটে ! ও হ'ল কালীয়নাগনন্দিনী, কালীদেহের কূলে মনোহর
সজ্জায় সেজে কালো কানাইয়ের আশায় ব'সে আছে । অন্ধে তার
চম্পক-সজ্জা ।

খোঁপায় পরেছে চাঁপা ফুল, গলায় পরেছে চাঁপার মালা । বাহুতে চাঁপার
বাজুবন্ধ, হাতে চাঁপার মালা, কোমরে চাঁপার সাতনরি । কালীদেহের কূলে
ব'সে কদম্বতলার দিকে চেয়ে গুনগুন ক'রে সে গান গাইছে ।

ওরে ও নিঠুর কালীয়া,

কি অগ্নি জ্বালালি বুকে—কি বিষমো জ্বাল !

সে জ্বালায় মোর বুকের বিষ—জ্বালা জ্বালা জ্বালা ছুটল মধু !

আমার মুখের বিষের পাত্রে, মধু আমার থাইয়া যাও রে বধু !

ধূঁজিটি কবিরাজের শ্রীমদ্ভাগবতে মহাভারতে হরিবংশে আছে শ্রীকৃষ্ণের
কালীয়নাগ দমনের কথা । পিণ্ডলার সঁতালী, গায়ের বেদের আলো আরও
খানিকটা । ওরা বলে—আরও আছে । বলে—নাগ যুদ্ধে হার মানেন নাই ।
বিষম যুদ্ধের পর নাগ বললেন—আমি মরব, তবু হার মানব না । হার মানতে
পারি এক শর্তে । সে শর্ত হ'ল, তোমাকে আমার জামাই হতে হবে । আমার
কন্যাকে বিয়ে করতে হবে । বল, তা হ'লে হার মানব । কুটিল কানাই
তাতেই রাজী হলেন । কালীদেহের জলের তলায় বেজে উঠল বিয়ের বাদ্যি ।
কালীয়নাগ হার জেনে মাথা নোয়াল, অস্ত্র সমর্পণ করলে । কালীয়নাগের বিব-
মাখানো অস্ত্রগুলি নিয়ে, মাথার মণি নিয়ে কানাই 'এই আসি' ব'লে চ'লে

গেলেন—আর এলেন না। চ’লে গেলেন মথুরা। সেখান থেকে ঝারকা।
ওরা বলে—সেই অবধি সন্ধ্যাকালে কালীদহের কূলে দেখা যেত এক কালো
মেয়েকে। পরনে তার রাঙা শাড়ি, চোখে তার নিম্পলক দৃষ্টি, দেহে তার
লতার মত কমনীয় গঠন-লাবণ্য, সর্বদা চম্পকভরণ। সে কাঁদত। নিত্য
কাঁদত। আর ওই গান গাইত—‘ওরে ও নিষ্ঠুর কালিয়া !’

এই কাহিনী ওদের গানে আছে, মুখে মুখে গল্পে আছে।

সন্ধ্যাবেলা এই কাহিনী শুনে, স্বরণ ক’রে সীতালীর নাগিনী কন্তেরা
চিরকাল দীর্ঘনিশ্বাস ফেলে। বিরলে ব’লে গুনগুন ক’রে অথবা নির্জন প্রান্তর-
পথে উপকণ্ঠে সঙ্করণ করে ওই গান চিরকাল গেয়ে আসছে—

আমার বুকের বিষ জল্যা জল্যা জল্যা হইল মধু !

কালীদহের কূলে কুম্ভাভিলাষিনী ব্যর্থ-অভিসারিকা কালীয়নাগনন্দিনীর
চম্পক-সজ্জার সৌরভ একদা বিচিত্র রহস্তে তার দেহসৌরভে পরিণত হয়েছিল।
সেই চম্পকগন্ধযুক্তা বেদনাতুরা কুমারীকে দেখে নাকি অল্প সব পতিগরবিনী
সোহাগিনী নাগকন্ঠারা হেসে ব্যঙ্গ করেছিল। সেই ব্যঙ্গে বেদনার উপর বেদনা
পেয়ে কুম্ভাভিলাষিনী চম্পকগন্ধা কুমারী অভিলাপ দিয়েছিল, বলেছিল—এ কামনা
কার না আছে সৃষ্টিতে ? আমার সে কামনা দেহগন্ধে প্রকাশ পেয়েছে ব’লে
যেমন ব্যঙ্গ করলি তোরা, তেমনি আমার অভিলাপে নাগিনী কূলে যার অন্তরে
যখন এই কামনা জাগবে, তখনই তার অঙ্গ থেকে নির্গত হবে এই গন্ধ। আমি
কুম্ভাভিলাষিনী, আমার তো লজ্জা নাই, কিন্তু তোমার লজ্জা পাবি—শান্তা-নন্দ-
স্বপ্ন-ভাস্করের সংসারে, সংসারের বাইরে নাগপ্রধানদের সমাজে।

শিবরাম বলেন—ওদের পুরাণকথা ওকথাই সৃষ্টি করেছে। আমাদের পুরাণ
সত্য হ’লেও ওদের পুরাণকথাও সত্য ; কিন্তু থাক সে কথা। পিঙলার কথাই
বলি শোন।

পিঙলা কিছুক্ষণ চুপ ক’রে রইল। বোধ হয় কালীয়নাগকুমারীর বেদনার
কথা স্বরণ ক’রে বেদনা অনুভব করছিল। বোধ হয় নিজের বেদনার সঙ্গে
মিলিয়ে নিচ্ছিল।

শিবরাম বলেন—পিঙলার চোখে সেইদিন প্রথম জল দেখলাম। পিঙলার নীর্ণ কালো গাল দুটি বেয়ে নেমে এল দুটি জলের ধারা! তিনি বললেন—আজ থাক্ রে বহিন। আজ তুই স্নান ক’রে বাড়ি যা। এইবার বৃষ্টি আসবে।

পিঙলা আকাশের দিকে তাকালে।

মোটা মোটা ফোঁটায় বৃষ্টি পড়তে শুরু হ’ল। মোটা ফোঁটা কিন্তু ধারাতে ঘন নয়, একটু দূরে দূরে পড়ছে, যেমন বৃষ্টি নামার শুরুতে অনেক সময় হয়। হিজলের জলে মোটা ফোঁটাগুলি সশব্দে আছড়ে প’ড়ে ঠিক যেন খই ফোঁটাচ্ছে, যেন পালিশ-করা কালো পাথরের মেঝের উপর অনেকগুলো ছেনি-হাতুড়ির ঘা পড়ছে। পিঙলা কথার উত্তর না দিয়ে মুখ উচু ক’রে সেই বৃষ্টি মুখে নিতে লাগল।

শিবরাম উঠেছিলেন। পিঙলা মুখ নামালে, বললে—না গ ভাই, বস। ই জল হবে না। উড়ে চলেছে মেঘ, দু ফোঁটা দিয়া ধরম রেখা গেল নিজের, আর আমার চোখের জল ধুয়া দিয়া গেল। বস, শুন। আমার কথা শুনা যাও।

—জান ভাই ধ্বস্তরি, একজনার অমৃতি, অন্তজনের বিষ। গরল পান কর্যা শিব মৃত্যুঞ্জয়, দেবতার অমর হন স্নান পান করা। রাম-সীতের কথায় আছে, রামের বাবা দশরথকে অন্ধক মুনি শাপ দিলে, কি, পুত্রশোক মরণ হবে। শাপ শুনা রাজা নাচতে লাগল। কেনে? নাচিস কেনে রাজা? রাজা কয়—ই যে আমার আশীর্বাদ, আমার পুত্রু নাই, আদর্শ পুত্রু হোক, তবে তো পুত্রুশোকে পরানটা যাবে! কালীলাগের কন্তে কানাই-গরবিনী শাপ দিলেক—সে শাপ নাগিনীদের লাজের কারণ হইল, কিন্তুক তাতেই নাগিনী হইল মোহিনী। তাদের অঙ্গগন্ধে নাগেরা হইল পাগল। আর সাতালীর নাগিনী কন্তের ওই হইল সর্বনাশের হেতু, পরানের ঘরের আগুন,—সে আগুন ঘরে লাগলে ঘরের সাথে নিজে সমেত পুড়্যা ছারখার হয়্যা যায়। নাগিনী কন্তের অঙ্গে চাঁপার বাস ফুটলে—হয় কন্তে আত্মঘাতী হয়, লয়তো কুলে কালি দিয়া বেদেকুলে পাপ চাপায়ে অকুলে ভাসে। জান তো শবলার কথা। নাগিনী কন্তের অঙ্গে চাঁপার বাস। অভিশম্পাত, এর চেয়ে বড় গাল আর হয় না। বেদেঘরের বউ কি

কন্তোর সকল পাপ জরিমানায় মাপ হয়, রাত কাটায়ে সকালে বেদের বউ কন্তে ঘরকে ফিরিলে, বেদের মরদ তার অঙ্গটা ছেঁচ্যা দেয় ঠেঙার বাড়ি দিয়া, কিন্তু ছাড়-বিড় নাই, জরিমানা দিয়া দিল্যাই সব মাজ্জনা ; যদি গেরস্ত কেউ সাক্ষী দেয়, কি, রাতে তার বাড়িতে তার আশ্চয়ে ছিল, তবে জরিমানাও লাগে না। কিন্তু লাগিনী কন্তোর বেলা তা নয়। তার সাজা—পরানটা দিতে হয়। তাই ওই পাপীটা, ওই শিরবেদেটা যখন কইল—‘কি, চাঁপার ফুল ফুটল লাগিছে ! অ্যা ?’ তখন আমার পায়ের নখ থেক্যা মাথার চুল পযাস্ত বিদ্যায় খেলে গেল।

এর পর মুহূর্তে পিঙলার রূপ পালটে গিয়েছিল।

সে এক বিস্ময়কর পরিবর্তন ! স্থির বিস্ফারিত দৃষ্টি—নিষ্কম্প দেহ, এক মুহূর্তে কণ্ঠা যেন সমাধিস্থ হয়ে গিয়েছে। বাইরের পৃথিবীর সব যেন হারিয়ে যাচ্ছে, মিলিয়ে যাচ্ছে, মুছে যাচ্ছে। হিজল বিল, সাতালীর ঘাসবন, সামনের বেদেরা—কেউ নাই, কিছু নাই।

বুকের ভিতর কোথায় ফুটন্ত চাঁপার ফুল ! ফুটেছে চাঁপার ফুল ! কই ? কোথায় ? কোথায় ?

না। মিছে কথা।—পিঙলা চীৎকার ক’রে উঠেছিল। আপনার মন তন্ন তন্ন ক’রে অহুসজ্ঞান ক’রে দেখে সে কিছুতেই নিজেকে স্বপ্নাধিনী মনে করতে পারে নাই। কই ? নাগু ঠাকুরের ওই গৌরবর্ণ ধোঁয়ের মত দেহখানা দেখে তার তো বুকে কাঁপিয়ে পড়বার কামনা হয় নাই। ওই তো নাগু ঠাকুর চ’লে গেল—কই, তার তো ইচ্ছে হয় নাই সাতালীর আটন ছেড়ে, সাতালীর বেদেদের জাতিকুল ছেড়ে ঠাকুরের সঙ্গে ওই কোলগাছ-ঘেরা পথ দিয়ে চ’লে যায় নিরুদ্ধেশে ! তার চ’লে যাওয়া পথের পাশে তাকিয়ে সে ছিল, এ কথা সত্য ; কিন্তু এমন যে বীরপুরুষ—তার পথের পানে কে না তাকায় ? সীতা সতীর স্বয়ম্বরে ধনুকভাঙার পণ ছিল। মহাদেবের ধনুক। রামচন্দ্র যখন ধনুক ভাঙবার জ্ঞান সভায় ঢুকলেন, তখন সীতা সতী রাজবাড়ির ছাদের উপর থেকে তাঁকে দেখে কি তাঁর পানে তাকায় থাকে নাই ? মনে মনে শিবঠাকুরকে ডেকে বলে নাই—হে শিব, তুমি দয়া ক’রো, তোমার ধনুককে তুমি পাখীর পালকের মত হালকা ক’রে দিয়ো, কাশের কাঠির মত পল্কা ক’রে দিয়ো—যেন রামচন্দ্রের হাতে

ধনুখানা ভেঙে যায় ! মনে মনে বলে নাই—মা-মঙ্গলচণ্ডী, রামচন্দ্রের হাতে দিয়ে। বাসুকী নাগের হাজার ফণার বল, যে বলে সে পৃথিবীকে ধ্বংসে থাকে মাথায়—সেই বল ; আর বুকে দিয়ে অনন্ত নাগের সাহস, যে সাহসে প্রলয়ের অন্ধকারে সারা সৃষ্টি দিগ্বিদিক ডুবে গেলে মুছে গেলে একা ফণা তুলে দাঁড়িয়ে থাকে—কাল সমুদ্রের মাঝখানে সেই সাহস। তাতে কি অপরাধিনী হয়েছিলেন সীতা সতী ? রামচন্দ্রকে চোখে পরানে ভাল লেগেছিল তাই কথাগুলি কয়েছিলেন,—ভগবানও কান পেতে সে কথা শুনেছিলেন। ধনু-ভাঙার আগে তো সীতা ফুলের মালাগাছটা রামের গলায় পরায়ে দেন নাই ! পিঙলাও দেয় নাই। সে শুধু তার পথের পানে চেয়ে বলেছে—ভগবান, ঠাকুরের প্রতিজ্ঞা পূরণ কর, সে যেন এই অভাগিনী বন্দিনী কন্যার মুক্তির আদেশ নিয়ে ফিরে আসে। বিধাতার শিলমোহর করা—মা-বিষহরির হাতের লেখা ছাড়পত্র সে যেন আনতে পারে।

চোখের ভাল লাগা, মনের ভাল লাগা—এর উপরে হাত নাই ; কিন্তু সে ভাল-লাগাকে সে তো কুলধর্মের চেয়ে বড় করে নাই, তাকে সে লঙ্ঘন করে নাই ! সে এক জিনিস, আর বৃকের মধ্যে চাঁপা ফুল ফোটা আর এক জিনিস। সে ফুল যখন ফোটে, তখন বৃকের গলায় বান ডাকে ; সাদা ফটিকের মত জল—ঘোলা ঘোরালো হয়, ছলছল ডাক, কলকল রব তোলে। ফুল মানে না, বাঁধ মানে না,—সব ভেঙে চূরে ভাসিয়ে চ'লে যায়। স্বর্ষের কন্তে মর্ত্যে নেমে এসে কাঁপিয়ে পড়ে সাত সমুদ্রের নোনা জলে।

তবে ?

না, মিছে কথা। সে চীৎকার করে উঠেছিল—না না না।

শিবরাম বলেন—আমি মনশ্চক্ষে দেখলাম, সন্ধ্যা সন্ধ্যা পিঙলার সমস্ত দেহ—পা থেকে মাথা পর্যন্ত বিক্ষুব্ধ হয়ে উঠল ; কালবৈশাখীর ঝড়ে আন্দোলিত ঝাউগাছের মত প্রবল অস্বীকৃতির দোলায় ঢলে উঠল। তারই ঝাপটায় তার মাথার চুলের রাশি খুলে এলিয়ে পড়ল। চোখ দুটো হয়ে উঠল প্রখর—তার মধ্যে ফুটে উঠল উদ্গার কোথের ছটা।

উদ্গার রোগ তখন পিঙলাকে আক্রমণ করেছে।

পিঙলা বললে—বিস্ময় ভাই, মুখে কইলাম, মনে ডাকলম বিষহরিকে। সেদিন তাকে ডেকা কইলাম—জমুনী, তুমার বিধান যদি মুই লজ্জন করা থাকি, বুকের চাপার গাছে জল ঢেলে যদি চাপার ফুল ফুটায় থাকি, তবে তুমি কও। তুমার বিচার তুমি কর। হোক সেই বিচার। সে পাগলের মত ছুটল। নাগু ঠাকুরকে যে-ঘরে বেঁধে রেখেছিল, সেই ঘরের দিকে। নাগু ঠাকুরের বাঁধন সে-ই নিজের হাতে খুলে দিয়েছিল। তার চোখের সামনে নাগু ঠাকুর চ'লে গিয়েছে। তার সেই মহানাগের ঝাঁপি সে নিয়ে যায় নাই, সেটা প'ড়ে আছে সেই ঘরে।

বেদের দল এ কথা বুঝতে পারে নাই; তারা বিস্মিত হয়ে ভাবছিল—ওদিকে কোথায় চলেছে কত্তা?

পিঙলা তুলে নিয়ে এল সেই ঝাঁপি। বিষহরির আটনের সামনে ঝাঁপিটা নামিয়ে চোৎকার ক'রে উঠল—বিচার কর মা-বিষহরি জমুনী, তুমি বিচার কর।

সমস্ত সাতালী আতঙ্কে শিউরে উঠেছিল—কত্তা, এ কি করলে? কিন্তু উপায় নাই। আটনের সামনে এনে যখন নাগের ঝাঁপি পেতে বিচার চেয়েছে, তখন উপায় নাই। সমবেত মেয়েরা অক্ষুট শব্দ ক'রে উঠেছিল—ওগো গ!

স্বরধুনী চৈচিয়ে উঠেছিল, কন্তে!

পুরুষেরা নির্বাক হয়ে দাঁড়িয়ে এ ওর মুখের দিকে চেয়েছিল। গজারামও স্থির হয়ে দাঁড়িয়ে ছিল। তার চোখে কি যেন একটু খেলে থাকছিল। বেন হিজল বিলের গভীর জলের তলায় কোন জলচর ন'ড়ে ন'ড়ে উঠছে। ভাহু ঠায় দাঁড়িয়ে আছে, তার চোখে যেন আগুন লেগেছে। সমস্ত শরীর তার শব্দ হয়ে উঠেছে—হাতে কপালে শিরাগুলো মোটা হয়ে দাঁড়িয়ে উঠেছে।

পিঙলা হাঁপাচ্ছিল, চোখে তার পাগলের চাউনি। বার বার মাথার এলানো চুল মুখে এসে পড়ছিল। সে হাত দিয়ে সরায় নি সে চুল, মাথা ঝাঁকি দিয়ে সরিয়ে পিঠে ফেলছিল। খুলে দিয়েছিল উর্ধ্বাঙ্গের কাপড়, আঁচলখানা নুটিয়ে পড়ল মাটিতে। তারপর সে ক্ষিপ্ত হাতে খুলে দিলে সেই মহানাগের ঝাঁপি। কামাখ্যা-পাহাড়ের শব্দ ছুড়। বসল হাঁটু গেড়ে তারই সামনে নয় বন্ধ পেতে।

নাগিনী কণ্ঠা যদি চম্পকগন্ধা হয়ে থাকে, যদি তার অঙ্গে নাগ-সাহচর্য-কামন জেগে থাকে, তবে ওই নাগ তাকে সাদরে বেঁধেন ক'রে ধরবে ; পাকে পাকে কণ্ঠার অঙ্গ বেঁধেন ক'রে মাথার পাশে তুলবে ফণা। না হ'লে নাগ তার স্বভাবধর্মের মারবে তাকে ছোবল ; ওই অনাবৃত বক্ষে করবে তাকে দংশন।

নাগু ঠাকুরের নাগ—তার বিষ আছে কি গালা হয়েছে সে জানে নাগু ঠাকুর।

মুহূর্তে মাথা তুলে দাঁড়াল হিংস্র শঙ্খচূড়।

সামনে পিঙলা বসেছে বুক পেতে। সাপটার ফণা তার মাথা ছাড়িয়ে উঠেছে। সেটা পিছন দিকে হেলছে, জিভ দুটো লকলক করছে, স্থির কালো দুটো চোখ পিঙলার মুখের দিকে নিবন্ধ। হেলছে পিছনের দিকে, বুকটা চিতিয়ে উঠছে, মারবে ছোবল। বেদেদের চোখ মুহূর্তে ধ'রে নিয়েছে সাপের অভিপ্রায়। কণ্ঠাকে জড়িয়ে ধরতে চায় না, দংশনই করতে চায়। পিঙলার চোখে বিজয়িনীর দৃষ্টি—তাতে উন্মাদ আনন্দ ফুটে উঠেছে। সে চীৎকার ক'রে উঠল—আয়। পড়ল নাগ ছোবল দিয়ে। অসমসাহসিনীর দুই হাত মুহূর্তে উর্ধ্বে উৎক্ষিপ্ত হ'ল নাগটার ফণা লক্ষ্য ক'রে। অব্যর্থ লক্ষ্যে লক্ষ্যে নেওয়ার মত গ্রহণ করবে। কিন্তু তার আগেই সাতালীর বিষবেদেদের অগ্রগণ্য ওস্তাদ ভাহু তার হাতের লাঠিটা দিয়ে আঘাত করেছে সাপটার মিকিগলার নীচে ; সে আঘাত এমনি ক্ষিপ্ত, এমনি নিপুণ এবং এমনি অব্যর্থ যে সাপটা লক্ষ্যভ্রষ্ট হয়ে পড়ল পিঙলার পাশে মাটির উপর। শুধু তাই নয়, ধরাশায়ী সাপটার গলার উপর কঠিন চাপে চেপে বসল ভাহুর সেই লাঠি।

বেদেরা জয়ধ্বনি দিয়ে উঠল।

স্বরধুনী পিঙলার স্থলিত আঁচলখানা তুলে তার অঙ্গ আবৃত ক'রে দিয়ে ঝাঁক দৃষ্টিতে গন্ধারামের দিকে তাকিয়ে বললে—পাপী ! পাপী কুথাকার !

গন্ধারাম শিরবেদে, সাতালীর একচ্ছত্র মালিক, দণ্ডমুণ্ডের কর্তা ; তার ভয় নাই। সে ঘাড় নাড়তে নাড়তে চ'লে গেল।

পিঙলা শ্রান্ত হয়ে পড়েছিল তার কাহিনী বলতে বলতে। একটা ছেদ পেয়ে সে থামলে। দীর্ঘনিশ্বাস ফেলে বললে—আঃ—মা—

শিবরাম বলেন—কুপিত বায়ু ঝড়ের রূপে উড়িয়ে নিয়ে চলে মেঘের পুঞ্জ, ভেঙে দিয়ে যায় বনস্পতির মাথা। তার পর এক সময় আসে তার প্রতিক্রিয়া। সে শ্রান্ত হয়ে যেন মস্থর হয়ে পড়ে। শীতল হয়ে আসে। পিঙলারও সে সময়ের অবস্থা ঠিক তাই হয়েছিল। অবসাদে সে ভেঙে পড়ল যেন। উত্তেজনার উপাদান তার ফুরিয়ে গিয়েছে।

একটু থেমে সেদিনের স্থিতিপটের দিকে তাকিয়ে ভাল ক'রে স্মরণ ক'রে শিবরাম বলেন—বিশ্বপ্রকৃতিও যেন সেদিন পিঙলার কাহিনীর সঙ্গে বিচিত্রভাবে সাম্য রেখে অপরূপ পটভূমি রচনা করেছিল।

উর্ধ্বাকাশে যে ঝড় চলছিল, সে ঝড় হিজল বিল পার হয়ে চ'লে গেল। গঙ্গার পশ্চিম কূলকে পিছনে রেখে গঙ্গা পার হয়ে পূর্ব দিকে চ'লে গেল। কালো মেঘের পুঞ্জ আবর্তিত হতে হতে প্রকৃতির কোন বিচিত্র প্রক্রিয়ায়—টুকরো টুকরো হয়ে বিচ্ছিন্ন হয়ে দূরে দূরাস্তে ছড়িয়ে পড়ল ছিন্নপক্ষ জটায়ুর মত ; কালো মেঘস্তরেরও পিছনে ছিল একটা সাদা মেঘের স্তর, তারই বুকে ভাসতে লাগল ; এদিকে পশ্চিম দিগন্ত থেকে আবার একটা মেঘস্তর উঠে এগিয়ে আসছে। এ স্তরটা শূণ্যমণ্ডলের নিচে নেমে এসেছে। ধূসর মস্থর একটি মেঘস্তর পশ্চিম থেকে আসছে, বিস্তীর্ণ হচ্ছে উত্তর-দক্ষিণে—যেন জটায়ু সম্প্রতির কোন অজ্ঞাতনামা সহোদর। সে তার বিশাল পক্ষ দুখানিকে উত্তরে এবং দক্ষিণে দিগন্ত পর্বন্ত আবৃত ক'রে বেদনার্ত বুকে, চোখের জল ফেলতে ফেলতে চলেছে—

ছিন্নপক্ষ জটায়ুর সন্ধানে। পাখার বাতাসে বাজছে তার শোকাক্ত স্নায়ুগুলীর ধ্বনি, তার স্পর্শে রয়েছে শোকাক্ত হৃদয়ের সরল আভাস, সজল শীতল মন্থর বাতাসে ভেসে আসছে ধূসর মেঘস্তরখানি। অতি মৃদু রিমিরিমি বর্ষণ ক'রে আসছে। কুমাশার মত সে বৃষ্টি।

হিজলের সর্বত্র এই পরিবর্তিত রূপের প্রতিফলন জেগে উঠল। কিছুকাল পূর্বের ঝড়ের রুদ্ধতাওবে জলে স্থলে ঝাউবনে ঘাসবনে মেশানো এই বিচিত্র ভূমিখণ্ডের সর্বাঙ্গে—অকাল রাত্রির আসন্নতার মত যে কুটিল কৃষ্ণ ছায়া নেমেছিল, যে প্রচণ্ড আক্ষেপ জেগেছিল—কণিকে তার রূপান্তর হয়ে গেল।

শিবরামের মনে পড়ল মনসার ব্রতকথা।

কাহিনীর বণিক-কন্যা দক্ষিণ দ্ব্যায় খুলে আতঙ্কে বিষনিশ্বাসে মূর্ছিত হয়ে পড়ল; সে দেখলে বিষহরির বিষস্তরী রূপ—নাগালনা, নাগভূষণা, বিষপানে কুটিলনেত্রা নাগকেশী—রুদ্ধরূপ—বিষসমুদ্র উথলিত হচ্ছে। পড়ল সে ঢ'লে। মুহূর্তে মায়ের রূপের পরিবর্তন হ'ল। দেবী এলেন শাস্ত রূপে, সশ্বেদ স্পর্শ বুলিয়ে জুড়িয়ে দিলেন বিষবাতাসের জালা।

হিজলবিলের জলে ঢেউ উঠেছিল। তার বড় হয়েছিল বিষের ময়ূরীল।

এখন সেখানে ঢেউ থেমে গিয়েছে, ধরধর ক'রে কাঁপছে, বড় হয়েছ ধূসর, যেন কোন তপস্বিনীর তৈলহীন রুক্ষ কৌকড়ানো একরাশি চুল—তার শোভায় উদাস বিষগ্নতা। ঝাউবনের ঘাসবনের মাথাগুলি আর জ্বরল আন্দোলনে আছড়ে পড়ছে না, স্থির হয়েছে, কাঁপছে, মন্থর সোঁ-সোঁ শব্দ উঠছে বিষগ্ন দীর্ঘনিশ্বাসের মত।

পিঙলা ক্লান্ত দেহে গুয়ে পড়ল ঘাসবনের উপর। মুখে তার ফিন্‌ফিনে বৃষ্টির ধারা ঝ'রে পড়ছিল। সে চোখ বুজে বললে—আঃ, দেহখানা জুড়াল গ!

সত্যি দেহ যেন জুড়িয়ে যাচ্ছিল। জ্যোষ্ঠের সারাদিনের প্রচণ্ড উত্তাপের পর এই ঠাণ্ডা বাতাসে ও ফিন্‌ফিনে বৃষ্টিতে শিবরামও আরামে চোখ বুজলেন। এ বর্ষণ-সিকনে যেন একটি মাধুরীর স্পর্শ আছে।

—এইবারে দুখিনী বহিনের, মন্দভাগিনী বেদের কণ্ঠের, গোপন দুখটা শুন

আমার ধরম-ভাই ; শবলাদিদি গঙ্গার কূলে দাঁড়িয়ে বিষহরিরে সাক্ষী রেখা।
তুমার সাথে ভাই-বহিন সখক পাতালুছে। আমাকে বল্যা গেলুছে, বে-দুখের
কথা কারুকে বলতে লারবি, সে কথা বলিস ওই ভাইকে। বুকের আঙার বুকে
রাখিলি বুক পোড়ায়, অগ্নিরে দিলি পরে ওই আঙার তুর ঘরে গিয়া তুকেই
পুড়িয়ে মারে। ই আঙার দিবার এক ঠাই হ'ল বিষহরির চরণ। তা, বিষহরি
নিদয়া হলুছেন, দেখা দেয় না। আর ঠাই! মুই আনেক টুঁড়ে টুঁড়ে এই
ঠাই পেয়েছি রে পিঙলা, ওই ধরম-ভাইয়ের ঠাই ;—এই আঙার তারে দিস,
তুর পরানটা জুড়াবে, কিন্তুক অনিষ্ট হবে নাই। আমার বুকের আঙার তুমি
লাও, ধর ভাই।

পিঙলার ঠোট দুটি ধরধর ক'রে কেঁপে উঠল। চোখের কোণে কোণে জল
টলমল ক'রে উঠল। সে স্তব্ধ হয়ে গেল। আবেগে সে আর বলতে
পারছিল না।

অপেক্ষা ক'রে রইলেন শিবরাম। অন্তরে অন্তরে শিউরে উঠলেন। কি
বলবে পিঙলা? সে কি তবে দেহ-প্রবৃত্তির তাড়নায় নাগিনী কস্তুর ধর্ম বিসর্জন
দিয়ে—?

সঙ্গে সঙ্গে মনে প'ড়ে গেল, শবলা তাকে একদিন বলেছিল—নাগিনী
কস্তাদের প্রবৃত্তি যখন উগ্র হয়ে ওঠে, তখন তারা উন্মাদিনীরা মত নিশীথ রাত্রে
ঘুরে বেড়ায় হিজলের ঘাসবনে। কখনও বাঘের সন্নিহিত জীবন যায়, কখনও
হাঙরমুখীর খালে শিকার প্রতীক্ষামান কুমার অতর্কিত পায়ে ধ'রে টেনে নেয় ;
নিশীথ রাত্রে হিজলের কূলে শুধু একটা আর্দ্র চাঁদ কার জেগে ওঠে। পরের দিন
থেকে নাগিনী কস্তাদের আর সন্ধান মেলে না। আবার কোন নাগিনী কস্তা
শোনে বাঁশীর স্বর। দূরে হিজলের মাঠে চাবীরা কুঁড়ে বেঁধে থাকে, মহিষগরুর
বাখান দিয়ে থাকে শেখেরা ঘোষেরা, তারাই বাঁশী বাজায়। সে বাঁশী শুনে
নাগিনী কস্তা এগিয়ে যায়, স্বরের পথ ধরে।

শবলা বলেছিল—তার থেকা বড় সন্ধান আর হয় না ধরম-ভাই। সেই
হইল মা-বিষহরির অভিষাপ! তাতে হয় পরানটা যায়—লম্ব ধরম যায়, জাতি
যায়, কুল যায়।

পিঙলা আত্মসম্বরণ ক'রে চোখের জল মুছেলে, তারপর অতি মৃদুস্বরে বললে ;
এখানে এই জনহীন হিজল বিলের বিষহরির ঘাটে স্বর মৃদু করবার প্রয়োজন ছিল
না, কিন্তু পিঙলার বোধ হয় কীটপতঙ্গ, পশুপাখী, গাছপাতাকেও ভয়, তাই বোধ
হয় মৃদু স্বরে বললে—কিন্তুক ভাই, এইবার যে আমার বুকে চাঁপা ফুল ফুটল ।

চমকে উঠলেন শিবরাম ।

পিঙলা বললে—আমার ঘরে, রাত্রি দুপহরে, চাঁপার ফুলের বাস ওঠে ।
ঘরটা যেন ভর্যা যায় ভাই । মুই থরথর কর্যা কাঁপতে থাকি । পেথম যেদিন
বাসটা নাকে ঢুকল ভাই, সেদিন মুই যেন পাগল হয়্যা গেলছিলম । ঠিক তখন
রাত দুপহর । হিজলের মাঠে শিয়ালগুলান ডেক্যা উঠিল, সাঁতালীর পশ্চিম
দিকে—রাড়ের পথটার দুধারের তালগাছের মাথায় মাথায় পেঁচা ডেকে ই গাছ
থেক্যা উ গাছে গিয়া বসিল । সাঁতালীর উত্তরে ছইখানে আছে বাহুড়ঝুলির
বটগাছ, শ দরুনে বাহুড় সেখা দিনরাত্রি বুলে, চ্যা-চ্যা রবে চিল্লায়, সেগুলান
জোরে চেঁচায়ে ঝব তুল্যা, একবার পাখা ঝটপট কর্যা আকাশে পাক খেলে ।
ঘরের মধ্য ঝাপিতে সাপগুলান বারকয়েক ফুঁসায়ে উঠল । মুই পোড়াকপালী,
আমার চোখে ঘুম বড় আসে না ধরম-ভাই । সেই যে বাবুদের বাড়ি থেক্যা
ফিরলম—মোর মধ্য কালনাগিনীর জাগরণ হইল, সেই থেকাছি ঘুম আমার
নাই । তাপরেতে ঠাকুর এল, বল্যা গেল—আমার খালাস নিয়া আসবেক ;
তখন থেক্যা বিদায় দিছি ঘুমেরে ; ঘরে পড়্যা থাকি, গহর গুনি, কান পেত্যা
গুনি—কত দূরে উঠিছে পায়ের ধ্বনি । সেদিনে আশ্বিনমনে জেগ্যা জেগ্যাই ওই
ভাবনা ভাবছিলম । দুপহর এল, মনে মনে পোনাম করলম বিষহরিরে । এমন
সময়, ধরম-ভাই—

আবার কাঁপতে লাগল পিঙলার ঠোঁট । সুরুণ সজল দৃষ্টিতে সে শিবরামের
দিকে তাকিয়ে রইল । তেজস্বিনী মেয়েটি যেন তেজস্ক্রিয় সব হারিয়ে ফেলে
একান্ত অসহায়ভাবে শিবরামের কাছে আশ্রয় ভিক্ষা করছে—সাহস প্রার্থনা
করছে ।

ঠিক সেই মধ্যরাত্রির লগ্নটিতে নাগিনী কথা যদি জেগে থাকে, তবে তাকে

উপুড় হয়ে মাটিতে প'ড়ে মনে মনে বিষহরিকে ডাকতে হয়। ওই লগ্ন নাগিনী কন্টার বুকে নিশির নেশা জাগিয়ে তোলে। কুহকমায়ায় আচ্ছন্ন হয়ে পড়ে সে।—এই বেদেদের বিশ্বাস।

খাঁচার বন্দী বাঘকে দেখেছ মধ্যরাত্রে? এই লগ্নে? রাত্রির স্তব্ধতা ভঙ্ক ক'রে নিশিঘোষণা বেজে ওঠে দিকে দিকে, খাঁচার ঘুমন্ত বাঘ চকিত হয়ে জেগে ওঠে, ঘাড় তুলে রাত্রির অন্ধকারের দিকে তাকায়, আকাশের দিকে তাকায়, সে দৃষ্টি স্থির অথচ উত্তেজনায় অধীর। মুহূর্তে মুহূর্তে চোখের তারা বিস্তারিত হয়, আবার সঙ্কুচিত হয়।

ঠিক তেমনি নিশির মায়ায় উত্তেজনায় নাগিনী কন্টাও আত্মহারা হয়। সীতালীর বিষবেদেদের কুলশাসনের বিধিবিধানে বার বার ক'রে কন্টাকে বলেছে—এই লগ্নে, হে কন্টা, তুমি সাবধান। যদি জেগে থাক, তবে মাটি আঁকড়ে প'ড়ে থাকবে, মনে মনে মাকে স্মরণ করবে।—কদাচ উঠো না, কদাচ উঠো না।

রাত্রির দ্বিপ্রহর এল সেদিন। রোজই আসে। ঘুম তো নাই পিঙলার চোখে। অনন্ত ভাবনা তার মনে। সে ভাবে—নাগিনী কন্টার ঋণের কথা, সে হিসাব করে জন্ম জন্ম ধ'রে কত নাগিনী কন্টা সীতালীর বেদেগুলো জন্ম মিলিয়ে কত পূজা বিষহরিকে দিয়েছে, আজন্ম পতি-পুত্র ঘর-সংসারে বঞ্চিত থেকে ব্রত তপস্যা ক'রে বেদেগুলোর মায়াবিনী কুহকিনী কন্টা-বধূদের সকল ঋণের পাপ ধুয়ে মুছে দিয়েছে। বেদেগুলোর মান-মর্যাদা রেখেছে। তবু কি শোধ হয় নাই দেনা?

শোধের সংবাদ নিয়ে আসবে নাও ঋণী। শোধ না হ'লে তো তার ফিরবার পথ নাই।

কাহিনীতে আছে—নদীর জলে ভেসে যায় সোনার চাঁপা ফুল। রাজা পণ করেছেন, ওই চাঁপার গাছ তাঁকে যে এনে দেবে তাকেই দেবেন তার নন্দিনীকে। রাজনন্দিনীকে রেখেছেন সাতমহলার শেষ মহলায়, মহলায় মহলায় পাহারা দেয় হাজার গ্রহরী। রাজপুত্র আসে—তারা কন্টাকে দেখে, তারপর চ'লে যায় তারা নদীর কূলে কূলে; কোথায় কোন্ কূলে আছে সোনার চাঁপার গাছ: চলে—চলে—তারপর তারা হারিয়ে যায়, পিছনের পথ মুছে যায়। সোনার চাঁপার

গাছ যে পাবে খুঁজে, সে-ই পাবে ফিরবার পথ। পিঙলার কাহিনীও যে ঠিক সেই রকম !

ঠাকুর কি ফিরবার পথ পাবে ?

এমন সময় এল ওই মধ্যরাত্রির ক্ষণ। পিঙলা চকিত হয়ে উপুড় হয়ে শুল। মনে মনে স্মরণ করলে বিষহরিকে। সঙ্গে সঙ্গে বললে—মুক্তি দাও মা, দেনা শোধ কর জহ্ননী।

দীর্ঘনিশ্বাস ফেললে সে।

সঙ্গে সঙ্গে চমকে উঠল। এ কি ? এ কিসের গন্ধ ?

দীর্ঘনিশ্বাসের সঙ্গে একটি মিষ্ট মধুর গন্ধে তার বুক ভ'রে গেল। শ্বাস আর বিষণ্ণ আক্কেপে সে ফেলতে পারলে না ; শ্বাসরুদ্ধ ক'রে সে চমকে মাথা তুললে। ফুলের গন্ধ ! টাপার গন্ধ ! কোথা থেকে এল ? নিশ্বাস ফেলে সে আবার শ্বাস গ্রহণ করলে। আবার মধুর গন্ধে বুক ভ'রে গেল।

ধড়মড় ক'রে সে উঠে বসল।

কোথা থেকে আসছে এ গন্ধ ? তবে কি—? সে বার বার শূঁকে দেখলে নিজের দেহ। গন্ধ আসছে, কিন্তু সে কি তার দেহ থেকে ? না জেগে।

সে তাড়াতাড়ি আলো জ্বাললে। চকমকি ঠুকে খড়ের হাড়িতে ফুঁ দিয়ে আগুন জ্বলে নিমফল-পেয়া তেলের পিদিম জ্বলে চারিদিক চেয়ে দেখলে। ঘোঁয়ার গন্ধে ভ'রে উঠেছে খুপরি ঘরখানা, কিন্তু তার মধ্যেও উঠছে সেই মিষ্ট সুবাস।

কোথায় ফুটল টাপার ফুল ?

সীতালীর কোথাও তো নাই টাপার গাছ ! তবে ?

তাড়াতাড়ি সে একটা ঝাঁপির উপর শূঁকে শূঁকে দেখলে। ঝাঁপিটায় আছে একটা সাপিনী। ঝাঁপিতে বন্দী সাপিনীর সঙ্গে বাস বড় একটা ওঠে না ; নাগিনীর মিলনের কালও এটা নয় ; সে কাল আরম্ভ হবে বর্ষার শুরুতে ; অম্বুবাচিতে মা-বন্থমতী হবেন পুষ্পবতী, কামরূপে পাহাড়ের মাথায় মা-কামাখ্যা এলো চূলে বলবেন, আকাশ ঘিরে আসবে সাত সমুদ্রের জল নিয়ে সখর পুঙ্কর মেঘের দল ; মাকে স্নান করাবে। নদীতে নদীতে তার ঢেউ উঠবে। কেয়া

গাছের কচি পাতার ঘেরের মধ্যে ফুলের কুঁড়ির মুখ উঁকি মারবে। সাপিনীর অঙ্গে অঙ্গে জাগবে আনন্দ। সে আনন্দ স্বেদ হলে ছড়িয়ে পড়বে। চাপার গন্ধ ! নাগকুল উল্লসিত হয়ে উঠবে।

সে কালও তো এ নয়। এ তো সবে চৈত্রের শেষ !

গাজনের ঢাক বাজছে রাতের গায়ে গায়ে। শেষরাতে আজও বাতাস হিমেল হয়ে ওঠে ; নাগ-নাগিনীর অঙ্গের জরার জড়তা আজও কাটে নাই। রাত্রির শেষ প্রহরে আজও তারা নিস্তেজ হয়ে পড়ে। শিব উঠবেন গাজনে, তাঁর অঙ্গের বিভূতির পরশ পেয়ে নাগ-নাগিনীর নবকলেবর হবে। নূতন বছর পড়বে ; বৈশাখ আসবে, সাপ-সাপিনীর হবে নবযৌবন।

তবু সে ঝুঁকে প'ড়ে শুঁকলে সাপিনীর কাঁপটা।

কোথায় ? কই ?—সেই চিরকালে সাপের কটু গন্ধ উঠছে।

তবে এ গন্ধ কোথা থেকে আসছে ? প্রদীপের সলতে উসকে দিয়ে আলোর শিখাকে উজ্জলতর ক'রে তুলে শঙ্কাতুর মনে দৃষ্টি বিক্ষারিত ক'রে ব'লে রইল সে।

ইঠাং একটা কথা তার মনে প'ড়ে গেল। আজই সন্ধ্যায় গঙ্গারাম কথটা তাকে বলেছিল। তখন পিঙলা মুখ বঁকিয়ে ঘেমার দৃষ্টিতে তার মুখের দিকে তাকিয়েছিল, গঙ্গারাম বলেছিল—হু দিন ছিলম না, ইয়ার মধ্যে এ কি হ'ল ?

হুদিন আগে গঙ্গারাম গিয়েছিল শহরে। কামাখ্যা ঘাটের ডাকিনীর কাছে গঙ্গারাম শুধু জাহ্নবিয়া মোহিনীবিয়া বাণবিয়াই শিখে আসে নি, চিকিৎসাবিধ্যও জানে সে। বেদেদের চিকিৎসাবিধ্য আছে, সে বিধ্য জানে ভাহু নটবর নবীন। মাতালীর আশপাশের গাছ-গাছড়া নিয়ে সে চিকিৎসা। জন্তু-জানোয়ারের তেল-হাড় নিয়ে সে চিকিৎসা। নাগিনী কন্টার কাছে আছে জড়ি আর বিষহরির প্রসাদী নির্মাল্য, তাই দিয়ে কবচ মাহুনি নিয়ে সে চিকিৎসা। গঙ্গারামের চিকিৎসা অস্ত্র রকম। ওষুধের মশলা সংগ্রহ ক'রে আনে সে শহর-বাজারের দোকান থেকে। ধমন্তরি ভাইদের কবিরাজী ওষুধের মত পাচন বড়ি দেয়। বিশেষ ক'রে জ্বর-জ্বালায় গঙ্গারামের ওষুধ খুব খাটে। সেই মশলা আনতে সে মধ্যে মাঝে শহরে যায়। নিয়ে যায় শুককের তেল, বাঘের চর্বি,

বাঘের পাঁজর নখ, কুমিরের দাঁত, শজারুর কাঁটা আর নিয়ে যায় মা-মনসার অব্যর্থ ঘায়ের প্রলেপ মলম। নিয়ে আসে ওষুধের মসলা আর সঙ্গে চুড়ি, ফিতে, মাহুলির খোল, পুঁতির মালা, সূচ-সুতো, বঁড়শি, ছুরি, কাটারি, কাঁকুই—হরেক রকম জিনিস। গঙ্গারাম শিরবেদে সাতালী গায়ে নতুন নিয়ম প্রবর্তন করেছে—শিরবেদে হয়ে বেনেতী রুত্তি নিয়েছে।

ওই ব্যবসায়ে সে দুদিন আগে গিয়েছিল শহরে। ফিরেছে আজই সন্ধ্যায়। তখন মায়ের আটনের সামনে বেদেরা এসে জমেছে। হাত জোড় ক'রে দাঁড়িয়ে আছে। ভাহু বাজাচ্ছে চিমটে, নটবর বাজাচ্ছে বিষম-ঢাকি ;—পিঙলা করছিল আরতি। গঙ্গারাম ফিরেই ধুলোপায়ে মায়ের থানে এসে দাঁড়িয়ে ছিল। মায়ের আরতি শেষ ক'রে—সেই প্রদীপ নিয়ে বেদেদের দিকে ফিরিয়ে পিঙলা বার কয়েক ঘুরিয়ে নামিয়ে দিলে। বেদেরা একে একে সেই প্রদীপের শিখার তাপে হাতের তালু তাতিয়ে নিয়ে কপালে স্পর্শ নেবে। গঙ্গারামের প্রথম অধিকার। সে এসে যেন থমকে দাঁড়িয়ে গেল, ভুরু কুঁচকে বার দুয়েক ভ্রাণ নেওয়ার মত ঘন ঘন শ্বাস টেনে 'উঃ' শব্দ করেছিল, তারপর এদিক ওদিক তাকিয়ে বলেছিল—এ কি? কিসের বাস উঠছে লাগছে যেন?

পিঙলার ঠোট দুটি বঁেকে গিয়েছিল ওই কুটিল লোকটার প্রতি অবজ্ঞায়। চাপা রাগে নাকের ভগাটা ফুলে উঠেছিল, চোখের দৃষ্টিতে ফুটে উঠেছিল ঘেন্না; সে মুখ ফিরিয়ে নিয়েছিল। তাকে কিছু বলতে হয় মাই; গঙ্গারামের পর অধিকার ভাহুর, সে এসে তাকে ঠেলা দিয়ে বলেছিল—বাস উঠছে তুর নাশায়। বাস উঠছে! আলুছিস শহর থেক্যা, পাকুয়দ থেয়েছিস, তারই বাস তুর নাশাতে বাস বঁেধে রইছে। লে, সবু। টং করিস না। পিদিম নিভিয়ে যাবে। দাঁড়ায়ে আছে গোটা পাড়ার মানুষ।

গঙ্গারাম ভাহুর দিকে কঠিন দৃষ্টিতে ফিরে চেয়ে প্রদীপের তাপ কপালে ঠেকিয়ে স'রে গিয়েছিল। তার পর পিঙলা লক্ষ্য করেছিল—সে এক জায়গায় দাঁড়িয়ে ক্রমাগত শ্বাস টেনে কিসের গন্ধ নিচ্ছে।

ষাবার সময় পিঙলার দিকে তাকিয়ে একটু যেন ঘাড় ছলিয়ে কিছু ব'লে গিয়েছে। শাসন, সন্দেহ, তার সঙ্গে যেন আরও কিছু ছিল।

পিঙলার ঠোট দুটি আবার বেঁকে গিয়েছিল।

এই নিশীথ রাতে এই ক্ষণটিতে হঠাৎ সেই কথা পিঙলার মনে প'ড়ে গেল। তবে কি তখন গঙ্গারাম এই গন্ধের আভাস পেয়েছিল? গঙ্গারাম পানী, সে ভ্রষ্ট, সে ব্যভিচারী। জটিল তার চরিত্র, কুটিল তার প্রকৃতি। সে ডোমন করত। বেদেপাড়ায় সে অবোধে চালিয়ে চলেছে তার পাপ। কিন্তু এক ভাড়া ছাড়া বেদেদের আর কেউ তাকে কিছু বলতে সাহস করে না। আর পারে পিঙলা। আজ দীর্ঘ দশ বছর সে তার সঙ্গে লড়াই ক'রে আসছে। কিন্তু এতদিন কিছু করতে পারে নাই। এইবার তার জাগরণের পরে আশা হয়েছে। সঙ্গে সঙ্গে বেদেপাড়াতেও খানিকটা সাহস দেখা দিয়েছে। তার জাগরণের ছোঁয়ায় তারাও যেন জেগেছে। ভাড়র সঙ্গে তারা দু-তিনবার গঙ্গারামের কথার উপর কথা বলেছে। কিন্তু গঙ্গারামের বাঁধন বড় জটিল। বেদেপাড়াকে সে শুধু শাসনের দড়িতে বাঁধে নাই, তার সঙ্গে বেঁধেছে পয়সার দড়িতে, কিনেছে ধারের কড়িতে। গঙ্গারাম টাকা-পয়সা ধার দেয়। হুদ আদায় করে। মহাদেব শিরবেদেকে পিঙলার মনে আছে। সে কথায় কথায় টুঁটি টিপে ধরত। গঙ্গারাম তা ধরে না। গঙ্গারাম মাহুষের ঘাড় হুইয়ে ধারের পাথর চাপিয়ে দেয়। মাহুষ মাটির দিক ছাড়া মুখের দিকে চোখ তুলতে পারে না। এত সুযোগে গঙ্গারাম বেদেদের ঘরে ঘরে অবোধে চালিয়ে যায় তার ব্যভিচার। এ আচার বেদেদের মধ্যে চিরকাল আছে। বেদের কণ্ঠে অবিশ্বাসিনী, বেদের কণ্ঠে মিথ্যাবাদিনী, বেদের কণ্ঠে পোড়াকপালী পোড়ারমুখী, তার বড় কালো; কিন্তু তারও উপরে সে কালামুখী। বেদের কণ্ঠে কুহকিনী। বেদের কণ্ঠের আচার মন্দ, সে বিচারভ্রষ্ট। বেদের পুরুষও তাই। তবু এমন ছিল না কোন কালে। সাতালীর পাপের বোঝা চিরকাল নাগিনী কণ্ঠের দুঃখের দহনে সকল পাপ পুড়ে ছাই হয়েছে; তার চোখের জলে সকল কালি ধুয়ে গিয়েছে; এবার গঙ্গারামের পাপের বোঝা হয়ে উঠেছে পাহাড়, তাই তার জীবনে এত জালা। এত জালাতেও কিন্তু সে পাপের পাহাড় পুড়ে শেষ হচ্ছে না। তাই সময় সময় পাংলের মত হয়ে যায় সে, অজ্ঞান হয়ে পড়ে। বুকের নাগিনী তার মুখ দিয়ে না-ক-কা—১৩

বলে—বিচার কর মা, বিচার কর। মুক্তি দাও। বলে—আমার মুক্তি হোক বা না হোক, ওই পাপীকে শেষ কর। কত দিন মনে মনে সংকল্প করেছে—শেষ পর্যন্ত নিজে সে মরবে, কিন্তু ওই পাপীকে সে শেষ করবে।

সেই পাপী গঙ্গারাম, সে কি সন্ধান পেয়েছিল এই গন্ধের ?

পাপী হ'লেও সে শিরবেদে। শিরবেদের আসনের গুণে পেয়েছিল হয়তো। ভোজরাজার আসন ছিল, সে আসনে যে বসত—সে-ই তখন হয়ে উঠত রাজার মত গুণী। তার উপর গঙ্গারাম ডাকিনী-বিগা জানে।

সে জেনেছে, সে বুঝেছে, সে এ গন্ধের আভাস পেয়েছে সব চেয়ে আগে। তার অঙ্গে গন্ধের সন্ধান সে নিজেও পায় নাই—শিরবেদেই পেয়েছে তার আসনের গুণে।

সমস্ত রাত্রি সে আলো জ্বলে ব'সে রইল। সকালবেলা আবার একবার তন্ন তন্ন করে খুঁজলে ঘর। কিসের গন্ধ! কোথা থেকে আসছে গন্ধ! গন্ধ রয়েছে ঘরে, কিন্তু কোথা থেকে উঠছে বা আসছে বুঝতে পারলে না। ঘর বন্ধ ক'রে ছুটে এসে পড়ল বিলের জলে। সর্বাঙ্গ ধুয়ে সে ঘরে ফিরল। ঘরে তখনও গন্ধ উঠছে। তবে ক্ষীণ হয়ে এসেছে।

স্বস্তির নিশ্বাস ফেলে ঘরের দাওয়ার উপর শুয়ে অঙ্গ এলিয়ে দিলে। ঘুমিয়ে পড়ল।

আবার।

পরদিন মধ্যরাত্রে আবার উঠল গন্ধ।

পিঙলা ধড়মড় ক'রে উঠে বসল। আলো জ্বাললে। মন্দির গন্ধে ঘর ভ'রে উঠেছে। তার নিশ্বাস যেন রুদ্ধ হয়ে আসছে। চাপা ফুল কোথায় ফুটেছে? তার বুকে? নইলে এই লগ্নে কেন উঠছে সে গন্ধ?

উন্মাদিনীর মত সে নিজেই নিজের দেহগন্ধের স্বাস টানতে লাগল। কিছু বুঝতে পারলে না, কিন্তু আছাড় খেয়ে মাটিতে উপুড় হয়ে প'ড়ে ডাকলে দেবতাকে।

—আমার পাপ তুমি হরণ কর জহ্নুনী, কণ্ঠের শরম তুমি ঢাক না। ঢেক্যা নাও। মুখ রাখ।

—মনে মনে শুধু জহ্নুনীরেই ডাকি নাই ধনস্তরি ভাই। তারেও ডাকি।

শীর্ণ মুখ তার চোখের জলে ভিজে গিয়েছিল। শিবরামের চোখেও জল এসেছিল। বায়ুরোগপীড়িতা মেয়েটির কণ্ঠের যে অস্বস্তি নাই, মস্তিষ্ক থেকে হৃদপিণ্ড পর্যন্ত অহরহ এই যন্ত্রণায় নিপীড়িত হচ্ছে, সে তথা ধূর্জটি কবিরাজের শিষ্যটির অহুমান করতে ভুল হয় নাই এবং সে যন্ত্রণার পরিমাণও তিনি অহুভব করতে পারছিলেন। সেই অহুভূতির জগ্গই চোখের পাতা সিক্ত হয়ে উঠেছিল তাঁর।

চোখের জলে অভিষিক্ত বেদনাক্ত শীর্ণ মুখে একটু হাসি ফুটে উঠল। পিঙলা বললে—তারে ডাকি। নাও ঠাকুরকে। সে যদি মুক্তির আদেশ আনে, তবে তো মুই ঝাঁচলম। লইলে মরণ। আমার বুকে চাপা ফুল ফুটিছে, ই লাজের কথা দশে জানার আগে মুই মরব। কিন্তুক আগুন জ্বালায়ে যাব। আগুন জ্বালাব নিজের অঙ্গে, সেই আগুনে—

পিঙলার দু পাটি দাঁত সেই মেঘচ্ছায়াচ্ছন্ন অপরাহ্নে কালো গুঁথের মধ্যে বিদ্যুতের মত ঝলকে উঠল। শিবরাম আশঙ্কা করলেন, এইবার ছুঁতো চীৎকার ক’রে উঠবে পিঙলা। কিন্তু তা করলে না সে। উদাস মেয়ে চেয়ে রইল সম্মুখের মেঘমেহুর আকাশের দিকে। কিছুক্ষণ পর সে একটা দীর্ঘনিশ্বাস ফেলে উঠল। বললে—দুখিনী বহিনের কথা শুনল। ভাই, যদি শুন, বহিন মরেছে তবে অভাগিনীর তরে কাঁদিও। আর যদি মুক্তি আসে—

একটি প্রসন্ন হাসিতে তার শীর্ণ মুখখানি উদ্ভাসিত হয়ে উঠল। বললে—দেখা করিব। তুমার সাথে দেখা করিব। মুক্তি আসিলে তোমার সাথে দেখা করিব। এখন যাও ভাই, আপন লায়ে। মুই জলে নামিব।

এতক্ষণ অভিভূতের মতই ব’সে ছিলেন শিবরাম। চিকিৎসকের কোতূহল আর ওই বৃদ্ধ আদিম মানুষের একটি কণ্ঠার অক্লান্তস্বারাচ্ছন্ন জীবন-কাহিনীর বৈচিত্র্য তাঁকে প্রায় মুগ্ধ ক’রে রেখেছিল। শেষ হতেই দীর্ঘনিশ্বাস ফেলে তিনি উঠলেন।

একদিন—সে দিনের খুব দেরি নাই—পিঙলার মস্তিষ্কের কুপিত বায়ু হতভাগিনীকে বন্ধ উন্মাদ ক’রে তুলবে। সর্বত্র এবং অহরহ সে অমুভব করবে চাপার গন্ধ। শক্তিত ত্রস্ত হয়ে সে গভীর নির্জনে লুকিয়ে থাকবে। হয়তো ওই কল্পিত গন্ধ ঢাকবার জন্য দুর্গন্ধময় পঙ্ককে মাখবে চন্দনের মত আগ্রহে।

ভাই! অ ধনুস্তরি ভাই!—পিছন থেকে ডাকলে পিঙলা। কণ্ঠস্বরে তার উদ্বেজনা—উল্লাস।

ফিরলেন শিবরাম। দেখলেন, দ্রুতপদে প্রায় ছুটে চলেছে পিঙলা। পিঙলা আবার একবার মুহূর্তের জন্য মুখ ফিরিয়ে বললে—যাইয়ো না। দাঁড়াও।

সে একটা ঘন জঙ্গলের আড়ালে অদৃশ্য হয়ে গেল। শিবরাম ভ্রু কুঞ্চিত ক’রে দাঁড়িয়ে রইলেন। কি হ’ল? মেয়েটা শেষ পর্যন্ত তাঁকে পাগল ক’রে তুলবে?

কিছুক্ষণ পর পিঙলা আবার বেরিয়ে এল জঙ্গলের আড়াল থেকে। তার হাতে ঝুলছে একটি কালো সাপ—সত্যাকারের লক্ষণযুক্ত কুম্ভসর্প।

—মিলেছে ভাই। মা-বিষহরি আমার কথা শুনিছেন। মিলিবে—আরও মিলিবে।

পিঙলা নামল জলে। শিবরাম ফিরলেন বেদেপাড়ায়।

বেদেপাড়ায় তখন কোলাহল উঠছে। গঙ্গায় শুশুক পেয়েছে দুটো। গঙ্গারাম তার হলদে দাঁতগুলি বার ক’রে বললে—যাত্যা তুমার জল কবিরাজ। শুশুকের ত্যাল, কালোসাপ আনেক মিলিল এক যাত্যায়।

বিদায়ের সময় পিঙলা ঘাটের উপর দাঁড়িয়ে রইল। তার চোখে জল টলমল করছিল, ঠোঁট ছুটি কাঁপছিল। তারই মধ্যে দৃষ্টি ছিল এক টুকরা হাসি।

শিবরাম বললেন—এবার কিন্তু আমার ওখানে যাবে তোমরা। যেমন যেতে গুরু ওখানে। আমাকে বিষ দিয়ে আসবে।

গঙ্গারাম বললে—উ কত্তে তো আর যাবে নাই ধনুস্তরি, উয়ার তো মুক্তি আসিছে। চই রাড়ের পথ দিয়া ঠাকুর গেলছে মুক্তি আনিতে। না, কি গ কত্তে?

পিঙলা লেজ-মাড়ানো সাপিনীর মত ঘুরে দাঁড়াল।

গন্ধারাম কিন্তু চকল হ'ল না, সে হেসে বললে—আসিছে, সে আসিছে।
চাপা ফুলের মালা গলায় পরা সে আসিছে। মুই তার বাস পাই যেন!

স্থির দৃষ্টিতে চেয়ে রইল পিঙলা।

শিবরামের নৌকা মোড় ফিরল, হাউরমুখীর খাল থেকে কুমীরখালার নালায়
গিয়ে পড়ল। স্রোত এখানে অগভীর—সম্পূর্ণে চলল নৌকা। শিবরাম
ছইয়ের উপরে ব'সে ছিলেন। পিঙলাকে আর দেখা গেল না। শিবরাম
একটা দীর্ঘনিশ্বাস ফেললেন। পিঙলার সঙ্গে আর দেখা হবে না। হয়তো
মাস কয়েকের মধ্যেই রুদ্ধ কুপিত বায়ু কালবৈশাখীর ঝড়ের মত বেগে আলোড়ন
তুলবে, জীবনটাকে তার বিপর্যস্ত ক'রে দেবে। উন্মাদ পাগল হয়ে যাবে
হতভাগিনী।

শিবরামের তুল হয় নাই। পিঙলার সঙ্গে আর তাঁর দেখা হয় নাই। কিন্তু
আশ্চর্য, তাঁর চিকিৎসকের অনুমান ব্যর্থ হয়ে গিয়েছে। পিঙলা পাগল হয় নাই।

BanglaBook.org

বেদের কন্তে সহজে পাগল হয় না ধম্মস্তরি ভাই ; বেদের কন্তের পরান যখন ছাড়-ছাড় কর্যা উঠে, তখন পরানটারেই ছেড়া দেয় হাসি মুখে বাসিফুলের মালার মতুন ; লয়তো—বাঁধন ছিঁড়্যা আগুন জ্বালায়ে নাচিতে নাচিতে চলা যায়, যা পেলো যারে পেলো পরান বাঁচে তারি পথে। আপন মনেই সে শুধায়—মন, কি চাস তা বল, খতায় দেখ্যা বল। যদি ধরমে স্থখ তো ধরম মাথায় লিয়া মর্যা যা ; দে কুনও কালনাগের মুখে হাত বাড়ায় দে। দিয়া ভরপেট মদ খেয়ে ঘুমায়ে যা। আর তা যদি না চাস, যদি বাঁচিতে চাস, ধরমে-করমে-জাতিতে কুলে-ঘরে গেরামে-পরানে আগুনের জ্বালা ধরায় দিয়া—জ্বালায়ে দিয়া চ'লে যা তু আপন পথে।

মা-বিষহরির দয়ায় কন্তে পাগল সহজে হয় না ধম্মস্তরি !

কথাগুলি শিবরামকে বলেছিল পিওলা নয়, শবলা। বিচিত্র বিশ্বয়ের কথা শবলার সঙ্গে শিবরামের আবার দেখা হয়েছিল, সে ফিরে এসেছিল।

শবলা বলেছিল—মুই গেলুছিলম। মহাদেব শিরবেদের সন্ধান কর্যা—ঝাপ দিয়া পড়ছিলম গঙ্গার জলে। মরি মরব, বাঁচি বাঁচব, বাঁচিলে পিথিমীর মাটিতে পরানের ভালবাসা ঢেলে মাথায় তাতেই ঘর বেঁধা, পরানের সাধ মিটাব। ঘরের দুধারে দুই চাঁপার গাছ পুঁত্যা, ফুলের মালা গলায় পর্যা, পরানের ধনে মালা পরায়—বাঁচব, পরান ভরায় বাঁচব। তা মরি নাই, বেঁচেছি। দেখ চোখে দেখ, তোমার ধর্ম-বহিন—বেদের কন্তে, পোড়া-কপালী, মন্দভাগিনী, কালামুখী কুহকিনী নিলাজো শবলা তুমার ছামনে দাঁড়ায়—দুশমনের-হাড়ে-গড়া দাঁতে ঝিকঝিক কর্যা হেসে সারা হতেছে।

পেতিনী নই, জ্যাস্ত শবলা, দেখ, ছুঁলি পর যদি চান করতে হয় তো কাজ নাই ; লইলে এই আমার হাতখানা পরণ করা দেখ, মুই সেই শবলা । ধমন্তরি ভাই, বেদের কস্তুর মনে বায়ু যখন ঝড় তুলে, তখন পরানের ঘরের ছয়ার ভেঙে ফেলায় ।

হেসে ওঠে শবলা—খিল খিল ক’রে হেসে ওঠে, সে হাসিতে মাহুষের আর বিশ্বয়ের অবধি থাকে না, ভাবে—নির্লজ্জ ভাবে এমন হাসি কি ক’রে মাহুষ হাসে ! সেই হাসি হেসে শবলা বললে—কি কইলম ? পরানের ছয়ার ভেঙে ফেলায় ? আ আমার কপাল, বেদের জাতের পরানের ঘরে আবার ছয়ার ! ছয়ার লয় গো—আগড় । কোনমতে ঠেকা দিয়া পরানের সুখ ঢেক্যা রাখা । ঝড় উঠলে সে কি থাকে ? উড়ে যায় । ভিতরের গুমোট বাইরে এসে আকাশে বাতাসে ছড়ায়ে যায় । বায়ুতে বেদের কস্তে পাগল হয় না ধমন্তরি ভাই । মুই পাগল হই নাই । পিঙলা—সেও পাগল হয় নাই । মা-বিষহরির দয়া ।

মাস চারেক পর । সে তখন কাতিকের প্রথম । শিবরামের সূৰ্য্যে শবলার দেখা হ’ল । তাঁর নতুন ঠিকানায়, আয়ুর্বেদ-ভবনের সামনে এসে চিমটে বাজিয়ে হাঁক তুলে দাঁড়াল ।

—জয় মা বিষহরি ! জয়—ধমন্তরি ! তুমার হাতে পাথরের খলে বিষ অম্বুতি হোক ; ধনে পুতো লক্ষ্মীলাভ হোক । যক্ষ্মানের কল্যাণ কর ভোলা মহেশ্বর ।

শিবরাম জানতেন, বেদেরা আবার তাঁর এখানে আসবে । ঠিকানা তিনি দিয়ে এসেছিলেন । নারাকঠের ডাক শুনে ভেবেছিলেন—পিঙলা । একটু বিস্মিত হয়েছিলেন, পিঙলা পাগল হয় নাই ? কিসে আরোগ্য হ’ল ? দেবকুপা ? বিষহরির পূজারিণীর ব্যাধি বিষহরির কুপায় প্রশমিত হয়েছে ? রসায়নের ক্রিয়া যেমন দুই আর দুই যোগ করলে চারের মত স্থিরনিশ্চয়, দেহের অভ্যন্তরে ব্যাধির প্রক্রিয়াও তেমনি স্থনিশ্চিত ; ব্যাধিতে তাই ঔষধের রসায়ন প্রয়োগে দুই শক্তিতে বাধে দ্বন্দ্ব, কোথাও জেতে ঔষধ, কোথাও জেতে ব্যাধি । ঔষধ

প্রয়োগ না করলে ব্যাধির গতিরোধ হয় না, হবার নয়। এ সত্যকে তিনি মানেন। আয়ুর্বেদ—পঞ্চমবেদ, বেদ মিথ্যা নয়। কিন্তু তার পরেও কিছু আছে, অদৃশ্য শক্তি, দৈব-অভিপ্রায়, দেবতার কৃপা! দৈববলের তুল্য বল নাই। আচার্য ধূর্জটি কবিরাজের শিষ্য হয়ে তিনি কি তা অবিশ্বাস করতে পারেন? রহস্য উপলব্ধির একটু প্রসঙ্গ হাসিতে তাঁর মুখ উজ্জ্বল হয়ে উঠল। বিষয় কেটে গেল। বেরিয়ে এলেন তিনি। বেরিয়ে এসে কিন্তু তিনি স্তম্ভিত হয়ে গেলেন।

সামনে দাঁড়িয়ে পিঙলা নয়—শবলা।

পিঙলা দীর্ঘাঙ্গী; শবলা বালিকার মত মাথায় খাটো। আজও তাকে পনেরো-ষোল বছরের মেয়েটির মত মনে হচ্ছে।

পিঙলা দীর্ঘকেশী; শবলার চুল কুঁকিত কৌকড়ানো একপিঠ খাটো চুল।

শবলার চোখ আয়ত ভাগর; পিঙলার চোখ ছোট নয়, কিন্তু টানা—লম্বা।

শবলাকে পিঙলা ব'লে ভুল হবার নয়।

শবলার পিছনে সীতালীর কজন অল্পবয়সী বেদে, বয়স্ক লোকের মধ্যে নটবর আর নবীন।

শিবরাম বুঝতে পারছিলেন না কিছু। শবলা?

শবলা ভূমিষ্ঠ হয়ে প্রণাম ক'রে বললে—পেনাম ধন্যস্তরি ভাই! তুমার আঙ্গিনায় আমাদের জনম জনম পেট ভরুক, আমাদের নাথের গরল তুমার খলে তুমার বিদ্যায় অমৃতি হোক, তুমার জয়জয়কার হোক।

প্রণাম সেরে উঠে নতজাহ্ন হয়ে ব'লেই বললে—আমাকে চিনতে লারছ ভাই?

এতক্ষণে বিষয় এবং স্নেহভরা কণ্ঠে প্রশ্ন করলেন শিবরাম—শবলা!

—হাঁ গ। শবলা।

—আর সব? পিঙলা? গঙ্গারাম? ভাহু?—এরা? পিঙলা পাগল হয়ে গেছে, না?

শবলা তার মুখের দিকে তাকিয়ে রইল। শিবরাম বুঝলেন, শবলা প্রশ্ন করছে—জানলে কি ক'রে? শিবরাম বিষন্ন হেসে বললেন—তার দেহে বায়ু-রোগের লক্ষণ আমি দেখে এসেছিলাম। মানসিক দৈহিক পীড়ন সে নিজেই

অত্যন্ত কঠোর ক'রে তুলেছিল। বায়ু কুপিত হয়ে উঠল স্বাভাবিক ভাবে।
আমি বলেছিলাম তাকে ওষুধ ব্যবহার করতে। কিন্তু—

—বায়ুরোগ ? বায়ুর কোপ !

হাসলে শবলা। বললে—বেদের কণ্ঠে সহজে পাগল হয় না ধ্বস্তরি-ভাই।
পিঙলার মনে যে ঝড় উঠিল ভাই, সে ঝড়ে পেলয় হয়ে গেল সীতালীতে।
মহন্তর হয়ে গেলছে সীতালীতে। নাগিনী কণ্ঠের মুক্তি হলছে।

*

*

*

*

সে এক বিচিত্র বিস্ময়কর ঘটনা।

শবলা ব'লে গেল, শিবরাম শুনে গেলেন।

শুনতে শুনতে মনে পড়ল আচার্য ধূর্জটি কবিরাজের কথা। একদিন তুলসীর
পাতা তুলতে তুলতে বলেছিলেন, তুলসীর গন্ধ তৃপ্তিদায়ক, কিন্তু পুষ্পগন্ধের মত
মধুর নয়। স্বাদেও সে কটু। আমি যেন ওর মধ্যে অরণ্যের বন্য জীবনের গন্ধ
পাই। তুলসীর জন্মবৃত্তান্ত জান তো? সমুদ্রগর্ভে বা সমুদ্রতটে থাকত যে
দৈত্যজাতি, তাদের রাজা জলন্ধর বা শম্বুচূড়ের পত্নী তুলসীর তপশ্চায় শম্বুচূড়
ছিল অজেয়। সে তো সব জান তোমরা। বিষ্ণু প্রতারণা ক'রে তার তপশ্চা
ভঙ্গ করলেন; স্বামীর অমরত্ব লাভ ঘটল না, জলন্ধর বা শম্বুচূড় নিহত হলেন।
কিন্তু তুলসী মানবজীবনের মহাকল্যাণ নিয়ে, বিষ্ণুর মস্তকে স্থানলাভের অধিকার
নিয়ে পুনর্জন্ম লাভে সার্থক হলেন। ওর গন্ধের মধ্যে আমি যেন সেই সমুদ্রতটের
দৈত্যনারীর গাত্রগন্ধ পাই।

পিঙলাও কি কোন নূতন বিষয়নাশিনী লজ্জা হবে না নূতন জন্মে ?

মহাদেব বেদের বৃকে বিষের কাঁটা বসিয়ে দিয়ে প্রত্যাষে কুহক-আলোকের
মত আবছা-আলো আবছা-অন্ধকারের মধ্যে নয়িকা শবলা ভরা গন্ধায় কাঁপ খেয়ে
পড়েছিল। সে প্রতিশোধ নিয়েছিল। সে তখন প্রায় উন্মাদিনী।

বন্য আদিম নারীজীবন; চারিদিকে নিজেদের সমাজে অবাধ উদ্‌গম জীবন-
লীলা; তার প্রভাবে এবং স্বাভাবিক প্রবৃত্তিতে তার জীবনেও কামনা জেগেছিল,

উদ্দাম হয়ে উঠেছিল—সে কথা শবলা গোপন করে নাই, অস্বীকার করে নাই। অনেক কাল পূর্বে প্রথম পরিচয়ে ভাই-বোন সম্বন্ধ পাতিয়েও সে পাতানো-ভাইয়ের কাছে চেয়েছিল অসামাজিক অবৈধ ভেষজ। সন্তানখ্যাতিনী হতেও সে প্রস্তুত ছিল, সে কথা বলতেও সে লজ্জা বোধ করে নাই। সে স্বীকার করেছিল, একটি বর্ধবান বেদে তরুণকে সে ভালবেসেছিল, কিন্তু তাকে স্পর্শ করতে ভয় তার তখনও ছিল, পারে নাই স্পর্শ করতে। তাকে স্নানকোণে মহাদেব শিরবেদে সর্পাঘাত করিয়ে খুন করেছিল। তারপরই সে উন্মত্ত হয়ে উঠল।

শবলা বললে—আমার চক্ষু দুটা ঠুলি দিয়া ঢাকা ছিল ধরমভাই, খুল্যা ফেলালম মনের জালায়—টেঙা ছিঁড়ি দিলম। চক্ষুতে আমার সব পড়িল—রাতিরে দেখলম রাতি, দিনেরে দেখলম দিন। শিরবেদের স্বরূপ দেখ্যা পরানটায় আমার আগুন জ্বল্যা উঠল। হয়তো উয়ারও দোষ নাই; কি করিবে? বেদেগুলের দেবতা দুটি—একটি শিব, আরটি বিষহরি। শিব নিজে ধরমভেরষ্ট হয়্যা কুচনীপাড়ায় ঘুরে, আপন কত্তোর রূপে মোহিত হয়। বেদেগুলের কপাল।

শিবরাম ম্লান হেসে বলেন—ওদের দেবতা হওয়া সাধারণ কথা নয়। ওই শিবই পারেন ওদের দেবতা হতে। ওদের পূজা নিতে দেবতাটি অমানমুখে গ্রহণ করেছেন উচ্ছ্বলতার অপবাদ, ধরেছেন বর্বর নেশাপরাধের রূপ, আরও অনেক কিছু। নিজেদের সমাজপতির শ্রেষ্ঠ শক্তিমানের জীবনের প্রতিফলনে প্রতিফলিত হয়েছেন রুদ্রদেবতা। বলাহীন জৈবিক জীবনকে স্বেচ্ছাচারে যা চায়, যা করে, তার দেবতাও তাই করেন। তারা বলে—দেবতা করে, তারই প্রভাব পড়ে মানুষের উপর! উপায় নাই, পরিত্রাণ নাই। প্রাণপণ চেষ্টা হয়তো করে, তবু অস্তরের অস্তন্তলে স্বেচ্ছাচারের কামনা কুটিলপথে আত্মপ্রকাশ করে।

মহাদেব শিরবেদের মধ্যেও সেই উদ্দাম ভ্রষ্ট জীবনের নিরুদ্ধ কামনা শবলা আবিষ্কার করেছিল। সে বলে—শিরবেদের উপরে শিবই চাপিয়ে গিয়েছেন তাঁর সেই ভ্রষ্ট জীবনের কামনার অতৃপ্তি। সব—সব—সকল শিরবেদের মধ্যেই তা প্রকাশ পায়। বেদেরা তা ধরতে পারে না, দেখতে পায় না;

হু-একজন পেলোও, তারা চোখ ফিরিয়ে থাকে। মহাদেবের দৃষ্টিও নাকি পড়েছিল শবলার উপর। চোখে দেখা যেত না, শবলা তা অন্তরে অন্তরে অনুভব করেছিল।

কিন্তু শবলা নাগিনী কণ্ঠা হ'লেও তার তো বিষহরির মত নাগভূষায় ভূষিতা, গরলনীল, বিষম্বরী মৃতি ধরবার শক্তি ছিল না। তাই সে সেদিন শেষরাত্রে অসহ জীবনজ্বালায় উন্মাদিনী হয়ে তার নোকায় গিয়ে উঠেছিল জলচারিণী সরীসৃপের মত। জলে ভিজে কাপড়খানা ভারী হয়ে উঠেছিল, শব্দ তুলেছিল প্রতি পদক্ষেপে, গতিকেও ব্যাহত করছিল; তাই সে খুলে ফেলে দিলে কাপড়খানা। উন্মাদিনী গিয়ে দাঁড়াল তার পাশে।

শিবরাম সে সব জানেন। শুনেছিলেন। বিস্মিত হন নাই। যে আগুন দেখেছিলেন তিনি শবলার চোখে, তার যে উত্তাপ তিনি অনুভব করেছিলেন—তাতে শবলার পক্ষে অসম্ভব কিছু ছিল না। সব শুনতে প্রস্তুত ছিলেন। শিবরাম বললেন—সে সব আমি জানি শবলা।

—জান? শবলা কঠিন দৃষ্টিতে শিবরামের দিকে তাকিয়ে বললে—কি জান তুমি? মূই তার বৃকের উপর ঝাপায়ে পড়েছিলম, সে আমারে দধিমুখী ভেবেছিল—

ঠোট বেকিয়ে বিচিত্র হাসি হেসে সে বললে—এক ফুড়ি চার বছর তখন আমার বয়স—দধিমুখী দু ফুড়ি পারালুছে। আমাকে মনে ভেবেছিল দধিমুখী!

মূই তখন সাতালী পাহাড়ের কালনাগিনীর পাঁচ ভয়ঙ্করী। চোখে আগুন, নিশ্বাসে বিষ, ছামনে পড়ছে যে ঘাসগাছ সে ঝলসে কালো হয়ে যেতেছে। ওদিকে আকাশে ম্যাঘের ঘটাপটার মাঝখানে জেগ্যা রইছেন বিষহরি—চোখে তাঁর পলক নাই, হাতে তাঁর দণ্ড; ইদিকে ঘুরছে হিম্মালের লাঠি হাতে চাঁদো বেনে—তার নয়নে বিচ্ছে নাই, নাগিনীর সঙ্গে বিষের জালা—বিষহরি তারে খাওয়ালুছেন বিষের পাথর। ঠিক তেমুনি আমার দশা তখন। জ্ঞান নাই, গম্বি নাই, মরণে ভয় নাই, ধরমে ডর নাই,—বুকে আমার সাতটা চিতার আগুন, সর্ব অঙ্গে আমার মরণ-জরের তাপ। ভোর হতেছে তখন, চারিদিকে

কুহকমায়াব আলো, সেই আলোতে সব দেখাইছিল ছায়াবাজির-পারা। গাছ-পালা গাঁ-লা—আমার চোখে মুই তাও দেখি নাই ; মুই দেখেছিলম অঙ্ককার, সাত সমুদ্রের পাথারের মত অঙ্ককার থৈ-থৈ করছিল আমার চোখের ছামনে। ঝাঁপ দিব—হারায়ে যাব। আমার তখন কারে ডর ? কিসের ডর ? মুই যাব লরকে—উকে লিয়া যাব না ? বৃকের উপর নিজেই দিলম ঢেয়া। তাপরে দিলম পাপীর ঠিক কলিজার উপর কাঁটাটা বিঁধা, লোহার সরু কাঁটা, সূচের মত মুখ, ভিতরটা ফাঁপা—তাতে ভরা থাকে বিষ সে বিষের ওষুদ নাই।

তারপর সে ছুটে বেরিয়ে এসে ঝাঁপিয়ে পড়েছিল ভাদ্রের দুকূল-পাথার গঙ্গার বৃকে। কলকল—কলকল শব্দ, প্রচণ্ড একটা টান,—মধ্যে মধ্যে শ্বাসকষ্টে বৃক ফেটে যাচ্ছিল—নইলে ভেসে চলেছে, যেন দোলায় ঢুলে চলেছে, আকাশ নাই, মৃত্তিকা নাই, চন্দ্র নাই, সূর্য নাই, বাতাস নাই। শবলা বললে—বাস্, মনে হ'ল হারায়ে গেলম। মুছে গেল সব। মনে হ'ল, খুব উঁচু ডাল থেক্যা পড়েছি, পড়ছি—পড়ছি—পড়ছি। তাপরেতে তাও নাই। কিন্তু হারায়ে গেলম না। চেতন যখন হ'ল—তখন দেখি মুই একখানা লাগের উপর শুয়ে রইছি।

সে লা এক মুসলমান মাঝির লা। ইসলামী বেদে। বেদের কল্পেই দেখেই সে চিনেছিল। চিহ্ন আমার ছিল। শবলা হাসলে।

শবলা শব্দ করে এলোখোঁপা বেঁধেছিল সেদিন। খোঁপায় গুঁজে নিতে হয়েছিল ওই বিষকাঁটা ; আর এলোখোঁপাক পাকানো চুলের সঙ্গে জড়িয়ে নিয়েছিল পদ্ম-গোখুরার একটা বাচ্চা। প্রয়োজন হ'লে ওকেও ব্যবহার করবার অভিপ্রায় ছিল।

—শুনলুম যখন ভাই, কি সে ইসলামী বেদে, তখন হাসলাম। বুঝলম, মা আমাকে সাজা দিচ্ছেন। এই ভাদ্র মাসের দুকূল-পাথার গাঙের লালবরণ জলের পরতে পরতে ভবযন্ত্রণা থেকে মুক্তির পরশ মহাপাপীর হাড়ের টুকরা কাকে চিলে ঠোঁটে কর্যা নিয়া যায়, যদি কোন রকমে পড়ে মা-গঙ্গার জলে, তবে লরকের পথ থেক্যা স্বরগের রথ এয়া তারে চাপায়ে ডকা বাজায়ে নিয়া যায়।

আমার করমদোষ ছাড়া আর কি কইব ? পাথার গাড়ে ঝাঁপায়ে পড়লম, বুক ফেট্যা গেল বাতাসের তরে, চেতনা হর্যা গেল, আর মুছ্যা গেল, জুড়ায়ে গেল জ্বালা, ভুলে গেলম মনিষি-জীবনের সকল কথা । বুলব কি ভাই, চুলে জড়ানো নাগের ছানা, যে নাগ ছটা মাস মাটির তলে থাকে, সে নাগটাও ম'রে গেছিল, কিন্তু আমার মরণ হয় নাই । বুঝতে আমার বাকি রইল না, বিষহরি আমাকে ফিরায়ে দিছেন ;—জাতি নিয়া, কুল নিয়া ফিরায়ে পাঠায়ে দিছেন নরলোকে এক ইসলামী বেদের ঘরে দুঃখভোগের তরে ।

কণ্ঠস্বর হঠাৎ দৃঢ় হয়ে উঠল শবলার । সে বললে, উপবের দিকে মুখ তুলে তাদের দেবী বিষহরিকে উদ্দেশ্য ক'রে বললে কথাগুলি—তা পাঠাও তুমি । একদিন তুমি নিজে বাদ করলা চাঁদো বেনের সাথে, সে বাদে জীবন দিলেক নাগেরা ; তুমি রইল্যা নিজের আটনে বস্যা, কালনাগিনীয়ে পাঠাইলা সোনার লখিন্দরকে দংশন করতে । কি পাপ—কি দোষ করেছিল লখিন্দর-বেহুলা ? চলতে হ'ল বিষবেদের প্রধানকে । তুমি পেলে পূজা, কালনাগিনী বেদেফুলে জনম নিয়া জনমে জনমে—তিলসুনা খাটিছে ; আমাকে ফিরা পাঠাইলা নরলোকে দুঃখ ভোগের তরে বিধর্মীর ঘরে ! ভাল । দুগের বদলে দুগুণ করিব মুই । যাক ধরম । স্বামী নিব, ঘর গড়িব, দুয়ার গড়িব, হাসিব আঁচিব গাহিব, পুতা-কন্যায় সাজাইব আমার সংসার, তাপরেতে মরিব, জুখনি নরকে যাই যাইব । যমদণ্ডের ঘায়ে যদি আঙুল-পেমান পরাম-পুতুলি আছাড়িপিছাড়ি করে, তবু তুমারে ভাকিব না ।

কিন্তু তা লারলাম । দিলে না বিষহরি, দিল না ওই ইসলামী বেদে । ওই বেদেদেই মুই পতি বল্যা বরণ করিছিলম । ইসলামী হ'লি কি হয়—দেবতা তো বেদের বিষহরি ! তারে তো সি ভুলে নাই ! সাতালীর বেদেফুলের যারা সাতালী থেক্যা গাঙুড়ের জলে লা ভাসায়ে আসিবার পথে সঙ্গ ছাড়িছিল, থেক্যা গেছিল পদ্মাবতীর চরে—তারাই তো হইছে ইসলামী বেদে । ভুলিবে কি কর্যা ? সে কইল—বেদের কন্তে, ঘর বাঁধিবার আগে মায়েরে পেসন্ন কর । লইলে মায়ের কোপে, চাঁদো বেনের দশা হইবে । ঝড়ে লা ডুবিলে, পুতা কন্যা নাগ-দংশনে পরান দিবে ; স্নেহের আশায় ঘর বাঁধিব, দুখের আগুনে জ্বালা ।

ছারখার হয়্যা যাবে। মায়েরে পেসন্ন কর। মনে কর কত্তে—নাগিনী কত্তের
অদেষ্ট, পেথম সস্তানটিরে তারে—

শিউরে উঠল শবলা।

প্রবাদ আছে,—নাগিনী কত্তা যদি ভ্রষ্ট হয়ে পালিয়ে গিয়ে বাঁচে, সে যদি
ঘর-সংসার বাঁধে, সে যদি তার জাতি-ধর্ম সব ত্যাগ করে, তবে মা-বিষহরির
অভিশাপ গিয়ে পড়ে তার মাতৃহের উপর। সস্তান কোলে এলেই তার নাগিনী
স্বভাব জেগে ওঠে। নাগিনী যেমন নিজের সস্তান ভক্ষণ করে, নাগিনী কত্তা
তেমনই সস্তান হত্যা করে।

আত্মসম্বরণ ক'রে শবলা উদাস দৃষ্টিতে তাকিয়ে রইল আকাশের
দিকে।

কিছুক্ষণ পর একটা দীর্ঘশ্বাস ফেলে বললে—আর হ'ল না ঘরবাঁধা। জমি
পেলম, বাঁশ খড় দড়ি সবের ব্যবস্থাই করলাম মনে মনে, পুঁজিরও অভাব ছিল
নাই; কিন্তু তবু হ'ল নাই। পশ্চিম আকাশের দিকে তাকিয়ে—কালো
মেঘের কথা মনে পড়িল, বিদ্রুতের আলো মনে হইল, ঝড় ঝড় ডাক যেন মাথার
মধ্যে ডেক্যা উঠল। ঘর বাঁধা হ'ল নাই। পথে পথে ঘুরতে লাগলাম।
যোগিনী সাজলাম, সাঁতালীর বিল বাদ দিয়া মা-বিষহরির আটনে আটনে ঘুরা
বেড়ায়ে ধরনা দিলম। শুধু আমার তরে লয় ভাই, যোগিনী সেজা তপ যখন
করছি, তখন নাগিনী কত্তের তরেও খালাস চাইলাম বললাম—জহ্ননী গ,
শুধু আমাকে লয়, তুমি কত্তেরে এই বন্ধন থেকে খালাস দাও—খালাস দাও—
খালাস দাও। কামরূপ গেলাম। মা-চক্রে মা-কামিকেকে বললম—মা,
আমারে খালাস দাও, কত্তেরে খালাস দাও।—পথে দেখা ঠাকুরের
সাথে।

—কার সঙ্গে ?

—নাশু ঠাকুর গ! মাথায় ঝুঁখু চুল, বড় বড় চোখ, খ্যাপা-খ্যাপা চাউনি;
সোনার পাতে ঝোড়া লোহার কপাটের মতুন এই বুক, তাতে দুলছে কন্দারিকির
মালা, অরণ্যের দাঁতাল হাতীর মতুন চলন,—ঠাকুরকে দেখা মনে হইল
মহাদেব। দেখে তারে ডেকে কইলম—তুমি ঠাকুর কে বটে, তা কও ? ঠাকুর

কইল—আমার নাম নাগু ঠাকুর—মুই চলেছি মা-কামাখ্যার আদেশের তরে,
মা-বিষহরির আদেশের তরে ।

শিবরাম সবিস্ময়ে বললেন—তুমিই সেই যোগিনী ?

ই, শবলা পোড়াকপালীই সেই যোগিনী ।

শবলা বললে—ধনুস্তরি ভাই, ঠাকুরের কথা শুন্না পিঙলার ভাগ্যের 'পরে
আমার হিংসা হচ্ছিল । হায় রে হায়, রাজনন্দিনীর এমন ভাগিয়া হয় না ; বেদের
কণ্ঠে মন্দভাগিনীর সেই ভাগিয়া !

শিবরাম বলেন—সত্যিই ঈশ্বর কথা । এমন বীরের মত গৌরবর্ণ পুরুষ,
গেরুয়া-পরা সন্ন্যাসী—সে ওই বেদের মেয়ের জন্ত জাতি ধর্ম সন্ন্যাস ইহকাল
পরকাল সব জলাঞ্জলি দিয়ে বনে পাহাড়ে দুর্গম পথে চলেছে, তাকে না পেলে
তার জীবনই বৃথা, ওই বন্দিনী কণ্ঠাটির মুক্তিই হ'ল তার তপস্যা—এ ভাগ্যের
চেয়ে কোন্ উত্তম ভাগ্যা হয় নারীজীবনে ? এ দেখে কোন্ নারীর না সাধ হয়—
হায়, আমার জন্ত যদি এমনি ক'রে কেউ ফিরত !

বিপুলবিস্তার কোন নদী, বোধ হয় ব্রহ্মপুত্রের তীরে—ঘন বনের মধ্যে শবলার
সঙ্গে নাগু ঠাকুরের দেখা হয়েছিল । বীরবপু নিভীক নাগু ঠাকুর মর্মেণ্ড বাসনায়
একা পথ চলছিল । মধ্যে মধ্যে ডাকছিল—শরুরী ! শরুরী ! বিষহারি !
শিবনন্দিনী !

হাতে ত্রিশূল দণ্ড ; কখনও কখনও অরণ্যের গাট নির্জনতার মধ্যে
ছেলেমানুষের মত হাঁক মেঝে প্রতিধ্বনি তুলে কোকিল অহুভব করছিল—এ—প্ !

চার দিক থেকে প্রতিধ্বনি উঠছিল—এ—প্ ! এ—প্ ! এ—প্ !

সে প্রতিধ্বনি মিলিয়ে যেতে না-যেতে আবার হেঁকে উঠছিল—এ—প্ ।

শবলা বিস্মিত মুগ্ধ হয়ে নবীন সন্ন্যাসীর সঙ্গে পরিচয় করেছিল ।

নাগুর কথা শুনে বুকের ভিতরটা কেমন ক'রে উঠেছিল শবলার । সাতালী
মনে পড়েছিল । পিঙলাকে মনে পড়েছিল । হিজলের বিল মনে পড়েছিল ।

শবলার উত্তেজনার সীমা ছিল না । প্রথমেই সে সেই উত্তেজনায় ঠাকুরকে
ধিকার দিয়ে বলেছিল—ঠাকুর, কেমন পুরুষ তুমি ? একটা কণ্ঠেরে তোমার
ভাল লেগেছে, তার তরে তুমার পিখিমী শূণ্য মনে হচ্ছে, অথচ তুমি তারে কেড়ে

লিতে পার না ? এমন বীর চেহারা তুমার, এমন সাহস, বাঘেরে ডরাও না, সাপেরে ডরাও না, পাহাড় মান না, নদী মান না, আর কয়টা বেদের সাথে লড়াই কর্যা কত্তেটারে কেড়া লিতে পার না ?

নাগু ঠাকুর বলেছিল—পারি। নাগু ঠাকুর পারে না—তাই কি হয় ? নাগু ঠাকুরের নামে রাঢ়ের মাটিতে মাটি ফুড়ে ওঠে তার সাকরের শিষ্যের দল। মেটেল বেদে, বাজিকর, ওস্তাদ, গুণীন—এরাই শুধু নয়, নাগু ঠাকুর কুস্তিগীর, নাগু ঠাকুর লাঠিয়াল। নাগু সব পারে। সব পারে বলেই তা করব না। কত্তেকে কেড়ে আনলে তো কত্তে হবে ডাকাতির মাল। তাকে মুক্তি দিয়ে জয় করতে হবে। পিঙলা কত্তে—লম্বা কালো মেয়ে, টানা ছুটি চোখে আঁষাঢ়ের কালো মেঘ, কখনও বিহাতের ছটা, কখনও সন্ধ্যার আঁধারের মত ছায়া, পিঠে একপিঠ রুখু কালো চুল,—সে হাসিমুখে লজ্জায় মাটির দিকে চেয়ে আস্তে আস্তে এসে আমার হাত ধরবে, তবে তো তাকে পাব আমি।

আঃ—ধন্যন্তরি ভাই, পরানটা আমার জুড়িয়ে গেল ; পরানের পরতে পরতে মনে হ'ল রামধনু উঠেছে দশ-বিশটা।

মায়েরে সেদিন পরান ভর্যা ডাকলাম। মনেও লিলে, কি, পিঙলা যখন এমন কর্যা বেদেকুলের মান রেখেছে, আর নাগু ঠাকুরের মতন এমন যোগী মানুষ যখন মুক্তি খুঁজিতে আসিছে—তখন মুক্তি ইবার হবে। ঠাকুরে সি দিনে স্বপন পেলম মূই। স্বপনে দেখলম পিঙলারে, হাতে তার পদ্মফুল—বিষহরির পুষ্প ; সে আমাকে হেস্টা কইল—মুক্তি দিলে জহুনী, নামিনী কত্তের খালাস মিলল গ শবলা-দিদি। ধড়মড় কর্যা উঠ্যা বসলম। শেষরাত, সনসন করছে, ঝাঁঝি পোকার ডাকে মনে হচ্ছে অরুণিতে গীত উঠিছে, আমার বেদে ঘুমে নিথর ; নাগু ঠাকুর ছিল একটা পাথরের উপর চিত হয়্যা, বুকে ছুটা হাত, নাক ডাকিছে যেন শিঙা বাজিছে, শুধু জেগ্যা রইছে মাথার কাছে ঝাঁপির ভিতর একটা নাগ—মহানাগ শঙ্খচূড়, ঠাকুরের নাক ডাকার সাথে পাল্লা দিয়া গর্জাইছে। সে-ই শুধু আমার স্বপনের সাক্ষী। ঠাকুরকে ডেক্যা তুল্যা কইলাম বিবরণ। কইলাম—সীতালীতে গিয়া বলিযো তুমি, মুক্তি হইছে কত্তের, দেনা শোধ হইছে। এই নাগ তার সাক্ষী।

কিন্তু সাঁতালীর বেদেরা মানিল না সে কথা। গজারাম শয়তানের দোসর, সে নাগু ঠাকুরের বুকে মারিল আচমকা কিল। নাগ দিল না সাকী। নাগু ঠাকুর—সে নিজের স্বপন দেখে নাই; তাই নিজের সেই আদেশের তরে চল্যা এল। পিঙলারে কইল—মুই আনিব, পেমান আনিব। মুক্তি হইছে।

কথা কইল—

শিবরাম সে কথা জানেন। পিঙলা দুই পাশে তালগাছের সারি দেওয়া রাড়ের সেই আঁকা-বাঁকা মাটির পথের দিকে চেয়ে থাকে। আসবে নাগু ঠাকুর—মহিষ কি বলদ কিছুর উপর চ’ড়ে। কবে, কখন আসবে?

রাড়ে আছে আর এক চম্পাইনগর, জান? বর্ধমান জেলা। বেহুলা নদীর ধারে চম্পাইনগরে বিষহরির আটন। নাগপঞ্চমীতে বিষহরির পূজার দিন—আজও গ্রামের বধূরা শ্বশুরবাড়িতে থাকে না, সে দিন তাদের বাপের বাড়ি যাওয়ার ব্যবস্থা। চম্পাইয়ের বধূরা বেহুলার বাসরের কথা শ্রবণ ক’রে সেদিন চম্পাইনগর ছেড়ে চ’লে যায়। বাপের বাড়িতে গিয়ে মনসার উপবাস করে, চম্পাইনগরে বিষহরির দরবারে পূজা পাঠায়। সেই চম্পাইনগরে গিয়েছিল নাগু ঠাকুর। সামনে আসছে নাগপঞ্চমী। চারদিক থেকে আসবে দেশান্তরের সাপের হস্তাদেরা।

নাগু ঠাকুর সেখানে দিলে ধরুনা, মনে মনে বললে—যোগিনীকে দিলে যে আদেশ, সেই আদেশ আমাকে দাও বিষহরি। আদেশ না পেলে উঠব না। অন্ন জল গ্রহণ করব না।

এইখানে আবার দেখা হ’ল শবলার সঙ্গে। শবলাও ওখানে এসেই তার ব্রত শেষ করবে। মুক্তি মিলেছে। তীর্থসম্বন্ধে দুটি তীর্থ বাকি। বেহুলা নদীর উপর চম্পাইনগর আর হিজলে সাঁতালী গায়ে মা-বিষহরির জলময় পদ্মালয়, যেখানে লুকানো ছিল চাঁদ সদাগরের সপ্তডিঙা মধুকর।

চম্পাইনগরে সাঁতালীর বিষবেদেরা যায় না। সে এ চম্পাইনগরই হোক, আর রাঙামাটি-চম্পাইনগরই হোক। মূল সাঁতালীর চিহ্ন নাই, কি দেখতে যাবে? আর কোন্ মুখেই বা যাবে? কিন্তু শবলা গেল। তার মুক্তি হয়েছে, আর সে তো সাঁতালীর বেদেনী নয়।

নাগ ঠাকুরের সেই বীরের মত দেহের লাভণ্য শুকিয়ে এসেছে উপবাসে ।
কিন্তু চোখ দুটো হয়েছে বকমকে দুটো স্ফটিকের মত । বুকের উপর হাত
রেখে পাথরে মাথা দিয়ে স্থির দৃষ্টিতে উপরের দিকে চেয়ে ঠাকুর শুয়ে ছিল ।
একটা বড় ঝাঁকড়া বটগাছের তলায় শুয়ে ধরুনা দিয়েছে ।

শবলা তাকে দেখে সবিস্ময়ে বললে—ঠাকুর !

ঠাকুর চমকে উঠল—যোগিনী !

—কই ? পিঙলা কই ? পিঙলা বহিন ? ভাগ্যবতী ?

—পিঙলাকে এখনও পাই নাই । প্রমাণ চাই ।

—প্রমাণ ?

—হাঁ, প্রমাণ । প্রমাণ নিয়ে যাব, গঙ্গারামের বুকে কিল মারব, তারপর— ।
হাসলে নাগ ঠাকুর, বললে—তারপর পিঙলাকে নিয়ে নাগ ঠাকুর—ভৈরব আর
ভৈরবী—বাধবে ডেরা, নতুন আশ্রম ।

—নাগ ? নাগ দিলে না সাক্ষী ?

—না ।

—কি সাজা দিছ তারে ? চোখ জ্বলে উঠল শবলার ।

—সেটাকে ফেলে এসেছি সীতালীতে । তাকে সাজা দেওয়া উচিত ছিল ।
টুঁটিটা টিপে টেনে ছিঁড়ে দিতে হ'ত । কিন্তু মনের ভুল—যিনিই পড়ে নাই ।

—পিঙলা কি কইল ?

—পিঙলা আমার পথ চেয়ে থাকবে । বলেছে—মুক্তির আদেশের প্রমাণ
নিয়ে তুমি এস ; আমি থাকলাম পথ চেয়ে ।

—কি করিছ ঠাকুর ? আঃ, কি করিছ তুমি ? সীতালীর নাগিনী কস্তে
বলিল—তুমার পথ চাহি থাকিবে ; আর তুমি তারে সেথা ফেলা রেখা
আসিলে ? আঃ, হায় অভাগিনী কস্তে !

—কেমন ? কি বলছ তুমি ?

—তার পরানটা তারা রাখিবে না ।

—না না । তুমি জাম না । আর সেদিন নাই । পিঙলাকে তারা দেবতার
মত দেখে ।

—মুই জানি না, তুমি জান ঠাকুর ? মুই কে জান, মুই শবলা—পাপিনী নাগিনী কণ্ঠা। শবলা ছুটে গিয়ে বিষহরির স্থানে উপুড় হয়ে পড়ল। বললে—আদেশ কর মা, তুমি আদেশ কর ঠাকুরকে। রক্ষে কর মা, কণ্ঠকে তুমি রক্ষে কর। রক্ষে কর পিঙলাকে।

কি জানে নাগ ঠাকুর ? শবলা যে জানে। দেবতার আদেশ হ'লেও কি সীতালীর বেদেরা মুক্তি দিতে চাইবে কণ্ঠাকে ? তাদের জীবনের সকল অনাচারের পাপের উচ্ছ্বলতার মধ্যে ওই তপস্বিনী কণ্ঠার পুণ্য তাদের সম্বল ; অনায়াস নির্ভাবনায় তারা মিথ্যাচরণ ক'রে চলে, ওই অক্ষয় সত্যের ভরসায়। তারা কি পারে তাকে মুক্তি দিতে ? দেবতার মত ভক্তি করে ? হাঁ, করে হয়তো। পিঙলা হয়তো সে ভক্তি পেয়েছে। কিন্তু যে দেবতা পরিত্যাগ ক'রে যাবে, কি, যেতে চায়—তাকে তারা যে বাঁধবে, মন্দিরের ছায়ার গঁথে দিয়ে চ'লে যাবার পথ বন্ধ করবে। কি জানে নাগ ঠাকুর !

মা-বিষহরি ! আদেশ দাও।

দীর্ঘকাল পরে শবলার মনে হ'ল, সে যেন সেই নাগিনী কণ্ঠা—সম্মুখে বিষহরি, পৃথিবী তুলছে, বিষহরির বারিতে সাপের ফণাগুলি মিলিয়ে গিয়ে জেগে উঠছে মায়ের মুখ ; বাতাস ভারী হয়ে আসছে, চারিদিক ঝাপসা হচ্ছে, সে নিজেকে হারিয়ে ফেলছে, তার ভর আসছে। সে চীৎকার করতে লাগল—বাঁচা আমার কণ্ঠেরে বাঁচা, মুক্তি দে, খালসা কর। ধরধর ক'রে কাঁপতে লাগল শবলা। অজ্ঞান হয়ে প'ড়ে গেল। সেই মুহূর্তে নাগ ঠাকুর উঠল লোক দিয়ে, ধবুনা ছেড়ে—আদেশ পেয়েছে সে।

*

*

*

*

সমারোহ ক'রে এর পর নাগ ঠাকুর রওনা হ'ল সীতালী।

সঙ্গে তার বিশজন জোয়ান, হাতে লাঠি সড়কি। নিজে চেপেছিল একটা ঘোড়ায়। সঙ্গে একটা বলদের গাড়ি। জন চারেক বায়েন—তাদের কাঁধে নাকাড়া শিঙা। নাগ ঠাকুরের মাথায় লাল রেশমী চাদরের পাগড়ি, গলায় ফুলের মালা। সঙ্গের সাকরেরদরা পথের ধারের গাছ থেকে ফুল তুলে নিত্য

নূতন মালা গেঁথে পরায়। শবলাও সঙ্গে চলেছে। সে তাকে রহস্য করে।
সে যে পিঙলার বোন, শ্রালিকা।

এবার নাগু বিয়ে করতে চলেছে। সমারোহ হবে না?

সম্মুখে নাগপঞ্চমী।

নাগপঞ্চমীর পূজা শেষ ক'রেই সীতালীর বেদেরা নৌকা সাজিয়ে বেরিয়ে
পড়বে। দেশ-দেশান্তরে নৌকায় নৌকায় ফিরবে। নাগের বিষ, শুণ্ডকের তেল,
বাঘের চর্বি, শজারুর কাঁটা—তাদের পণ্য।

তার আগে—তার আগে যেতে হবে।

জন্মাষ্টমী চ'লে গিয়েছে কবে, অমাবস্তা গিয়েছে, আকাশে সন্ধ্যায় দ্বিতীয়ার
চাঁদ উঠেছে। চারিপাশে ধান-থৈ-থৈ মাঠ। আকাশে মেঘের ঘোরা-ফেরা
চলছে। পথে মধ্যে মধ্যে বরষাজীর দল থামে! নাগু ঠাকুর হাঁক দেয়—থাম্
বেটারা, ভাদ্র মাসে বিয়ে, নাগু ঠাকুরের বিয়ে, ভৈরব চলেছে—বন্দিনী
নাগকন্যাকে উদ্ধার ক'রে আনতে। এ কি সাধারণ বিয়ে রে! লে বেটারা,
খাওয়া-দাওয়া কর।

গাড়ি থেকে নামে চাল ডাল শুকনো কাঠ। নামে বোতল বোতল মদ।
—খা সব ভৈরবের সঙ্গীরা দতি-দানার দল! বাজা নাকাড়া শিঙে। নাচ্
সব, নাচ্।

কাল নাগপঞ্চমী।

চতুর্থীর সকালে—ধানভরা মাঠের বাক, দুলাগাছের সারির ফাঁক দিয়ে
দেখা গেল সীতালী গ্রাম। ওই আকাশে উড়ছে হাজারে হাজারে সরালির দল!
গগনভেরীরা, বড় বড় হাঁসেরা আজও আসে নাই। ওই দেখা যাচ্ছে ঝাউবন।
তার কোলে বাতাসে ছলছে সীতালীর ঘাসবন। সবুজ সমুদ্রে ঢেউ খেলছে।
মাঠের বুকে আঁকাবাঁকা বাবলা গাছে হলুদ-রঙের ফুল ফুটেছে। মধ্যে মধ্যে
শনের চাষ করেছে চাষীরা। হলুদ ফুলে আলো ক'রে তুলেছে সবুজ
মাঠ।

সবুজ আকাশে—হলুদ তারা-ফুল ফুটেছে।

—বাজাও নাকাড়া শিঙা।

কড়কড় শব্দে বেজে উঠল নাকাড়া। বিচিত্র উচ্চ স্বরে শিঙা।

—দে রে বেটারা, হাঁক দে।

বিশ-চব্বিশ জন জোয়ান হেঁকে উঠল—আ—বা—বা—বা—বা!

—জয়—বাবাঠাকুরের জয়!

চুকল বরষাত্রীর দল সীতালীর মুখে। পথ এখানে সংকীর্ণ।

কিন্তু শব্দার বিশ্বের সীমা ছিল না।

আজ চতুর্থী, কাল পঞ্চমী, বিষহরির পূজা। কই, বিষম-ঢাকি বাজে কই!
চিমটা কড়া বাজে কই! তুমড়ী-বাঁশী বাজে কই!

নাকাড়ার শব্দ শুনে বেদেরা বিস্মিত হয়ে বেরিয়ে এল। কিন্তু—উল্লাস কই?

নাগু ঠাকুর হাঁকলে—পিঙলা! কন্তে, আমি এসেছি। এনেছি হুকুম।
এনেছি প্রমাণ। দে রে বেটারা, প্রমাণ দে।

বিশ জোয়ান কুক দিয়ে পড়ল।—আ—বা—বা—বা—বা! আ—

হুকুম ছড়িয়ে গেল দিকে দিগন্তরে গন্ধার কূল পর্যন্ত দিগন্তবিস্তৃত মাঠ
জুড়ে—হিজল বিলে ঢেউ উঠল, পাখীর ঝাঁক কলরব ক’রে হাজার হাজার পাখার
ঝর-ঝর শব্দ তুলে উড়ল আকাশে।

বেদের দল সামনে এসে দাঁড়াল। সর্বাগ্রে ভাহু। হাতে তারের চিমটে।

নাগু লাফিয়ে ঘোড়া থেকে নেমে বললে—প্রমাণ এনেছি। কই,
পিঙলা কই?

ভাহুর ঠোট দুটো কাঁপতে লাগল—নাই। পিঙলা নাই।

পিঙলা নাই?

—না। চ’লে গেল। তুমি এনেছিলে কালনাগ, তারই বিষে—মাত্র
চার দিন আগে নাগপক্ষের প্রথম দিনে। প্রতিপদের প্রভাতে কন্যা পিঙলা এসে
দাঁড়িয়েছিল বিশীর্ণ তপস্বিনীর মত। বললে—ডাক সব বেদেদের।

বেদেরা এল। কি আদেশ করবে কন্যা কে জানে? তপস্বিনীর মত
কন্যাটির মধ্যে তারা সাক্ষাৎ নাগিনী কন্যাকে প্রত্যক্ষ করে।

কন্যা বললে—শিরবেদে কই?

গন্ধারাম তখনও রাজির নেশার ঘোরে ঢুলছে। সে বললে—যাব নাই, বা।

কথা বললে—বেশ চল, মুই যাই তার হোথাকে ।

গঙ্গারাম জনতা দেখে টলতে টলতে উঠে দাঁড়াল । পিঙলা কিছু বলবার আগেই সে বললে—ভাল হইছে তুমরা আসিছ । মুই ডাকতম তুমাদিগে । এই কন্তোটার সঙ্গে চাঁপাফুলের গন্ধ উঠে গভীর রাতে । মুই অ্যানেক দিন থেক্যাই গন্ধ পাই । কাল রাতে মুই গন্ধ কুখা উঠে দেখতে গিয়া দেখেছি—কন্তোর ঘর থেকে উঠে গন্ধ । শুধাও কন্তোরে । কি রে কন্তে, বল ।

শুধু হয়ে রইল বেদেরা । তারা তাকালে পিঙলার দিকে । প্রবাদ সবাই শুনে এসেছে যে, সর্বনাশিনী নাগিনী কথা চম্পকগন্ধা হয়ে ওঠে । কিন্তু তারা এমন ঘটনার কথা জানে না । তারা প্রতীক্ষা ক'রে রইল পিঙলার মুখ থেকে প্রতিবাদ শোনবার জন্য ।

পিঙলা বললে—হাঁ, ওঠে । দুপহর রাতে বাস উঠে আমার অঙ্গ থেক্যা ।

চোখ থেকে তার গড়িয়ে এল দুটি জলের ধারা ।

—মুই বুঝতে পারি ! মুই জানি না, ক্যানে এমন হয় ! তবে হয় । সিবারে যখন বলেছিল শিরবেদে, তখন উঠত না । এখন উঠে । মুই আর পারছি না । ঠাকুর বলেছিল—সে মুক্তির আদেশ আনিবে । আসিল না আদেশ । কাল রাতে আমার ঘরের পাশে—কে পা পিছলে পড়িয়া গেল । মুই তখন কাঁদছি । মায়েরে বুলছি—আমার ই লাজ তুমি ঢাক জুসুমী ! শব্দ শুণ্ডা দুয়ার খুল্যা দেখলুম শিরবেদে । আমার লাজের কথা আর গোপন নাই । ঠাকুর আসিবার কথা, এল নাই । তুমরা এবার মিহিত কর, আমারে বিদাও দাও, মুই চলা যাই । বলেই সে নীরবে ফিরে এল নিজের ঘরে । ঘরে ঢুকেই দরজা ছুটি বন্ধ ক'রে দিলে ।

গঙ্গারাম এতক্ষণে এল ছুটে । তার যেন হঠাৎ চৈতন্য হ'ল ।

—কন্তে পিঙলা ! কন্তে !

ভাঙ্কুও এল ছুটে, সেও সমস্ত ব্যাপারটা বুঝেছে ।

হাঁ, ঠিক তাই, ঘরের মধ্যে তখন নাগের গর্জনে যেন ঝড় উঠেছে এবং পিঙলা বেদনাকাতর স্বরে প্রার্থনা করছে—খালাস দে জহুনী,—খালাস ! মা গ !

ভাঙ্কু লাগি মেয়ে ভেঙে ফেলে দিলে দরজা ।

ঘরের মেঝের উপর প'ড়ে আছে পিঙলা। আর তার বুকের উপর প'ড়ে ছোবলের পর ছোবল মারছে ওই শব্দচূড়। পিঙলা বললে—হঁশ ক'রে ভাঙমাঝা। উরে আমি কামাই নাই ইবার।

পিছিয়ে এল গঙ্গারাম।

ভাঙ চিমটের মুখে সাপটার মাথাটা চেপে ধ'রে বার ক'রে আনলে। পিঙলা হাসলে।

দুর্ধ্ব ভাঙ—চিমটের আঘাতেই শাপটাকে শেষ করলে। পিঙলাও চ'লে গেল। যাবার সময় বলে গেল—ঠাকুর মিছা শোনে নাই, মিছা বলে নাই। মুক্তির হুকুম আসিছিল, ওই লাগটাই ছিল ছাড়পত্র।

তারপর ? তারপর আর কি ? সাতালী দিবসে অন্ধকার—
নাগপক্ষে নিরানন্দ পুরী।.....

নতুন নাগিনী কন্ঠার আবির্ভাব হয় নাই। সাক্ষাৎ দেবতার মত পিঙলা কন্ঠা নাই। তাই চিমটে বাজছে না, বিষম-ঢাকি বাজছে না, তুমড়ি-বাঁশী বাজছে না। আকাশে বাতাসে ফিরিছে হায় হায় ধ্বনি।

শুন—ঐ ঝাউবনের বাতাস, শুন ওই হিজল বিলের কলকলানি—হায় হায়।

অকস্মাৎ দানবের মত চীৎকার ক'রে উঠল নাগু ঠাকুর—আ—

হু হাতে বুক চাপড়াতে লাগল।

ছোট একটা ছেলে ছুটে এল—উ গ, শিরবেদে ছুটিছে গ। পালাইছে—হুই খালের পানে।

—আ! পালাল! বুক চাপড়ানো বন্ধ করে দাঁতে দাঁত টিপে দাঁড়াল নাগু ঠাকুর। তারপর চীৎকার করে উঠল—আমার কিল!

ছুটল নাগু ঠাকুর। সঙ্গে সঙ্গে কজন সাগরেন্দ।

উর্ধ্ব্বাসে ছুটছে গঙ্গারাম। প্রাণের ভয়ে পালাচ্ছে।

পিছনে উন্নতের মত ছুটছে নাগু ঠাকুর। হাত বাড়িয়ে, চিৎকার করে।

হাওরমুখী খালের ধারে একটা বিকট চীৎকার করে নাগু ঠাকুর কাঁপিয়ে পড়ল গঙ্গারামের উপর ; ছজনে ছজনকে জড়িয়ে পড়ল নরম মাটির উপর।

গঙ্গারাম ধূর্ত চতুর ; কিন্তু নাগু ঠাকুর উন্নত ভীম।

বার কয়েক উলোট পালটের পর বুকের উপর চ'ড়ে ব'সে মারলে কিল।
গঙ্গারাম একটা শব্দ করলে। বাক রোধ হয়ে গেল।

কিন্তু তাতেও নিষ্কৃতি দিলে না নাগু ঠাকুর। বুকে মারলে আর এক কিল।
তারপর তাকে টেনে নিয়ে এল সাঁতালীর বিষহরির আটনের সামনে। তখন
গঙ্গারামের মুখ দিয়ে ঝলক দিয়ে রক্ত উঠছে। গাড়িয়ে পড়ছে কষ বেয়ে।
ফেলে দিলে সবার সামনে। তারপর কাঁদতে লাগল।

সমস্ত দিন কাঁদলে নাগু ঠাকুর। ছেলে মানুষের মত কাঁদলে।

সন্ধ্যার পর মদ খেয়ে চীৎকার করতে লাগল। ঘুরে বেড়াতে লাগল গঙ্গার
ধারে ধারে। কন্তো! কন্তো! পিঙলা! কন্তো!

শব্দ। এতক্ষণে কাঁদলে। বললে—সন্ধ্যার খানিক আগে—গঙ্গারাম
মরিল। কি কিল মারিছিল ঠাকুর, উয়ার কলিজাটা বুঝি ফেটা গেলছিল।
যেমন পাপ, তেমনি সাজা! ভাহুরে শ্রাবকালে বলেছিল—হাঁ, আমার সাজাটা
উচিত সাজাই হলছে ভাহু। কন্তোটার মরণের পর থেকা এই ভয়ই আমার
ছিল। মরণকালে আমার পাপের কথাটা তুরে বলে যাই।—পিঙলাকে সে
আয়ত্ত করতে চেয়েছিল। মহাপাপের বাসনায় পিঙলাকে জ্বালা জড়িয়েছিল।
জাহুর জালে।

চতুর গঙ্গারাম ডোমন করত। জাহুবিজ্ঞা ডাক্তারীসিক গঙ্গারামের বুদ্ধি
কল্পনাভীত কুটিল। শিবরাম বলেন—শুনে আমি স্তম্ভিত হয়ে গিয়েছিলাম।
আমি কবিরাজ, আমি পিঙলার ওই চম্পকগন্ধের কথা শুনে ভেবেছিলাম—ওটা
তার বায়ুকুপিত মস্তিষ্কের ভ্রান্তি, মানসিক বিশ্বাসের বিকার। কিন্তু তা নয়।
জাহুবিজ্ঞা শিখেছিল গঙ্গারাম। আর অতি কুটিল ছিল তার বুদ্ধি। প্রকৃতিতে
ছিল ব্যভিচারী। তার পাপ দৃষ্টি পড়েছিল—পিঙলার উপর। কোন ক্রমে
তাকে আয়ত্ত করতে না পেরে সে এক জটিল পন্থার আবিস্কার করেছিল।
কল্পাটির মনে সে বিশ্বাস জন্মাতে চেয়েছিল, তার অঙ্গে চাপার গন্ধ ওঠে। কল্পনা
করেছিল, এই বিশ্বাসে শেষ পর্যন্ত উদ্ভ্রান্ত হয়ে পিঙলা একদিন রাত্রে বের হবে,
নয়তো পালাতে চাইবে। পালালে সে তাকে নিয়ে পালাত। মুরশিদাবাদে

সে যেত ওষুধের উপকরণ আনতে। সেখান থেকে সে এনেছিল চম্পকগন্ধ।
নিত্য মধ্যরাত্রে সে এসে পিঙলার ঘরের পাশে দাঁড়িয়ে—বিচিত্র হেসে ঘাড়
নেড়ে শবলা বললে—হায়রে !

পিঙলার মন বুঝবার শক্তি গঙ্গারামের ছিল না। সাধ্য কি ?

আবার ঘাড় নেড়ে বলে—তাকেই দুঃখ কি ধরমভাই বল ?

দৈত্যকণ্ঠা জলধর-পত্নীকে ছলনা করবার সময় দেবতারও ভ্রম হয়েছিল।
গঙ্গারামের কি দোষ !

মৃত্যুকালে গঙ্গারাম সব পাপ স্বীকার করেছিল—শেষ বলেছিল—ঠাকুর
ঠিক সংবাদ আনিছিল, কণ্ঠে ঠিক করেছিল। আমাদের পাপে রোধ কর্যা
বিষহরি কণ্ঠারে মুক্তি দিয়াছেন। পিঙলা যেমন ক'রে চ'লে গেল, তা'পরে আর
কি কণ্ঠে আসে ? কণ্ঠে আর আসবেন নাই কণ্ঠে আর আসবেন নাই।

শবলা বললে—সব চেয়ে দুঃখ ভাই—

সবচেয়ে দুঃখ—মধ্যরাত্রে নাগ ঠাকুরের শিষ্যরা মদ খেয়ে উন্মত্ত হয়ে
সাঁতালীতে আগুন জালিয়ে চরম অত্যাচার ক'রে এসেছে। মনসার ঝড়ি কেড়ে
নিয়ে এসেছে।

ভাড়া নোটন তারা একদল সাঁতালী ছেড়ে চ'লে গিয়েছে কোন্ জঙ্গলের
দিকে নিরুদ্ধে। সাঁতালী পুড়ে গিয়েছে, মনসার ঝড়ি নাই, আর কি নিয়ে
থাকবে সাঁতালীতে ? গভীর অরণ্যে গিয়ে তারা বাস করবে।

আর একদল—এই এদের নিয়ে শবলা বসতি আছে রাড়ের পথে। আজ এসে
দাঁড়িয়েছে শিবরামের চিকিৎসালয়ের সামনে।

আর সাঁতালীতে নয়,—অগ্রত এদের নিয়ে বসতি স্থাপন করবে। মাহুষের
বসতির কাছে—গ্রামে তারা স্থান খুঁজছে।

নাগিনী কণ্ঠা আর আসবে না, মুক্তি পেয়েছে, আর তো সাঁতালীতে থাকবার
অধিকার নেই।